

ব্রহ্মসঙ্গীত ।

ক্যালকাটা পাবলিশাস
১৪, রমানাথ মজুমদার ষ্ট্রীট
কলিকাতা-৯

প্রথম প্রকাশ — ১৩৫৭

প্রকাশক :

শ্রীপরাণচন্দ্র মণ্ডল

ক্যালকাটা পাবলিশার্স

১৪, রমানাথ মজুমদার স্ট্রীট

কলিকাতা-৯ তৃতীয় খণ্ড

মুদ্রক :

শ্রীরণজিৎ সামুই

বাণী-শ্রী প্রিন্টার্স

৮৩ বি, বিবেকানন্দ রোড

কলিকাতা-৬

ব্রহ্মসঙ্গীত ।

প্রথম অধ্যায় ।

উদ্বোধন ও উপদেশ ।

পূর্বাহ্ন ।

আসোয়ারী—বাঁপতাল ।

জাগো সকলে (এবে) অমৃতের অধিকারী ;
নয়ন খুলিয়া দেখ করুণানিধান, পাপতাপহারী ।

পূর্ব অরুণ-জ্যোতি মহিমা প্রচারে

বিহগ যশ গায় তাঁহারি ।

হৃদয়-কপাট খুলি দেখ রে যতনে,

প্রেমময় মুরতি জন-চিত্ত-হারী ;

ব্রহ্মসঙ্গীত ।

ডাকো রে নাথে, বিমল প্রভাতে,
পাইবে শান্তির বারি ॥ ১ ॥

আসোযাবী—রাপতাল ।

(ঐ সুব)

ভজ প্রাণারামে ভ্বনমোহনে
ভব ভয় হরণ পতিতপাবনে, পাবে পরিত্রাণ ।
শান্তি সুধা আর কোথায় পাইবে,
তিনি এক শান্তিনিধান ।
মগন হওরে তার প্রেমনীরে,
জুড়াইবে তাপিত হৃদয় ;
প্রাণসখা আসি হৃদে প্রকাশিলে,
শীতল হবে মন প্রাণ ।
মুক্তি ভিখারী আছ যত নবনারী,
ডাক বে করুণানিধানে ;
দীন হীন সখা তিনি, পরম কৃপাময়,
দাসে দিবেন দরশন ॥ ২ ॥

আসাবারি—ঝাপতাল ।

দীর্ঘ জীবন পথ,

কত দুঃখ তাপ,

কত শোক দহন—

গেয়ে চলি তবু তাঁর করুণার গান ।

খুলে রেখেছেন তাঁর

অমৃত-ভবন দ্বার ;

শ্রান্তি যুচিবে, অশ্রু মুছিবে,

এ পথের হবে অবসান ।

অনন্তের পানে চাহি

আনন্দের গান গাহি

ক্ষুদ্র শোক তাপ নাহি নাহি রে ।

অনন্ত আশ্রয় যার

কিসের ভাবনা তার

নিমেষের তুচ্ছ ভারে হব না রে ত্রিয়মাণ ॥ ৩ ॥

। ভৈরব—একতাল।

প্রাতঃ সময়, জাগ রে হৃদয়, স্মর রে ভবতারণে ।

চেয়ে দেখ নিশি যায় যায় যায়,

সরোজ-বান্ধব সমাদিত প্রায়,

বালসিছে নব নীল-নীরদ,

দেখ রে স্নিগ্ধ গগনে ।

এই ছিল বিশ্ব নিস্তক নীরব,

নিদ্রাগত প্রাণী বিহঙ্গ মানব

জীবকোলাহল, আহা ঐ শোন,

উঠিল পুন ভ্রমণে ।

যাহার প্রসাদে লাভিলে জীবন,

যার কৃপাবলে মেলিলে নয়ন,

প্রেমমূর্তি তাঁর হায়রে এখন,

হের না কেন নয়নে ।

পুঞ্জীকৃত পাপ হইবে বিনাশ,

পরিভ্রষ্ট হবে আশার পিরাস,

মনস্তামরস প্রকুল মানসে,

সঁপরে তাঁর চরণে ॥ ৪ ॥

ভৈরব—একতাল।

মোহন মুছ তানে ললিত গাইছে বন-পাখী ।

আরক্তিম হের পূর্ব গগন,

কতই হানিছে তরুণ অরুণ,

মুদিত কুমুদ মধুর মূর্তি,

কমল মেলিছে অঁাখি ।

তারা শশী সব পাণ্ডুবরণ,

শীতল বহিছে সুখ-সমীরণ,

ফুল দলে ঝরে শিশির নীর,

মগন ভাবুক নিরখি ।

উষার শোভন শুভ আগমনে,

স্বর রে ভুবন-কারণ পঞ্চমে,

গাও রে আনন্দে বিভূর নাম,

হইবে চরমে সুখী ॥ ৫ ॥

ভৈরব—একতালা ।

(ঐ সুর)

ডাকো রে সবে পরম ব্রহ্মে মনের হরিষে ঘটনে ।

জগত-কারণ জগতজীবন, ভবভয়বারণে ।

সৃজন-কারণ, পালন, তারণ,

বিঘ্ন-বিনাশন, পতিতপাবন,

সে জনে অন্তরে করিলে স্মরণ,

ভয় কি বল শমনে ?

বাঁহার কারণে পেয়েছ জ্ঞান,

গাও রে মন তাঁর গুণ গান,

কাম, ক্রোধ, লোভ, মান, অভিমান,

অঞ্জলি দাও তাঁর চরণে ॥ ৬ ॥

ভৈরব—একতালা ।

(ঐ সুর)

পাপ-নাশনে কর রে স্মরণ হইবে জীবন সফল ।

সুখ মোক্ষদাতা, অখিলবিধাতা, পাপী তাপীর সম্বল ।

সেই পুণ্য-সূর্য্য হইলে প্রকাশ,

মোহ-অন্ধকার হইবে বিনাশ

ফুটিবে হৃদয়-সরসী-সলিলে, শত শত প্রেম শতদল ।
পুণ্যের সৌরভে হবে পুলকিত,
আনন্দ-সাগরে ভাসিবে নিরন্ত,
তাঁর পুণ্য-সহবাসে নিরন্তর ভুঞ্জিবে বাসনা সকল ।
হৃদয়-মন্দিরে দেখ রে আজ,
সেই পুণ্যময় করেন বিরাজ,
ভক্তিপুষ্প লয়ে কুতাঞ্জলি হয়ে পূজ রে ভক্তবৎসল ॥৭॥

ভৈরব—একতাল।

ওঠ জয় ব্রহ্ম বলে হও রে চেতন ;
দেখ নিরখিয়ে, নয়ন মৌলিয়ে,
কিবা শোভা অনুপম
মারুত-হিল্লোলে, বনরাজি দোলে,
করে সুরভি বহন ;
শিশির সিঞ্চিত, নব কুসুমিত,
শ্যামল উপবন ।
সুমধুর রবে, বিহঙ্গম সবে,
সুখে গায় বিভূষণ ;

ছিলে তাঁরি কোলে, ঘোর নিশাকালে,
গভীর নিদ্রায় মগন ;
তিনি প্রাণাধার, কর বার বার,
তাঁহারে অভিবাদন ॥ ৮ ॥

ভৈবব—ঠুংরি ।

(জয় ভবকারণ—সুর)

গা তোলো পুরবাসী, রজনী পোহাইল,
দয়াময় নাম কর গান ।
কর হে ভজন, কর হে সাধন,
কর হে চিত্ত সমাধান ।
আলস্য ত্যজিয়ে, হৃদয় ভরিয়ে,
দয়াময় নাম-রস কর পান ।
ভজ হে দয়াময়, পূজ হে দয়াময়,
দয়াময় রূপ কর ধ্যান ।
শয়নে দয়াময়, স্বপনে দয়াময়,
দয়াময় নাম বল অবিরাম ।
অনলে, অনিলে, অচলে, সলিলে,

দেখ হে দয়াময় বিরাজমান ।

নগরে, প্রান্তরে, অন্তরে, বাহিরে,

দেখ হে দয়াময় বিরাজমান ।

ভূতলে, গগনে, অরুণ-কিরণে,

দেখ হে দয়াময় বিরাজমান ।

তরুলতা নীরবে, পশু পক্ষী মানবে,

গাইছে সকলে দয়াময় নাম ॥ ৯ ॥

ভৈরব—ঠুংরি ।

(জয় ভবকারণ—সুর)

ভোর ভয়ো পক্‌সীগণ বোলে,

উঠ জন্ প্রভু গুণ গাও রে ।

লখ প্রভাত প্রকৃতি কি শোভা,

বার্ বার্ হর্ষাও রে ।

প্রভু কি সূমের নিজ মনমে,

সরস্‌ ভাও উপজাও রে ।

হোয় কৃতজ্ঞ প্রেমমে উনকে

নয়নন্‌ নীর বাহাও রে ।

ব্রহ্মরূপ-সাগরমে মনকো,
বারম্বার ডুবাও রে ।
নির্ম্মল শীতল লহরে লেলে,
আতম তাপ বুঝাও রে ॥ ১০ ॥

ভৈরব — কাওয়ালী ।

হৃদয় মন্দিরে বিবাজেন তিনি ধবি অতুল মহিমা ।
অযুত তারকাগণ চন্দ্রমা তপন, উজলয়ে ত্রিদিবভূবন ;
সে রাজ রাজেশ্বরে, প্রকাশিতে নাহি পারে,
সে শোভার নাহিক তুলনা ।
কুম্ভ কাননে, উষার গগনে কতট সুন্দর মাদুরী ;
সে পরম সুন্দর, জিনিয়া সবে সুন্দর,
পরাজিত কোটী চন্দ্রমা ।
আকাশ পাতালে, স্থল জল অচলে,
দেখেছ কতই মহিমা ;
জননী হৃদয়-ধামে, সতীর পবিত্র প্রেমে,
দেখছ কি তাঁহার করুণা ?

ভৈবনী—১৭।

ভজ মন বিভূ চরণারবিন্দে ;
গাও তাঁর গুণ পরম আনন্দে ।
সেই চিত্তবিনোদন, মূরতি মোহন,
ধ্যান ধর সদা হৃদে ;
তাজিয়ে বাসনা, অসার কল্পনা,
পিয় প্রেমরস অবিচ্ছেদে ।
যোগী জন চিত্ত, সদা প্রলোভিত,
যাঁর প্রেম-মকরন্দে ;
জীবন সঞ্চার, পাতকী-উদ্ধার,
হন নিমেষে যাঁর প্রসাদে ।
মনঃ সংযম, ইন্দ্রিয় দমন,
করি লহ স্থান ব্রহ্মপদে ;
গাও তাঁর জয়, হইয়ে নির্ভয়,
সুখ সম্পদ দুঃখ বিপদে ॥ ১৩ ॥

ভৈরবী—যৎ ।

প্রাণ খুলে সবে মিলে ডাকো রে তাঁরে ;
 আসিবেন প্রাণেশ প্রাণের মাঝারে ।
 বৃথা চিন্তা পরিহরে, ভাব রে ভাব তাঁহারে,
 অনুপম শান্তি সুখ পাইবে অচিরে ;
 হুঃখ পূর্ণ এ জীবন, সফল কর এখন,
 বসায় হৃদয়-নাথে হৃদয়-মন্দিরে ।
 যঁহার প্রেমের বারি, একবার পান করি,
 বহু দিনের পাপের জ্বালা যাই পাসরে ;
 কেমনে তাঁরে পাসরি, বল এ জীবন ধরি
 এস আজ প্রাণ ভরি, ডাকি সেই প্রাণেশ্বরে ॥ ১৪ ॥

ভৈরবী—যৎ ।

প্রভাতি গাইছে বিপিনে পাখী ।
 বরষি শ্রবণে অমিয় ধারা ।
 যঁার গুণে বাঁধা রে ভুবন,
 নাম গুণ গাও রে তাঁহার ।

যাঁর ভয়ে ভাসিছে জগত,
তাঁর তরে মেল রে আঁখি ॥ ১৫ ॥

ভৈরবী—কাওয়ালী ।

এসেছি সকলে পিতার ভবনে ;
পিতা পিতা বলি ডাকিব সঘনে ।
লইবেন পিতা সকলে, পাতিয়ে স্নেহের কোলে,
ঢালিবেন শান্তি-বারি তাপিত প্রাণে ।
দেখাবেন প্রেম-আননে, আজি পুত্র কণ্ঠাগণে,
মোরা আঁখিভরে হেরিব সে আননে ।
(আঁখি ফিরাবনা)
সে প্রেমের চাঁদ উদিলে, হৃদে সুখ-সিকু উথলে,
আঁখি পান করিবে, সে চাঁদের কিরণে ।
(চকোরের মত)
আসিছেন পিতা আমাদের জানিতে বেদনা হৃদয়ের,
এস লুটাইগে প্রাণ মন তাঁরি চরণে ॥ ১৬ ॥

প্রাণ-সম প্রেয়সী, অধোবদনে বসি,
কেঁদে ধরাতল নয়ন-জলে ভাসাবে ।

অতএব লও ব্রহ্ম-পদে আশ্রয়,
যদি বিপদে নিরাপদ হইবে ;

তিনি হে মৃত্যুঞ্জয়, বাঁহার কৃপায়,
মরণে নব জীবন পাইবে ॥ ১৮ ॥

টোড়ি ভৈরবী—আড়াঠেকা ।

ফিরোনা ফিরোনা আজি, এসেছ দুয়ারে,

শূন্য হাতে কোথা যাও শূন্য সংসারে ।

আজ তাঁরে যাও দেখে, হৃদয়ে আনগো ডেকে,

অমৃত ভরিয়া লও মরম মাঝারে,

শুষ্ক প্রাণ শুষ্ক রেখে কার পানে চাও,

শূন্য ছটো কথা শুনে কোথা চলে যাও ?

তোমার কথা তাঁরে কয়ে, তাঁর কথা যাও লয়ে,

চলে যাও তাঁর কাছে রেখে আপনারে ॥ ১৯ ॥

সিদ্ধু—মধ্যমান ।

ও ভাই থেক না বিষয়ে মগন ।

গেল গেল হে দিন হও সচেতন ।

মানব জনম লয়ে, আছ হে বল কি লয়ে,

অলসে অবশ হয়ে, যায় যে জীবন ।

প্রভুর ইচ্ছা-পালনে, এস সবে প্রাণপণে,

আনন্দে উৎসর্গ করি এ দেহ এখন ।

তঁারি কার্যে সদা রব, সেবিয়ে কৃতার্থ হব,

তঁাহারি করুণা-শ্রোতে দিব সন্তরণ ॥ ২০ ॥

সিদ্ধু—আড়াঠেকা ।

যার মা আনন্দময়ী তার কিবা নিরানন্দ ।

তবে মা মা করে রোগে শোকে পাপে তাপে কেন কাঁদ ।

মাঝখানে জননী বসে, সন্তানগণ তাঁর চারিপাশে,

ভাসাইছেন প্রেমময়ী প্রেমনীরে ;

পাপ তাপ সব দূরে গেল, আনন্দ-রস উথলিল,

বাহু তুলে মা মা বলে নৃত্য কর সন্তানবৃন্দ ॥ ২১ ॥

V সিকু-ভৈরবী—একতারা ।

শিব সুন্দর চরণে মন মগ্ন হয়ে রও রে ।
ভজ রে আনন্দময়ে সব যন্ত্রণা এড়াও রে,
বিভু-পাদপদ্ম-সুধাহৃদে ডুবে প্রাণ জুড়াও রে ।
শুদ্ধ, সত্য হিরণ্ময় মানস-পটে তাঁরে,
নিরথিয়ে সচেতনে পূর্ণকাম হও রে ॥ ২২ ॥

টোড়ি—আড়াঠেকা ।

আনন্দ মনে, বিমল হৃদয়ে, ভজ রে ভব-তারণে ।
ভরিয়ে হৃদয় প্রীতির কুসুমে,
ঢালি দাও প্রভুর চরণে ॥ ২৩ ॥

টোড়ি—আড়াঠেকা ।

গেল বিভাবরী, আইল শুভ্র-বসনা উষা ;
মগন হও রে অমৃত সাগরে ।
চির দিন তাঁরে রাখ হৃদয়ে ;
কেহ তাঁর সমান, চখে দেখে নাই, শুনে নাই
শ্রবণে ॥ ২৪ ॥

ললিত—আড়া ।

শান্তি-নিকেতন ছাড়ি, কোথা শান্তি পাবে বল ;
 সংসারে শান্তির আশা, মরীচিকায় যথা জল ।
 কভু সুখ-পারাবার, কভু হয় হাহাকার,
 জীবন যৌবন ধন সকলি অতি চঞ্চল ।
 আজ পুল-আলিঙ্গন, কাল তারে বিসর্জন,
 আজ প্রিয়-প্রেমালাপ, কাল বিলাপ কেবল ;
 সংসারের এই দশা, কোথায় শান্তির আশা,
 শান্তি সুখ চাহ যদি, সেই আনন্দ ধামে চল ॥ ২৫ ॥

ললিত—আড়া ।

দুঃখ নিশা হল অন্ত, থাক কেন অচেতন ;
 উঠ, হের, উজলিল সত্য-জ্যোতিতে ভুবন ।
 বিহঙ্গ মধুর স্বরে, বিভূষণ গান করে,
 মাতিল জগত আজি, পরমেশ--প্রমত্তরে ;
 প্রকৃতি খুলি ভাণ্ডার, দিতেছে তাঁয় উপহার,
 আমরা কি মোহাবেশে, থাকিব নিদ্রায় মগন ?

আছি গোরা বহুদিন, জ্ঞানপ্রেমভক্তিহীন,
 সত্য-প্রস্রবণ ছাড়ি, রয়েছি পাপেতে লীন ;
 হবে সব দুঃখ শেষ, পূজি গিয়ে পরমেশ,
 তাঁহার অর্চনা বিনা, কোথায় নবজীবন ॥ ২৬ ॥

—
 মলিত—আড়া ।

অয়ি সুখময়ি উবে ! কে তোমাতে নিরমিল ?
 বালার্ক সিন্দূর ফোঁটা কে তোমার ভালে দিল ?
 হাসিতেছ মৃদু মৃদু, আনন্দে ভাসিছে সবে,
 কে শিখাল এই হাসি, কেবা সে যে হাসাইল ?
 ভুবন মোহিত করি, গাইছ বিপিনে কারে,
 বল কে সে পুষ্পাঞ্জলি অর্পণ করিছ যারে ?
 কমল নয়ন মেলি, কার পানে চেয়ে আছ,
 কার তরে ঝরিতেছে, প্রেম-অশ্রু নিরমল ?
 এই ছিল জীবগণ, মৃতপ্রায় অচেতন,
 তব দরশন মাত্র পাইল নবজীবন ;
 বারেক আমারে তুমি, দেখাও দেখাও দেখি তাঁরে,
 হেন সঞ্জীবনী শক্তি যে তোমাতে প্রদানিল ॥ ২৭ ॥

ললিত—একতাল।

আমায় বল ওগো শরণি ! তুমি ধনী কার ধনে,
 দয়া করে বল মোরে পাই না তাঁরে আমি মনে ।
 উজ্জল হেম-অশ্বরে, শিশির মুকুতা-হারে,
 কে তোমার কলেবরে, সাজাইল-সযতনে ;
 কে সাজাল তোমায় বল, ফুল ফল-আভরণে,
 গর্ভ তব কে পূরিল দিয়ে বিবিধ রতনে ?
 সুখময়ী উষে বল, পাইয়ে কাহার বল,
 ধরেছ রূপ উজ্জল, পরেছ সিন্দূর ভালে ;
 প্রভাকর প্রভাকর, বল কাহার প্রভা-গুণে,
 কাহার গুণে জগজ্জনে তুমি আনিলে চেতনে ?
 বল তরু-লতাগণ, সরিত সাগর বন,
 নির্ঝর গিরি পবন, যত বিহঙ্গমগণ ;
 কাহার বলে অবহেলে, রহিয়াছ এ ভূতলে,
 সবে মিলে কুতূহলে, আছ কার গানে ধ্যানে ?
 তোমরা সকলে য়াঁরই, আশ্রয়েতে আছ তাঁরই,
 আশ্রিত আমরা সবে, চাই পূজিবারে তাঁরে ;
 এস তবে মিলে সবে, ভক্তিভাবে উচরবে,
 সঘনে প্রীত মনে মজি তাঁরই গুণগানে ॥ ২৮ ॥

ললিত—একতারা ।

বচন অতীত যাহা কয়ে কি বুঝান যায় ;
 অনন্ত যাহার নাম, সাদৃশ্য দিব কোথায় ?
 দেশ কাল উভে জিনি, বিস্তারেন রাজ্য যিনি,
 বাক্য কি বলিবে তাঁরে, মন যারে নাহি পায় ?
 যদ্যপি চাহ জানিতে দৃঢ়ভাব করি চিতে,
 চিন্তহ তাঁহার,
 পাইবে যথার্থ জ্ঞান. নাশিবেক মিথ্যা ভাণ,
 নাহি আর অন্য উপায় ॥ ২৯ ॥

ললিত—আড়াঠেকা ।

জগতমোহিনী উষা আগত অবনীতলে ।
 নয়ন মেল রে মন জয় জগদীশব'লে ।
 যার স্নেহময় কোলে, নিশ্চিন্ত নির্ভয়ে ছিলে,
 নিশা অস্তে ভক্তিভাবে নম তাঁর পদতলে ।
 কবি-জন-মনোহরা, সুন্দর শ্যামল ধরা,
 দিতেছে অঞ্জলি দেখ, অশ্রুসিক্ত ফুলদলে ।
 জড়তা ত্যজ রে মন, শীঘ্র হও সচেতন,
 নাম জয় ধ্বনি শুন, বাজিতেছে জল-স্থলে ॥ ৩০ ॥

ললিত—জলদ তেতাল।

জাগ রে প্রাণ বিহঙ্গ, ত্যজ নিদ্রাবেশ ।

ঝঙ্কারি ললিত তান, ডাক হৃদয়েশ ।

বিমল প্রভাতে, ডাক প্রাণনাথে,

মেলিয়ে প্রেমনয়ন হের অনিমেষ ।

আনন্দ বদনে নাম, গাও গাও অবিরাম,

অপার আনন্দে প্রাণ, হইবে মগন ;

প্রাণেশ শোভন, বিভূ মনোমোহন,

দিবেন দরশন, রাজরাজেশ ॥ ৩১ ॥

ললিত—আড়াঠেকা ।

দেখিতে তরঙ্গময় ভব-পারাবার ।

তরঙ্গ সে কিছু নয়, আতঙ্গই সার ।

অসীমের ভাব যত, হৃদয়ে আনিবে তত,

ক্ষুদ্র তৃণটীর মত দেখিবে সংসার ।

কত ঝড় বয়ে যাবে, কি ভয় কি ভয় তবে,

হৃদয় অটল রবে কৃপায় তাঁহার ;

অতিক্রমি হুঃখ শোকে, অনন্ত অনন্ত লোকে,

নিরখিবে অনন্তের মহিমা অপার ॥ ৩২ ॥

ললিত—টিমে তেতাল।

অচিন্ত্য রচনা বিশ্ব যেই করিল রচনা ;
কি ভুলে ভুলিয়া মন বারেক তাঁরে ভাবনা ?
জলে স্থলে শূণ্ণে যিনি, আছেন ব্যাপ্ত আপনি,
যাহ'তে হতেছে এই সংসার কল্পনা ॥ ৩৩ ॥

বিভাস—একতাল।

উঠরে অলস মানস আমার,
প্রণতি কর রে বিভূচরণে ;
হল নিশি অবসান, বিভূ গুণ গান,
কর রে মন রে অতি যতনে ।
নিদ্রায় অচেতন ছিলে যে কালে,
রাখিলেন যিনি অতি কুশলে,
এখনি তাঁহারে ভোল কি ক'রে ;
তরঙ্গ-পূরিত সংসার জলে,
সন্তরিবে আজ কাহারই বলে,
তোমায় উঠাতে কূলে, এ মহিমগূলে,
আর কেহ নাই সে বিভূ বিনে ।

লোহিত বরণ রবি গগনে,
 তরুলতা আর বিহঙ্গগণে,
 মজেছে দেখ রে সে গুণ গানে ;
 ওরে যত সব অচেতনগণ,
 গায় বিভূগুণ হয়ে সচেতন,
 তুমি হয়ে সচেতন র'লে অচেতন,
 চেতনের চেতনে ডাক সঘনে ॥ ৩৪ ॥

বিভাস—একতারা ।

ধর ধৈর্য্যধর, ক্রন্দন সম্বর,
 আশা কর নিরাশ হ'ও না হ'ও না ।
 পাপীর ক্রন্দন ধ্বনি, শুনিবেন জননী,
 চিরদিন ছুঃখ রবে না রবে না ।
 লয়ে প্রেম-ক্রোড়ে, বসায় আদরে,
 ভাসাইবেন সবে আনন্দ-নীরে ;
 মধুর বচনে, তুষিবেন যতনে,
 ক্ষান্ত হও খেদ কর না কর না ।

মুছাইয়ে চক্ষের জল,
 তাপিত প্রাণ করবেন শীতল,
 করিবেন মঙ্গল, স্থান দিয়ে শান্তি-নিকেতনে ।
 শিশুর ক্রন্দর-রব, মায়ে কি কখন,
 নির্দয় হয়ে পারেন করিতে শ্রবণ ;
 লইবেন কোলে, পাপী পুত্র বলে,
 স্থির হও আর কেঁদ না কেঁদ না ।
 তাঁর স্নেহের নাই উপমা,
 অসীম তাঁর করুণা,
 নির্ভর কর তাঁহাতে, অধীর হইও না ;
 দেখ রে দৃষ্টান্ত, তোমার মত কত,
 শোকে তাপে যারা ছিল অভিভূত,
 চরণ ছায়ায়, পাইয়ে আশ্রয়,
 করিছে নির্ভয়ে সত্যের জয় ঘোষণা ॥ ৩৫ ॥

বিভাস—একতারা ।

আর কেন বৃথা দিন করি হে হরণ ।
 যদি জেনেছ হে ভাই, পরিত্রাণ নাই,
 বিনা সে সুহৃদ পতিতপাবন ।

শান্তি ছাড়ি কেন, অনিত্য কারণ,
 রাশি রাশি কতই পাপ করি অনুক্ষণ ;
 একবার গদ গদ মনে, প্রভুর চরণে,
 কৃতাজ্জলি পুটে লইগে শরণ ॥ ৩৬ ॥

বিভাস—একতালা ।

হৃদি-পদ্মাসনে বসায়ৈ যতনে,
 কর রে অর্চনা সেই প্রাণেশ্বরে ।
 নব নব ভাবে প্রেম অনুরাগে,
 গাও তাঁর যশঃ প্রাণ মন ভ'রে ।
 পরম সুন্দর পবিত্র চরণ,
 যতনে কর রে হৃদয়ের ভূষণ,
 ভক্ত-চিত্তহারী ভবান্বিত-তরী,
 অতুল মাধুরী বর্ণিতে কে পারে ?
 পাপ তাপ নাহি রবে,
 আনন্দ-নীরে ভাসিবে,
 পুণ্যময়ের আবির্ভাবে,
 নিমেষে সন্তাপ হরে ;

ছাড় আর যত অসার সাধন,
হৃদয়ে দেখ রে হৃদয়ের ধন,
হয়ে শান্তচিত্ত প্রেমে বিগলিত,
পিয় প্রেমামৃত প্রফুল্ল অন্তরে ॥ ৩৭ ॥

বিভাস—কাওয়ালি ।

চিত্তুর মম মানস ;
পূর্ণ ব্রহ্ম-নিরঞ্জে,
বিষয়-মদিরাপানে, থেকে না অচেতনে,
অসার স্মৃতে অবশ ।
দেখ রে যতনে মাজি, হৃদি দরপণে,
অরূপ অপরূপ প্রাণ-রমণে,
সফল করহ মানব জীবন ;
কি বা কাজ আছে আর, আসি ভববাসে,
থাকিয়ে বন্দীসম মহামোহ-পাশে ;
কাট ভববন্ধন, স্বরি ভব-বন্দন,
বিভু-প্রেম-সুধারসে, হয়ে সরস ॥ ৩৮ ॥

বিভাস—কাওয়ালি ।

জয় জগবন্দন সত্য সনাতন ।

গাও তাঁহার যশঃ আনন্দে হবে মগন ।

প্রেম অঞ্জলি দেও তাঁহার চরণে,

বসিয়ে প্রাণেশ্বরে হৃদয় আসনে ;

দেখ তাঁর প্রেমমুখ নয়ন ভরিয়ে,

ভক্তি ভরে কর তাঁর প্রেম কীর্তন ।

তাঁর প্রেম-তত্ত্ব কে জানে সংসারে,

প্রেমিক দেখে তাহা হৃদয় মাঝারে ;

প্রেমে পরাজিত বিশ্ব ভুবন,

প্রেমসিন্ধু সেই ভুবনমোহন ॥৩৯॥

বিভাস—কাওয়ালি ।

(মধুকানের সুর)

পেয়েছ নিকটে তাঁরে, হারাইও না হেলা করে,

তিনি অন্তরের ধন রাখিতে হয় অন্তরে ।

সেই প্রাণসখা হতে, নাহি থেক অন্তরেতে,

তবে অবিচ্ছেদে তাঁরে, পাইবে নিজ অন্তরে ।

দেখিতে চাহিলে তাঁরে, দেখা দিবেন অন্তরে,
 তিনি অন্তরের ধন কভু না থাকেন অন্তরে ।
 যত যোগীন্দ্র মুনীন্দ্র, নিরখিছে সেই চন্দ্র,
 আমাদের প্রাণবল্লভ, প্রাণ মাঝে দেখ তাঁরে ॥৩০॥

✓ ললিত বিভাস—টিমেতেতলা ।
 (ইংরাজী সুর)

বহিছে ধীর, প্রাতঃ সমীর,
 লয়ে নাথের বারতা মধুর ।
 মধুর স্বরে, বলিছে সবারে,
 দেখ দুয়ারে, প্রাণের ঈশ্বর ।
 লয়ে অমৃত, প্রাণনাথ,
 এলেন স্বরিত, জাগিয়ে হের ;
 হৃদি-দুয়ার, খুলি তোমার,
 লও তাঁহারে লও সত্বর ।
 হেরি তাঁহারে, ভাস সুখনীরে,
 গাও তাঁহার নাম মধুর ;
 প্রাণেশ বলি, ডাক প্রাণ খুলি,
 সকল তাপ যাইবে দূর ॥৪১॥

ললিত বিভাস—একতাল।

যিনি মহারাজা, বিশ্ব ষাঁর প্রজা,
 জাননা রে মন আমি পুত্র তাঁর ।
 সামাগ্র ত নই, রাজ পুত্র হই,
 পিতার ধনে আমার পূর্ণ অধিকার ।
 আমার পিতার, রাজ্য সমুদয়,
 আমারে কেবা দিতে পারে ভয়,
 এ ভব সংসার, পিতার পরিবার, কঠোর হার রে ;
 পিতার রাজসিংহাসন হৃদয় আমার ।
 পিতার ভালবাসায়, সবে ভালবাসে,
 বৃক্ষগণ নানা ফল ফুলে তোষে,
 বায়ু বহে গায়, জলদ যোগায়, জল রে ;
 তাইতে রবি শশী এসে নাশে অন্ধকার ॥৪২॥

রামকেলি—কাওয়ালি ।

ভোর হইল নিশা ডাক রে মানস—
 বিহঙ্গ নিজরবে প্রাণেশে ।
 থেক না ভবনীড়ে করি রে বারণ ।
 মৃত প্রায় মোহনিদ্রাবশে ।

পোহাল যামিনী, নব দিনমণি,
বিকাশি নবীন বিভা গায় তাঁরে ;
তুমি নব রাগে, নব প্রেমে মাতি,
গাও সে নিত্য মহেশে ॥ ৪৩ ॥

সিক্কুভৈরবী—আড়াঠেকা ।

উথলে হৃদয় যঁার নাম গানে রে মন !
বৃথা কি ভাব রে আর, ভুল রে ভব-সংসার,
শুন তাঁর নাম গুণ, এক মনে এক তানে ।
অস্থিতে অস্থিতে নাম, লিখ হবে পূর্ণকাম,
শীতল হবে হৃদয়, ঐ নাম পীযুষপানে ॥ ৪৪ ॥

রামকেলি—আড়াঠেকা ।

গ্রাস করে কাল পরমায়ু প্রতিক্ষণে ;
তথাপি বিষয়ে মত্ত সদা ব্যস্ত উপার্জনে ।
গত হয় আয়ু যত, স্নেহেঁ কহ হলো এত,
বর্ষ গেলে বর্ষ বৃদ্ধি বলে বন্ধুগণে ।

এ সব কথার ছলে, কিম্বা ধন জন বলে,
 তিলেক নিস্তার নাই কালের দর্শনে ।
 অতএব নিরন্তর, চিন্ত সত্য পরাংপর,
 বিবেক বৈরাগ্য হ'লে কি ভয় মরণে ॥ ৪৫ ॥

রামকেলি—আড়াঠেকা ।

এক দিন যদি হবে অবশ্য মরণ ;
 তবে কেন এত আশা, এত হৃদয় কি কারণ ?
 এই যে মার্জিত দেহ, যাতে এত কর স্নেহ,
 ধূলিসার হবে তার মস্তক চরণ ।
 যত্নে তৃণ কাষ্ঠ খান, রহে যুগ পরিমাণ,
 কিন্তু যত্নে দেহনাশ না হয় বারণ ।
 অতএব আদি অন্ত, আপনার সদা চিন্ত,
 দয়া কর জীবে, লও সত্যের শরণ ॥ ৪৬ ॥

রামকেলী—আড়াঠেকা ।

মনে কর শেষের সে দিন ভয়ঙ্কর ;
 অন্তে বাক্য কবে, কিন্তু তুমি রবে নিরুত্তর ।

যার প্রতি যত মায়া, কিবা পুত্র কিবা জায়া,

তার মুখ চেয়ে তত হইবে কাতর ॥

গৃহে হায় হায় শব্দ, সম্মুখে স্বজন শুক,

দৃষ্টিহীন, নাড়ী ক্ষীণ হিম কলেবর !

অতএব সাবধান, ত্যজ দম্ব অভিমান,

বৈরাগ্য অভ্যাস কর, সত্যেতে নির্ভর ॥ ৪৭ ॥

রামকেলি—একতালা ।

কর বদন ভরি, দয়াল হরিনামানুকীর্তন রে ।

কর সদানন্দে ভূমানন্দ রসামৃত পান রে ॥

আছে উক্ত, জীবনুক্ত হয় ভক্তজন রে ;

গেয়ে দয়াল নাম, অবিরাম যায় পুণ্যধাম রে ।

গাই সবে, ভক্তিভাবে, রসাল দয়াল নাম রে ;

নামে হৃদয়-কমল, হবে অমল, হব পূর্ণকাম রে ॥৪৮॥

কুবব—আড়াঠেকা ।

চল চল যাই হে সে দেশে হেরিবে যদি প্রাণেশে ।

ব্রহ্মকল্পতরুমূলে প্রীতি-শ্রোতস্বতী-কূলে,

পুণ্যের কুম্ভমবনে কর চিরবাস ।

করি নিত্য সুধাপান, লাভ হবে নিত্যজ্ঞান,
(আর) থেকনা অলসে ।

চল যাই আনন্দপুরে, নিভৃত হৃদিকন্দরে,
প্রাণমন্দিরে গিয়ে করি যোগ সাধন ;
(করি) ইচ্ছাতে ইচ্ছা মিলন, সফল হবে জীবন,
তঁাহার পরশে ॥ ৪৯ ॥

কুকব—তেওট ।

তঁাহারি শরণ লয়ে রহিও, শরণ লয়ে রহিও ।
যাঁহাবি রূপায় তুমি খুলিলে নয়ন ;
তঁারে আগে দেখিও ॥ ৫০ ॥

কুকব—আড়াঠেকা ।

কেন ভোল ভোল চির সুহৃদে,
ভুল না চির সুহৃদে ।
ধন প্রাণ মান সকলি যা হ'তে,
এমন সুহৃদে, কেন ভোল ?
থেক না, থেক না তঁা হ'তে অস্তুর,

তঁারে ছেড়ে ত্রাণ কোথা, কোথা শান্তি বল ;
চিরজীবন-সখা, চির-সহায়ে,
করুণা-নিলয়ে, কেন ভোল ? ॥৫১॥

আলাইয়া—কাওয়ালি ।

অন্তরতর, অন্তরতম তিনি যে, ভুলনারে তাঁয় ;
থাকিলে তাঁহার সঙ্গে পাপ তাপ দূরে যায় ।

হৃদয়ের প্রিয়ধন তাঁর সমান কে,
সেই সখা বিনে সুখ শান্তি দিবে কে তোমায় ?

ধন জন জীবন সব তাঁরি করুণা,

তাঁর করুণা মুখে বলা নাহি যায় ;

এত যঁার করুণা, তাঁরে কি ভুলিবে ?

তঁারে ছাড়িয়ে ভব-সাগরে ত্রাণ কোথায় ? ॥৫২॥

আলাইয়া—রাপতাল ।

আনন্দ বদনে জয় জগদীশ বল রে ।

জীবন সফল কর নাম-সুখা-পানে রে ।

যাঁহার ইঙ্গিত ক্রমে, দেখ পূরব গগনে,

লোহিত বরণে ভানু কি শোভা ধরিল রে !

এই যে মলয়ানিলে, বহিয়া মৃদু হিল্লোলে,
 শীতলে জীবের প্রাণ তাঁহার আদেশে রে ;
 এই যে বিহঙ্গগণে, মোহন মধুর তানে,
 তাঁহার মহিমা গানে ঢালিছে সুধায় রে ।
 এই যে কুসুমকুল, সৌরভে করে আকুল,
 তাঁর প্রেম পবিত্রতা বিকাশে হাসিয়া রে ;
 প্রকৃতি শিশিরচ্ছলে, তাঁর প্রেম-রসে গ'লে,
 ফেলিছে নয়ন-বারি আনন্দে মাতিয়া রে ।
 গাইলে তাঁহার নাম, সুখ শান্তি অবিরাম,
 নিত্য প্রেম পবিত্রতা, লভিবে জীবনে রে ;
 সারা নিশি ঝাঁর বুকে, ঘুমায়ে ছিলাম সুখে,
 সুখের প্রভাতে এস তাঁর গুণ গাই রে ॥ ৫৩ ॥

আলাইয়া ঝিঝিট—কাওয়ালি ।

ওরে দয়াল নামে ভাস সুখে মন আমার ।

কেন রে ভাব আর ?

ওরে, দয়াময় এই মন্ত্র জ'পে, দয়াময়ে প্রাণ সঁপে,

দয়াল ব'লে ভবর্গবে দাও সঁতার ।

তরঙ্গ-গর্জনে শঙ্কা পেও না,
 কলুষ-কুস্তীর পানে ফিরেও চাহিও না ;
 ভয় কি রে, মহামন্ত্র ভুলো না ;
 কিছুতেই কিছু হবে না !
 যদি পড় রে আবর্জিত-জলে, উর্দ্ধে দুই বাছ তুলে,
 ব'লে, কোথায় র'লে ভবের কর্ণধার ;
 চেয়ে দেখ হ'লো বেলা অবসান,
 মিছে কাজে কেন হায় রে, ভুল নিজ পরিভ্রাণ ?
 দূরে ফেলে দাও ধূলির ধন মান ;
 বিবেক-ভেলার দৃঢ় বাঁধ' প্রাণ ;
 ওরে, সাহসে নির্ভর ক'রে, ঝাঁপ দিয়ে যাও রে প'ড়ে,
 ডুবিলেও অবশ্য পাবে উদ্ধার ॥ ৫৪ ॥

খট—যৎ ।

কি ভয় ভাবনা রে মন, লয়েছি যার আশ্রয়,
 সর্বশক্তিমান তিনি অনন্ত করুণাময় ।
 একবার ব্যাকুল অন্তরে, দয়াল ব'লে ডাকলে তাঁরে,
 সেই দীনবন্ধু ভক্তবৎসল দেখা দিবেন তোমায় ।

কি করিবে শত্রুগণে, অপমানে নির্যাতনে,
 না হয় মরিব প্রাণে, গাইয়ে তাঁহার জয় !
 শুনেছি আশা-বচন, মরিলেও পাব জীবন,
 চিরকাল সুখে থাকিব, এই তাঁহার অভিপ্রায় ।
 নির্জন হৃদিকুটীরে, ল'য়ে সেই প্রাণেশ্বরে,
 আনন্দে আহ্লাদে সদা করিব জীবন ক্ষয় ।
 তাঁর কাছে খাঁটি হ'য়ে, থাক হে তুমি নির্ভয়ে,
 বিশ্বাসের দুর্গে ব'সে, বল জয় জয় দয়াময় ॥৫৫॥

খট—রাপতাল ।

প্রাণ সঁপেছি ব্রহ্ম-পদে, না চাহি সুখ সম্পদে,
 তাঁহারি ধ্যান চিন্তনে করিব জীবন ক্ষয় ।
 কি হইবে সুখ-আশে, ধন মান অভিলাষে,
 এ দেহ অঞ্জলি দিব মন প্রাণ সমুদয় ।
 (আমি) থাকিব সঙ্গতে তাঁর, না থাকিবে দুঃখ-ভার,
 নিয়ত পিয়িব সুখা তাঁহার তত্ত্ব কথায় ।
 শিশু জননীরে পেলে, যায় সব দুঃখ ভুলে,
 পাসরিব দুঃখ পাইয়া জগন্মাতায় ॥ ৫৬ ॥

খট ভৈরবী—পোস্তু ।

দয়াল নামামৃত রসে ডুবে থাকরে আমার মন ।

চিরবৈরাগ্য ব্রত করিয়ে অবলম্বন ।

নিষ্কাম নিঃসঙ্গ ভাবে কর সংসার পালন ;

জ্ঞান ভক্তি কৰ্মযোগের একত্র কর সাধন ।

প্রেমসুধাপানে মত্ত হয়ে অনুক্ষণ,

সাধুসঙ্গে সৎপ্রসঙ্গে কর সুখে কাল হরণ ॥ ৫৭ ॥

খট মিশ্র—ছপকা ।

মানুষ জনম সফল হো যায়,

ভক্তি প্রেম প্রভু সঙ্কীনে ।

যবহি ভক্তি হৃদয়মে জাগে,

শরণ পিতা কি লীনে ;

পাপ-বিকার মিটে ছিন্ ছিন্ মে,

প্রভু চরণম্ চিত দিনে ।

কপট-রহিত যে প্রভুকো গওয়ে

সাধুসঙ্গ নিত রাখে,

ধর বিশ্বাস জপে নিশ বাসর,

অমৃত রস ওহ চাখে ॥ ৫৮ ॥

সরফরদা—আড়াঠেকা ।

হে মন, কর আশ্বিনুসন্ধান,

শমন-ভয় রবে না, রবে না ।

পঙ্কজ-দল-জল ইব জীবন চঞ্চল,

ধন জন চপলা-সমান, রবে না, রবে না ।

মোহ-পাপ-বন্ধন, জ্ঞানাজ্জের কর ছেদন,

সত্যে কর প্রীতি, পাইবে পরিত্রাণ ।

এখনি হইবে সুখী, আত্মাতে আত্মারে দেখি,

কথা মান, প্রবীণ অজ্ঞান, ভুল না, ভুল না ॥ ৫৯ ॥

অপরাক্ষ ।

গোড় সারঙ্গ—আড়াঠেকা ।

ভুলো না ভুলো না,

প্রাণসথারে ভুলো না, যাতনা রবে না ।

যাঁর প্রেমমুখচ্ছবি, আকাশে প্রকাশে রবি,
সুধাধার জ্যোৎস্না !

কতবার প্রেমভরে, দাঁড়ায়ে হৃদয়দ্বারে,
ডাকিছেন তোমারে, সুমধুর স্বরে ;
কেমন প্রাষণ মন, কেমন কঠিন প্রাণ,
শুনিয়েও শুন না ! ॥৬০॥

বাউলের সুর—একতারা ।

কোথা যাস্ রে ভাই, তাঁর অন্বেষণে,
বল্ দেখি আমায় ।

যে জন ডাক্তে জানে, কাতর প্রাণে,
ঘরে ব'সে সে যে পায় !

গলায় আছে গলার হার,
কোথা যাস্ তাঁর তরে আর ?

ভাব বুঝে উঠা ভার ;

দেখ্‌রে প্রেমনয়নে, হৃদয়-ধনে,

হৃদয়-মাঝে পাবি তাঁয় ॥ ৬১ ॥

বাউলের সুর—একতালা ।

বিনা ছুঃখে হয় না সাধন,
সেই যোগিজনার বাঞ্ছিত চরণ রে !
সহজে কি হয় কখন পাষণ্ড-দলন রে ?
(ও মন) সুখশয্যায় শুয়ে কেবা পেয়েছে কখন,
সেই দেবের দুর্লভ অমূল্য রতন রে ?
অশ্রুপাত ক'রে বীজ কর রে বপন রে,
(যদি) মনের আনন্দে শশ্রু করিবে কর্তন রে ।
প্রভুর কার্য্যে হয় যদি এ দেহ পতন রে,
(তবে) পরিণামে দিব্য ধামে করিবে গমন রে ॥৬২॥

বাউলের সুর—একতালা ।

পুরবাসি রে,
তোরা যাবি যদি অমৃত-নিকেতনে, চ'লে আয় ।
থাকুক যথা আছে ধন জন,
আর সে ছার ধনে কাজ নাই ।
তোদের মর্ষব্যথা আর না রহিবে,

রোগ শোক পাপ দূরে গিয়ে প্রাণ শীতল হবে ;
একবার দেখলে প্রভুর প্রেম-মুখ,

সব দুঃখ দূরে যায় ।

আর কত দিন সে মায়েরে ভুলে,
থাক্বি বিদেশেতে মিছে কাজে, মায়ের কোল ছেড়ে,
(তোদের) কোলে নেবার তরে সদাই সে যে,
ডেকে ডেকে ফিরে যায় ! ॥৬৩॥

বাউলের সুর—একতালা ।

(ঐ সুর)

কে আমায় ডাক বিদেশী সাধু মধুর ভাষে,
যেতে স্বদেশে !

আমার ধন মান পরিজন কাজ নাই গৃহবাসে ।

আমি অভাগা দীন পরাধীন,

আছি রোগে শোকে পাপে তাপে, পিতামাতা-হীন,
কবে যাবে জ্বালা প্রাণ জুড়াবে, হৃদে পেয়ে প্রাণেশে ?

আর কত দিন এই আঁধারে প'ড়ে,

থাক্বি বিদেশেতে একাকী সেই মায়ের কোল ছেড়ে,

আর ফিরাব না পাষণ মনে, জননীরে নিরাশে ।
 এবার পাইলে সেই হারাণ রতন,
 রাখব মনের সাধে হৃদে গোঁথে করিয়ে যতন ;
 যাবে জন্মদুঃখীর সকল দুঃখ প্রেম-বারি পরশে ॥৬৪॥

বাউলের সুর—একতারা ।

কি হবে আর ভেবে অসার ভাবনা ?
 দয়াল নাম রসে ডুবে থাক না !
 তত্ত্ব-সুধা পান ক'রে, মত্ত হয়ে প্রেমের ঘোরে,
 পরম আনন্দে কর পরব্রহ্মের যোগ সাধনা ;
 সকল দুঃখ দূরে যাবে, পূরিবে মনস্কামনা ।
 মায়ার কাননে বসি, ভ্রান্ত হয়ে দিবানিশি,
 যাদের তরে ভাবিতেছ, তারা কেউ সঙ্গে যাবে না ;
 যা করেন বিধি তাই হবে, ভাবিলে কিছু হবে না ॥৬৫॥

১ বাউলের সুর—একতালা ।

(কি হবে আর ভেবে অসার ভাবনা—সুর)

প্রেমতত্ত্ব রসে ডুবে দেখরে আমার মন রে।
দেখে অবাক্ হবি, ভুলে যাবি,

কত পাবি অমূল্য রতন রে ।

কি ছার সুখের লোভে, রাত্রি দিন মর ভেবে,

তবু ত মনের সুখে, গেলনাক কোম দিন ;

(ও তোর) সুখতৃষ্ণা মরীচিকার

(কভু) হবে না বারণ রে !

প্রেমবারি পান করিলে, সব ছুঃখ যাবে চ'লে

প্রেম-হিল্লোলে সুখে, করিবে সন্তরণ রে ;

(ও তোর) হৃদয় মাঝে প্রেমের খনি,

কর তায় অবতরণ রে ॥৬৬॥

বাউলের সুর—একতালা ।

প্রেম-সাগরের তরঙ্গ দেখে ভয় ক'র না !

এই যে দেখিছ বিশাল বিক্রম,

এতে ডুবিলেও মানুষ মরে না !

যে জন সাহসে ভর ক'রে, অগাধ প্রেম-সিন্ধুনীরে,
 একবার ডুবিতে পারে ;
 সে আর চাহেনা ফিরে আসিতে, মগ্ন হয়ে আনন্দেতে,
 করে রত্ন আহরণ, মহামূল্য ধন,
 ভুলে জন্মের মত সংসার-বাসনা ।
 বিষয়-বুদ্ধি বিলোপ হবে, ঐহিকের সুখ চলে যাবে,
 এখন আর তা ভাবলে কি হবে ;
 যদি এ পাপ জীবন দিলে, অনন্ত জীবন মিলে,
 তা'তে আছে কিবা ক্ষতি, ওরে ব্রাস্তমতি,
 সত্য কেন ভাব কল্পনা ?
 যদি প্রেমে পাগল হয়ে, একেবারে যাও হে ব'য়ে,
 স্বর্গের সুখ পাবে হৃদয়ে ;
 বিষয়-মদে পাগল যারা, তোমায় পাগল বলবে তারা,
 কিন্তু দিব্য জ্ঞান-প্রভাবে, দেখবে তুমি সবে,
 (যেন) চক্ষু থাকতে হ'য়ে আছে কাণা ॥৬৭॥

বাউলের সুর—১৫ ।

আর কি দেখ রে, সদা শুদ্ধ শাস্ত মনে
সচৈতন্যে পূর্ণব্রহ্মে ডাক ।

তাজিয়ে সংসার-আশা, পূর্ণ কর মন আশা,
যে জন্মেতে ভবে আসা, দেখ' যেন ভুলনাক ।
ধন জন যৌবন, লজ্জা ভয় অভিমান,
সকল দিয়ে বিসর্জন, পিতার চরণতলে প'ড়ে থাক ॥৬৮॥

পিনু—১৫

একদিন হায় এমন হবে, এ মুখে আর বলবে না,
এ হাতে আর ধরবে না, এ চরণে আর চলবে না !
নাম ধ'রে ডাকিবে সবে, শ্রবণে তা শুনবে না ;
পুত্র মিত্রে জগৎ চিত্রে, নেত্রে নিরখিবে না !
অসাড় হবে এ রসনা, আশ্বাদন আর করবে না ;
ভাল মন্দ কোন গন্ধ, নাসিকাতে লবে না !
রাজসিংহাসন ছাই মাটি বন, এ বিচার আর
থাকবে না ;
বন্ধনে দহনে দেহে, যাতনা জানাবে না !

জীব জন্তু অগণনা, পতঙ্গ বিহঙ্গ নানা,
 অচিন্ত্যরচনা বিশ্ব ষাঁহার রচনা ;
 যিনি সর্ব মূলাধার, ভ্রময়ে নিয়মে ষাঁর,
 সর্বদা পবন, শশী, নক্ষত্র, তপন ॥৭৩॥

দেশ—আড়াঠেকা ।

অনিমেষ আঁখি সেই কে দেখেছে,
 যে আঁখি জগৎপানে চেয়ে রয়েছে !
 রবি শশী গ্রহ তারা, হয়নাক দিশেহারা,
 সেই আঁখি' পরে তা'রা, আঁখি রেখেছে ।
 তরাসে আঁধারে কেন কাঁদিয়া বেড়াই,
 হৃদয়-আকাশপানে কেন না তাকাই ?
 ধ্রুব-জ্যোতি সে নয়ন, জাগে সেথা অনুক্ষণ,
 সংসারের মেঘে বুঝি দৃষ্টি ঢেকেছে ॥ ৭৪ ॥

দেশ—একতালা ।

দিবানিশি জাগেরে ও কে, হৃদয়-মাঝারে ?
 (আমার) প্রাণমোহন হৃদিরঞ্জন সখা বা হবে রে !

(নইলে) কেন অকারণে, এ মলিন মনে বিহার
করে রে ;

(নইলে) আমার সঙ্গে, কিবা প্রসঙ্গে, রঙ্গে রাজে রে !

পাপ নাশিয়ে, প্রেম বিকাশিয়ে, মোহ সংহারে ;

(আবার) মাঠেঃ রবে অভয়বাণী শুনায় পাপীরে ।

অপরূপ রূপে ভকত-পরান আকুল করে রে,

(আবার) হরণ করি' ভব-জঞ্জাল লয় ভব-পারে ।

এততেও কি রে পাষণ পরান যুমায়ে র'বি রে ?

(একবার) ছাড়ি মোহ-ঘোর, ও চরণে ভোর

হইয়ে রহ রে ॥ ৭৫ ॥

দেশ—সুরফাঁকতাল ।

দেখিয়ে হৃদয়-মন্দিরে ভজ না শিবসুন্দরে, কি ভ্রমে
ভুলিয়ে তাঁরে, কর অযতন, এখন করহ সাধন ।

এই সে পতিতপাবন, এই সে জগৎ তারণ, এই সে

পরম কারণ, করহ তাঁরে মনন ।

হইয়ে বিষয়ে মত্ত, হারা'লে পরমতত্ত্ব, না ভাবিলে

সেই সত্য নিত্য বিভু নিরঞ্জন ;

হৃদয়ের প্রেমহার, দেও হে তাঁহারে উপহার, পেয়েছ
কুপায় য়াঁর, দেহ হৃদয় জীবন ॥ ৭৬ ॥

মিশ্র মল্লার—রূপক ।

চলেছে তরণী প্রসাদ-পবনে,
কে যাবে এস হে শান্তি ভবনে ।
এ ভব সংসারে, ঘিরেছে আঁধারে,
কেন রে ব'সে হেথা স্নান মুখ !
প্রাণের বাসনা হেথায় পূরে না,
হেথায় কোথা প্রেম, কোথা সুখ !
এ ভব-কোলাহল, এ পাপ-হলাহল,
এ দুঃখ শোকানল দূরে যাক্ :
সম্মুখে চাহিয়ে, পুলকে গাহিয়ে,
চল রে শুনি চলি তাঁর ডাক ;
বিষয়-ভাবনা, লইয়া যাব না,
তুচ্ছ সুখ দুঃখ পড়ে থাক্ ;
ভবের নিশীথিনী, ঘিরিবে ঘন ঘোরে,
তখন কা'র মুখ চাহিবে ?

সাধের ধন জন, দিয়ে বিসর্জন,
কিসের আশে প্রাণ রাখিবে ? ॥ ৭৭ ॥

স্বরট মল্লার—আড়াঠেকা ।

(কেন হে বিলম্ব—স্বর)

অলসে থেক না আর, উঠ শয্যা পরিহরে ।
সিদ্ধিদাতা সিদ্ধেশ্বর দেখ হে দাঁড়িয়ে দ্বারে ।
তঁার কার্যে প্রাণমন, কে করিবে সমর্পণ,
স্বর্গ হ'তে নিমন্ত্রণ আসিছে, শোন অন্তরে ।
শুনেছি পুরাণে কয়, বিশ্বাসের সদা জয়,
সর্ষপ-আঘাতে গিরি কাঁপয়ে থর থরে ;
পণ করি মন প্রাণে, এস আছ যে যেখানে,
অবিশ্রান্ত তঁার কার্যে রত থাক এ সংসারে ।
রণক্ষেত্রে এসে ভাই, কেমনে বা নিদ্রা যাই,
বাজিছে সত্যের ভেরী সুগভীর স্বরে ;
মোহনিদ্রা পরিহর, ওঠ বাঁধ পরিকর,
উড়িল ব্রহ্মের কেতু দেখ হে দেখ অম্বরে ।

জয় সর্বশক্তিমান, জয় করুণানিধান,
 দাও শক্তি মুক্তিদাতা দুর্বল হীন নরে ;
 এমনি কি দিন হবে, তব কার্যে প্রাণ যাবে,
 এই ভিক্ষা দীনবন্ধু দেও দাসে কৃপা ক'রে ॥ ৭৮ ॥

শ্রুট মল্লার—আড়াঠেকা ।

(ঐ শ্রু)

ডাক হে ডাক হে আজ, ডাক ব্যাকুল অন্তরে ।
 দুর্বলের বল সেই সিদ্ধিদাতা পরাংপরে ।
 এস তাঁর নাম স্মরি, সত্যের প্রতিষ্ঠা করি,
 ঘোষি হে সত্যের জয় সবে মিলি সমস্বরে ।
 বিচিত্র বিধানে ঝাঁর, বীজগর্ভে তরুণর,
 গিরিগর্ভ হ'তে নদী উতরে বেগভরে ;
 নিশা-অন্তে দিবা হয়, দুঃখ অন্তে সুখোদয়,
 করুণা-কটাক্ষে তাঁর বিষাদ বিপত্তি হরে ।
 জয় বিঘ্নবিনাশন, জয় বিপদ-ভঞ্জন,
 সঙ্কটহরণ নাথ, তার' সঙ্কট-সাগরে ;
 সব বিঘ্ন পরিহরি, আঁধারে আলোক করি,
 কৃপা করি রাখ হরি, রাখ রাখ এ হৃস্তরে ॥ ৭৯ ॥

মুরট মল্লার—আড়াঠেকা ।

কেন হে বিনয় আর সাজ' সত্যের সংগ্রামে ।
 সেনাপতি বিশ্বপতি সহায় রণে ।
 কর ব্রহ্ম নাম ধ্বনি কাঁপায় গগন মেদিনী,
 বিশ্বাসের পরাক্রম দেখাও জীবনে ।
 ব্রহ্মকৃপাহিকেবল, কর সঙ্গের সম্বল,
 শান্তি-অসি করে ধরি বিনাশ রিপুগণে ;
 লোক-ভয় পরিহরি, চল চল ছুরা করি,
 প্রভুর আজ্ঞাপালন কর প্রাণপণে ।
 সাধিতে পিতার কাজ, পর হে সমর-সাজ,
 বাজাও বিজয়-ভেরী গভীর গরজনে ;
 বিবেকনির্মূল হ'য়ে, বল অকপট হৃদয়ে,
 জীবের নাহি আর গতি, দয়াল নাম বিহনে ॥৮০॥

বেহাগ মিশ্র—একতাল ।

জীবন্ত ঈশ্বর এই ত বর্তমান ।
 এ যে দেখিবার ধন, অমূল্য রতন,

তৃপ্ত কি হয় মন, করি অনুমান ?

এই ত সর্বগত সকলের আশ্রয়,

জাগ্রত প্রহরী পূর্ণ জ্ঞানময়,

এই ত পাপীর বন্ধু দীন দয়াময়,

পূর্ণকর্মা পুরুষপ্রধান ।

এই ত চিন্তামণি চিরন্তন ধন,

এই ত দয়াল প্রভু হৃদয়রতন,

প্রণের ঈশ্বর প্রাণের ভিতর,

কোথা যা'ব আর করিতে সন্ধান ?

এই ত নিত্য সত্য ব্রহ্ম সনাতন;

সুন্দর প্রকৃতি প্রেমের গঠন,

কিবা পুণ্য প্রভা, অপরূপ শোভা,

শান্তিরসে ভরা প্রসন্ন বদন ।

স্থানেতে এখানে, সময়ে এখন,

প্রাণসখা আমার প্রিয়দরশন,

দেখিলে জুড়ায় তাপিত জীবন,

হারা'লে হৃদয় হয় যে শ্মশান ॥ ৮১ ॥

স্বরট মল্লার—একতাল।

মন, চল নিজ নিকেতনে ।

সংসার-বিদেশে, বিদেশীর বেশে,

ভ্রম কেন অকারণে ?

বিষয়-পঞ্চক আর ভূতগণ,

সব তোর পর, কেহ নয় আপন,

পর প্রেমে কেন হয়ে অচেতন,

ভুলিছ আপন জনে ?

সত্য পথে মন কর আরোহণ,

প্রেমের আলো জ্বালি' চল অনুক্ষণ,

সঙ্কেতে সম্বল রাখ পুণ্যধন,

গোপনে অতি যতনে ;

লোভ মোহ আদি পথে দস্যুগণ,

পথিকের করে সর্বস্ব মোষণ,

পরম যতনে রাখ রে প্রহরী,

শম দম দুই জনে ।

সাধুসঙ্গ নামে আছে পান্থ-ধাম,

শ্রান্ত হ'লে তথায় করিবে বিশ্রাম,

পথভ্রান্ত হলে সুধাইবে পথ,
 সে পান্থনিবাসীগণে ।
 যদি দেখ পথে ভয়ের আকার,
 প্রাণপণে দিও দোহাই রাজার,
 সে পথের রাজার প্রবল প্রতাপ,
 শমন ডরে য়াঁর শাসনে ॥ ৮২ ॥

স্মরণ মন্ত্র — একতালা ।

মন, যাবে যদি পুণ্যধামে,
 জ্ঞানের নয়নে, ভক্তির অঞ্নে,
 মাথি' দেখ তাঁর পানে ।
 শুধু জ্ঞানে মুক্তি হবে না তোমার,
 দিবসের মাঝে দেখিবে অঁধার,
 নিরাশে পড়িয়ে করি হাহাকার,
 হারাবে এমন প্রাণে !
 জ্ঞান ভক্তি মন যতনে মিশায়ে,
 বিশ্বাসের কেতু গগনে উড়ায়ে,

প্রসন্ন হৃদয়ে চল রে নির্ভয়ে,
পুণ্য-নিকেতন পানে ;
লোক লজ্জা ভয় করো না গণনা,
জয় ব্রহ্ম জয় কর রে ঘোষণা,
বিপদ যন্ত্রণা রবে না রবে না,
সেই বিশ্বজয়ী নামে ।

নও তুমি মন হীন এ প্রকার,
রাজা রাজেশ্বর পিতা যে তোমার,
তাঁরি আলিঙ্গনে আছ নিশি দিনে,
বাঁচ তাঁরি দয়া গুণে ;

তবে বল মন, একি আচরণ,
শতবার বলি কর না শ্রবণ,
যায় যে জীবন, কত বা মগন,
রহিবে বিঘ্ন-কামে ? ॥ ৮৩ ॥

শ্রুট মল্লার—একভাঙ্গা ।

মন, কে বল গুরু সংসারে ?
বিনা জ্ঞানময় পিতা দয়াময়,

যিনি অন্তর্যামী, সকল জেনে,
উপদেশ দেন অন্তরে ।

বেদ তন্ত্র পুরাণ প'ড়ে বহুতর,
জ্ঞানবলে মন, কর অহঙ্কার,
প্রলোভন এলে জ্ঞানবল ল'য়ে,
কি হবে তখন বল ?

পাপ-কূপে পড়ি কর হায় হায়,
কে তারিবে তোমায় দেখি নিরুপায়,
কত গুণী জ্ঞানী হ'য়ে অভিমানী,
ডুবিল পাপ-সাগরে !

গুরু বলে তাঁর লও রে শরণ,
অহঙ্কার ছাড়ি' হও অকিঞ্চন,
পিতার চরণে থাক রে পড়িয়ে,
শুনিবে মধুর বাণী ;

বিপদে সম্পদে পাবে উপদেশ,
না থাকিবে মনে সংশয়ের লেশ,
মধুর বচনে হৃদয় জুড়াবে,
যাবে ভাবার্ণব পারে ।

উপদেশ তিনি দেন নিরন্তর,
তাহা না পালিয়ে বধির অন্তর,
পাপে তাপে ডুবে কর হাহাকার,
ওরে ভ্রাতু মম মন !

তঁাহার আদেশ মস্তকে ধরিয়ে,
কর হে পালন জীবন সাঁপিয়ে,
গুরুমন্ত্র তাঁর শুন নিরন্তর,
না রবে পাপ-আঁধারে ॥ ৮৪ ॥

স্বরট মল্লার—একতালা ।

কেন কর মন বৃথা ভয় ?
ভব-কর্ণধার, করিবেন উদ্ধার,
কি আছে এতে সংশয় ?
দূরে যায় ভয় যাঁহার স্মরণে,
কি ভয় আছে রে, তঁাহার ভবনে,
দয়ার তাঁহার নাহি নাহি পার,
জেনো রে স্থির নিশ্চয় ।

সূর্য্য যদি সৌরজগৎ হইতে,
 কক্ষভ্রষ্ট হ'য়ে পড়ে অবনীতে,
 নিভে চন্দ্র তারা, চূর্ণ হয় ধরা,
 চিহ্ন মাত্র নাহি রয় ;
 তথাপিও পাপী পাবে পরিত্রাণ,
 প্রতিভূ আপনি করুণানিধান,
 পদতরি দানে পতিত সন্তানে,
 রাখিবেন প্রেমময় ।

আশা-রথে সূখে করি আরোহণ,
 ক্রমে উদ্ধ মুখে কর রে গমন,
 যদি দৈব-দোষে প'ড়ে যাও থ'সে,
 দিবেন তিনি আশ্রয় ;

জয় জগদীশ ধ্বনি করো মুখে,
 বাধা বিঘ্ন নাহি রহিবে সম্মুখে,
 তাঁরি রূপা-বলে মন, অবহেলে

লভিবে শান্তি-নিলয় ॥৮৫॥

স্বরট মল্লার—আড়াঠেকা ।

শুধু ব্রহ্মে জানিলে কি ফল ?

লভিতে নারিলে জেনো সকলি নিফল ।

রজত স্বর্ণ আকরে, মুকুতা আছে সাগরে,

যায় কি দারিদ্র্য দুঃখ জানিলে কেবল ?

নানা তত্ত্ব আছে গ্রন্থে, নানা ভাব আছে মন্ত্রে,

শুনিলে কি হয় কভু বিদ্বান্ সকল ?

অতএব বলি শুন, করিয়ে নানা সাধন,

লভ সে অমৃত ধন জীবন হবে সফল ॥৮৬॥

গোড় মল্লার—চৌতাল ।

গাও তাঁরে গাও সদা, তরুণ ভানু,

যবে অচেতন জগতে দেও প্রাণ ;

জন-হৃদয় প্রফুল্ল-কর চন্দ্র তারা,

সবে মিলে মিলে, গাও তাঁরে ।

সুগভীর গরজনে কাঁপাইয়ে গগন মেদিনী,

মহেশের মহৎ যশ ঘোষ বারিদ ;

সবে মিলে মিলে, গাও তাঁরে ।

প্রবল সিদ্ধ, শ্রোতস্বতী, প্রফুল্ল-কুমুম-বনরাজি,
 অগ্নি, তুষার, কেহই থেক না নীরব ;
 যত বিহঙ্গ চিত্র বিচিত্র সবে, আনন্দ রবে,
 গাও বিশ্ববিজয়ী ব্রহ্মনাম,
 সবে মিলে মিলে, গাও তাঁরে ॥৮৭॥

মেঘ—রাপতাল ।

বিপদ-রাশি হুঃখ দারিদ্র্য কি করে ।
 যে নিরঞ্জন পরমে ধ্যান ধরে ?
 কি ভয় লোক-ভয়ে ;
 বিশ্বপতি মহেশ রাজরাজের প্রসাদ-বারি-গুণে
 বিপদ-সাগর অনায়াসে তরে ।
 নিয়ত বহে আনন্দ-পবন, তাহে পাই নব জীবন,
 নিমিষে সকল পাপ তাপ হরে ।
 হৃদয় আকাশে, জ্যোছনা প্রকাশে,
 যখন দেখি সেই করুণাকরে ॥৮৮॥

হাসীর—খামাল ।

আজি সবে গাও আনন্দে,
তাঁর পবিত্র নাম লইয়ে জীবন কর সফল ।
সরল হৃদয় লয়ে, চল সবে অমৃতের দ্বারে,
কত সুখা মিলিবে ।
দুর্বল সবল, ভীকু অভয়,
অনাথ গতিহীন হয় সনাথ,
সেই প্রেমশশী যবে মধু বরষে
সাধুর হৃদয়াধারে ॥৮৯॥

কেদারা—কাওয়ালি ।

অহঙ্কারে মত্ত সদা অপার বাসনা ।
অনিত্য যে দেহ মন জেনে কি জাননা ।
শীত গ্রীষ্ম আদি সবে, বার তিথি মাস রবে,
কিন্তু তুমি কোথা যাবে একবার ভাবিলে না !
এ কারণে বলি গুন ত্যজ রজস্তুমোগুণ,
ভাব সেই নিরঞ্জন এ বিপত্তি রবে না ॥৯০॥

কিন্তু দেখ মনে ভেবে, কেহ সঙ্গে নাহি যাবে,
অবশ্য ত্যজিতে হবে কিছু দিনান্তর ।

অতএব বলি শুন, ত্যজ দস্ত তমোগুণ,
মনেতে বৈরাগ্য আন হৃদে সত্য পরাংপর ॥৯৪॥

✓ মূলতান—একতাল।

হরি বল হরি, চল যাই বাড়ী, বেলা গেল সন্ধ্যা হলো,
ফুরাল মেলা, ভাঙ্গিল খেলা আর কেন বিলম্ব বল ।
বিদেশে প্রবাসে ভবপাশু-বাসে কিছুই আর
লাগে না তাল, (আমার) বাড়ী পানে মন ছুটেছে
এখন, মা মা বলে ঘরে চল ।

মায়ের আনন করি দরশন, তাপিত প্রাণ করি
শীতল, আহা আছেন জননী দিবস রজনী আশা-
পথ পানে চেয়ে কেবল ।

মায়ের প্রাণ টানে সন্তানের পানে, হেরিলে
নেত্রে ঝরে জল, মা আমার শান্তি-প্রদায়িনী, প্রেম-
রূপিণী, আপন প্রেমে আপনি বিহ্বল ॥৯৫॥

পুরবী—আড়া ।

অবিশ্রান্ত ডাক তাঁরে সরল ব্যাকুল অন্তরে ।
হৃদয়ের ধন সেই প্রিয়তম প্রাণেশ্বরে ।
এই যে সংসার ধাম, নহে নিরাপদ স্থান,
যতনে সঞ্চিত পুণ্য নিমেষে হরণ করে !
মুক্তি-পথে নিরন্তর, হও সবে অগ্রসর,
সম্মুখেতে স্বর্গরাজ্য পশ্চাতে চেওনা ফিরে ॥৯৬॥

পুরবী—আড়া ।

দিবা অবসান হল কি কর বসিয়া মন ?
উত্তরিতে ভবনদী করেছ কি আয়োজন ?
আয়ু-সূর্য্য অন্ত যায়, দেখিয়ে দেখ না তায়,
ভুলিয়ে মোহ মায়ায়, হারায়েছ তত্ত্বজ্ঞান ।
নিজ হিত যদি চাও, তাঁহার শরণ লও,
ভব কর্ণধার যিনি, পাপ সন্তাপ-হরণ ॥৯৭॥

পুরবী—একতালা ।

দিনে নিশীথে ব্রহ্ম-যশ গাও,
কভু ভুল না ভুল না রে করুণা তাঁর ।
খুলে দাও হৃদয় দ্বার, তাঁরমুখ-আলো দেখি,
নাশো মনের অঁধার ॥৯৮॥

গৌরী—তেতালা ।

অবসান হল দিন দেখ রে নয়নে ।
তমোজালে ঘেরিল জীবন তপনে,
ঈশ্বরী করি ডাক রে অধমতারণে ।
যিনি এক বান্ধব জীবন মরণে,
সব সঁপে দেও রে তাঁহার চরণে ॥৯৯॥

ইমনকলাণ—তেওট ।

ভাব সেই একে ;
জলে স্থলে শূন্যে যে সমান ভাবে থাকে ।
যে রচিল এ সংসার আদি অন্ত নাহি যার,
সে জানে সকল, কেহ নাহি জানে তাঁকে ।

তমীশ্বরাণাং পরমং মহেশ্বরং,
ভং দেবতানাং পরমঞ্চ দৈবতং,
পতিং পতীনাং পরমং পরস্তাং,
বিদাম দেবং ভুবনেশমীড়্যং ॥১০০॥

ইমনকল্যাণ—আড়াঠেকা ।

মায়া-হৃদে ডুবো না ;

পাপ রসে সুখাভাসে ভুলনা ।

সার নহে সংসার, তিনি মাত্র সার,
যাঁর এই রচনা ॥১০১॥

ইমনকল্যাণ—আড়াঠেকা ।

ভাবিছ কি আর ?

ডাক না তাঁহারে খুলি হৃদয়-দুয়ার ।

প্রাণের ঈশ্বর যিনি, প্রাণে আসিবেন তিনি,

এ হতে সৌভাগ্য তব আছে কিবা আর ?

প্রীতি-ফুল ফুটাইয়ে, রাখছে তুলি হৃদয়ে,

আসিলে সে প্রাণেশ্বর, দিবে তাঁরে উপহার ॥১০২॥

ইমনকল্যাণ—চৌতাল ।

তাঁরে ভজ ভজ রে মন, সেই আদিদেব ভুবননাথ

পরম পুরুষ পরমেশ্বর একায়নে ।

ভক্তিযোগেতে পূজ অবিরত, মোক্ষসেতু পাপদমনে,

পবিত্র-হৃদয়ে শোভন-সুরে গাও সতত সেই

জন্ম-মরণ-রহিত সনাতনে ॥ ১০৩ ॥

ইমনকল্যাণ—চৌতাল ।

সবে ডাক ডাক রে,

একতানে একপ্রাণে কৃপানিধানে প্রাণপণে ।

সেই পূর্ণ প্রেমশশী, হৃদাকাশে উদিলে আসি,

শোক অঁধার যায় দূরে,

প্রেম-তরঙ্গ উথলে প্রাণে ॥ ১০৪ ॥

ইমনকল্যাণ—একতাল

খোলরে প্রকৃতি ! আজি খোলরে তব দুয়ার,

লুকায়ৈ রেখ না আর প্রাণ-সখারে আমার !

তৃষিত চাতক সম, পিপাসিত চিত মম,
 হেরিতে সেই প্রিয়তম, করিতেছে হাহাকার ।
 রবি শশী তারা দল, নদী গিরি জল স্থল,
 ওষধি তরু সকল, ঢাকিয়ে রেখ না আর ।
 তাঁহারে মানসপুরে, নিরখি হৃদয় ভ'রে,
 দেখাও বিশ্বমন্দিরে, বিশ্বাধারে একবার ॥১০৫॥

ইমনকল্যাণ—ধামাল ।

শাস্ততমভয়মশোকমদেহং,
 পূর্ণমনাদি চরাচরগেহং ।
 চিন্তয় শান্তমতে পরমেশং
 স্বীকুরু তত্ত্ববিদামুপদেশং ।
 দিনকরশিশিরকরাবতিঘাতঃ,
 যশ্চ ভয়াদিহ ধাবতি বাতঃ ।
 ভবতি যতো জগতোহশ্চ বিকাশঃ,
 স্থিতিরপি পুনরিহ তশ্চ বিনাশঃ ।

যদনুভবাদপগচ্ছতি মোহঃ,
 ভবতি পুনর্ন শুচামধিরোহঃ ।
 যোন ভবতি বিষয়ঃ করণানাং
 জগতি পরং শরণং শরণানাং ॥১০৬॥

জয়জয়ন্তী—চৌতাল ।

প্রথম নাম ওঁকার, ভুবন-রাজ দেব-দেব,
 জ্ঞানযোগে ভাব হে তিনি তোমার সঙ্গে ।
 ভুবনময় যে বিরাজে, ভকত হৃদয় তাঁর সাথ,
 প্রাণ-প্রাণ হৃদয়-নাথ ভুলনা রে তাঁরে ।
 রাগ সঙ্গীত মানে, মিলিয়ে অনন্ত ধ্যানে,
 তাঁর নাম একতানে, গায় ত্রিভুবনে ;
 ভয় কি অভয় দানে, শৌষেন জগত-জনে,
 ডাক হে আনন্দময়ে তিনি তোমার সঙ্গে ॥১০৭॥

জয়জয়ন্তী—চৌতাল ।

ধীর গন্তীর মনে, বিভূ-প্রেম আলাপনে,
 দেখ রে হৃদয়াসনে আনন্দ রূপ মাধুরি !

না রহিবে হুথ এক বিন্দু, উথলিবে হৃদে সুখসিন্দু,
 যদিরে তার এক বিন্দু লভিবারে পারি ।
 হওরে শান্ত সংসার-তাপে,
 শান্তি-সাগলে করিয়ে স্নান,
 ঘুচিবে সব পিপাসা, পিয়রে নীতল বারি ;
 যার প্রেমরস পানে, অমর হয় মানবগণে,
 আসিয়ে সেই অমৃত দ্বারে, যেওনা যেওনা ফিরি ॥১০৮॥

জয়জয়ন্তী—চৌতাল ।

সেই অপরূপ সংস্করূপ, চিদানন্দ ব্রহ্মরূপ,
 কর ধ্যান ওরে মন হইবে ধন্য পূর্ণকাম !
 ছাড়ি-মোহ কোলাহল, অদৃশ্য ব্রহ্মাণ্ডে চল,
 বিশ্বাস-অচল-শিরে কর ধীরে আরোহণ ।
 নিভৃত শান্তি-কান্তারে, প্রেম-প্রসবণ-তীরে,
 গভীর ভক্তিকন্দরে, পাবে তাঁর দরশন ;
 অতি সুন্দর সে স্থান, পুণ্যালোকে দীপ্তিমান,
 যোগী জন পরমানন্দে করেন যথা যোগ ধ্যান ॥১০৯॥

জয়জয়ন্তী—বাঁপতাল ।

চল সেই অমৃত ধামে চল ভাই যাই সকলে,
নাহি যথা ব্যবধান ইহকাল পরকালে ।

ঘুচিবে ভয় ভাবনা, না রবে ভব-যাতনা,
নিরাপদে সুখে বাস করিব পিতার কোলে ।

সেখানে নাহি ক্রন্দন, শোক তাপ প্রলোভন,
প্রেমানন্দে ভাসে সবে শান্তি সলিলে ;

অনন্ত জীবন-স্রোত, নিরন্তর প্রবাহিত,
প্রেমের লহরী তাহে খেলে আশার হিল্লোলে ।

যথায় সাধকগণে, প্রাণযোগ সাধনে,
আছেন মগন হয়ে জীবন জলধিজলে ;

প্রাণাধার পরমেশ্বরে, আত্ম-সমর্পণ করে,
অমর হয়েছেন তাঁরা ব্রহ্মরূপা বলে ॥১১০॥

জয়জয়ন্তী—বাঁপতাল ।

শোকে মগন কেন জর্জর বিষাদে,
ত্রমিছ অরণ্য মাঝে হয়ে শান্তিহারা ?

যাঁর প্রীতি-সুধাৰ্ণবে, আনন্দে রয়েছে সবে,
তাঁর প্রেম নিরখিয়ে মুছ অশ্রুধারা ॥১১১॥

জয়জয়ন্তী—ঝাপতাল ।

জননী'র কোলে বসি, কেন রে অবোধ মন,
করিছ রোদন সদা মাতৃহীন শিশু প্রায় ।
দেখ রে মন আপনি, নিকটে তব জননী,
মা বলে ডাকিয়ে তাঁরে শীতল কর হৃদয় ॥১১২॥

জয়জয়ন্তী—চৌতাল ।

আজ আয়রে প্রকৃতি, পূজি জগত-আধার
জগদীশ্বরে ।
গাই তাঁর সুমহদ্ব যশ, সবে মিলে সমস্বরে ;
জ্বালাইয়ে দ্বীপ মহাগগনে, রবি চন্দ্র তারা অগণন,
মন্দ মন্দ কর রে ব্যজন চামরে !
নদী সাগর সরোবর, শোভন বনরাজি ভূধর,
যা আছে ধরণী যেখানে তোমার, উৎসর্গ তাঁহারে ।

যতনে ষতেক নর নারীকুল, শুদ্ধ সুরভি-প্রীতিফুল,
জীবন ধন যা আছে সকল, তাঁরে উপহারে ।

গভীর নিনাদে মহার্ণব, করে তাঁঁর জয় জয় রব,
দেবলোকে দেব, মর্ত্যে মানব তাঁঁর, স্তুতি গীত

গাও রে ॥১১৩॥

জয়জয়ন্তী—একতালা ।

ব্রহ্মরূপসাগরে মগন হও রে মন ।

সে সুধাময় জ্যোতি কর রে দরশন ।

অরূপ সচ্চিদানন্দ, পুরুষ মহাননন্ত,

উদার প্রশান্ত অলখনিরঞ্জন ।

যাঁহার তেজ পরশে, সঞ্চারে নব জীবন,

হৃদয় মাঝে বহে সুখ-সমীরণ ।

হেরিলে সে বিশ্বরূপে, সচকিত হয় প্রাণ,

যাঁহার প্রভাতে মোহিত ত্রিভুবন ।

ত্যাগিয়ে এ অসার চিন্তা, কর চিত্ত সংযম,

যোগানন্দরস পান কর রে অনুক্ষণ ॥১১৪॥

জয়জয়ন্তী—আড়া ।

দয়ার সাগর পিতা করুণানিধান ;

ভুল না তাঁহারে মন ভুল না কখন ।

রোগ শোক পাপ দুঃখে, তিনি হে থাকেন সম্মুখে,

ছাড়িয়ে দুর্বল স্মৃতে, নাহি করেন গমন ।

হৃদয় কপাট খুলি, ডাক তাঁরে পিতা বলি,

দেও প্রীতির অঞ্জলি, কর দরশন ॥১১৫॥

বাগেশী—আড়াঠেকা ।

মায়াবশে রসোল্লাসে বৃথা দিন যায় ।

চিন্তিলে না নিজ শিব অন্তের উপায় ।

পড়িলে অজ্ঞান কূপে, ভ্রাণ নাহি কোন রূপে,

এখন এই যুক্তি, কর বৈরাগ্য আশ্রয় ।

দেহ দেহী যে সৃজিল, ইন্দ্রিয়ে চেতনা দিল,

বুদ্ধি জ্ঞান আদি তব সহায় জীবনে ;

অনুচিত, মম চিত, না চিন্তিলে হিতাহিত,

তাঁরে ভোল একি ভুল হয় হয় হয় ॥১১৬॥

বাগেশী—একতাল।

স্বপ্ন পবনেশবে অনাদিকাবণে ।

বিবেক বৈবাগ্য দুই সহায় সাধনে ।

বিষয়েব দুখ নানা, বিষয়ীৰ উপাসনা,

তাজ মন এ যন্ত্রণা, সত্য ভাব মনে ॥১১৭॥

সাহানা—ঝাঁপতাল ।

ডেকেছেন প্রিয়তম কে বহিবে ঘবে ?

ডাকিতে এসেছি তাই, চল ত্বরা কবে ।

তাপিত হৃদয় যাবা, মুছিবি নয়ন ধাবা,

ঘুচিবে বিবহ তাপ কত দিন পবে ।

আজি এ আকাশ মাঝে, কি অমৃত বীণা বাজে,

পুলকে জগত আজি কি মধুব শোভায় সাজে ,

আজি এ মধুব ভবে, মধুব মিলন হবে,

তাঁহাব সে প্রেমমুখ জেগেছে অন্তবে ॥১১৮॥

সাহানা—ধামাল ।

ভয় করিলে যাঁরে না থাকে অণ্ডের ভয় ;
যাঁহারে করিলে প্রীতি জগতের প্রিয় হয় ।
জড় মাত্র ছিলে, জ্ঞান যে দিল তোমায়,
সকল ইন্দ্রিয় দিল, তোমার সহায় ;
কিন্তু তুমি ভুল তাঁরে এতো ভাল নয় ॥১১৯॥

সাহানা—যৎ ।

কে জানে রে এত সুধা দয়াল নামে ছিল,
সুধা পানে মত্ত প্রাণ আকুল হয়ে গেল ।
আমি আগেতে জানিতাম যদি
তাহ'লে রে নিরবধি, করিতাম সুধাপান
বসিয়ে বিরল—সংসার-গরল ছাড়ি প্রেম
নিরমল ॥১২০॥

সাহানা (মিশ্র)—যৎ ।

যদি লভিতে বাসনা রে মন, সেই দেব-বাঞ্ছিত চরণ,
একান্ত মনেতে কর পবিত্র যোগ সাধন ।

সত্যনিষ্ঠ ভক্ত হয়ে, ডাক সেই প্রাণের ঈশ্বরে,
 বিবেক বৈরাগ্যের সহায়ে, সাধ সত্যের সাধন ।
 ওমন থেকেনা রে ক্ষিপ্তপ্রায়,
 তোমায় বুঝান বে বড় দায়,
 ওরে, রুষ্ট তুষ্ট, সরস নীরস, হও যে তুমি প্রতিক্ষণ ।
 “শ্রেয়াংসি বহু বিঘ্নানি,” মনেতে নিশ্চয় জানি,
 ছরায় কর যতন রে সাধিতে পরম ধন ॥১২১॥

নারায়ণী—৫৭।

ভজ রে ভজ রে ভবখণ্ডনে,
 ভজ রে বিশ্বজন-বন্দনে,
 জগত-রঞ্জন ভকত-চিত্ত-বিনোদনে, মোদনে,
 পালনে, তারণে, প্রণতজন-সৌভাগ্য জননে ।
 শুদ্ধ সত্য জ্যোতির্ময় জ্ঞানে, মুক্তিদাতা জগত প্রাণে,
 অন্তর্যামী নিত্য পুরাণে, শাস্ত্রত বিভূ রূপানিধানে ;
 পূণ ব্রহ্ম সনাতনে, সমস্ত পাতক-নাশনে,
 সর্বলোকাশ্রয়-প্রভবে, সত্যায়নে প্রেমাগ্ননে ॥১২২॥

ছায়ানট—আড়াঠেকা ।

জান না রে কত তাঁর করুণা ।
যে জন দেখে না চাহে না তাঁকে,
তারেও করিছেন প্রেম দান ।
রসনা যাও তাঁর নাম প্রচারো,
তাঁর আনন্দ জনন, সুন্দর আনন,
দেখ রে নয়ন, সদা দেখ রে ॥১২৩॥

ছায়ানট—ঝাঁপতাল ।

বিপদ ভয় বারণ যে করে ওরে মন
তাঁরে কেন ডাক না ।
মিছা ভ্রমে ভুলে সদা রয়েছ ভবঘোরে মজি
একি বিড়ম্বনা ।
এ ধন জন না রবে হেন, তাঁরে যেন ভুল না,
ছাড়ি অসার, ভজহ সার, যাবে ভব যাতনা !
এখন হিত বচন শুন যতনে করি ধারণা,
বদন ভরি নাম হরি কর সতত ঘোষণা ;

যদি এ ভবে পার হবে, ছাড় বিষয় কামনা,
সঁপিয়ে তনু হৃদয় মন তাঁরে কর সাধনা ॥১২৪॥

মূলতান—একতাল।

দয়াল নাম লইতে অলস করোনা রসনা,
যা হবার তাই হবে ।

ছুঃখ পেয়েছ (আমার মন রে) না আরো পাবে,
ঐহিকের সুখ হলনা বলে কি চেউ দেখে না ডুবাবে ।

রেখ রেখ এ নাম সদা হৃদে ধরি,
অনায়াসে পার হবে ভব বারি,

সচেতনে থেকো,(মন রে আমার) দয়াল বলে ডেকো,
এ দেহ ত্যজিবে যবে ॥১২৫॥

বারেঁয়া—ঠুংরি ।

কর সদা দয়াময় নাম গান

আনন্দেতে অবিশ্রাম ;

শীতল হবে রসনা জুড়াইবে প্রাণ ।

যুচিবে হৃদয়-ভার, আনন্দ পাবে অপার,
 রসাল দয়াল নাম, অমৃত সমান ।
 বিষম সংকট কালে, দয়াময় বলে ডাকিলে,
 ভয় তাপ যায় চলে, দুঃখ হয় অবসান ॥১২৬॥

বারেঁয়া—ঠুংরি ।

সবে মিলে গাও রে এখন ।
 গাও তাঁরে গায় যাঁরে নিখিল ভুবন ।
 বিহঙ্গ কাকলি ক'রে, যার নাম সুধা ক্ষরে,
 মোহিত গগন গিরি, সুধাংশু তপন ।
 ছাড়ি মোহ-কোলাহল, সে আনন্দ ধামে চল,
 শোন সে আনন্দ ধ্বনি, মুদিয়া নয়ন ।
 সেই পূর্ণ প্রাণেশ্বরে, জগত ভজনা করে,
 প্রেম-নয়ন মেলি, কর দরশন ।
 হৃদয় মন্দির মাঝে, দেখে সে হৃদয় রাজে,
 মত্ত হয়ে কর তাঁর গুণানুকীৰ্ত্তন ।
 ভাই ভগ্নী সবে মিলি, গাও রে হৃদয় খুলি,
 বিমল আনন্দ-রসে, হও রে মগন ॥১২৭॥

মালকোষ—ধামাল ।

হৃদিনিকেতনে, জ্ঞান নয়নে,

যদি নাহি জীব দেখ হে তাঁহারে ;

অন্তে কি তোমারে, দেখাইতে পারে,

সেই সত্য পরাংপরে ?

দিবাকর নিরন্তর, সহ গ্রহ শশধর,

বিস্তারি সহস্র কর, যারে প্রকাশিতে নারে ?

চক্ষে নাহি দেখা যায়, বুদ্ধি যারে নাহি পায়,

মনের অতীত জনে, বাক্য কি বুঝাতে পারে ?

বিশাল বিশ্ব বেদান্ত, নাহি পায় যার অন্ত,

গ্রহেতে তাঁহার অন্ত, পাবে হে কেমন করে ?

না থাকিলে নেত্রভাতি, কি করিবে সূর্য্য-জ্যোতি,

জ্বালিয়ে আশ্রয় জ্যোতি, দেখ সেই প্রেমাধারে ॥১২৮॥

বাহার—একতাল্য ।

পিতার ছুয়ারে দাঁড়াইয়া সবে

ভুলে যাও অভিমান ।

এস ভাই এস প্রাণে প্রাণে আজি

রেখনা রে ব্যবধান ।

সংসারের ধূলা ধুয়ে ফেলে এস

মুখে লয়ে এস হাসি,

হৃদয়ের খালে লয়ে এস ভাই

প্রেম-কুল রাশি রাশি ।

নীরস- হৃদয়ে আপনা লইয়ে

রহিলে তাঁহারে ভুলে,

অনাথ-জনের মুখপানে আহা

চাহিলে না মুখ তুলে ;

কঠোর আঘাতে ব্যথা পেলে কত

ব্যথিলে পরের প্রাণ,

তুচ্ছ কথা নিয়ে বিবাদে মাতিয়ে

দিবা হ'ল অবসান ।

তাঁর কাছে এসে তবুও কি আজি

আপনারে ভুলিবে না,

হৃদয় মাঝারে ডেকে নিতে তাঁরে

হৃদয় কি খুলিবে না ?

লইব বাঁটিয়া সকলে মিলিয়া

প্রেমের অমৃত তাঁরি,
 পিতার অসীম ধন রতনের
 সকলেই অধিকারী ॥১২৯॥

বাহার—আড়াঠেকা ।

তাঁহার আনন্দধারা জগতে যেতেছে বয়ে,
 এস সবে নরনারী আপন হৃদয় লয়ে ।

সে আনন্দে উপবন, বিকশিত অনুক্ষণ,
 সে আনন্দে ধায় নদী আনন্দ বারতা কয়ে ।
 সে পুণ্য নিৰ্ঝর-স্রোতে বিশ্ব করিতেছে স্নান,
 রাখ সে অমৃতধারা পূরিয়া হৃদয় প্রাণ ।
 তোমরা এসেছ তীরে, শূন্য কি যাইবে ফিরে,
 শেষে কি নয়ন নীরে ডুববে তৃষিত হ'য়ে ।

চিরদিন এ আকাশ নবীন নীলিমাময়,
 চিরদিন এ ধরণী যৌবনে ফুটিয়া রয় ।
 সে আনন্দরস পানে চিরপ্রেম জাগে প্রাণে,
 দহে না সংসার তাপ সংসার মাঝারে র'য়ে ॥১৩০॥

বাহার—একতাল ।

ব্রহ্ম কৃপাহি-কেবলম্ ।

পাশ নাশ হেতুরেষঃ নতু বিচার বাঞ্চলং ।

দর্শনশ্চ দর্শনেন ন মনোহি নিশ্চলং :

বিবিধশাস্ত্রজ্ঞানেন ফলতি তাত কিং ফলং ॥১৩১॥

বাহার—রাপতাল ।

অচল ঘন গহন গুণ গাও তাঁহারি ;

গাও আনন্দে সবে রবি চন্দ্র তারা ।

সকল তরুরাজি সাজি ফুল ফলে গাওরে ;

বিহঙ্গ-কুল গাও আজি মধুরতর তানে,

গাও জীব জন্তু আজি যে আছ যেখানে ।

জগতপুরবাসী সবে গাও অনুরাগে ;

মম হৃদয় গাও আজি মিলিয়ে সব সাথে,

ডাক নাথ ডাক নাথ বলি, প্রাণ আমারি ॥১৩২॥

বাহার—তেওট ।

তং পরং পরমেশ্বরং

অমৃতানন্দরূপং পরাংপরং পরমজ্ঞানং,

বয়ং স্বরামহে বয়ং ভজামহে কারণং

জনগণ-মানস-পরিনিহিতং পরং পরমেশ্বরং ।

অশ্রু নিয়মে দিনকর আভাতি, সুধাংশুঃসঞ্চরতি খে,

মহতোহশ্রু ভয়ে পবনশ্চলন্ সঞ্জীবয়তি ;

বয়ং স্বরামহে বয়ং ভজামহে পরমং

জনগণমানস-পরিনিহিতং পরং পরমেশ্বরং ॥ ১৩৩ ॥

সোহিনী বাহার—ঝাপতাল ।

জগতবন্দনে ভজ পবিত্র হবে জীবন ।

পাইবে অনন্ত ফল, লাভ হবে পরম ধন ।

অকৃতম কে এমন তাঁরে যে কভু দেখে না,

ধিক্ সে জীবন তার, পাপ তাপে মগন ।

পরম করুণাধার সেই পতিতপাবন,

তাঁর পদে প্রণম নাহি রহিবে মোহাবরণ ;

সুগভীর নিশীথে চন্দ্র সুন্দর মধুর

শোভয়ে ঝাঁর শোভায়, কেমন তিনি মনোহরণ ॥ ১৩৪ ॥

সোহিনী বাহার—১৭ ।

নহে ধর্ম সুধু ব্রহ্মে ডাকিলে ;

তঁার আদেশ পালন নাহি করিলে !

গৃহস্থের গৃহধর্ম,

কৃষকের কৃষিকর্ম,

সবই ধর্ম, তঁারি কায ভাবিলে ।

কর্তব্য বুঝিবে যাহা,

যদি না করহ তাহা,

কি ফল কেবল, তঁারে ভাবিলে ?

করি সদা প্রাণপণ,

কর কর্তব্যপালন,

সরস রাখ হৃদয় প্রেম-সলিলে ;

বাহিরে অন্তর মাঝে,

হের সদা প্রাণ-রাজে,

চির সুখ পাবে তঁারে পাইলে ॥১৩৫॥

খাম্বাজ—চৌতাল ।

গাও হে তঁাহার নাম, রচিত যঁার বিশ্বধাম,

দয়ার যঁার নাহি বিরাম, করে অবিরত ধারে ।

জ্যোতি যঁার গগনে গগনে,

কীর্তি ভাতি অতুল ভুবনে,

প্রীতি যঁার পুষ্পিত বনে, কুসুমিত নবরাগে ।

যাঁর নাম পরশ-রতন, পাপ-হৃদয়-তাপহরণ,
 প্রসাদ যাঁর শান্তিরূপে ভকত-হৃদয়ে জাগে ;
 অন্তহীন নির্ঝিকার, মহিমা যাঁর হয় অপার,
 যাঁর শক্তি বর্ণিবারে বুদ্ধি বচন হারে ॥১৩৬॥

ধাম্বাজ—টিমে ভেতাল্লা ।

কেন ভোল মনে কর তাঁরে ;

যে সৃজন পালন করে সংসারে ।

সর্বত্র আছে গমন, অথচ নাহি চরণ,
 কর নাহি করে গ্রহণ নয়ন বিনা সকল হেরে ।
 অনন্ত ব্রহ্মাণ্ড যাঁর, দ্বিতীয় নাহিক আর,
 নির্ঝিকার বিশ্বাধার, কে পারে বলিতে তাঁরে ॥১৩৭॥

ধাম্বাজ—একতাল্লা ।

তার কি দুঃখ বল সংসারে ?

যে জন সত্যকে আশ্রয় করে !

করে কালযাপন, হয়ে দৃষ্ট মন,

দেখে ব্রহ্মরূপ অন্তরে বাহিরে ।

নিত্য উপাসনা, ইন্দ্রিয় দমন,
পর-উপকার, বৈরাগ্য সাধন,
হইয়াছে যার, জীবনের সার,
সে যায় অনায়াসে ভবপারে ।
ব্রহ্মে সঞ্জীবিত থাকি সর্বক্ষণ,
প্রাণপণে করে কর্তব্যপালন,
অটল প্রভুভক্তি, সরল শান্তমতি,
প্রেমার্দ্র হৃদয়ে দেখে সর্ব নরে ॥১৩৮॥

কাফি—আড়াঠেকা ।

আহা কে দিবে আনিয়ে তাঁরে
হারায়ে জীবন-শরণে, জীবনে কি কাজ আমার,
ঐহিকের সুখ যত জানি তা কাজ নাই,
সে সুখে সে ধনে
হারায়ে জীবন-শরণে জীবনে কি কাজ আমার ॥১৩৯॥

ঝিঝিট—ঠুংরি ।

আয়রে যাই সবে শান্তি-নিকেতনে,
 বিষাদে ভ্রম কেন সংসার কাননে ?
 কত কাল বল আর রবে হে স্বপনে,
 ভুলে সেই প্রেমময় পতিতপাবনে ?
 তাঁরে ছাড়ি আর এ ছার জীবনে,
 কে পারে তারিতে বল পাতকী অধমে ?
 ভক্তবৎসল বিপদ-বারণে
 এস হে ডাকি সবে আজি প্রাণপণে ॥১৪০॥

ঝিঝিট—ঠুংরি ।

মন ভাব রে দয়াময় পদ হৃদিমাঝে ।
 দাও ভক্তি প্রেমাঞ্জলি সে চরণ পঙ্কজে ।
 দেখ সরল অন্তরে বারেক চাহিয়ে,
 হৃদয়-মন্দিরে সেই মহাপ্রভু বিরাজে ।
 রমনায় কর তাঁর নাম সংকীৰ্ত্তন,
 মধুর দয়াল নাম কর সদা শ্রবণ ;

করযুগে কর সদা সে চরণ সেবন,
নয়ন ভরিয়ে দেখ হৃদয়ের রাজে ।
বিনীত শান্ত ভাবে বসিয়ে নির্জনে,
ভুবনমোহন রূপ দেখ যোগ ধ্যানে ;
ভক্তিযোগে অনুরাগে হয়ে প্রেমে মগ্ন,
পান কর মকরন্দ বিভূচরণ-সরোজে ॥১৪১॥

কিঞ্চিৎ—ঠুংরি ।

গাওরে জগপতি জগবন্দন
ব্রহ্ম সনাতন পাতকনাশন ।
এক দেব ত্রিভুবন-পরিপালক,
রূপা-সিন্ধু সুন্দর ভবনায়ক ।
সেবক মনোমদ মঙ্গল-দাতা,
বিদ্যা-সম্পদ-বুদ্ধি-বিধাতা ;
যাচে চরণ ভকত করযোড়ে,
বিতর প্রেম-সুধা চিত্ত-চকোরে ॥১৪২॥

ঝাঁঝিট—ঠুংরি ।

কর তাঁর নাম গান ;

যত দিন রহে দেহে প্রাণ ।

যাঁর হে মহিমা অনন্ত জ্যোতি,

জগত করে হে আলো ।

শ্রোতবহে প্রেম-পীযুষ বারি,

সকল জীব সুখকারী, হে ।

করুণা স্মরিয়ে তনু হয় পুলকিত,

বাক্যে বলিতে কি পারি ;

যাঁর প্রসাদে এক মুহূর্ত্তে;

সকল শোক অপসারি, হে ।

উচ্ছে নীচে, দেশ দেশান্তে,

জলগর্ভে কি আকাশে ;

অন্ত কোথা তাঁর অন্ত কোথা তাঁর,

এই সদা সবে জিজ্ঞাসে, হে ।

চেতন-নিকেতন পরশ রতন,

সেই নয়ন অনিমেঘ ;

নিরঞ্জন সেই, যার দরশনে,
নাহি রহে দুঃখ লেশ, হে ॥১৪৩॥

ঝিঝিট—একতালা ।

একবার তোরা মা বলিয়া ডাক,
জগত জনের শ্রবণ জুড়াক,
হিমাদ্রি পাষণ কেঁদে গলে যাক,
মুখ তুলে আজি চাহ রে।
দাঁড়া দেখি তোরা আশ্রুপর ভুলি,
হৃদয়ে হৃদয়ে ছুটুক বিজুলি
প্রভাত গগনে কোটি শির তুলি,
নির্ভয়ে আজি গাহরে ।
বিশ কোটী কণ্ঠে মা বলে ডাকিলে
রোমাঞ্চ উঠিবে অনন্ত নিখিলে,
বিশ কোটি ছেলে মায়েরে ঘেরিলে
দশদিক্ স্মখে হাসিবে ।
সে দিন প্রভাতে নূতন তপন
নূতন জীবন করিবে বপন,

এ নহে কাহিনী এ নহে স্বপন

আসিবে সেদিন আসিবে ।

আপনার মায়ে মা বলে ডাকিলে,

আপনার ভা'য়ে হৃদয়ে রাখিলে,

সব পাপ তাপ দূরে যায় চলে

পুণ্য প্রেমের বাতাসে

সেথায় বিরাজে দেব আশীর্বাদ

না থাকে কলহ না থাকে বিবাদ,

যুচে অপমান জেগে উঠে প্রাণ

বিমল প্রতিভা বিকাশে ॥১৪৪॥

ঝিঝিট কাওয়ালি ।

অক্ষয় আনন্দধামে চল রে পথিক মন ।

পাইবে শাস্ত্রত সুখ, জুড়াবে দগ্ধ জীবন ।

সে বড় পবিত্র দেশ, নাহি পাপ তাপ লেশ,

প্রেমানন্দ সমাবেশ, সকল শোকভঞ্জন ।

(তথা) শান্তি নামে পুণ্যনদী, বহিতেছে নিরবধি,

রবে না মনের ব্যাধি; করিলে অবগাহন !

অজস্র অমিয় স্মৃধা, বাঞ্ছা পূরে পাবে সদা,
যুচিবে আত্মার ক্ষুধা, সে স্মৃধা করি সেবন ।
(তথা) নিত্যানন্দ নিত্যোৎসব, অনন্ত পূর্ণ বৈভব,
অপ্রাপ্য অভাব সব, তখনি হবে পূরণ ।
সদাব্রত তৃপ্তি অন্ন, লালসা থাকে না অগ্র,
সেবনে কামনা পূর্ণ, চিদানন্দ উদ্দীপন ॥১৪৫॥

ঝিঁঝিট—একতালা ।

ভজ রে প্রভু দেবদেব সর্ব-হিতকারী রে ।
মননে পাপতাপ যায় অন্তর-দুঃখহারী রে ।

যাঁহার দয়ার নাহিক পার,
অবিরত স্রোত বহিছে যঁার,
তাঁহারে সঁপিলে মন প্রাণ,
কি ভয় তোমারি রে ?

তাঁহারি প্রীতি কুসুমকাননে,
তাঁহারি শক্তি অসীম গগনে,
হেরিলে পুলকে পূরে কায়,

উথলে প্রেমবারি রে ।

অমৃত জলেরি সেই ত সাগর,
 কেন কাছে থাকি তুষায় কাতর,
 অনায়াসে পান কর রে সে জল,
 চরম শান্তিকারী রে ॥১৪৬॥

ঝিঝিট—যৎ ।

পুণ্য-পুঞ্জেন যদি প্রেমধনং কোহপি লভেৎ,
 তস্ম তুচ্ছং সকলং ।
 যাতি মোহাক্রমঃ প্রেমরবেরভ্যদয়ে,
 ভাতি তদ্বৎ বিমলং ।
 প্রেম সূর্য্যো যদি ভাতি ক্ষণমেকং হৃদয়ে,
 সকলং হস্ততলং ॥১৪৭॥

ঝিঝিট খাম্বাজ—ঠুংরি ।

সেই এক পুরাতন, পুরুষ নিরঞ্জে,
 চিত্ত-সমাধান কর রে ।
 আদি সত্য তিনি, কারণ-কারণ,
 প্রাণরূপে ব্যাপ্ত চরাচরে ;

জীবন্ত জ্যোতির্ময়, সকলের আশ্রয়,

দেখে সেই যে জন বিশ্বাস করে ।

অতীন্দ্রিয় নিত্য চৈতন্য স্বরূপ,

বিরাজিত হৃদি-কন্দরে ;

জ্ঞান প্রেম পুণ্যে, ভূষিত নানা গুণে,

যাঁহার চিন্তনে সন্তাপ হরে ।

অনন্ত গুণাধার, প্রশান্ত মূরতি,

ধারণা করিতে কেহ নাহি পারে ;

পদাশ্রিত জনে, দেখা দেন নিজ গুণে,

দীন হীন বলে দয়া করে ।

চিরক্ষমাশীল, কল্যাণ-দাতা,

নিকট সহায় দুঃখ সাগরে ;

পরম ঞ্চায়বান, করেন ফল দান,

পাপ পুণ্য কর্ম অনুসারে ।

প্রেমময়, দয়াসিন্ধু কৃপানিধি,

শ্রবণে যাঁর গুণ অঁাখি করে ;

তাঁর মুখ দেখি, সবে হও হে সুখী,

ভূষিত মন প্রাণ যাঁর তরে ।

বিচিত্র শোভাময়, নিৰ্মল প্রকৃতি,
 বর্ণিতে সে অপক্লপ বচন হারে ;
 ভজন সাধন তাঁর, কর রে নিরন্তর,
 চিরভিখারী হয়ে তাঁর দ্বারে ॥১৪৮॥

বিষ্ণুটি খাম্বাজ—ঠুংরি ।

আজি প্রাণ মন খুলে, সেই প্রাণেশ্বরে,
 সব বন্ধু মিলে ডাকি রে ।
 দেখ রে দুর্গতি বারেক চাহিয়ে
 কি আছে ঘটনা! বাকি রে ;
 পাপে তাপে জর জর, দেখ হে নারীনর,
 সংসার-বন্ধনে থাকি রে ।
 ভারত হৃদ্দিনে দেখিয়ে নয়নে,
 কেমনে ঘুমায়ে থাকি রে,
 এস হে এস হে তবে, মিলিয়া বান্ধব সবে,
 প্রাণপণে আজি ডাকি রে ।
 ব্যাকুল অন্তরে করিলে রোদন,
 প্রার্থনা পুরিবে নাকি রে ;

এস তবে সমস্বরে, কাঁদি হে তাঁর দ্বারে,
চরণে মস্তক রাখি রে ॥১৪৯॥

ঝাঁঝিট খাম্বাজ—ঠুংরি ।

দয়াময় বলে সদা প্রাণ ভরে,
ডাক তাঁরে সবে, আনন্দে মিলিয়ে ।

স্নেহের আধার, মায়ের মতন,
অতুল যতন, আর কে করে ?
নিজে ক্রোড়ে করে পাপী গণে লয়ে,
মধুর বচন আর কেবা বলে ?

ভুলনারে কভু এমন স্নহুদে,
হৃদয় মাঝারে সদা রেখ তাঁরে ॥১৫০॥

ঝাঁঝিট খাম্বাজ—ঠুংরি ।

বিভূ-পদ-কমল পীযুষ-রসে,
মজ রে পিপাসু মন-মধুকর ।

বিষয়-সুখ-আশে, কেন রে মায়াবশে,
ভব-কণ্টক-বনে বৃথা ভ্রমণ কর ?

মধুলোভে কত, প্রেমিক ভকত,
 বিহরিছে ও পদ-পঙ্কজ ভিতর ;
 বিমোহিত হয়ে, আছে লুকাইয়ে,
 সুধাপানে আনন্দিত অন্তর ।

ও চরণ সরোজে, বিমল দল মাঝে,
 সাধুসঙ্গে সদা সুখে বাস কর ;
 নিশ্চিত্ত মনে, বসি পদ্মাসনে,
 পিয় রে মকরন্দ নিরন্তর ॥১৫১॥

কিঁঝিট গাম্বাজ—ঠুংরি ।

(লক্ষ্মী ঠুংরি)

কিস্ শোচ্ বিচারমে বয়ঠে হো,
 মন্ শুধ্ করো ভাই এক্ ছিন্কে।
 জগ্ চিন্তাকো সব দূর করো,
 আউর ত্যাগো ধ্যান বিষয় ধন্কে,
 প্রভু পূজামে অনুরাগ করো,
 আউর প্রস্তুত হো হরি কীর্তন কো ।

পরিত্রাণকে প্রতি সর্ব্ব ব্যাকুল হো
তুম আকুল হো প্রভু দর্শনকো ।
ভক্তি আউর প্রেমকে ফুলোঁসে,
ভর পূর করো হৃদ-কাননকো
একান্ত সুখা রন পান করো,
আউর শান্তি কর আপনে মন কো ॥১৫২॥

বেহাগ—আড়া ।

শান্তি কোথা আছে আর,
অমৃত-সাগর বিনা ।
ভুলে সে অমৃতে যেই, বিষয়-বিবের কুণ্ডে,
করে শান্তি অন্বেষণ, ভ্রমবুদ্ধি তার ।
ওরে সন্তাপিত জীব, বৃথা কেন ভ্রমিতেছ,
কাঁদিতেছ ভবারণ্যে হয়ে শান্তিহারা ;
অমৃতসাগরে যাও, যাবে তাপ পাবে শান্তি
সকলের তরে আছে মুক্ত তাঁর দ্বার ॥১৫৩॥

বেহাগ—আড়াঠেকা ।

ক্ষণমিহ চিন্তা কর সংস্বরূপ নিরঞ্জন ।

তাজ মন দেহগর্ষ, খর্ষ হবে রিপুগণ ।

সন্মুখে বিষয়-জাল, পশ্চাতে নিষাদ কাল,

গেল কাল অন্তকাল ভাব রে এখন ;

যাহাতে উৎপত্তি স্থিতি, তাঁহাতে নাহিক প্রীতি,

এ তোর কেমন রীতি, ওরে দন্তময় মন ॥১৫৪॥

বেহাগ—আড়াঠেকা ।

এত সাধনের ধন পেয়ে হৃদি নিকেতনে ।

বিষয়-অরণ্যে তাঁরে হারাইও না অযতনে ।

মুনীন্দ্র যোগীন্দ্র কত, যোগ-ধ্যানে সদা রত,

অমরগণ নিয়ত নিরত ঝাঁর মননে ।

যে ধনে হৃদয়ে ধরি, রাজ্যপদ তুচ্ছ করি,

কত সাধু ব্রহ্মচারী, আছে রে আনন্দমনে ।

সংসার সন্তাপানলে, রবে হে যদি কুশলে,

সতত হৃদি কমলে, রাখ তাঁরে সযতনে ॥১৫৫॥

বেহাগ—আড়াঠেকা ।

হায় কি কঠিন তুমি, কি ভুলে ভুলেছ তাঁরে ।
 তিলেকের তরে যিনি, না ভুলেন তোমারে !
 নিয়ে পুত্র পরিজন, আছ স্মৃথে অচেতন,
 মোহের মধুর স্বরে, ভুলিয়ে জীবন ধন ;
 ঐ দেখ তুমি ঝাঁরে, ভাব না তিলেক তরে,
 নিদ্রা নাই চক্ষে তাঁর, বসিয়ে তব শিয়রে ॥১৫৬॥

বেহাগ—আড়াঠেকা ।

গভীর নিশীথে কেন জাগিলি রে মন,
 কেন এত ব্যাকুলিত, কেন এত উচাটন ?
 জননী-নিদ্রার কোলে, দেহ মন সঁপেছিলে,
 অকস্মাৎ কি ভাবিলে, মেলিলে নয়ন ।
 চেয়ে দেখ জগজ্জন, মৃত তুল্য অচেতন,
 প্রকৃতিও সমাহিত, নাহিক স্পন্দন ;
 জীবন-তরঙ্গ রব, গাঢ় নিস্তব্ধিত সব,
 জাগ্রত জগতপুরে, মাত্র এক জন ।

যদি তাঁর কৃপাবলে, ঈদৃশ গভীর কালে,
 যোগী জন-স্পৃহণীর পাইলে চেতন ;
 ডুব তাঁর ধ্যানের মন, স্থাপ হৃদে শ্রীচরণ,
 জপ ব্রহ্মনাম, হবে মার্থক জীবন ॥১৫৭॥

বেহাগ—আড়াঠেকা ।

রে শশাঙ্ক মনোহর বলনা আন্ডায়,
 এমন মোহন রূপ পাইলে কোথায় ?
 বরষি অমৃত রাশি, হাসিছ কি চারু হাসি,
 ভাসিছ আনন্দ নীরে, দেখে প্রাণ জুড়ায় ।
 ধরণীনিবাসিগণ, ঘোর ঘুমে অচেতন,
 জাগিছ গগনে তুমি, প্রহরীর ণ্ডায় ।
 তৃষিত হৃদয় আশি, দেখাও আমারে তুমি,
 এ রুচির রূপরাশি, যে দিল তোমায় ॥১৫৮॥

বেহাগ—একতালা ।

ভাব তাঁরে অন্তরে যে বিরাজে ;
 অণ্ড কথা ছাড় না !

সংসার সঙ্কটে, ত্রাণ নাহি কোন মতে,
বিনা তাঁর সাধনা ॥১৫৯॥

বেহাগ—একতাল

ভজ রে ভজ তাঁরে ।

নিখিল বিশ্ব অবিরত দেশে কালে য়ার
মহিমা প্রচারে রে ।

অপার য়ার শক্তি সাধা, যিনি সুর-নর-পরমারাধ্য,
শুদ্ধ বুদ্ধ্যুঁ অপাপবিদ্ধ বন্দ্য বেদ বন্দে য়ারে রে ।

য়াঁ হতে পাইলে জনক জননী,
য়াঁ হতে দেখিলে বিশাল ধরণী,
য়াঁ হতে লভিলে জ্ঞান-দিনমণি
এ মোহ অন্ধকারে ;

য়াঁহার করুণা জীবন পালিছে,
য়াঁহার করুণা অমৃত ঢালিছে,
য়াঁহার করুণা নিয়ত বলিছে,—

“লয়ে যাব ভব-সিন্ধু পারে রে” ॥১৬০॥

বেহাগ—একতাল।

পরনিন্দা পরপীড়া এ বুদ্ধি কেন ত্যজ না ?

বার বার পাপাচারে পাইবে ঘোর যাতনা ।

তমোগুণাক্রান্ত মতি, পরদেষে হৃষ্ট অতি,

লক্ষ্য কর আত্ম-প্রতি, কুটিলতা ত্যজ না ।

জ্ঞান কর উদ্দীপন, ধর্ম কর আভরণ,

সফল হবে জীবন, ঘুচিবে মনোবেদনা ।

আত্মাকে পবিত্র করি, অহঙ্কার পরিহরি

সত্যের সহায় ধরি, কর ব্রহ্ম উপাসনা ॥১৬১॥

বেহাগ—রূপক ।

প্রেমমুখ দেখ রে তাঁহার ।

শুভ্র সত্যস্বরূপ সুন্দর নাহি উপমা তাঁর ।

যায় শোক, যায় তাপ, যায় হৃদয়-ভার ;

সর্ব সম্পদ তাহে মিলে যখন থাকি তাঁর সাথ ।

না থাকে সংসার তাপ, করেন ছায়া দান ;

সকল সময়ে বন্ধু তিনি এক, সম্পদে বিপদে ।

যদি আসে তাঁর কাষে, দিয়াছেন যে প্রাণ,
ছাড়ি যাব অনায়াসে, তাঁরে করিব দান ॥১৬২॥

বেহাগ—রূপক ।

আজি তাঁরে লভ রে যতনে ।
সেই দেব-দুর্লভ অমৃত-রতনে ।
পাইলে সে ধন হৃদয় কন্দরে,
দুঃখ শোক-তাপ যায় হে অন্তরে,
তাই হে সতত লোক-লোকান্তরে,
ধ্যায়িছে দেবগণ একান্তে সে ধনে ।
সেই ধন তরে হয়ে অনুরাগী,
এই অধোলোকে কত শত যোগী,
তুচ্ছ করি সব, হইয়ে বিবেকী,
ধ্যায়িছে গাইছে তাঁরে এক মনে ।
আত্ম-সুখে সবে দিয়ে জলাঞ্জলি,
দিতেছে তাঁহারে প্রীতি পুষ্পাঞ্জলি,
তাঁর প্রিয় কার্য সাধিছে কেবলি,
সুখে নিশি-দিন কত সাধু-জনে ॥১৬৩॥

বেহাগ—ধামাল ।

অমৃত ধনে কে জানে রে কে জানে রে ।

প্রথর বুদ্ধি না পেয়ে আসে ফিরে,

তিনি হে অকিঞ্চন-গুরু ।

ব্যাকুল অন্তরে, চাহ রে তাঁহারে,

প্রাণ মন সকলি সঁপিয়ে ;

প্রেমদাতা আছেন কোড় প্রসারি,

যে জন যায় নাহি ফিরে ॥১৬৪॥

সিন্ধু বিজয়—তেওরা ।

ঐ যে দেখা যায় আনন্দ ধাম,

অপূর্ব শোভন ভব-জলধির পারে জ্যোতির্ময় ।

শোক-তাপিত জন সবে চল,

সকল দুঃখ হবে মোচন ;

শান্তি পাইবে হৃদয় মাঝে,

প্রেম জাগিবে অন্তরে ।

কত যোগীন্দ্র ঋষি মুনিগণ,

না জানি কি ধ্যানে মগন,

স্তিমিত লোচন কি অমৃত রস পানে,
 ভুলিল চরাচর ;
 কি সুধাময় গান গাইছে সুরগণ ;
 বিমল বিভূষণ বন্দনা,
 কোটী চন্দ্রতারা উলসিত,
 নৃত্য করিছে অবিরাম ॥১৬৫॥

লগ্নী—৪৭ ।

আনন্দ স্বরূপে, আনন্দে ভাবিয়ে,
 গাই 'জয় ব্রহ্ম জয়' ও ।
 যাও চলি সংসার, সুখ লালসা,
 তেয়াগি হৃদয়-আগার ও ;
 যারে ভয় ভাবনা, নীচ কামনা,
 স্বার্থপরতা লোভ আর ও ।
 সময়-সিন্ধু-জলে জীবনের তরী,
 ডুবায়োনা চিরতরে ও ;
 যাও চলি সংসার, সুখ লালসা,
 থেক না গো মম অন্তরে ও ।

ওই যে দেখিলাম, ঈশ্বৰ আভাষে,
মুক্তিপথ ভব সাগরে ও ;

মধুর আলোকে, আলোকিত দেশে,
আনন্দ যথায় বিহরে ও ।

খুলে গেল প্রাণ, - মাতিল হরষে,
যুচিল গো অশান্তির ভাব ও,

পাপ তাপ শোক, যাও দূরে যাও
চাহিনা ত ভোগ সুখ আর ও ।

ওই এক কি যে, মধুর আলোকে,
ভাতিয়া উঠিল পরাণ ও ;

শান্তিসুখ ধাম, বিভূর এ জগৎ,
গাইছে মধুর কি গান ও ।

যাই যাই ওই, কি মোহন সংগীত,
শ্রবণ বিবরে পশিল ও ;

হ'ল যে উদাস, হৃদয় পরাণ,
সংসার আসক্তি টুটিল ও ।

জীবন তরণী, বিবেক শাসনে,
দিবু ছাড়ি কাল সাগরে ও ;

স্বর্গের আলো, অন্তরে বাহিরে,
 মধুর সুসমা ভার ও ;
 আসিবে আশুক, পাপ বিভীষিকা
 করিনাকো ভয় তার ও ।
 যাইব যেথায়, যাইব সেথায়,
 মানিব না বিঘ্ন বাধায় ও ;
 বিশ্ব জননীর্, শক্তি হৃদয়ে,
 করেও না এ হিয়া ডরায় ও ।
 বিভূর জ্যোতিতে, দিক্ বিভাসিত,
 সুধার সংগীত ঝরিছে ও ;
 নিরাশা যাতনা, রোগ শোক নাই,
 আনন্দ শান্তি উড়িছে ও ;
 আনন্দ স্বরূপে, আনন্দে ভাবিয়ে,
 গাই জয় ব্রহ্ম জয়' ও ॥১৬৬॥

—
 রামপ্রসাদী—স্বর ।

আমরা মিলেছি আজ মায়ের ডাকে,

ঘরের হয়ে পরের মতন,

ভাই ছেড়ে ভাই কদিন থাকে ।

প্রাণের মাঝে থেকে থেকে,

আয় বলে ওই ডেকেছে কে ।

সেই গভীর স্বরে উদাস করে,

আর কে করে ধ'রে রাখে ।

যেথায় থাকি যে যেখানে,

বাঁধন আছে প্রাণে প্রাণে,

সেই প্রাণের টানে টেনে আনে,

সেই প্রাণের বেদন জানে না কে ।

মান অপমান গেছে ঘুচে,

নয়নের জল গেছে মুছে ;

নবীন আশে হৃদয় ভাসে,

ভাইয়ের পাশে ভাইকে দেখে ।

কত দিনের সাধন ফলে,

মিলেছি আজ দলে দলে ।

আজ ঘরের ছেলে সবাই মিলে,

দেখা দিয়ে আয় গো মাকে ॥১৬৭॥

দ্বিতীয় অধ্যায় ।

—

আরাধনা ও কৃতজ্ঞতা ।

—

পূর্বাহ্ন ।

ললিত—আড়াঠেকা ।

ইঙ্গিতে তোমার প্রভু সুপ্রভাত দেখা দিল ।
না জানি কি মহামন্ত্রে বসুধারে জাগাইল ।
বসুধা-জননী কোলে, প্রাণিগণ শুয়েছিল,
জাগরিত হয়ে সবে অমৃতনীরে ভাসিল ।
সাজাইলে বসুধারে, কিবা বেশে সুমোহনে,
মাতারে প্রফুল্ল হেরি প্রফুল্ল সন্তানগণ ;
না চিছে গাইছে সবে, আনন্দে সবে মাতিল,
সসন্তান বসুমাতা তব গীত আরম্ভিল ॥১৬৮॥

—

ললিত—আড়াঠেকা ।

কোথা দিব আমি তোমার স্নেহের উপমা,
হে অখিল-মাতা ?

না হয় বিশ্রাম আতপ কোলাহলে,
তুমি তাই নিভাইলে রবি, থামাইলে বিহঙ্গ কূলে ॥১৬৯॥

ভৈরোঁ—কাওয়ালী ।

তুমি আপনি জাগাও মোরে,

তব সুধা পরশে হৃদয় নাথ !

তিমির রজনী অবসানে হেরি তোমারে ।

ধীরে ধীরে বিকাশ হৃদয় গগনে,

বিমল তব মুখ-ভাতি ॥১৭০॥

ভৈরব—চৌতাল ।

তোমারি এ রাজ্য ধন-ধাণ্ড-পূর্ণ শোভাময়,

তোমার মহিমা গায় সকল ভুবন ।

সুভগ সুরম্য সুশোভন যথা দেখি,

সবে পরমাশ্চর্য্য মঙ্গল সাজে সজ্জিত কেমন ।

ভৈরব—ছপ্কা ।

জয় জয় জগদীশ জগতের প্রাণ হে ।
জাগিয়ে প্রকৃতি করে তব গুণ গান হে ।
উদিল তরুণ ভাণু উজলি গগন হে ।
মহিমা-কিরণ তব ছাইল ভুবন হে !
প্রকৃতির মাঝে হেরি তব প্রেমানন হে ।
বিমল আনন্দনীরে ভাসে প্রাণ মন হে ।
শতকণ্ঠে পাখীগণ গাইছে কাননে হে ।
হেন কালে থাকি মোরা নীরব কেমনে হে ?
প্রকৃতির সনে করি তব নাম গান হে ।
ডাকি প্রাণনাথ বলি খুলি মন প্রাণ হে ।
জয় জয় প্রাণাধার করুণা-নিধান হে ।
পাপ-তাপ-হারী তুমি অমৃত সোপান হে ।
প্ৰীতির কুসুম গুলি তুলেছি যতনে হে ।
উপহার দিব নাথ প্রণমি চরণে হে ॥১৭৩॥

ভৈরব—কাওয়ালী ।

তুমি কি গো পিতা আমাদের ?
ওই যে নেহারি মুখ অতুল স্নেহের ।

ওই যে নয়নে তব, অরুণ কিরণ নব,
বিমল চরণতলে ফুল ফুটে প্রভাতের ।

ওই কি স্নেহের রবে, ডাকিছ মোদের সবে,
তোমার আসন ঘেরি দাঁড়াব কি কাছে গিয়া ?
হৃদয়ের ফুল গুলি, যতনে ফুটায় তুলি,
দিবে কি বিমল করি, প্রসাদ সলিল দিয়া ॥১৭৪॥

ভৈরবী—চৌতাল ।

জ্ঞানময় জ্যোতিকে যে জানে, সেই সত্য জানে ;
তাঁরে যেই হৃদে ধ্যায় সেই পায় অচলশরণ ।
এক প্রথম তেজ সেই, একেরি অসংখ্য কিরণ,
কতই মঙ্গল জ্ঞান-ধরম, প্রীতি কান্তি ছায় ভুবন ।
গায় তাঁহারে সৰ্বলোক, মধ্যে সেই বিশ্বলোক,
অন্ত কেহ নাহি পায়,
যাচি চরণারবিন্দ, দেহি মে কৃপা আনন্দ,
আর কার দ্বারে যাব, তুমি সবার দারিদ্র্যভঞ্জন ॥১৭৫॥

ভৈরবী—পোস্তা ।

আমার মন ভুলালে যে কোথা আছে সে ?
সে দেখে আমি দেখিনে, ফিরে চাই আসে পাশে ।

পেলাম পেলাম দেখলাম তাঁরে,
এই সে বলে ধরি যাঁরে,
বুঝি সে নয়, সে হলে পরে,

আর কি মন ফিরে আসে ?

বল্ দেখি রে তরুলতা,
আমার জগজ্জীবন আছেন কোথা,
তোরা পেয়ে বুঝি ক'সনে কথা,

তাই তোদের কুসুম হাসে ?

বল্‌রে বল বিহঙ্গ কুল,
তোরা কার প্রেমে হয়ে আকুল,
থেকে থেকে ডেকে ডেকে,

উড়ে যাস্‌ কার উদ্দেশে ?

বল্‌ দেখি রে হিমাচল,
তুই কিসে এত স্মৃশীতল,

ঝরিতেছে অশ্রুজল,

কার অনুরাগে মিশে ?

পেয়ে বুঝি রত্নবর,

সিন্ধু নাম ধরেছিঁস্ রত্নাকর,

তাই উত্তাল তরঙ্গ তুলে,

নৃত্য করিস্ উল্লাসে ॥১৭৬॥

ভৈরবী—আড়া ।

তোমারি করুণায় নাথ সকলি হইতে পারে ।

অলঙ্ঘ্য পর্কত সম বিঘ্ন বাধা যায় দূরে ।

অবিশ্বাসীর অন্তর,

সঙ্কুচিত নিরন্তর,

তোমায় না করে নির্ভর, সর্বদা ভাবিয়ে মরে ।

তুমি মঙ্গল নিধান,

করিছ মঙ্গল বিধান,

তবে কেন বৃথা মরি, ফলাফল চিন্তা করে ?

ধন্ত তোমার করুণা,

পাপীকেও করেনা ঘৃণা,

নির্বিশেষে সমভাবে সবে আলিঙ্গন করে ॥১৭৭॥

ভৈরবী—মধ্যমান ।

তাই ডাকি হে তোমায় বলে দয়াময় ।
ডাকিলে কাতর প্রাণে (সরলান্তরে) শীতল হয় হৃদয় ।
নাম গানে প্রেমোদয়, দরশনে কত সুখ হয়,
স্বরূপ চিন্তনে পাপ ভয় দূরে যায় ।
তব প্রেমামৃত রসে, পবিত্র জ্যোতি পরশে,
হৃদয়-উদ্যানে প্রেম-ফুল বিকশিত হয় ॥১৭৮॥

রামকেলী—কাওয়ালী ।

নিকটে দেখিব তোমারে করেছি বাসনা মনে ।
চাহিব না হে চাহিব না হে দূর দূরান্তর গগনে ।
দেখিব তোমারে গৃহ মাঝারে, জননী-স্নেহে,
ভ্রাতৃ-প্রেমে, শত সহস্র মঙ্গল বন্ধনে ।
হেঁরিব উৎসব মাঝে, মঙ্গল কাষে,
প্রতিদিন হেঁরিব জীবনে ।
হেঁরিব উজ্জ্বল বিমল মূর্তি তব
শোকে দুঃখে মরণে,

হেবিব সজনে, নরনারী মুখে, হেবিব বিজনে,
বিরলে হে গভীর অন্তর আসনে ॥১৭৯॥

রামকেলি—কাওয়ালী ।

হে করুণাকর দীন-সখা তুমি,
আগত প্রভু তব দ্বারে ।
তুমি বিনা দীনে, কে প্রভু তারে,
দুঃস্বর ভব-সংসারে ।
সম্পদ বিষময় তোমা বিহনে,
জীবন মৃত্যু সমান ;
বিপদ সম্পদ, তব পদ লাভে,
মৃত্যু সে অমৃত-সোপান ॥১৮০॥

রামকেলি—কাওয়ালী ।

জয় করুণাময়, ধন্য প্রভু, তব মহিমা অগম্য অপার
হেরি একি শোভা আজি নয়নে তুলনা নাহিক
তাহার ।

কি স্মৃতি প্রকাশিল আজি দিনমনি,
বিনাশিল অন্ধকার ;
যাহার কিরণে তব জ্যোতি শোভে,
নাশে যাহে হৃদয় আঁধার ।
মোহন ভাতি তব পুষ্পে প্রকাশিত,
বিহগে গাইছে তব নাম ;
প্রকৃতি পুলকে সাজিছে চরণ তোমার ॥১৮১॥

রামকেলি—কাওয়ালি ।

কে বুঝিবে কত করুণা তোমার ;
বরষিছ কত দয়া জীবনে, মরণেও নাহি অন্ত তার ।
সৃজিয়ে শিশু আত্মারে, পাঠালে তব মাঝারে,
বিকাশ করিলে ক্রমে তার ;
ধর্মজ্ঞান বল দিলে, কত স্মৃতি বিতরিলে,
প্রভু তব করুণা অপার ।
দয়া করে দেখা দিলে, কত আশা বাড়াইলে,
তব দয়া বর্ণিতে না পারি ;

মরিলেও নাহি মরি, একি করুণা তোমারি,
অন্তে লও ক্রোড় প্রসারি ॥১৮২॥

টোরী—টিমে তেতালা ।

শান্তি সমুদ্র তুমি গভীর,
অতি অগাধ আনন্দরাশি ।

তোমাতে সব দুঃখ জ্বালা করিব নির্দাণ,
ভুলিব সংসার ।
অসীম সুখ-সাগরে ডুবে যাব ॥১৮৩॥

গুর্জরী টোরী—চৌতাল ।

প্রভাতে বিমল আনন্দে, বিকশিত কুসুমগন্ধে,
বিহঙ্গম গীত ছন্দে তোমার আভাস পাই ।
জাগে বিশ্ব তব ভবনে, প্রতিদিন নব জীবনে
অগাধ শূন্য পূরে কিরণে,
খচিত নিখিল বিচিত্র বরণে,
বিরল আসনে বসি তুমি সব দেখিছ চাহি ।

চারি দিকে করে খেলা, বরণ কিরণ জীবন মেলা ;
 কোথা তুমি অন্তরালে,
 অন্ত কোথায় অন্ত কোথায় ;
 অন্ত তোমার নাহি নাহি ॥১৮৪॥

খট্—একতালা ।

ধন্য দেব পূর্ণব্রহ্ম প্রাণেশ্বর দীনবন্ধু,
 দয়ামিনী করুণানিধি ব্যাকুল-চিত্তবারি হো ।
 ভগবজ্জন-হৃদি-ভূষণ, পাবন জগজীবন,
 (প্রভু) পরমশরণ, পাপিগতি আশ্রিত ভয়হারী হো ।
 অচ্যুত আনন্দধাম, সত্যশ্রয় সত্যকাম,
 জাগ্রত জীবন্ত দেব সেবক-কাণ্ডারী ;
 জ্ঞানানল দীপ্যমান, হৃদাধার হৃদয়েশ্বর,
 ভবতারণ হরি কুপালু ভকত মন-বিহারী হো ।
 অবিনশ্বর পুরাণ পুরুষ, ভগবান্ ভক্তবৎসল,
 কল্যাণ অমর বিশ্ব-ভুবনধারী ;
 জীবিতেশ হৃদয়রতন পরমায়ণ সত্যপুরুষ,
 সদানন্দ জগতগুরু জগজনহিতকারী হো ॥১৮৫॥

ষট্‌ভৈরবী—একতাল।

তুমি বিপদ-ভঞ্জন দয়াল হরি,
 অপার মেহগুণে, জগদ্বাসী জনে,
 কতই ভালবাস আহা মরি মরি!
 অপরূপ তব রচমা-কৌশল,
 নানা রস-যুত অবনীমণ্ডল,
 আমাদের জন্ম করেছ কেবল,
 নিজে সৰ্ব্বত্যাগী পর-উপকারী ।
 সাধিতে জীবের অশেষ কল্যাণ,
 দিবানিশি ব্যস্ত নাহিক বিশ্রাম,
 ভাবিলে তোমার দয়ার বিধান,
 উঠে প্রেমভক্তি পাষণ ভেদ করি ।
 বসিয়ে গোপনে একাকী বিরলে,
 বিচিত্র জগত সৃজন করিলে,
 গুরু হয়ে জ্ঞান ধর্ম শিক্ষা দিলে,
 ভবাৰ্ণবে নিজে হইলে কাণ্ডারী ॥১৮৬॥

বিভাস—ঝাপতাল ।

ধন্য দেব দীনবন্ধু, পরাংপর প্রেম-সিন্ধু
অনুপম করুণা-আধার ।

প্রভাত হইল নিশি, দীপ্ত হলো দশ দিশি,
প্রকাশিল মহিমা অপার ।

প্রান্তর কানন মাঝে, অগণ্য কুসুম সাজে,
হইয়াছে শোভা চমৎকার ;

মানবের কোটী আশ্রু, সেই রূপ করে হাশ্রু,
অপরূপ রচনা তোমার ।

বিহঙ্গ মধুর স্বরে, তব নাম সুধাক্ষরে,
বায়ু বহে সুখ সমাচার ;

গ্রহ চন্দ্র কোটী কোটী, করিতেছে ছুটা ছুটা ;
করিবারে মহিমা প্রচার ।

মাতৃ-ক্রোড়ে শিশু ছিল, মাতা তারে জাগাইল,
প্রেমবাহু করিয়া বিস্তার ;

বিশ্বমাতা তব ক্রোড়ে, জাগিল যামিনী ভোরে,
সেই রূপ সকল সংসার ।

মেলিয়ে যুগল আঁখি, তোমার করুণা দেখি,
খুলে গেল হৃদয় দুয়ার ;

প্রেম-সূর্য্য স্বপ্রকাশ, হৃদয়ের-তমো নাশ,
নিজ গুণে করছে আমার ॥১৮৭॥

বিভাস—আড়াঠেকা ।

এত দয়া কেন পিতা অধম সন্তানে তোমার ,
ক্ষুদ্র হৃদয় ধরিতে যে পারে না, পারে না আব ।
জান সকল অন্তর্যামী, যে মহাপাতকী আমি,
তথাপি ত্যজনা আমায় নিয়ত কর পালন !
মাতৃস্নেহ কোথা আছে, তোমার প্রেমের কাছে,
প্রেম-শৃঙ্খলে বাঁধা এই নিখিল বিশ্বমণ্ডল ॥১৮৮॥

বিভাস—চৌতাল ।

জাগ্রত বিশ্ব কোলাহল মাঝে তুমি গন্তীর,
সুদৃ, শান্ত, নির্বিকার, পরিপূর্ণ মহাজ্ঞান ।
তোমা পানে ধায় প্রাণ,
সব কোলাহল ছাড়ি,
চঞ্চল নদী যেমন ধায় সাগরে ॥১৮৯॥

যোগিয়া বিভাস—একতারা ।

নয়ন তোমারে পায়না দেখিতে,

রয়েছ নয়নে নয়নে ।

হৃদয় তোমারে পায়না জানিতে,

হৃদয়ে রয়েছ গোপনে ।

বাসনার বসে মন অবিরত,

ধায় দশদিশে পাগলের মত,

স্থির অঁখি তুমি মরমে সতত,

জাগিছ শয়নে স্বপনে ।

সবাই ছেড়েছে নাহি যার কেহ,

তুমি আছ তার, আছে তব স্নেহ,

নিরাশ্রয় জন, পথ যার গেহ,

সেও আছে তব ভবনে ।

তুমি ছাড়া কেহ সাথী নাহি আর,

সমুখে অনন্ত জীবন বিস্তার,

কাল পারাবার করিতেছ পার,

কেহ নাহি জানে কেমনে ।

জানি শুধু তুমি আছ তাই আছি,

তুমি প্রাণময়, তাই আমি বাঁচি,
যত পাই তোমায় আরো তত যাচি,
যত জানি তত জানিনে ।

জানি আমি তোমায় পাব নিরন্তর,
লোক লোকান্তরে, যুগ যুগান্তর,
তুমি আর আমি মাঝে কেহ নাই,
কোন বাধা নাই ভুবনে ॥১৯০॥

মূলতান—একতাল।

জয় জ্যোতির্ময় জগদাশ্রয় জীবগণ-জীবন ;
তুমি পরমেশ্বর (প্রভুহে) পূর্ণব্রহ্ম আদি অন্ত কারণ ।
মহিমার ইন্দ্র, দয়ার চন্দ্র, স্নেহে পরাজিত ভুবন,
(কোথা আছ হে কাঙ্গালের সখা)

আমি অধম পাতকী, করযোড়ে ডাকি,
দেও মোরে তব চরণ ।

প্রেমের পাথার, পুণ্যের আধার, ক্লেশ-কলুষনাশন,
(একবার দেখা দেও হৃদয় মাঝে)

তুমি দীনশরণ, ভকত জীবন,

লজ্জাভয়-নিবারণ ॥১৯১॥

বিভাস—একতালা ।

(ওহে দীননাথ—স্বর)

এ জগতের মাঝে, যেখানে যা সাজে,

তাই দিয়ে তুমি সাজায়ে রেখেছ ।

বিবিধ বরণে বিভূষিত করে,

তত্পরে তব নামটী লিখেছ ।

পত্র পুষ্প ফলে দেখি যে সব রেখা,

রেখা নয় তোমার দয়াল নামটী লেখা,

সুন্দর নামে নামাক্ষিত পাখীর পাখা,

প্রেমানন্দ নাম নয়নে লিখেছ ।

চন্দ্রাতপ তুল্য গগন মণ্ডল,

দীপালোকে যেন করে ঝলমল,

তার মাঝে ইন্দু ক্ষরে সুধাবিন্দু,

সুধাসিন্দু নাম তায় অক্ষিত করেছ ।

জীবনে লিখেছ জগৎ-জীবন,

পবন হিল্লোলে হয় দরশন,

জলন্ত অক্ষরে জলদে লিখন,

জ্যোতির্ম্বর নামে জগৎ প্রকাশিছ ।

প্রস্তুরে ভূস্তুরে যাবৎ চরাচরে,
 সৰ্বব্যাপী নাম লিখেছ স্বাক্ষরে,
 লেখা দেখে তোমায় দেখতে ইচ্ছা করে,
 লেখার মতন কেন দেখা না দিতেছ ॥১৯২॥

বিভাস—কাঁপতাল ।

(হৃদয় কুটীর মম—সুর)

ধন্য ধন্য ধন্য নাথ তুমি পূর্ণানন্দময় ;
 অনন্ত তোমার দয়া কি দিব তার পরিচয় ।
 (এই যে) সুনীল গগনতলে, স্ফাংশু তারকা খেলে,
 পবন হিল্লোলে নাচে কুসুম নিচয় ;
 বারিদে চপলা রেখা, ইন্দ্রধনু শিখী পাখা,
 উষার কুন্তলে যবে নব ভানু দেয় দেখা,
 তব প্রেমানন্দমাথা হেরি সমুদয় ।
 (এই যে) শিশুর সরল হাসি, যৌবনের রূপরাশি,
 প্রবীণে জ্ঞান গরিমা, তব দয়ার অভিনয় ;

অপূর্ব অপত্য স্নেহ, মর্ষ নাহি পায় কেহ,
 মধুর দাম্পত্য-প্রেম (বাতে) বিগলিত মন দেহ,
 তোমার করুণা বিনা এসব কি হয় ?
 (আমার) হৃদয়-কানন ভূমি, কত যে সাজালে তুমি,
 পুণ্যের চন্দ্রমা হয়ে (তাতে) হতেছ উদয় ;
 যখন পাপ বিকারে, পড়ে মোহ অন্ধকারে,
 সংসার সাগর মাঝে প্রাণ কাঁদে হাহাকারে ;
 (তখন) আশার আলোক হয়ে দাও হে অভয় ॥১৯৩॥

বিভাস—ঝাঁপতাল ।

জয় জয় পরব্রহ্ম, অপার তুমি অগম্য,
 পরাংপর তুমি সারাংসার ।
 সত্যের আলোক তুমি, প্রেমের আকর ভূমি
 মঙ্গলের তুমি মূলধার ।
 নানা রসযুত ভব, গভীর রচনা তব,
 উচ্ছ্বসিত শোভায় শোভায় ;
 মহাকবি! আদিকবি! ছন্দে উঠে শশী রবি,
 ছন্দে পুন অস্তাচলে ষায় ।

তারকা কনক-কুচি, জলদ অক্ষর কুচি,

গীত লেখা নীলাক্ষর পাতে ;

ছয় ঋতু সম্বৎসরে, মহিমা কীর্তন করে,

সুখপূর্ণ চরাচর সাথে ।

কুসুমে তোমার কান্তি, সলিলে তোমার শান্তি,

বজ্রবে রুদ্ধ তুমি ভীম ;

তব ভাব গূঢ় অতি, কি জানিবে মূঢ়মতি,

ধ্যায় যুগ-যুগান্ত অসীম ।

আনন্দে সবে আনন্দে, তোমার চরণ বন্দে,

কোটা সূর্য্য কোটা চন্দ্র তারা ;

তোমারি এ রচনারি, ভাব লয়ে নরনারী,

হাহা করে নেত্রে বহে ধারা ।

মিলি সুর নর ঋতু, প্রণমি তোমাতে বিভু,

তুমি সর্ব মঙ্গল আলায় ;

দেও জ্ঞান দেও প্রেম, দেও ভক্তি দেও ক্ষেম,

দেও দেও ওপদে আশ্রয় ॥১২৪॥

বিভাস—কাওয়ালি ।

তুমি এক জন হৃদয়েরি ধন ।

সকলে আপনার ব'লে সঁপে তোমার প্রাণ মন ।

প্রাণের ব্যথা মনের কথা যার যা মনে থাকে,

ভাবে ভুলে হৃদয় খুলে ব'লে সুখী তোমাকে,

সকলের হৃদয়ে থেকে শুন হৃদয়রঞ্জন ।

মঙ্গল স্বরূপ তুমি তোমা ধন সকলে চায়,

দীনবন্ধু রূপা সিন্ধু তোমার গুণ সকলে গায় ;

কারু মাতা কারু পিতা কারু সুহৃদ সখা হও,

প্রেমে গ'লে যে যা বলে তাতেই তুমি প্রীত রও,

কেউ বা মনে কেউ বচনে পূজে তোমার ঐ চরণ ।

চব্য, চূষ্য, লেহ্য, পেয় চাওনা চতুর্বিধ রস,

তুমি কেবল ভাব-গ্রাহী ভাবের ভাবুক ভাবের বশ ;

একা তুমি সকলের ভাব গ্রহণ কর নিশি দিন,

ভাব ক'রে ডাকলে এস ভাবনাক জ্ঞানহীন,

সেই ভরসায় ভবের কূলে বসে আছি নিরঞ্জন ॥১৯৫॥

আশা—ঠুংরি ।

বলিহারি তোমারি চরিত মনোহর,
 গায় সকল জগৎবাসী ।
 প্রভু দয়ার অবতার অতুল-গুণনিধান,
 পূর্ণ ব্রহ্ম অবিনাশী ।
 না ছিল এসব কিছু আধার ছিল অতি
 ঘোর দিগন্ত প্রসারি ;
 ইচ্ছা হইল তব, ভানু বিরাজিল,
 জয় জয় মহিমা তোমারি ।
 রবি চন্দ্র পরে জ্যোতি তোমার হে,
 আদি জ্যোতি কল্যাণ ;
 জগতপিতা, জগতপালক তুমি,
 সকল মঙ্গলের নিদান ॥১৯৬॥

আশা—ঠুংরি ।

দয়াঘন তোমা হেন কে হিতকারী ?
 দুঃখ সূখে সমবন্ধ এমন কে, শোক-তাপ-ভয়হারী ?
 সঙ্কট পূরিত ঘোর ভবান্বিত তারে কোন্ কাণ্ডারী ;

কার প্রসাদে দূর-পরাহত রিপুদল-বিপ্লবকারী ?
পাপদহন-পরিতাপ-নিবারি, কে দেয় শান্তির বারি ;
ত্যজিলে সকলে, অস্তিমকালে,

কে লয় ক্রোড় প্রসারি ॥১৯৭॥

আলাইয়া—একতাল।

বসে আছি হে কবে শুনিব তোমার বাণী,
কবে বাহির হইব জগতে মম জীবন ধন্যমানি ।
কবে প্রাণ জাগিবে তব প্রেম গাইবে
দ্বারে দ্বারে ফিরে সবার হৃদয় চাহিবে,
নর নারী মন করিয়া হরণ চরণে দিব আনি ।
কেহ শুনেনা গান, জাগেনা প্রাণ,
বিফলে গীত অবসান ;
তোমার বচন করিব রচন সাধ্য নাহি নাহি,
তুমি না কহিলে কেমনে কব,
প্রবল অজেয় বাণী তব,
তুমি যা বলিবে তাই বলিব,
আমি কিছু না জানি ;

তব নামে আমি সবারে ডাকিব
হৃদয়ে লইব টানি ॥১৯৮॥

আলাইয়া—রাপতাল ।

তোমারেই করিয়াছি জীবনের ধ্রুব তারা,
এ সমুদ্রে আর কভু হবনাক পথহারা ।
যেথা আমি যাই নাক তুমি প্রকাশিত থাক,
আকুল নয়ন-জলে ঢাল গো কিরণধারা ।
তব-মুখ সদা মনে, জাগিতেছে সঙ্গোপনে,
তিলেক অন্তর হ'লে না হেরি কূল-কিণারা ।
কখন বিপথে যদি ভ্রমিতে চাহে এ হৃদি,
অমনি ও মুখ হেরি সরমে সে হয় সারা ॥১৯৯॥

আলাইয়া—যৎ ।

সাধে তোমায় দয়াময় জগতে বলে ।
তুমি পাপী বলে ত্যজিয়াছ কারে কোন্ কালে ?
যখন আমি যে দিকে চাই, সর্বদা ত দেখিতে পাই,
(আমায়) কুপথ হতে দয়া করে টানিছ কোলে ।

ঘোর পাপের পাপী যারা, নিমিষেতে তরে তারা,
তোমার ঐ শ্রীচরণে শরণ নিলে ॥২০০॥

আলাইয়া—বৎ ।

তু মেরে প্রাণ-আধার । (প্রভুজী)
নমস্কার দণ্ডবৎ বন্দন অনেকবার জো বার ।

(প্রভুজী)

উঠত বৈঠত, শোয়ত জাগত,
এমন তুঝেহি চিতা রে ;
যো তুমি কর, সোহি ফল আমার,
তুমি আগে সার । (প্রভুজী)

তুমেরে ওঠ বল, বুদ্ধি ধন তুম্ হি,
তুমেরে পরিবার ;
সুখ দুঃখ সব, মনকি বেরথা,
সেবক নানক গুরু চরণার । (প্রভুজী) ॥২০১॥

আলাইয়া—আড়া ।

অখিল ব্রহ্মাণ্ড করে যে ব্রহ্মের উপাসনা ;
 কি ভুলে ভুলিয়া তুমি বারেক তাঁরে স্মর না ?
 প্রভাত প্রদোষ কালে, পাখীকুল দলে দলে,
 কল কল স্বরচ্ছলে, করে যাঁর আরাধনা ;
 নিবিড় নিশীথে সুখে, নক্ষত্র প্রদীপালোকে,
 নীরবে প্রকৃতি দেবী, যাঁহার করে সাধনা,
 গভীর নিনাদে ঘন, ডাকে যাঁরে ঘন ঘন
 ক্ষণপ্রভা যাঁর প্রভা করে সদা বিঘোষণা ।
 সমীর বিচিত্র তানে, সলিল কল্লোল স্বনে,
 রবিশনী সুকিরণে, করে যাঁরে সমুজনা ;
 শিশির প্রেমাশ্রু মাখি, প্রফুল্ল কুমুম শাখী
 যাঁহার চরণে দিয়ে নিয়ত করে অর্চনা ;
 চরাচর সমভাবে, অবিরত যাঁরে সেবে,
 তুমি কি হে ভক্তিভাবে, তাঁর পূজা করিবে না ॥২০২॥

আলাইয়া—আড়া ।

তোমারি আরতি করে নিখিল ভুবন ;

নিরখি জুড়ায় নাথ ! যুগল নয়ন ।

গগন থালে কেমন, দীপরূপে অনুক্ষণ,

শোভিছে শশী তপন হৃদয়রঞ্জন ।

মুক্তামালা যেন তায়, তারকা সমুদয়,

মরি কিবা শোভা পায় হে ভব-ভয়-ভঞ্জন ।

ধূপ মলয় পবন, নিরন্তর সমীরণ,

করে চামর বাজন, হে বিশ্ব-কারণ ;

বন উপবন যত, পুষ্প দেয় অবিরত,

বাজে ভেরী অনাহত শুনে প্রেমিক যে জন ॥২০৩॥

আলাইয়া—একতালা ।

কত স্থানে কত ভাবে করিছ বিহার (হে নাথ !)

অনন্ত কীর্তি তোমার অতি চমৎকার ।

গভীর গিরি কন্দরে, নিশ্চল নির্ঝর নীরে,

নির্জন কাননে উপবনেরি মাঝার ।

বিশাল জলধি জলে, প্রকাণ্ড ধবলাচলে,
 সুনীল নভোমণ্ডলে, মহিমা অপার ।
 ভকত-হৃদয় ধামে, সতীর পবিত্র-প্রেমে,
 তব প্রেম আবির্ভাব রয়েছে বিস্তার ।
 ভাবুকের মন দেখে, অবাক হইয়া থাকে,
 কৃতাজলি হয়ে তোমায় করে নমস্কার ॥২০৪॥

আলাইয়া—একতাল।

নাথ ! তুমি সর্বস্ব আমার ।
 প্রাণাধার সারাংসার, নাহি তোমা বিনে,
 কেহ ত্রিভুবনে, বলিবার আপনার ।
 তুমি সুখ শান্তি সহায় সম্বল,
 সম্পদ ঐশ্বর্য্য জ্ঞান বুদ্ধি বল,
 তুমি বাসগৃহ আরাণ্যের স্থল, আত্মীয় বন্ধু পরিবার ।
 তুমি ইহকাল তুমি পরিত্রাণ,
 তুমি পরকাল তুমি স্বর্গধাম,
 তুমি শাস্ত্র বিধি গুরু কল্পতরু, অনন্ত সুখের আধার ।

তুমি হে উপায় তুমি হে উদ্দেশ্য,
তুমি স্রষ্টা পাতা তুমি হে উপাস্ত,
দণ্ড দাতা পিতা মেহময়ী মাতা, ভবাৰ্ণবে কর্ণধার
(তুমি) ॥২০৫॥

আলাইয়া ঝিকিট—একতাল।

নাথ ! কি ভয় ভাবনা তার ।

তুমি যার যে তোমার ;

ঐ অভয় পদ দিয়ে, প্রহরী হইয়ে,

নিজে রক্ষা কর যারে নিরন্তর ।

মাতৃকোলে শিশু সন্তান যেমন,

তেমনি সে আনন্দে করে বিচরণ,

নাহি ডরে কালে, ব্রহ্মনামের বলে

করে স্বর্গরাজ্য অধিকার ।

তোমার বরেতে পেয়েছে যে জন,

অক্ষয় অমর অনন্ত জীবন,

ওহে দয়াময়, তুমি যার সহায়,

প্রাণে বধে তারে সাধ্য কার ?

ধন্য সে মানব অতি ভাগ্যবান,
তোমার হাতে যার আছে হে পরাণ,
সুখী তার হৃদয়, নিশ্চিন্ত নিৰ্ভয়,
তুমি লয়েছ যার সকল ভার ॥২০৬॥

সরফরদা—আড়া ।

নাথ কি বলিয়ে ডাকিব তোমায় ।
যা বলে যখন ডাকি মনঃক্ষোভ নাহি যায় ।
তুমি পিতা তুমি মাতা তুমি গুরু জ্ঞান-দাতা,
তুমি হে জগৎ ত্রাতা অনাথ-আশ্রয় ।
তুমি হে নয়ন ভাতি, তুমি হে আত্মার জ্যোতি,
তুমি দীন-হীন গতি, করুণা-নিলয় ॥২০৭॥

রামপ্রসাদী সুর—একতাল ।

(গিন্ধু খাম্বাজ)

কে জানে বিভু কেমন ।
যাঁর না পায় অন্ত কতশত

যোগী ঋষি জ্ঞানী মহাজন ।

জ্ঞানে বিজ্ঞানে বুদ্ধিতে,

হয় না যাঁর তত্ত্ব নিরূপণ ;

ও সেই অনন্ত পরম জ্ঞানে,

চক্ষু চক্ষে না হয় দরশন ।

বেদ বেদান্ত আদি,

শ্রায় পুরাণ ষড়্দরশন ;

এ সব তন্ন তন্ন করে যাঁরে,

না পায় কেহ অন্বেষণ ।

অনন্ত ব্রহ্মাণ্ড আছে,

যাঁরে করে অবলম্বন ;

তিনি ঘটে ঘটে বিরাজ করেন,

হইয়ে জীবনের জীবন ।

(কেবল) সেই পারে জানিতে তাঁরে,

ভক্তিভাবে ডাকে যে জন ;

তিনি সরল সাধকের নিকটে

আত্ম-স্বরূপ করেন প্রকটন ॥২০৮॥

কাকি—একতাল।

মাঝে মাঝে তব দেখা পাই,
 চিরদিন কেন পাইনা,
 কেন মেঘ আসে হৃদয়-আকাশে,
 তোমারে দেখিতে দেয়না ।
 ক্ষণিক আলোকে আঁথির পলকে,
 তোমায় যবে পাই দেখিতে,
 হারাই হারাই সদা ভয় হয়,
 হারাইরা ফেলি চকিতে ।
 কি করিলে বল পাইব তোমারে,
 রাখিব আঁথিতে আঁথিতে,
 এত প্রেম আমি কোথা পাব নাথ !
 তোমারে হৃদয়ে রাখিতে ।
 আর কারো পানে চাহিব না আর,
 করিব হে আমি প্রাণপণ,
 তুমি যদি বল এখনি করিব
 বিষয়-বাসনা বিসর্জন ॥২০৯॥

কাফি—চৌতাল ।

আছ অন্তরে চিরদিন তবু কেন কাঁদি ।

তবু কেন হেরি না, তোমার জ্যোতি,

কেন দিশাহারা অন্ধকারে !

অকূলের কূল তুমি আমার,

তবু কেন ভেসে যাই মরণের পারাবারে ;

আনন্দ ঘন বিভু তুমি যার স্বামী,

সে কেন ফিরে পথে দ্বারে দ্বারে ॥১০॥

কাফি—ঝাপতাল ।

(তুমি হে ভরসা মম—মুর ।)

সুন্দর তোমার নাম, দীনশরণ হে ;

বরিষে অমৃত ধার,

জুড়ায় শ্রবণ, ও প্রাণরমণ হে ।

এক তব নাম ধন অমৃত-ভবন হে,

অমর হয় সেই জন যে করে কীর্তন হে ।

গভীর বিষাদ রাশি, নিমেষে বিনাশে,

যখনি তব নাম-সুধা শ্রবণে পরশে ;

হৃদয় মধুময়, তব নাম গানে,

হয় যে হৃদয়-নাথ চিদানন্দ ঘন হে ॥২১১॥

কাফি—ঝাপতাল ।

(তুমি হে ভরসা মম—স্বর ।)

প্রাণের প্রাণ তুমি অমৃত-সোপান হে ।

অমর হয় সেই জন, যে করে গ্রহণ, তোমার শরণ হে ।

অতুল পুণ্যের রাশি তুমি পুণ্যময় হে,

দরশনে পাপ যায় তাপনাশন হে ।

হৃদয় তিমির নাশে তোমার প্রকাশে হে ।

মোহে অন্ধ সবে মোরা দেও পরিত্রাণ হে ॥২১২॥

অপরাহু ।

বাউলের স্বর—একতাল ।

ভেবে মরি কি সখন্ধ তোমার সনে ;

তত্ত্ব তার না পাই বেদ পুরাণে ।

তুমি জনক কি জননী,

ভাই কি ভগিনী,

হৃদয় বন্ধু কিম্বা পুত্র কন্যা ;

তোমায় এ নহে সম্ভব (হে,) একি অসম্ভব,
সম্পর্ক নাই তবু পর ভাবি নে। (কিসের জন্তে)
ওহে শাস্ত্রে শুনতে পাই, আছ সর্ব ঠাই,
কিন্তু আলাপ নাই আমার সনে ;
তুমি হবে কেউ আমার(হে), আপনার হতেও আপনার,
আপনার না হলে মন কি টানে (তোমার পানে) ॥২১গ॥

বাউলের স্বর—একতারা ।

কত ভালবাস থেকে আড়ালে,
আমি কেঁদে মরি ধরতে নারি, তোমায়,
ছুটি হাত বাড়ালে ।
ছিলাম যখন মা'র উদরে, ঘোর অন্ধকার ঘর
কারাগারে হয় রে ; তখন আহাৰ দিয়ে বাতাস
দিয়ে, তুমি আমারে বাঁচালে ।
আবার যখন ভূমিষ্ঠ হ'লাম, মায়ের কোমল
ক্রোড়ে আশ্রয় পেলাম হয় রে, মায়ের স্তনের
রক্ত হে দয়াময়, তুমি ক্ষীর করিয়ে দিলে ।
বন্ধু বান্ধব দারা স্মৃত, ও নাথ এ সব কোশল

তোমারি ত, হায় রে ; ও নাথ ধন ধাত্ত সহায়
সম্পদ পেলাম তোমার দয়া-বলে ।

ও নাথ তোমার দয়ায় সকল পেলাম, কিন্তু
তোমায় একদিন না দেখিলাম হায় রে ; তুমি
কোথায় থাক কেন এসে, আমি কাঁদলে কর
কোলে ।

আমি কাঁদলে বসে হতাশ হবে, তুমি চক্ষের
জল দাও মুছাইয়ে হায বে ; আবার কথা কয়ে
প্রাণের মাঝে কত উপদেশ দেও বলে ॥২১৪॥

বাউলেব স্মরণ—একতারা ।

যদি ডাকের মত পারিতাম ডাক্তে,
ওগো তবে কি মা অমন করে, তুমি লুকিয়ে
থাক্তে পাব্তে ।
আমি নাম জানিনে, ডাক জানিনে, জানিনে মা
কোন কথা বল্তে,
আমি ডেকে দেখা পাইনা—তাইতে আমার জনম
গেল কাঁদতে ।

আমি ছুখ্ পেলে মা তোমার ডাকি, সুখ পেলে

চুপ করে থাকি ডাকতে ;—

তুমি মনে বনে মন দেখ মা, আমায় দেখা দেওনা

তাইতে ।

ডাকের মত ডাকা শিখাও, না হয় দয়া করে দেখা

দেও আমাকে ।

আমি তোমার খাই মা তোমার পরি, কেবল ভুলে

যাই নাম কর্তে ॥২১৫॥

বাউলের সুর—যৎ ।

প্রভো কেবা আছে, তোমার মত আপনার আমার,

ইহ পরকালে তুমি গুরু ভব-কর্ণধার ।

একা ভবে পাঠাইয়ে, আমায় জ্ঞান বুদ্ধি প্রেম দিয়ে,

একা যতন করিয়ে রাখিছ আবার ।

পিতা মাতা ভাই বন্ধু, এরা কেউ নয় আমার,

দীনবন্ধু,

মুদিলে অঁাখি ফেলে যাবে চাবে না একবার ।

এক মাত্র পিতা মাতা, কেবল তুমি হে দয়াল পিতা,

জীবনে মরণে সাথী তুমি হে আমার ।

এমনি মোহে অন্ধ আমি প্রভো ! জান্লাম না

কি ধন তুমি ;

নিধনকে ধন ভেবে আমি করিয়াছি সার ।

একদিন কৃতান্ত আসিয়ে, বিষয়-সুখ-স্বপ্ন ভাঙ্গাইয়ে,

বল করে কেড়ে লবে সর্বস্ব আমার ;

হায় রে আমি কি অজ্ঞান, তোমায় ভাল বেসে ধন

প্রাণ,

সঁপিলাম না, এই দুঃখ কি বলিব আর ॥২১৬॥

বাউলের সুর—একতারা ।

(ভেবে মরি কি সম্বন্ধ—সুর)

তোমায় ভাল লাগে এত কি কারণে ?

না দেখি না শুনি শ্রবণে ।

তোমায় প্রাণ দিয়ে বিশ্বাস, বিশ্ব অশ্বাস,

ম'লেও পাব আশা আছে মনে ;

কিবা মধুর প্রকৃতি, সুন্দর মূর্তি,
 চেয়ে আছ সদা প্রেমভরে (জীবের প্রতি) ।
 হয়ে বিশ্বের বিধাতা, স্বর্গের দেবতা,
 কর প্রেম ভিক্ষা পাপীর দ্বারে ;
 কত রূপে কত ভাবে, নিগুণ মানবে,
 ডাকিতেছ সুখ দিবার তরে, (ভাল বেসে) ॥২১৮॥

বাউলের সুর—একতাল।

প্রভু অপরূপ তোমার করুণা ;
 ভাবলে চক্ষে জল আর ধরে না ।
 তোমার অপ্রিয় কার্যেতে সদা রই,
 তুমি আমায় নাহি ভাব প্রিয় ভাব বই,
 নাথ আমি তোমায় ভুলে থাকি,
 কিন্তু তুমি আমায় ভোল না ।
 নাথ ! আমি তোমায় দেখেও দেখি না,
 তুমি আমার চক্ষের আড় তিলেক কর না ;
 তুমি আমায় রাখিতে চাও সুখে,
 কিন্তু আমার নাই সে ভাবনা ॥২:৯॥

বাউলের স্বর—একতালা ।

(প্রভু অপরূপ—স্বর)

কি বলে তার দিব পরিচয় ;

সে যে দয়ার নিধি প্রেম-জলধি,

দেখলে নয়ন শীতল হয় ;

কোটি সূর্য্য এক করিলে তুলনা তার নাহি হয় ;

সে অনন্ত আকাশ পূর্ণ আশ্চর্য্য আলোকময় ॥২২০॥

সারঙ্গ—ঝাঁপতাল ।

অসীম রহস্য মাঝে কে তুমি মহিমাময় ।

জগত শিশুর মত চরণে ঘুমায়ে রয় ।

অভিমান অহঙ্কার মুছে গেছে নাহি আর,

ঘুচে গেছে শোক তাপ, নাহি দুঃখ নাহি ভয় ।

কোটি রবি শশী তারা, তোমাতে হয়েছে হারা,

অযুত কিরণ-ধারা তোমাতে পাইছে লয় ॥২২১॥

বড় হংস সারঙ্গ—চৌতাল ।

(তাঁহারে) আরতি করে চন্দ্র তপন,
 দেব মানব বন্দে চরণ,
 আসীন সেই বিশ্ব-শরণ
 তাঁর জগত-মন্দিরে ।
 অনাদি কাল অনন্ত গগন
 সেই অসীম মহিমা মগন,
 তাহে তরঙ্গ উঠে সঘন,
 আনন্দ নন্দ নন্দ রে ।
 হাতে লয়ে ছয় ঋতুর ডালি,
 পায়ে দেয় ধরা কুমুম ঢালি,
 কতই বরণ কতই গন্ধ,
 কত গীত কত ছন্দরে ।
 বিহগ-গীত গগন ছায়,
 জলদ গায়, জলধি গায়,
 মহা পবন হরষে ধায়,
 গাহে গিরি কন্দরে ।
 কত কত শত ভকত প্রাণ

হেরিছে পুলকে, গাইছে গান,
পুণ্য কিরণে ফুটিছে প্রেম
টুটিছে মোহ বন্ধ রে ॥২২২॥

মূলতান—চৌতাল ।

তঁার গুণে পূর্ণ জগত ;
ব্রহ্মাণ্ড যঁার মহিমা, প্রকাশে জগত তঁার
মহিমার কণিকা ।
যঁাহার করুণা-বলে বাঁচিতেছে ক্ষুদ্র কীট,
ভুবনপালক দয়াল দুর্বল-বল তিনি রাজ-রাজা ।
চারিদিকে তঁাহার দয়া, তঁাহার করুণা বহিছে,
অনুক্ষণ শোণিত-ধারে, নিঃশ্বাস বায়ুতে ;
তঁাহার করুণা, করে আনন্দ বিস্তার,
করে জ্ঞান অভয় দান, পাপে ত্রাণ,
তাপে শান্তিনীর ॥২২৩॥

মূলতান—আড়াঠেকা ।

না চাহিতে দিয়েছ সকল (বিভু) ।
 এই যে ইন্দ্রিয়গণ, সাধিতেছে প্রয়োজন,
 দিয়াছ প্রার্থনা বিনা উপযুক্ত বুদ্ধিবল ।
 সঞ্চার না হতে আমি, সৃজন করিলে তুমি,
 মাতার হৃদয়ে স্তন, মধুর অনিল জল ।
 না গড়িতে এ রসনা, গড়িলে সুমিষ্ট নানা,
 ফল শস্য যত কিছু নিবারিতে ক্ষুধানল ।
 এ পাষণ অন্তরে, তোমাতে পাবার তরে,
 অযাচিত কৃপা-গুণে রোপিয়াছ জ্ঞান বল ॥২২৪॥

মূলতান—তেওট ।

কতই করুণা হতেছে বরষণ তোমার ।
 এনে দাও কত সুখ স্নেহ ভরিয়ে,
 নাহি নাহি অন্ত তাহার ॥২২৫॥

(মুলতান) ভজন—ঠুংরি ।

নাহি পার মহিমার (তব হে), নাহি পার মহিমার ।

গ্রহ তারাগণ, অসীম গগন, করে তব জ্ঞান প্রচার,

প্রভু হে, করে তব জ্ঞান প্রচার ।

হৃদাকাশে যবে পরকাশ, পাই আনন্দ অপার,

প্রভু হে, পাই আনন্দ অপার ;

অমিয় ধারা, হয় হে বরষিত, প্রাণ মাঝে অনিবার,

প্রভু হে, প্রাণ মাঝে অনিবার ।

কোলাহলময় সংসারে হে, তুমি এক শান্তি-আধার,

প্রভু হে, তুমি এক শান্তি-আধার !

মোহিত করিলে,পাপী সকলে পুণ্যালোকে তোমার,

প্রভু হে, পুণ্যালোকে তোমার ।

ক্ষুদ্র কীট এ, বুঝিতে নায়ে, কণিকা তব মহিমার,

প্রভু হে, কণিকা তব মহিমার ;

ধন্য ধন্য তুমি, সুন্দর চরণে, প্রণমি বারম্বার,

প্রভু হে, প্রণমি বারম্বার ॥২২৬॥

পুরবী—আডখেমটা ।

বল্‌ব কি আর প্রেমময়,

তোমার প্রেমের নাই তুলনা ।

কেমন তোমার প্রেম, জানিয়াছে পাপী জনা ।

শতরবি-প্রভা ধরি, আঁধার বিনাশ করি,

প্রকাশ হে প্রেমময় ঘুচায়ে মনোবেদনা ॥২২৭॥

পিলু বারেয়া—যৎ ।

জীবন-বল্লভ তুমি, দীন-শরণ, প্রাণের প্রাণ,

তুমি প্রাণ-রমণ ।

সদানন্দ শিব তুমি, শঙ্কর শোভন,

সুন্দর যোগীজন চিত-বিমোহন ।

ভবার্ণব পার-হেতু, তুমি হে কাণ্ডারী,

হৃদম পাপ তাপ শোক ভয়হারী ।

তুমি নাথ প্রাণ মোর, তুমি আমার প্রাণ,

তুমি হে দয়ার ঠাকুর করুণা-নিধান ।

তোমার প্রসাদে প্রভো এ জীবন ধরি,

জয় জয় কৃপাময়, মহিমা তোমারি ॥২২৮॥

কেদারা—চৌতাল ।

এক প্রথম জ্যোতি, অতি শুভ্র, পরম ব্রহ্ম,
প্রভু, সৰ্বলোক-সেতু পরমেশ্বর ।

রাজ রাজ বিশ্বরাজ, আদি কোথায়,
অন্ত কোথায় বিশ্বন্তর ।

মহাব্যোমে তোমারি শাসনে ধাইছে
তারা রবি শশী, ধায় সসাগরা মহী সুমহত

যশ ঘোষে ।

ভুলোক ছালোক তোমারি রাজ্য, অতুলন
তব ঐশ্বর্য্য, তুমি মহান্ তুমি পুরাণ
দীন শরণ মঙ্গলময় ॥২২৯॥

কেদারা—ঝাপতাল ।

তুমি ধন্য ধন্য হে, ধন্য তব প্রেম,

ধন্য তোমার জগৎ রচনা ।

একি অমৃত রসে চন্দ্র বিকাশিলে

এ সমীরণ পূরিলে প্রাণ হিল্লোলে ।

একি প্রেমে তুমি ফুল ফুটাইলে,
 কুসুম বন ছাইলে শ্যাম পল্লবে ।
 একি গভীর বাণী শিখালে সাগরে,
 কি মধুগীতি তুলিলে নদী কল্লোলে,
 একি ঢালিছ সুধা মানব হৃদয়ে,
 তাই হৃদয় গাইছে প্রেম উল্লাসে ॥২৩০॥

কেদাৰা—চৌতাল ।

বহিছে কৃপা-পবন তোমার যার হিল্লোলে
 হুঃখ পলায়, সুখ-সাগরে তরঙ্গে উঠে ।
 মন্দ মন্দ বরিষে অমৃত, বাতনা অপহৃত.
 প্রেম-কুসুম ফুটে ।
 সেবিয়ে করুণা-বাত, সুখেতে নিশা প্রভাত,
 মুক্ত হইয়ে মন-উৎস ছুটে ;
 কেবল তাঁরি গুণে জীবন ধরে আছি,
 নহিলে হৃদয় টুটে ॥২৩১॥

কেদারা—কাওয়ালি ।

দেখা দিয়েছ তুমি হে যারে,
নির্ঘাতনে তারে করিতে কি পারে ?
তোমার অভয় বাণী শুনেছে যে অন্তরে,
পৃথিবীর হৃৎক্বারে সে কি গো ডরে ?
দিয়েছ বল তুমি যার অন্তরে,
পুণ্যালোক তুমি দেখায়েছ যারে,
রিপু প্রলোভনময় সংসারে,
কি ভয় কি ভয় তার সমরে ॥২৩২॥

কেদারা—আড়াঠেকা ।

বাকি কি রেখেছ দিতে ওহে করুণার আধার ;
খুলিয়ে দিয়েছ নাথ সুধার ভাণ্ডার ।
দিলে দেহ, দিলে মন দিলে আত্মা জ্ঞান ধন,
দিলে হে প্রেমভূষণ, সকল রতন সার ।
চির সুখ সাধিবারে, দিলে নাথ আপনারে,
কে আছে হে এ সংসারে, তোমা সম দাতা আর ॥২৩৩॥

কেদারা—একতাল।

যাদের চাহিয়া তোমাতে ভুলেছি,
 তারা ত চাহে না আমারে
 তারা আসে তারা চলে যায় দূরে,
 ফেলে যায় মরু মাঝারে ।
 ছুদিনের হাসি ছুদিনে ফুরায়,
 দীপ নিভে যায় অঁধারে ;
 কে রহে তখন মুছাতে নয়ন,
 ডেকে ডেকে মরি কাহারে ।
 যাত্রা পাই তাই ঘরে নিয়ে যাই,
 আপনার মন ভুলাতে,
 শেষে দেখি হয় ভেঙ্গে সবে যায়,
 ধূলা হয়ে যায় ধূলাতে ;
 সুখের আশায় মরি পিপাসায়,
 ডুবে মরি দুঃখ পাথারে,
 রবি শনী তারা কোথা হয় হারা,
 দেখিতে না পাই তোমাতে ॥২৩৪॥

কল্যাণ—খয়রা ।

তোমার করুণা করি স্মরণ,

স্পন্দহীন হয় হৃদয় মন ।

নিরাশ্রয় বলে, কোলে লয় তুলে,

ত্রিভুবনে আর নাহি এমন ।

তোমা হতে নাথ এ দেহ প্রাণ,

তোমা হতে সবই রূপা-নিধান ;

ভুলেছে তোমাতে অবোধ সন্তান,

ভুলিতে পার না তুমি কখন ॥২৩৫॥

ইমনকল্যাণ—স্বরফাঁকতাল ।

আদিনাথ প্রণবরূপ সম্পূর্ণ, দেও হে তব

প্রসাদ শান্তি-সিদ্ধি, মহেশ, সকল-গুণ-নিধান ।

অযুত লোক, অকথিত বাণী তোমারি হে—

মোহন রব অনুপম পূরে মহাগগন,

ভাবে মোহি জগজন ।

অনুপম, অবিনাশী, অনন্ত, অগম্য, অপার,

সুন্দর, অতি-অপূর্ব-ভাতি নিরঞ্জন ;

সকল-সুখ-কারণ, সকল-দুখ-নিবারণ,
তারণ ভয়-ভঞ্জন, সুর-নর-মুনি-বন্দন ॥২৩৬॥

ইমনকল্যাণ—চৌতাল ।

সকল-মঙ্গল-নিদান, ভব-মোচন, অরূপ,
চেতনরূপে বিরাজো ;
তুমি অকৃত, অমৃত পুরুষ, বিশ্বভুবন পতি,
সুন্দর অতি অপূর্ব ।
জীব-জীবন, দীন-শরণ, দুঃখ-সিন্ধু-তারণ হে
রূপা বিতর রূপা-সাগর, তার ভব-অন্ধকারে ।
অনুপম, শাশ্বত-আনন্দ তুমি জগজীবন,
আকুল অন্তরে তোমা'রে চাহে ;
পরমব্রহ্ম পরমধাম, পরমেশ্বর, সত্যকাম,
পরমশরণ, চরম শাস্তি, তুমি সার ॥২৩৭॥

ইমনকল্যাণ—তেওরা ।

সত্য মঙ্গল প্রেমময় তুমি,
ধ্রুব জ্যোতি তুমি অন্ধকারে ।

তুমি সদা যার হৃদে বিরাজো,

দুঃখ জ্বালা সেই পাসরে ।

সব দুঃখ জ্বালা সেই পাসরে ।

তোমার জ্ঞানে তোমার ধ্যানে,

তব নামে কত মাধুরী ;

যেই ভকত সেই জানে,

তুমি জানাও যারে সেই জানে ।

ওহে তুমি জানাও যারে সেই জানে ॥২৩৮॥

ইমনকল্যাণ—চৌতাল ।

তুমি জ্ঞান, তুমি প্রাণ, তুমি সত্য, তুমি সুন্দর

তুমি মঙ্গল, তুমি ভেলা ভবাণবে, তুমি দীনশরণ,

তুমি গুরু পিতা পাতা ।

তুমি আদি, তুমি অন্ত, তুমি জ্যোতি-স্বরূপ,

তুমি সর্ব সুখদাতা ।

তুমি নিত্য, তুমি পুরাণ, তুমি পরম,

তুমি অমৃত-সেতু, তুমি অগম্য অপার ;

প্রপঞ্চ বিষয়াতীত, অনাদি অনন্তকারণ,
তুমি সকলের মূলাধার ॥২৩৯॥

ইমনকল্যাণ—চৌতাল ।

তুমি নাথ সর্বস্ব আমার ;
তোমা বিহনে ভবে কেবা আছে আর ?
তুমি পিতা তুমি মাতা, তুমি গুরু জ্ঞানদাতা,
তুমি হে জীবন-দাতা জীবন-আধার ॥২৪৪॥

ইমনকল্যাণ—আড়াঠেকা ।

এ জীবন দিলে তব প্রেমের ঋণ কি শোধা যায় ?
ওহে দীন-শরণ অকিঞ্চন-ধন দয়াময় ।
জননী-জরায়ু হতে, পালিতেছ বিধিমতে,
নয়নে নয়নে রাখি, নাশিছ বিপদচয় ।
এ দেহ আশ্রয় তরে, ভূভাণ্ডার মুক্ত করে,
দিয়েছ হে কৃপানিধি, দয়া করে আপনায় ।
অসীম করুণা তব কি আছে মোর বিভব,
কি আর তোমায় দিব, বিকিয়েছি ঋণদায় ॥২৪১॥

ইমন ভূপালি—একতাল।

তোমার কথা হেথা কেহ ত বলে না,

করে শুধু মিছে কোলাহল ।

সুধা সাগরের তীরেতে বসিয়া

পান করে শুধু হলাহল ।

আপনি কেটেছে আপনার মূল,

না জানে সঁতার নাহি পায় কূল,

শ্রোতে যায় ভেসে, ডোবে বুঝি শেষে,

করে দিবানিশি টল মল ।

আমি কোথা যাব কাহারে সুধাব,

নিয়ে যায় সবে টানিয়া ;

একেলা আমারে ফেলে যাবে শেষে,

অকূল পাথারে আনিয়া ;

সুহৃদের তরে চাই চারি ধারে,

আঁখি করিতেছে ছন্ ছন্ ।

আপনার ভারে মরি যে আপনি,

কাঁপিছে হৃদয় হীনবল ॥২৪২॥

জয়জয়ন্তী—চৌতাল ।

জননী সমান, করেন পালন,
সবে বাঁধি আপন স্নেহগুণে ।
মাতার হৃদয়ে, দিলেন স্নেহ-নীর,
দুঃখ দিলেন মাতার স্তনে ।
পাপী তাপী সাধু অসাধু,
দিলেন সবারে মঙ্গল ছায়া ;
কেবা জানে কত সুখ রত্ন দিবেন মাতা,
লয়ে তাঁর অমৃত-নিকেতনে ॥২৪৩॥

জয়জয়ন্তী—চৌতাল ।

নাথ তুমি ব্রহ্ম, তুমি নিত্য, তুমি ঈশ, তুমি মহেশ,
তুমি আদি, তুমি অন্ত, তুমি অনাদি তুমি অশেষ ।
জল স্থল মরুৎব্যোম, পশু মনুষ্য দেবলোক,
তুমি সবার সৃজনকার হৃদাধার ত্রিভুবনেণ ।
তুমি এক তুমি পুরাণ, তুমি অনন্ত সুখসোপান,
তুমি জ্ঞান তুমি প্রাণ তুমি মোক্ষধাম ;

পূর্ণ হলো মনস্কাম, লয়ে আজি তব নাম,
তব পায় শতবার করি প্রণাম করি প্রণাম ॥২৪৪॥

জয়জয়ন্তী—চৌতাল ।

এ দেহ জীবন, প্রিয়-পরিজন, যে আছে আমার,
তুমি হে পালক, সর্ব আচ্ছাদন সবাকার ।
যার বাহা প্রয়োজন, করিয়ে তাই বিতরণ,
সব অভাব অনাটন করিতেছ পরিহার ।
সম্পদে সহায় থাকি, বিপদেতে ক্রোড়ে রাখি,
পাপ তাপ দুঃখ হ'তে করিছ উদ্ধার ;
পেয়ে তব পদাশ্রয়, গেছে হে সকল ভয়,
ওহে নিত্য নিরাশ্রয়, কাল-ভয় নাহি আর ॥২৪৫॥

জয়জয়ন্তী—ঝাপতাল ।

গগনের খালে রবি চন্দ্র দীপক জ্বলে,
তারকা মণ্ডল চমকে মোতি রে ।
ধূপ মলয়ানিল, পবন চামর করে,
সকল বনরাজি ফুটন্ত জ্যোতি রে ।

কেমন আরতি হে ভব-খণ্ডন তব আরতি,
অনাহত শব্দ বাজন্ত ভেরী রে ॥২৪৬॥

• জয়জয়ন্তী—৫২ ।

আহা কি সুন্দর মনোহর সেই মূর্তি !
যোগি-হৃদয়-রঞ্জন, আনন্দরূপমমৃতম্,
সুধাময় শান্তিপ্রদ বিমল বিভাতি ।
প্রাণশ্চ প্রাণম্, পুরুষ মহান্,
তেজোময় সূক্ষ্ম মঙ্গল নিধান ;
বচন অতীত, তুলনা রহিত,
প্রীতি-বিস্ফারিত উদার প্রকৃতি ।
প্রাণ-রমণ চিত-বিমোহন,
রূপাময় পুণ্য শান্তিসদন ;
কলুষ-বিনাশন, সন্তাপ-হরণ,
নিরাশ-আঁধারে আশার জ্যোতি ।
প্রেমিক বৈরাগী, হয়ে সৰ্বত্যাগী,
যে রূপ ধ্যানে সদা অনুরাগী ;

অস্তরে বাহিরে কবে হেরে মন মোহিত হবে,
চির-বাঞ্ছিত পবিত্র সে কোমল কাঙ্ক্ষি ॥২৪৭॥

জয়জয়ন্তী—কাওয়ালি ।

কত যে তোমার করুণা ভুলিব না জীবনে ।
নিশি দিন রাখিব গাঁথি হৃদয়ে ।
বিষয়-মায়াজালে, রহিব না ভুলে আর,
হৃদয়ে রাখি দিব তোমায়,
ধন প্রাণ দেহ মন, সব দিব তোমাতে ॥২৪৮॥

জয়জয়ন্তী—কাওয়ালি ।

স্মরিয়ে করুণা তোমার নয়নে বহে বারি ।
বরবিছ কত দয়া ভুলিতে কি পারি ?
পাপেতে ডুবিলে মন, করিয়ে দণ্ডবিধান,
লও পুন পাপীজনে স্নেহ কোল প্রসারি ;
শ্রায়বান দয়াবান, দেখি নাই হেন বিধান,
সন্তানের প্রতি কত প্রেম তোমারি ॥২৪৯॥

মিশ্র জয়জয়ন্তী—একতাল।

তুমি বন্ধু, তুমি নাথ, নিশি দিন তুমি আমার,
 তুমি সুখ, তুমি শান্তি, তুমি হে অমৃত পাথার ।
 তুমিই ত আনন্দলোক জুড়াও প্রাণ, নাশ শোক,
 তাপ-হরণ তোমার চরণ অসীম শরণ দীন জনার ॥২৫০॥

কানেড়া—চৌতাল ।

কে জানে মহিমা বিভূ তোমার ।
 বলিব কিবা বচন নাহি সরে, অবাক্
 না পেয়ে অন্ত তোমার ।
 তব রাজসিংহাসন অসীম আকাশে,
 তুমি অনাদি অনন্ত অবিনাশী ।
 যথা যাই, যথা চাই, দশদিকে তব নাম প্রচার,
 সব জগত পূরিত তব মঙ্গল গীতে ;
 কোথায় দিব হে দেব, উপমা তোমার,
 মহারাজ-রাজ দেব-দেব, বিশ্বভুবন-শোভা ॥২৫১॥

কানেড়া—চৌতাল ।

জগতে তুমি রাজা, অসীম প্রতাপ, হৃদয়ে তুমি

হৃদয়-নাথ হৃদয়-হরণ রূপ ।

নীলাশ্বর জ্যোতি খচিত, চরণ প্রান্তে প্রসারিত,

ফিরে সভয় নিয়ম-পথে অনন্ত লোক ।

নিভৃত হৃদয় মাঝে কিবা প্রসন্ন মুখ ছবি ।

প্রেম পরিপূর্ণ মধুর ভাতি ;

ভকত হৃদয়ে তব করুণা রস সতত বহে,

দীন জনে সতত কর অভয় দান ॥২৫২॥

কানেড়া—তেতাল ।

অতুল করুণা তোমার, অনুপম দয়া,

স্নেহের আকর, প্রেমের সাগর ।

হৃদয়ের প্রিয়ধন, নয়নঅঞ্জন তুমি,

সস্তাপ হরণ হায় রে! জগতের আনন্দ সুধাকর ॥২৫৩॥

কানেড়া—ঝাঁপতাল ।

চমৎকার অপার জগত-রচনা তোমার,
 শোভার আগার বিশ্ব-সংসার ।
 অযুত তারকা চমকে রতন কাঞ্চন-হার,
 কত চন্দ্র কত সূর্য্য নাহি অন্ত তার ।
 শোভে বসুক্করা ধন ধাতুময়, হার,
 পূর্ণ তোমার ভাণ্ডার ;
 হে মহেশ ! অগণন লোক গায়,—
 ধন্য তুমি ধন্য এই গীতি অনিবার ॥২৫৪॥

ভূপালী—স্বরফাঁকতাল ।

চন্দ্র বরিষে জ্যোতিঃ তোমারি,
 নিরমল অতি শীতল কিরণ সুখদায়ী ।
 চৌদিকে তারাগণ, উজলি গগন-অঙ্গন,
 ধারণ করে তোমারি শোভা মনোহারী ।
 বিতরণ করি জীবন, বহিছে মৃদু সমীরণ,
 অমৃত পূর্ণ মঙ্গল ভাব তব প্রচারি !

বরষিয়ে মধুর তান, জুড়ায় হৃদয় প্রাণ,
বিহগগণ করে গান তব গুণ বলিহারি ॥২৫৫॥

বাগেশী—আড়াঠেকা ।

কি স্বদেশে কি বিদেশে যথায় তথায় থাকি ।
তোমার রচনা মধ্যে তোমাতে দেখিয়া ডাকি ।
দেশ ভেদে কাল ভেদে রচনা অসীমা
প্রতিফলে সাক্ষ্য দেয় তোমার মহিমা,
তোমার মহিমা দেখি না, থাকি একাকী ॥২৫৬॥

বাগেশী—আড়াঠেকা ।

জয় জয় দেব মহিমা তোমার ।
সংসার সঙ্কট হতে, করিলে নাথ উদ্ধার ।
পাপ মোহ কোলাহলে, দুর্জয় সন্তাপানে,
রাখি প্রভু নিজ কোলে, নাশিলে বিঘ্ন অপার ।
দেখাইয়ে প্রেমমুখ, দূর করিলে হে দুঃখ,
আজি মর্ত্যে স্বর্গমুখ, বিতরিলে অনিবার ।

ধন্য হে করুণা তব, ধন্য স্নেহ প্রেমার্ণব,
অনন্ত জীবন গাব, যশোগীত হে তোমার ॥২৫৭॥

বাগেলী—আড়া ।

একবার তোমারে যেই করিয়াছে দরশন ;
সে জানে নাথ, কতই তুমি শোভার সদন ।
আহা কিবা সুধামাথা, তোমার মুখের কথা,
তব প্রেম, প্রেমময়-মধুর কেমন ।
ও রসের আশ্বাদন, পাইয়াছে যেই জন,
অনিত্য সংসারে সেই ভুলে কি কখন ? ॥২৫৮॥

বাগেলী—টিমেতেতাল ।

কেমন প্রেমের আধার, সুধার সার তুমি,
বলা নাহি যায় ।
কেমনে বলিব নাথ ! তুলনা নাহি কোথায় ।
পাপী তাপী সাধু নরে, নিমেষে উদ্ধার করে,
তব নাম মহৌষধ দেখেছি যথা তথায় ।

রোগীর রোগ যন্ত্রণা, শোকার্তের মর্ষ বেদনা,
পেলে তব প্রেম-কণা, কোথায় পলায় ।

বিষরীর অহঙ্কার, অজ্ঞানীর তমোভার,
যায় প্রভু ! নিরখিলে, তব মহিমায় ।

ক্ষুধিত তৃষিত জনে, ভুলে নাথ অন্নপানে,
তৃপ্ত হয় তব নাম নিলে রসনায় ।

যোগী-জন-যোগ-বল, প্রেমিকের প্রেমানল,
হয় হে আরো উজ্জ্বল আশ্বাদিলে সে সুধায় ॥২৫৯॥

খাম্বাজ—ধামাল ।

ডাকিছ কে তুমি তাপিত জনে,

তাপ-হরণ স্নেহ কোলে ।

নয়ন সলিলে ফুটেছে হাসি,

ডাক শুনে সবে ছুটে চলে,

তাপ-হরণ স্নেহ-কোলে ।

ফিরিছে যারা পথে পথে,

ভিক্ষা মাগিছে দ্বারে দ্বারে,

শুনেছে তাহারা তব করুণা,

দুঃখী জনে তুমি নেবে তুলে,
তাপ-হরণ স্নেহ-কোলে ॥২৬০॥

খাম্বাজ—চৌতাল ।

নাথ ! দিক্ দশ উজলে তোমারি মঙ্গল কিরণ ।
আলো করে তব জ্ঞান-ভাতি আকাশ পাতাল গগন
তোমারি স্নেহ করুণার জ্যোতি,
জনক জননী হৃদে দিবা রাতি ;
তোমারি প্রেমে ত্রিভুবন মাতি,

জয় জয় রব করিছে ঘোষণা ।

কেমন বিমূঢ় নর নারী সব,
দেখিয়ে দেখে না তোমার বিভব,
করিয়ে পান বিষয়-আসব,

রহিয়াছে মোহে হয়ে অচেতন ;

নাহি ভাবে কেন এসেছি এখানে,
পরে বা যাইতে হবে কোন্ স্থানে,
কেমন প্রমত্ত সদা অভিমানে,

নাহি করে সেই তত্ত্ব অন্বেষণ ॥২৬১॥

খাম্বাজ—একতাল।

মরি কি সুখের সম্বন্ধ ! যিনি মহান্ অনন্ত,
দেখেন পুল্লাবে, মলিন মানবে,
ভাবিলে হৃদয় হয় পুলকিত ।

অসীম ব্রহ্মাণ্ডের অধিপতি হয়ে,
ক্ষুদ্রকীট জীবে দেখেন চাহিয়ে,
মরি কি আশ্চর্য্য (ভাই রে আহা) দেখ রে ভাবিয়ে,
এ হতে আর কি আছে আনন্দ !

এমন দয়াল পিতা কোথা পাবে আর,
যিনি দীন দরিদ্রের লন সমাচার,
গিয়ে পাপীর দ্বারে, ডাকেন বারে বারে,
অন্ধে দেখাইয়া দেন স্বর্গের পথ ।

ওরে ভ্রান্ত জীব এমন পিতার ছেড়ে,
(কেন) সুখ অন্বেষণ কর অণুতরে,
এত দয়া তবু (মরি রে তাঁর) চিন্লিনে তাঁহারে,
সংসার মোহে হইয়ে অন্ধ ॥২৬২॥

খান্ডাজ—৫৭ ।

দয়াময় অপার মহিমা তোমার ।

বিশ্বপতি তুমি গুণধাম,

কৃপাময় ধর্মেরি আধার ।

অতুল ধন পূর্ণ জগৎ সংসার,

জ্ঞান প্রীতি পুণ্যের আধার ।

নিরখি এ সব, অনন্ত বিভব,

বাসনা থাকে না কিছু আর ।

ছঃখ দারিদ্র্য, হয় বিমোচন,

দেখিলে তোমাতে একবার !

চাহিব অনেক, আশা করি মনে,

দেখা হলে ভুলে যাই সকল ॥২৬৩॥

খান্ডাজ—আড়াঠেকা ।

তোমারই মঙ্গল ছবি দেখেছে যে জন ।

সে কি আর ফিরাতে পারে তা হতে নয়ন

স্বদেশ বিদেশ মাঝে, যথা তথা সে বিরাজে,

তোমারই মুখের প্রতি তাহার নয়ন ।

কিবা জলে কিবা স্থলে, কি অর্ণবে কি অচলে,
নির্ভয় হৃদয় তার পাইয়ে তব দরশন ॥২৬৪॥

খাম্বাজ—আড়া ।

কেগো বসে অন্তরালে, ঠিক যেন মায়ের মত,
যখন যাহা প্রয়োজন যোগাইছ যথাকালে ।
সৃষ্টির আবরণে, লুকায়ে আছ জি জন্তে,
কি সম্বন্ধ তোমার সনে কাণে কাণে দাও বলে
বুঝেছি বলতে হবে না, ব্যভারে গিয়েছে জানা,
আপনার গুণে আপনি প্রকাশ হয়ে পড়িলে ।
মা হয়ে সন্তানের কাছে, লুকাবে সাধ্য কি আছে,
স্নেহের অনুরোধে প্রাণের টানে আপনি ধরা দিলে ।
এত ভালবাস তবে, থাক কেন গুপ্তভাবে,
আমার প্রাণ যে কেমন করে তোমার মুখ না
দেখিলে ॥২৬৫॥

খাম্বাজ জংলা—ঠুংরি ।

(লক্ষ্মী ঠুংরি)

তুমি আত্মীয় হতে পরমাত্মীয় হে,
 আছে তোমা হতে কে সংসারে ?
 পিতা মাতা জায়া, তনয় তনয়া,
 আর এত দয়া কে করিতে পারে ?
 করুণার নিধান বিভূ তুমি হে,
 কত না করুণা করিলে পাপীরে !
 সুখ-সাধন এই শরীর মন,
 করুণার নিদর্শন নাথ ! তব ।
 গ্রহ-তারক-মণ্ডিত নীল নভ,
 ধন-ধাত্ত-ভরা রমণীয় ধরা ;
 সুগভীর তরঙ্গিত নীর-নিধি,
 হিম রঞ্জিত শোভন তুঙ্গ গিরি ;
 সকলে পুনকে সম তান ধরি,
 করিছে করুণা তব কীর্তন হে ॥২৬৬॥

লুম খাম্বাজ—যৎ ।

ঠাকুর তব শরণাই আয়া ।

উতর গয়া মেরে মন্ কা সংশয়,

যব তেরা দরশন পায়।

অন বোলত মেরি বেরথা জানি,

আপনা নাম জপায়।

দুখ নাটে সুখ সহজ সমায়,

আনন্দে গুণ গায়।

বাহু পকড় কাঢ় লিনে জন অপনে গৃহ,

অন্ধকূপতে মায়।

কহে নানক গুরু বন্ধন কাটে,

বিছরত আন মিলায়া ॥২৬৭॥

১০ দেশ খাম্বাজ—ঝাপতাল ।

তোমায়, যতনে রাখিব হে, রাখিব কাছে ।

প্রেম কুম্বের মধু সৌরভে ।

নাথ তোমারে ভুলাব হে ।

তোমার প্রেমে সখা সাজিব সুন্দর

হৃদয়হারী, তোমারি পথ রহিব চেয়ে ।

আপনি আসিবে কেমনে ছাড়িবে আর ?
মধুব হাসি বিকাশি রবে হৃদয়াকাশে ॥২৬৮॥

ঝাঁঝিট—চৌতাল ।

তোমাৰি মধুর ৰূপে ভবেছ ভুবন,
মুগ্ধ নয়ন মম পুলকিত মোহিত মন ।
তৰুণ অৰুণ নবীন ভাতি,
পূণিমা প্ৰসন্ন ৰাতি,
ৰূপ-ৰাশি বিকশিত তনু কুসুম বন ।
তোমাপানে চাহি সকলে সুন্দৰ,
ৰূপ হেৰি আকুল অন্তৰ,
তোমাৰে ঘেৰিয়া কিৰে নিরন্তৰ,
তোমাৰ প্ৰেম চাহি ।
উঠে সঙ্গীত তোমাৰ পানে,
গগন পূৰ্ণ প্ৰেম গানে,
তোমাৰ চৰণ করেছে বরণ নিখিল জন ॥২৬৯॥

ঝিঁঝিট—একতালা ।

প্রাণেশ্বর হৃদয়রজন, পরম করুণা-আধার ;
 কে জানে এমন প্রেম ওহে করুণাসাগর ।
 বিশ্বপালক বিশ্বজননী, জগৎজনহিতকারিণী,
 করুণা গুণে সন্তানগণে করেছ বশ তোমার ।
 ত্রিতাপ সন্তাপহারী, পাপিজন নিস্তারকারী,
 তপ্তহৃদয় স্নিগ্ধকারী তুমি প্রভু সবার ।
 নিষ্কলঙ্ক জ্যোতির্ময়, শুদ্ধসত্ত্ব পুণ্যালয়,
 পাবন দীন শরণ, ভকত প্রাণ আধার ।
 যাচি প্রভু চরণাশ্রয়, ভকতে দাও বরাভয়,
 দিয়ে তব চরণতরী তার হে ভব সাগর ॥২৭০॥

ঝিঁঝিট—একতালা ।

তার হে দীনবন্ধু দয়াল পাতকী-জন-তারণ ।
 এই যে দেখিছি সুরম্য ভুবন,
 কিছুই ইহার নহে পুরাতন,
 ইচ্ছা তব হল সৃজিলে বিশ্ব,
 জয় দেব ভব-কারণ ।

প্রতি দিন এত ক'রে, কেন ভালবাস মোরে,
 দয়াতে পূর্ণ হয়ে কর কেবল উপকার ।
 রূপে গুণে অনুপম, দেখি নাই কোথা এমন,
 মধুর আকর্ষণে, প্রাণ টানে, তোমার পানে বারেবার ।
 নাই আলাপ, নাই পরিচয়, দেখিলে মন মোহিত হয়,
 চিনেও চিনিতে নারি, একি দেখি চমৎকার ।
 সম্বন্ধে কে হও তুমি, জনক কিম্বা জননী,
 যে হও সে হও তুমি, তুমি আমার আমি তোমার ॥২৭২॥

ঝাঁঝিট—পোস্তা ।

(ঐ শূর)

গভীর অতলস্পর্শ তোমার প্রেমসাগরে ;
 ডুবিলে একবার কেহ আর কি উঠিতে পারে ?
 প্রেমিক মহাজন যারা না পেয়ে কূল কিনারা,
 হইল চির-মগন ফিরিল না আর সংসারে ।
 কত সুখ প্রলোভন, প্রেম শান্তি মহাধন,
 অনন্ত অগণন রেখেছ সঞ্চিত করে ।

নিত্য সুখ শান্তি দিয়ে, আনন্দে ভুলাইয়ে,
 রেখেছ তাদের চিত্ত একেবারে মুগ্ধ করে ॥২৭৩॥

১০ ঝাঁঝিট—পোস্টা ।

আর কারে ডাকিব গো মা,
 ছাওয়াল কেবল মাকে ডাকে ।
 আমি এমন ছেলে নই মা তোমার,
 ডাকিব গো মা যাকে তাকে ।

(মা বই ছেলের আর কে আছে গো)

মা যদি সন্তানে মারে, শিশু কাঁদে মা মা করে,
 ঠেলে দিলে গলা ধরে, ছাড়ে না মা যত বকে ।
 মা বই ত শিশু জানে না, মা বই ত কিছু বলে না,
 মা ছাড়া কভু থাকে না, আমি থাকবো কাকে দেখে ?
 জগত জননী হও, পুত্রভার মাগো লও,
 মা গো আবদার সও তাইতে তনয় তোমায়

ডাকে ॥২৭৪॥

ঝাঁঝিট খাম্বাজ—মধ্যমান ।

অসীম ব্রহ্মাণ্ডপতি অগম অগোচর ।
 অকিঞ্চন জনে তবু প্রেম সূধা বৃষ্টি কর !
 সকলি করিতে পার সৰ্ব্ব শক্তিমান,
 রয়েছে তোমার হাতে দেহ মন প্রাণ,
 শত অপরাধ তবু স'য়ে থাক নিরন্তর ।
 নক্ষত্র-খচিত আকাশ তোমার আসন,
 কতই ঐশ্বর্য কেবা করে নিরূপণ,
 দীনের হৃদি কুটীরে তবু পদার্পণ কর ।
 নিষ্কলঙ্ক তুমি নাথ নিত্য নিরঞ্জন,
 জলন্ত অনল তুমি কলুষনাশন,
 পাতকীর বন্ধু তবু, তুমি নাথ কৃপাসাগর ॥২৭৫॥

ঝাঁঝিট খাম্বাজ—পোস্তা ।

প্রভুজী তুঁহি জীবন আধার ।

দরশন দিজে মেয়, অতি দীন হো কৃপা অবতার
 তুম্ হি পিতা মাতা, তুম্ হি ভরসা,
 তুম্ হি জ্ঞেয়ান প্রাণ, তুম্ হি নিস্তার ॥২৭৬॥

ঝাঁঝিট খাম্বাজ—ঠুংরি ।

এত দয়া পিতা তোমার,
ভুলিব কোন প্রাণে আর ।

দেবের হুল্লভ তুমি ব্রহ্মাণ্ডের স্বামী,
দীন হীন আমি অকিঞ্চন হে ;

তবু পুত্র বলে, স্থান দিয়ে কোলে,
পদে পদে বিপদেতে করিছ উদ্ধার ।

পড়ে অকূল সাগরে, যখন ডাকি কাতরে,
ব্যাকুল হইয়ে কোথা দয়াময় বলে হে ;

তখন কাছে এসে, সুমধুর ভাষে,
তাপিত হৃদয়ে শান্তি দাও হে আমার ।

কে জানে এমন করে, ভাল বাসিতে পাপীরে,
তোমার মতন ভূমণ্ডলে হে ;

আমি জন্মাবধি, কত অপরাধী,
তথাপি দুর্বল বলে ক্ষম বারম্বার ;

জানিলাম নানা মতে, তোমা বিনা এ জগতে,
কেহ নাহি আর আপনার হে ;

ধন্য ধন্য নাথ,

করি প্রণিপাত,

নিজ গুণে পাপিজনে কর ভবে পার ॥২৭৭॥

খাম্বাজ—একতালা ।

কত ভালবাস গো মা মানব সন্তানে, (পাপী)

মনে হলে প্রেম-ধারা ঝরে ছুঁয়নে ।

তব পদে অপরাধী, আছি আমি জন্মাবধি,

তবু চেয়ে মুখপানে, প্রেম নয়নে,

ডাকিছ মধুর বচনে ;—বার বার প্রেমভরে

ডাকিছ গো মা,—প্রেমবাহু প্রসারিয়ে,—

স্নেহে বিগলিত হয়ে—আয় আয় আয় বলে—

অপরাধ ক্ষমা করে,—হাসি মুখে প্রেম ভরে,

(ও মা আনন্দময়ী)—জীবের দশা

মলিন দেখে ;—আমাদেরি জন্তে,

স্বর্গ নিকেতনে গো মা, কত সুখ শান্তি,

অতুল সম্পত্তি, রেখেছ যতনে,

নিজ হাতে সাজাইয়ে বিবিধ বিধানে ।

তোমার প্রেমের ভার সহিতে পারিনে গো আর,

প্রাণ উঠিছে কাঁদিয়া, হৃদয় ভেদিয়া,
তব স্নেহ দরশনে, লইলু শরণ মাগো

তব শ্রীচরণে ॥২৭৮॥

পরজ—চৌতাল ।

অতুল জ্যোতির জ্যোতি,

গ্রহ তারা চন্দ্র তপন জ্যোতিহীন সব তথা ।

এক ভানু অযুত কিরণে, উজলে যেমতি সকল ভুবন,
তোমার প্রীতি হইয়ে শতধা বিরচয়ে সতীর প্রেম,

ঃজননী-হৃদয়ে করে বসতি ।

অভভেদী অচল শিখর, ঘননীল সাগরবর,

যথা যাই তুমি তথা ;

রবি কিরণে তব শুভ্র কিরণ;শশাঙ্কে তোমার জ্যোতি

তব কান্তি মেঘে,

সজন নগর, বিজন, গহন, যথা যাই তুমি তথা ॥২৭৯॥

পরজ—ঝাঁপতাল ।

কে রচে এমন সুন্দর বিশ্বছবি,

রতনমণি-খচিত অম্বর কি শোভে ।

তরুণ বিভাকর, তারা বিশদ-চন্দ্রমা,

জগত রঞ্জিছে কনক রজত রঞ্জে ।

সুরভি পুষ্পাভরণ বিপিন গিরি সিন্ধু নদ,

সকলি পরিপূরিত অতুল প্রভাবে,

কেমন সুনিপুণ তোমার লেখনী,

তোমার জগত শোভা নিরখি নয়নে ভুলে ॥২৮০॥

পরজ—ঝাঁপতাল ।

কিনা পাই নিরখিলে তাঁরে হৃদি মাঝারে ।

পাসরি সকল দুঃখ, ভুলি গৃহ সংসারে ।

তাঁর বলে বলীয়ান, তাঁর তেজে জ্যোতিমান,

অধ উর্দ্ধ সর্বস্থান, কেবলই দেখায় তাঁরে ।

তাঁহার প্রকাশ ভিন্ন না দেখি পদার্থ অণু,

পরিপূর্ণ তাঁতে শূন্য, দেখি জ্যোতি আঁধারে ।

দিবসে খদ্যোত জ্যোতি, যেমন হারায় ভাতি,
আত্ম-প্রভাব তেমতি, মিশায় জ্যোতি-আধারে ॥২৮১॥

পরজ—কাওয়ালি ।

তব প্রেম সুধারসে মেতেছি,
ডুবেছে মন ডুবেছে ।
কোথা কে আছে নাহি জানি,
তোমার মাধুরী পানে মেতেছি,
ডুবেছে মন ডুবেছে ॥২৮২॥

পরজ—বাঁপতাল ।

তোমার মঙ্গল-রূপ দেখায়েছ নাথ যারে,
ব্রমেও সে জ্ঞান আঁখি কভু কি ফিরাতে পারে ?
ধন-ধান্য-আদি সব, বিস্তারি নিজ বিভব,
মানে সদা পরাভব, মোহিত করিতে তারে ।
ছঃখ ক্লেশ দুর্কিপাকে, বিবাদ সস্তাপ শোকে,
তোমা হতে সবে তাকে, বিমুখ করিতে হারে ।

দেহ মন প্রাণ ধন, সকলি করি অর্পণ,
সে নিরথে অনুক্ষণ আনন্দ-হৃদে তোমারে ॥২৮৩॥

পরজ—একতালা ।

আর দেখি না এমন,
তোমা হইতে সুন্দর,
সুখকর প্রলোভন প্রিয় দরশন ।
সুখ সৌন্দর্য্য মহিমা কোশলে,
স্নেহ দয়া পূর্ণ মানব গণ্ডলে,
তোমারই প্রেম প্রতিবিশিত হইতেছে অনুক্ষণ ।
দেখিতে নয়ন নাহি হয় শ্রান্ত,
সন্তোগে হৃদয় নাহি হয় ক্ষান্ত,
অপূর্ব কাহিনী, সুধাময় বাণী, করে মধু বরষণ ।
প্রেমরস পানে বাড়য় পিপাসা,
পুরে মনস্কাম না যায় লালসা,
নাহি তার অন্ত, করে অবিশ্রান্ত,
নহে কভু পুরাতন ॥২৮৪॥

কালান্ধা—আড়াঠেকা ।

মন যাঁরে নাহি পায়, নয়নে কেমনে পাবে ?
 সে অতীত গুণত্রয়, ইন্দ্রিয় বিষয় নয়,
 যাঁহার বর্ণনে রয় শ্রুতি স্তব্ধভাবে ।
 ইচ্ছা মাত্র করিল যে বিশ্বের প্রকাশ,
 ইচ্ছামতে রাখে, ইচ্ছামতে করে নাশ,
 সেই সত্য, সব আর অসার এ ভবে ॥২৮৫॥

শঙ্কর—ঝাঁপতাল ।

কি ভয় অভয়ধামে, তুমি মহারাজা,
 ভয় যায় তব নামে ।
 নির্ভয়ে অযুত সহস্র লোক ধায় হে,
 গগনে গগনে সেই অভয় নাম গায় হে ।
 তব বলে কর বলী যাঁরে কৃপাময়,
 লোক ভয় বিপদ মৃত্যু ভয় দূর হয় তার ।
 আশা বিকাশে সব বন্ধন ঘুচে,
 নিত্য অমৃত-রস পায় হে ॥২৮৬॥

ধুন—কাণ্ড্যালি ।

দিবানিশি করিয়া যতন, হৃদয়েতে রচেছি আসন ।
 জগতপতি হে কৃপাকরি হেথা কি করিবে আগমন ।
 অতিশয় বিজন এ ঠাই, কোলাহল কিছু হেথা নাই,
 হৃদয়ের নিভৃত নিলয় করেছি যতনে প্রক্ষালন ।
 বাহিরের দীপ রবি তারা, চালেনা সেথায় করধারা,
 তুমিই করিবে শুধু দেব, সেথায় কিরণ বরিষণ ;
 দূরে বাসনা চপল, দূরে প্রমোদ কোলাহল,
 বিষয়ের মান অভিমান, করেছে সূদূরে পলায়ন ।
 কেবল আনন্দ বসি সেথা, মুখে নাই একটীও কথা,
 তোমারি সে সেবক প্রভু, করিবে তোমার আরাধন ;
 নীরবে বসিয়া অবিরল, চরণে দিবে সে অশ্রুজল,
 ছুয়ারে জাগিয়া রবে একা, মুদিয়া সজল ছনয়ন ॥২৮৭॥

বেহাগ—আড়াঠেকা ।

বিমল রজত ভাসে, পূর্ণ করি নীলাকাশে,
 চন্দ্রমা আরতি করে সহস্র কিরণে,
 সেই সত্য সনাতনে ।

অগণ্য তারকাবলী, চৌদিকে রয়েছে জ্বলি,
 মঙ্গল কনক দীপ গগনে গগনে ।
 ফুলের সুরভি শ্বাস, উঠিছে ধূপের বাস,
 কানন কুসুম-ভার অর্পিছে চরণে ;
 পর্বত-কন্দরে গিয়া, শুভ শঙ্খ বাজাইয়া,
 পবন হরষে তাঁরে চামর ব্যজনে ।
 অমৃতের অধিকারী, আছ যত নর নারী
 তোমরাও আরতি কর প্রকৃতির সনে ;
 জ্ঞানের প্রদীপ জ্বলি, প্রেমের সৌরভ ঢালি,
 শত কণ্ঠে কর গান, সুমধুর তানে ॥২৮৮॥

বেহাগ—সুরফাঁকতাল ।

পর' ব্রহ্ম সত্য সনাতন অনাদি জগত গুরু পূরণ
 হরে হরে ।
 প্রাণাধার অখিল পিতাহে, দীন দয়াল প্রভু পূরণ
 হরে হরে ।

পরমশরণ প্রভু দীনসখা হে তুমি বিনে কে ভবে
ত্রাণ করে ;
সুখদায়ক দুঃখভঞ্জন স্বামী, কে এমন পরম ধন
ত্রিভুবন চরাচরে ॥২৮৯॥

বেহাগ—আড়া ।

কেমনে দিব হে স্থান এই সংকীর্ণ হৃদয়ে ।
দীন দুঃখী পাপী আমি অধম মানব হয়ে ।
যদি চাই তোমার পানে, বারেক অনন্তমনে,
প্রেমাবেশে আপনারে আপনি যাই ভুলিয়ে ।
নিরখি নাথ তোমারে, আনন্দেতে আঁখি ঝরে,
বাক্য নাহি সরে, থাকি অবাক্ হয়ে চাহিয়ে ;
হৃদয় হয় পরিপূর্ণ, বহে তায় সুখ পবন,
গভীর প্রেমতরঙ্গে, একেবারে যাই ডুবিয়ে ॥২৯০॥

বেহাগ—একতালা ।

অগম্য অপার তুমি হে ।
কে জানে কে জানে তোমায় ।

অগণ্য বিশ্ব তব পদতলে,
 ভ্রাম্যমান্ দিবস রজনী,

দেব দেব পরম জ্ঞান হে ;

অতুল স্নেহে বেখেছ ক্রোড়ে,
 পাপী তাপী সুখী দুঃখী ;
 স্বর্গ মর্ত্য ভাসমান,—

তোমার প্রেম সাগবে হে ॥২৯১॥

বেহাগ—ঝাপতাল ।

মঙ্গল নিদান, বিষেব কুপাণ,
 মুক্তির সোপান, অণু কেবা ?
 সংসার ছদ্দিন, শান্তি-সূর্য্য হীন,
 কাটি দেয় দিন, অণু কেবা ?
 দুঃখ ক্লেশ ভার, পর্ব্বত আকার,
 কবে পরিহার, অণু কেবা ;
 কাবে ডাকি আব, যাই কার দ্বার,
 সহায় আমার, অণু কেবা ? ॥২৯২॥

বেহাগ—ঝাঁপতাল ।

জয় জগজীবন জগত-পাতা হে,
জয় দীন-শরণ শুভদাতা হে ।
জয় বিঘ্নবিনাশন বিধাতা হে ।
জয় দেব জগত পিতা মাতা হে
হৃদয়াধার হৃদিজ্ঞাতা হে,
ভয়-তাপ-হরণ ভব-ত্রাতা হে ;
দীন জন দ্বারে, ডাকে তোমারে,
দেহি প্রসাদ পরমাত্মা হে ॥২৯৩॥

বেহাগ—কাওয়ালি ।

প্রেমসিকু উথলে দেখে তোমায়,
আনন্দ না ধরে হৃদয়ে ।
ও রূপ হেরিয়ে ভুলিতে কে পারে,
নয়ন না ফেরে আর কোথায়,
আনন্দ না ধরে হৃদয়ে ॥২৯৪॥

১৬বেহাগ—কাওয়ালি ।

নাথ, তোমার প্রসাদবারি কি গুণ ধরে ;
 বাক্যে নাহি বলা যায়, স্মরণে নেত্র ঝরে ।
 নাহি কাল-ভেদাভেদ, নাহি হে পাত্র-প্রভেদ
 বরবিলে বিন্দু তার কি নাহি করে ?
 ভীকু সাহসী হয়, পাতকীর পাপ ক্ষয়,
 অজ্ঞানীর জ্ঞানোদয় অসাধু জন তরে ;
 ধনী হয় দম্বহীন, বালক হয় প্রবীণ,
 সাধু স্মৃথী চিরদিন দেবভাব ধরে নরে ॥২৯৫॥

নটবেহাগ—ঝাঁপতাল ।

জয় পরম শুভ সদন ব্রহ্ম সনাতন,
 করুণার সাগর কলুষ নিবারণ ।
 জয় বিশ্বপাতা—অনন্ত বিধাতা,
 জয় দেব দেবেশ জীবের জীবন ॥২৯৬॥

বাহার—একতালা ।

দেখিলে তোমার সেই অতুল প্রেম আননে ।
 কি ভয় সংসার-শোক ঘোর বিপদ-শাসনে ।

অরুণ উদয়ে আঁধার যেমন যায় জগত ছাড়িয়ে ;
 তেমনি দেব তোমার জ্যোতি মঙ্গলময় বিরাজিলে,
 ভকত হৃদয় বীত-শোক তোমার মধুর সাস্বনে ।
 তোমার করুণা তোমার প্রেম হৃদয়ে প্রভু ভাবিলে,
 উথলে হৃদয়, নয়ন-বারি রাখে কে নিবারিয়ে ?

জয় করুণাময়, জয় করুণাময়,

তোমার প্রেম গাইয়ে,,

যায় যদি যাক্ প্রাণ তোমার কস্ম সাধনে ॥২৯৭॥

বাহার—কাওয়ালি ।

কি আমি বলিব তোমারে ;

ক্ষুদ্র কীট আমি, তুমি পুরাণ অনাদি,

অবিনাশী সারাংসার ।

আকাশের উচ্চ তুমি, দেখ তবু রূপা চখে,

মলিন মানবে ; বস্ম ছর্গ তুমি ভয় বিপদ মাঝে,

ভব-জলধি-সেতু তুমি,থেক না থেক না হে দূরে ॥২৯৮॥

সাহানামিশ্র—যৎ ।

কেমনে বলিবি রে মন পিতার প্রাণ কঠিন !
 মুখ পানে কে চাহিল দেখি তোরে দীন হীন ?
 যাহতে পালিত হলে, আগে তাঁকে ভুলে গেলে,
 তিনি সর্বদা রাখিলেন তোকে না ভুলিয়া কোনদিন
 যত যাও তাঁরে ছাড়িয়ে, ততই তিনি সঙ্গী হয়ে,
 প্রেম-ভরে স্নেহক্রোড়ে, লয়ে রাখেন চিরদিন ।
 যখন পথ হারা হয়ে, কাঁদ বিপদে পড়িয়ে,
 অমনি অনাথ-নাথ হুঁরা আসি চখের জল করেন
 মোচন ॥২৯৯॥

সাহানামিশ্র—যৎ ।

আমি মা মা বলিয়ে ডাকি তোমারে ।
 মাতা হতেও তুমি স্নেহ কর আমারে ।
 আমি জরায়ু-শয্যাতে যখন ছিলাম শয়ান,
 তোমারি করুণায় আমার বাঁচিল পরাণ,
 আমি জানিতাম না এত দয়া কে করে !

কখন মাতা না থাকেন সঙ্গে,
তুমি থাক সঙ্গে সঙ্গে,
বাঁচাও আমায় কত মেহে রূপা করে ॥৩০০॥

মহার—একতারা ।

তোমার প্রতি নিগূঢ় প্রেম যার,
ফল ভরে অবনত শাখারি আকার ।
প্রাপ্ত হয় আত্ম-বিস্মৃতি, ব্যাপ্ত হয় জগতে প্রীতি,
লুপ্ত হয় ভাবনা ভীতি, ক্ষিপ্ত যে প্রকার ;
সুখ দুঃখ সমভাবে হৃদয় স্বর্গ তার ।
কখন হাস্য বদন, কখন করে রোদিন,
কখন মগন মন বাল্য-ব্যবহার ;
আনন্দে ভাব-সমুদ্রে দিতেছে সাঁতার ।
শান্ত দান্ত বিবেক যুক্ত, অনাসক্ত জীবনুক্ত,
ভজনেতে অনুরক্ত, চিত্ত অনিবার ;
কি আনন্দে কর হে তার হৃদয়ে বিহার !
তার প্রেম লাগি তোমাতে, তোমার প্রেম লাগি
তাহাতে,

আনন্দ-লহরী তাহে উঠে অনিবার ;
 মিশে নদী জলধিতে হয় একাকার ।
 এমন দিন কি আমার হবে, তোমার জন্ম সকল সবে
 তবে সে সম্ভব, হলে করুণা তোমার ;
 “ব্রহ্ম রূপাহি কেবলং” জানিয়াছি সার ॥৩০১॥

মেঘ মল্লার—সুরফাঁকতাল ।

বিশ্ব ভুবন রঞ্জন, ব্রহ্ম পরমজ্যোতি,
 অনাদি দেব জগপতি, প্রাণের প্রাণ ।
 কতই রূপা বরষিছ, প্রাণ জুড়ায় সুমধুর ।
 প্রেম সমীরে, দুখতাপ সকলি হয় অবসান ।
 সবাকার তুমি হে পিতা বন্ধু মাতা,
 অনন্তলোক করে তব প্রেমামৃত পান ;
 অনাথ-শরণ এমন আর কেবা তোমা হেন,
 ডাকি তোমারে, দেখা দাও প্রভু হে রূপানিধান ॥৩০২॥

দেশ মল্লার—ঝাঁপতাল ।

হরি তোমা বিনা কেমনে এ ভবে জীবন ধরি ।
সংসার জলধি মাঝে তুমি হে তরী ।
তোমাতে যখন পাই, অঁধারে আলোক পাই,
নিমেষে হৃদয়-তাপ সব পাসরি ॥৩০৩॥

দেশ মল্লার—ঝাঁপতাল ।

হে গুরু, কল্পতরু, সকলি সম্ভবে তোমারি নামে ।
নিমেষে পাতকী যায় পুণ্যধামে ।
যাহা চাই তাহা পাই, কিছুই অভাব নাই,
অনন্ত সুখ সম্পদ তব চরণে ।
যে জন সরল হয়, বিশ্বাসেতে মুক্তি পায়,
সংসারে স্বর্গের শোভা হেরে নয়নে ॥৩০৪॥

নটমল্লার—চৌতাল ।

চির দিবস নব মাধুরী নব শোভা তব বিশ্বে
নব কুমুম পল্লব নব গীত নব আনন্দ ।

নব জ্যোতি বিভাসিত, নব প্রাণ বিকশিত,

নব প্রীতি প্রবাহ হিল্লোলে ।

চারিদিকে চিরদিন নবীন লাবণ্য তবপ্রেম নয়নছটা

হৃদয় স্বামী তুমি চির প্রবীণ,

তুমি চির নবীন চির মঙ্গল চির সুন্দর ॥৩০৫॥

সোহিনী বাহার—ঝাঁপতাল ।

তোমার করুণা-প্রেম বহিছে অজত্রধারে ।

ডুবেছে যে জন তাহে সে কি তা ভুলিতে পারে ।

জীব জন্তু অগণন, তব প্রেমে নিমগন,

আকাশে শশী তপন, তোমার প্রেম প্রচারে ।

ধনু সেই সাধু জন, যে তব প্রেমে মগন,

দিবানিশি তার মন, ভাসে প্রেম-সাগরে ॥৩০৬॥

মালকোষ—আড়াঠেকা ।

কেবা ভুলিবে তোমারে, পেয়ে তোমার প্রীতি সুখা

দে'খে তোমার করুণা ।

অগতির গতি তুমি, অনাথ-নাথ,
কে না পায় তব ছায়া ;
বিশ্ববন্ধু তুমি, যে দিকে দেখি,
দেখি তোমার প্রেম ॥৩০৭॥

ভৈরব—একতাল।

পরম সুখে রয়েছি, পিতার কাছে আছি,
আমার এখন কিসের ভয় ।

যখন পিতায় ছেড়ে থাকি, তখনি সে দেখি,
চারিদিক আপদ বিপদ ময় ।

এখন অনলের সাধ্য নাহি পোড়াইতে,
সাগরের সাধ্য নাহি ডুবাইতে, কাছে থাকিতে,
নাই পর্বতের সাধ্য আঘাত করিতে,

প্রতিকূল বায়ু অনুকূলে বয় ।

আমার, অন্তরে বাহিরে আনন্দেতে ভরা,
সুখময়ী হয়ে সুধাইছে ধরা, করিয়ে ত্বরা ;

আমায় হাসাইতে হাসে রবি চন্দ্র তারা,

চারিপাশে তারা বসে সমুদয় ।

দেখি সৰ্বব্যাপী পিতা সৰ্ব মূলাধার,
 স্বৰ্গ মৰ্ত্ত্য পাতাল পিতার অধিকার,
 কিসের চিন্তা আর ।

আমার পিতার হাতে আছে এ জীবনের ভার,
 ব্রহ্ম নামে যার শমন দমন হয় ॥৩০৮॥

গারা—কাওয়ালি ।

কি মধুর তব করুণা প্রভো, কি মধুর তব করুণা,
 তব করুণা সব জগতময়,
 সকলে গায় তোমারি প্রভু করুণা ।
 গায় তরুণ শশী, নদী গিরিকুল বন.
 যথায় তথায় তব জয় জয় রব ;
 গায় নরনারী অগণন, কেহ নহে নীরব ।
 এই ঘোর সংসার, কর হে পার কর্ণধার,
 ভব জলধি মাঝে ;
 হৃদয়ের ধন তুমি, নিম্নত মম হৃদে বিরাজ ;
 কি আর কব ॥৩০৯॥

তৃতীয় অধ্যায় ।

প্রার্থনা, আকাঙ্ক্ষা ও অনুতাপ ।

মলিত—সওয়ারি ।

তুমি জ্যোতির জ্যোতি, দেখা দেও হে ।
রবি, শশী তারা শোভে না আমার কাছে,
যদি হারাই তোমারে ।

কিসের সে জীবন যৌবন তোমা বিহনে,
কি হবে সে জ্ঞানে ষাতে তোমারে না পাই ॥৩১০॥

মলিত—আড়াঠেকা ।

আজ খুলিয়ে দিয়েছি নাথ, হৃদয়ের দ্বার ।
ওহে অকিঞ্চন ধন, এসে কর অধিকার ।
তুমি হে জীবন প্রাণ, তুমি বল তুমি জ্ঞান,
তুমি বিনা অনাথের, কেহ নাহি আর ।
তব অনুচর হয়ে, থাকিব তোমারে লয়ে,
তোমার পূজন বিনে পূজিব না অশ্রু আর ।

জেনেছি জেনেছি প্রভু, ভুলিব না আর কভু,
পতিতপাবন তুমি, তুমি সর্ব-মুলাধার ॥৩১১॥

—
ললিত—আড়াঠেকা ।

অনাথে চাহিয়া দেখ অনাথ শরণ ।
কি জানাব জানিতেছ হৃদয়-বেদন ।
তোমা বিহনে কে আর, ঘুচাবে হৃদয়-ভার,
তুমি ভরসা আমার, আমি অকিঞ্চন ।
সংসার পিষাচ ঘোর, পিষিছে হৃদয় মোর,
টানিছে নরক পথে, করিছে তর্জন ;
পড়ে আছি অসহায়, একেবারে নিরুপায়,
জীবনে মরণ প্রায়, ওহে মৃত-সঞ্জীবন ॥৩১২॥

—
ললিত—আড়া ।

এসেছি তোমারি দ্বারে তোমারি মহিমা শুনে ।
দেখ প্রভু কি হয়েছি পুড়িয়ে পাপ আগুনে ।
চেয়ে দেখ দয়াময়, থাক হয়েছে হৃদয়,
রাখ রাখ রাখ প্রাণ, দিয়ে স্থান শ্রীচরণে ।

প্রভু তোমারি কৃপায়, সকলি সম্ভব হয়,
 শুনেছি তোমারি নামে, গলে হে পাষণ;
 পৃথিবী স্বর্গের প্রায়, মনুষ্য দেবতা হয়,
 রজনীতে সূর্য্যোদয়, হয় তোমার নামের গুণে ॥৩১৩॥

ললিত—৫৭ ।

দে মা স্থান শান্তি নিকেতনে । (দয়াময়ী)
 মা তোর পুণ্যময় অভয় চরণে ।
 মাতৃহীন বালকের মত, কাঁদিব আর বল কত,
 রোগে শোকে পাপ প্রলোভনে ;
 শীঘ্র খোল দ্বার ডাকিগো সঘনে ।
 হয়েছি নিতান্ত শ্রান্ত, পাপ ভারে ভারাক্রান্ত,
 মতিভ্রান্ত পড়ে ভব-বনে ;
 সঙ্গ ছাড়েনি এখনো রিপুগণে ।
 ডেকে লও গো দয়া করে, তোমার ঘরের ভিতরে,
 ভক্ত-পরিবার সদনে ;
 রাখ দাস করে তাঁহাদের সনে ॥৩১৪॥

ললিত মিশ্র—একতারা ।

একে দৃষ্টিহীন তাহে চারি ধার ঘেরিয়াছে,

এ কি মোহ আঁধার হয় !

কোথা হতে তুমি ডাকহে আমারে কোথায় তুমি,

কিছুই দেখিতে না পাই ।

পশ্চাৎ হইতে টানিছে কারা, কোন্‌দিকে আমায়
লয়ে যায় কোথা ; চারিদিকে করে ঘোর কোলা-

হল, দেয় না শুনিতে তোমার কথা হয় ।

প্রাণ মাঝে তুমি আছ নিশিদিন, প্রেম ভরে সদা

ক'রে আলিঙ্গন, একি বিড়ম্বনা দেখিতে না দেয়,

তোমার প্রেম-মুখ হয় ; কাটি দাও প্রভু মোহ

অন্ধকার, দূর কর যত রিপু দুর্নিবার, প্রকাশিত

হও অন্তরে আমার, সফল করি জীবন দেখিয়ে

তোমায় ॥৩১৫॥

প্রভাতী—একতারা ।

এস মা এস মা ও হৃদয়রমা, পরাণ পুতলী গো ।

হৃদয়াসনে, একবার হও মা আসীন নিরখি তোরে গো ।

জন্মাবধি তব মুখপানে চেয়ে, আমি ধরি
এ জীবন যে যাতনা সয়ে, তা ত জান মা গো ;
একবার হৃদয় কমল বিকাশ করিয়ে,
প্রকাশ তাহে আনন্দময়ী গো ॥৩১৬ ॥

প্রভাতী—একতারা ।

একি অন্ধকার এ ভারতভূমি
বুঝি পিতা তারে ছেড়ে গেছ তুমি
প্রতি পলে পলে ডুবে রসাতলে
কে তারে উদ্ধার করিবে !
চারি দিকে চাই নাহি হেরি গতি,
নাহি যে আশ্রয় অসহায় অতি
আজি এ আঁধারে বিপদ পাথারে
কাহার চরণ ধরিবে ।
তুমি চাও পিতা ঘুচাও এ দুখ
অভাগা দেশেরে হয়োনা বিমুখ
নহিলে আঁধারে বিপদ পাথারে
কাহার চরণ ধরিবে ।

দেখ চেয়ে তব সহস্র সন্তান
লাজে নতশির ভয়ে কম্পমান
কাঁদিছে সহিছে শত অপমান

লাজ মান আর থাকে না ।

হীনতা লয়েছে মাথায় তুলিয়া,
তোমাতেও তাই গিয়েছে তুলিয়া,
দয়াময় বলে আকুল হৃদয়ে

তোমাতেও তারা ডাকে না ।

তুমি চাও পিতা তুমি চাও চাও
এ পাপ, হীনতা, এ দুঃখ ঘুচাও,
ললাটের কলঙ্ক মুছাও মুছাও

নহিলে এ দেশ থাকে না ।

তুমি যবে ছিলে এ পুণ্য ভবনে
কি সৌরভ সুধা বহিত পবনে
কি আনন্দ গান উঠিত গগনে

কি প্রতিভা জ্যোতি জলিত ।

ভারত অরণ্যে ঋষিদের গান
অনন্ত সদনে করিত প্রমাণ

তোমাতে চাহিয়া পুণ্য পথ দিয়া

সকলে মিলিয়া চলিত ।

আজ কি হয়েছে চাও পিতা চাও

এ তাপ এ পাপ এ হুঃখ ঘুচাও

মোরা ত তোমারি রয়েছি সন্তান

যদিও আমরা পতিত ॥৩১৭॥

প্রভাতী—হুঁরি ।

ওহে দীন দয়াময় মানস-বিহঙ্গ সদা চায়,

প্রাণ খুলে মনের সাধে ডাকি হে তোমায় ।

ওহে তরুগণ শাখা'পরে, পাখীগণ গান করে,

কেমন মোহন গুণ গায় হে ;

কিবা প্রভাত সমীরণ, বহে মৃদু মন্দ ঘন,

ভগবত প্রেম বিলায় হে ।

ওহে মনের হরষে আজি, নব সাজে সবে সাজি,

প্রেম-গুণ গানে মাতায় হে ;

তব গুণ গাওত, প্রাণ মন নাচত,

পাগল করল সবায় হে ।

ওহে চিত্ত-বিনোদন, ভকত-জীবন,
 সদা বাঁধা রব তব পায় হে ;
 যাঁচত প্রেমদাস, পূরাও হে মন আশ,
 তুঁহি মম জীবন সহায় হে ॥৩১৮॥

ভৈরোঁ—একতালা ।

ভয় হয় পাছে তব নামে আমি
 আমারে করি প্রচার হে ।
 মোহ বশে পাছে ঘিরে আমায়, তব
 নাম-গান-অহঙ্কার হে ।
 তোমার কাছে কিছু নাহি ত লুকানো,
 অন্তরের কথা তুমি সব জানো,
 আমি কত দীন, আমি কত হীন,
 কেহ নাহি জানে আর হে ।
 ক্ষুদ্র কণ্ঠে যবে উঠে তব নাম,
 বিশ্ব শুনে তোমায় করে গো প্রণাম ।
 তাই আমার পাছে জাগে অভিমান,
 গ্রামে আমায় আঁধার হে ।

পাছে প্রতারণা করি আপনারে,
তোমার আসনে বসাই আমারে,
রাখ মোহ হতে রাখ তম হতে ;
রাখ রাখ বার বার হে ॥৩১৯॥

ললিত—আড়া ।

নিজ গুণে তার যদি এ অধম নরে ।
তবে ত যাইতে পারি সংসার-জলধি পারে ।
নাহি জানি ভজন সাধন, প্রেমহীন ভক্তিহীন,
চিরদুঃখী আমি তোমার পাতকী সন্তান ;
সকলি করিতে পার, তুমি সর্ব মূলাধার,
দাসে দাও চরণতরী কৃপা করে ॥৩২০॥

ললিত—একতালা ।

চেয়ে দেখ নাথ, একবার এ অধম সন্তানে,
পাপে তাপে জর জর, ভ্রাণ কর ছায়া দানে ॥

তুমি বিনা বল আর, কে করিবে নিস্তার,
 কে তারে কাতরে, ওহে কাতর-শরণ ;
 দয়া গুণে ক্ষমা কর এ শরণাগত জনে ॥৩২১॥

ভৈরব—চৌতাল ।

দেখা দেও আঁখি-রঞ্জন হৃদি মাঝে হৃদয়েশ,
 প্রেম-জনন প্রসন্ন-বদন হেরি অনিমেষ ।

নরনারীগণ আনন্দ অন্তরে,
 যশ-তোমুর তব হে মহেশঝঙ্কারে,
 অবিরত দশ দিশ ।

শুদ্ধসত্ত্ব হিরণ্ময় মানস-আসন পাতি
 তোমাতে দিব পরমেশ ;

ভক্তি চন্দনে চর্চিব চরণ,
 প্রেমের হারে বাধি তোমাতে,
 পালিব তব আদেশ ॥৩২২॥

ভৈরব—চৌতাল ।

(মোর) দুঃখ নিশা প্রভাত কর হে ছরিত নাশন,
 তার এ অকুল পাথার ।

বিরাজি হৃদয় মাঝে, মলিনতা পাপ তাপ হর;

হে দয়াল, হে কুপার আধার ।

এসেছি প্রভু হে, তোমার অভয় দ্বারে ফিরা'য়োন।

দীনে না দিয়ে দরশন, পূর ভক্ত মনস্কাম ;

নাহি সহায় লোকে তোমা বিনা

তুমি একমাত্র সহায় সম্বল মোর—

সঙ্গী সুখে দুখে আঁধার মিহির, দারিদ্র্যভঞ্জন,

অন্ন-ধন-সুখ-সম্পদ-কারণ ॥৩২৩॥

ভৈরব—ঝাপতাল ।

(প্রভু) পূজিব তোমারে আজি বড় আছে আকিঞ্চন,

হৃদয়-কবাট খুলি পেতেছি মন-আসন ।

ভক্তির গেঁথেছি হার, দিব আজি উপহার,

প্রেমের চন্দন ছিটা এই মাত্র আয়োজন ।

নয়নের অশ্রু দিয়ে ধোব হে তব চরণ,

জানি তুমি দয়াময় ভক্তে দিবে দরশন ;

এসো তবে দীনবন্ধু, এসো করুণার সিন্ধু

বিতরি প্রসাদ-বিন্দু সফল কর জীবন ॥৩২৪॥

ভৈরবী—ঝাঁপতাল ।

তৎসৎ ব্রহ্মপদ প্রণমি হে দণ্ডবৎ ;
শ্রবণ করো করুণা করি, প্রভু, এ স্তুতিগীত হরিত ।

শান্তি-সুখা সর্ব ভুবন বিস্তার
ইচ্ছা তোমারি হৃদক সফল হে ;
অনীতি দুর্ন্যতি করি অপহৃত,
পুণ্য সলিল বরিষ, বরিষ অমৃত ।

প্রাণের প্রাণ তুমি হৃদয়ের স্বামী,
বিকশিত কর আসি হৃদয়কমল হে ;
প্রেম-সুখা দেও চিত্তচকোরে ;
প্রসাদ-বিন্দুর তরে প্রাণ তৃষিত ।

সর্বজ্ঞ সর্বসাক্ষী পুরাণ,
কি আর জানাব, জানিছ সকল হে ;
ভক্তবৎসল তুমি ভক্ত এই যাচে,
মোচন কর সর্ব হরিত হৃকৃত ।

কাতর হইয়ে এসেছি তব দ্বারে,
দীন-হীন সবে মলিন দুর্বল হে ;
বিঘ্ন-বিনাশন পতিত-পাবন,

দেখাও দেখাও হে, তব পুণ্যপথ ।

বিশ্বনিয়ন্তা বিভূ ঞ্চায়সিন্ধু,

ইচ্ছা তোমারি হৃদক সফল হে ;

দিব্য পিতা প্রভু পরমরূপাময়,

বিতর সবে শান্তি স্মৃতি সতত ॥৩২৫॥

ভৈরবী—একতারা ।

তোমারি ইচ্ছা হৃদক পূর্ণ

করুণাময় স্বামী ।

তোমারি প্রেম স্মরণে রাখি,

চরণে রাখি আশা ;

দাও দুঃখ দাও তাপ,

সকলি সহিব আমি ।

তব প্রেম আঁখি সতত জাগে,

জেনেও জানি না ;

ঐ মঙ্গল রূপ ভুলি তাই,

শোক সাগরে নামি ।

আনন্দময় তোমার বিশ্ব,

শোভা সুখ পূর্ণ ;

আগি আপন দোষে দুঃখ পাই.

বাসনা অনুগামী ।

মোহ বন্ধ ছিন্ন কর,

কঠিন আঘাতে ;

অশ্রু-সলিল-ধৌত-হৃদয়ে

থাক দিবস যামী ॥৩২৬॥

ভৈরবী—ঝাঁপতাল ।

মহা সিংহাসনে বসি শুনিছ হে বিশ্ব পিতঃ

তোমারি রচিত ছন্দ মহান্ বিশ্বের গীত ।

মর্ত্যের মৃত্তিকা হোয়ে, ক্ষুদ্র এই কণ্ঠ ল'য়ে

আমিও ছয়ারে তব হ'য়েছি হে উপনীত ।

কিছু নাহি চাহি দেব, কেবল দর্শন মাগি,

তোমাতে শুনাব গীত এসেছি তাহারি লাগি ;

গাহে যথা রবি শশী, সেই সভা মাঝে বসি

একান্তে গাহিতে চাহে এই ভকতের চিত ॥৩২৭॥

ভৈরবী—১২ ।

হায় কি দিব বলছে চরণে তোমার ?

দীন দুঃখী পাপী আমি, কি আছে আমার ।

না জানি অর্চনা স্তুতি, নাহিক তোমাতে মতি,

হৃদয়ে কিছুই নাহি দিতে উপহার ।

ভাসিয়ে নয়ন জলে, ডাকি দয়াময় বলে,

এস হে দয়ার নিধি, হর দুখ ভার ॥৩২৮॥

ভৈরবী—আড়া ।

কাতরে কর নাথ দয়া, আছি আশা-পথ চেয়ে ।

থাকিব আর কত দিন বল নিঃসম্বল হয়ে ?

পিতৃহীনের পিতা তুমি, মাতৃহীনের জননী,

প্রকাশ আশ্বাস বাণী, এ পাপ ভগ্ন হৃদয়ে ।

করেছ কত করুণা, প্রাণ থাকিতে ভুলিব না,

এখন আমার এই কামনা, স্থান দেও চরণাশ্রয়ে ॥৩২৯॥

ভৈরবী—আড়া ।

প্রভো কুরু কিঙ্করে করুণাবিধানং
 হে দয়াময়, তারয় ভব পারাবারং ।
 দাসে বিতর তরীং তব চরণ-সরোজং,
 যাচে ভববারিধৌ কর্ণধারমনুবারং
 পাপহর পরিহর, মোহমকরমতি ঘোরং
 বিষয়বাসনা হর, অন্তরবৈরী বিকারং ॥৩৩০॥

ভৈরবী—আড়া ।

কেমনে বলিব আমি ভালবাসি হে তোমারে ।
 জীবনের চিন্তা কার্য্য তাহে প্রতিবাদ করে ।
 মুখে ভালবাসি বলি, কাষে ফাঁকি দি কেবলি,
 প্রাণের ভিতরে কালি, রাখি কেবল ঢাকিয়ে ।
 কেমনে হব সরল, হৃদি হবে নিরমল,
 বাক্য কার্য্য চিন্তায় মিলে পূজিব হে তোমারে ॥৩৩১॥

ভৈরবী—মধ্যমান ।

(তাই ডাকিহে তোমায়—স্বর)

এস মা এস মা হৃদি মাঝারে ।

সব দুঃখ ভুলে যাব দেখিয়ে তোমারে ।

হৃদি মাঝে বসাইব, অনিমেষে নিরখিব,

অনুক্ষণ ডুবে রব, তব প্রেম-সাগরে ॥৩৩২॥

ভৈরবী—মধ্যমান ।

তোমারি তোমারি আমি জীবন মরণে,

প্রেম-পাশে বাঁধা আছে প্রাণ মন ও চরণে ।

বিপদে ফেল হে যদি, বিপদেতে রব,

প্রেমমুখ দেখাও যদি, সব দুঃখ স'ব,

সংসারের কটু কথা শুনিব না শ্রবণে ॥৩৩৩॥

ভৈরবী—কাওয়ালি ।

অকূল ভবসাগরে তার হে তার হে ।

চরণতরি দেহি, অনাথনাথ হে ।

সস্তাপ নিবারণ, দুর্গতি-বিনাশন,
হৃদ্বিন-তিমির হর, পাপ তাপ নাশ হে ॥৩৩৪॥

ভৈরবী—কাওয়ালি ।

দেখা দেও হে জীবনের জীবন ।

বিফলে গেল যে জীবন ।

দেখি তব প্রেমমুগ, দূর করি সব দুখ,

দয়া কবে একবার দাও দরশন ।

পাপে তাপে অবিরত, হঠিয়াছি জীবনু ত,

দিয়ে ও চরণামৃত, বাঁচাও জীবন ॥৩৩৫ ॥

ভৈরবী—কাওয়ালি ।

তোমারি রহিব নাথ জীবন মরণে ;

চিরদিন পড়ে রব তোমার চরণে ।

কি সুখ জীবনে হায়, দগ্ধ মরুভূমি প্রায়,

এ ছার জীবন তব প্রেম-বারি বিনে ;

সংসারের ধন মান, চাহেনা আমার প্রাণ,

দেয় না তিলেক শান্তি তাপিত জীবনে ।

তোমা বিনা দয়াময়, জীবন আঁধারময়,
 কিছুতেই সুখ নাই তোমার বিহনে ;
 পুণ্যের বিমল জ্যোতি, মানবের স্নেহ প্রীতি,
 সকলি মলিন তব প্রেমালোক বিনে ।
 তব প্রেম সুধাময়, হায় নাথ যে হৃদয়,
 করিয়াছে আশ্বাদন বারেক জীবনে ;
 কি সুখে ভুলায়ে হায়, রাখিবে সংসার তায়,
 কেমনে বাঁধিবে তার আকুল পরাণে ।
 হৃদয় তোমারি তরে, কাঁদে সদা প্রেমভরে,
 তোমা তরে প্রেম-ধারা বহে ছনয়নে ;
 এই নাথ লও মোরে, বাঁধি রাখ প্রেম ডোরে,
 হৃদয় পরাণ মন তোমার চরণে ॥৩৩৬॥

ভৈরবী—একতারা ।

নিলাম গো শরণ পিতা তোমার ঐ অভয় চরণে ।
 দিতে হবে স্থান এবার পাপী কাতর সন্তানে ।
 সংসারের জালায় জলে, শীতল একবার হব বলে,
 পড়িলাম ঐ চরণতলে, জুড়াও গো তাপিত জনে ।

শুনেছি গো ঐ পায়, মহাপাপী তরে যায়,
এসেছি গো সেই আশায়, চাও রূপা নয়নে ॥৩৩৭॥

ভৈরবী—ঠুংরি ।

পাপে তাপে বিকলিত মন শীঘ্র সন্তাপ নাশ ।
মোহাচ্ছনে হৃদয়-গগনে প্রেম-সূর্য্য প্রকাশ ।
অজ্ঞানাক্কে বিতর স্মৃতি তার দুঃখী অনাথে ;
আপদ্ সম্পদ্ সকল সময়ে থাক ভক্তের সাথে ॥৩৩৮॥

ভৈরবী—ঠুংরি ।

প্রেমদাতা, দেখা দাও হে,
প্রাণ সদা তোমারে চায় ।
দূরে যায় পাপ, দূরে যায় তাপ,
দূয়ে যায় শোক ;
ভাসে হৃদয় মম প্রেম আনন্দে,
প্রেমমুখ যদি হে ভার ।
অপার শান্তি, হৃদয়ে বিরাজে,
পূরে মনকাম ;

যখনি দয়া তব, স্মরণে জাগে,
মন তব চরণে ধায় ॥৩৩৯॥

আশা ভৈরবী—ঠুংরি ।

বরিষ ধরামাঝে শান্তির বারি ।

শুক হৃদয় লয়ে, আছে দাঁড়াইয়ে,
উদ্ধ মুখে নরনারী ।

না থাকে অন্ধকার, না থাকে মোহ পাপ,
না থাকে শোক পরিতাপ ;

হৃদয় বিমল হোক, প্রাণ সবল হোক,
বিঘ্ন দাও অপসারি ।

কেন এ হিংসা ঘেঘ, কেন এ ছদ্ম বেশ,
কেন এ মান অভিমান ;

বিতর বিতর প্রেম, পাষণ হৃদয়ে,
জয় জয় হোক তোমারি ॥৩৪০॥

গাড়া ভৈরবী—৫৭ ।

কি দিয়ে পূজিব নাথ হেন কি ধন আছে,

সবে ধন পাপ মন, অপবিত্র রয়েছে ।

আমি অতি দীন হীন, আমি কোথায় কি পাব নাথ,

সকলি তোমারি দেওয়া, লও হে তোমার

যা ইচ্ছে ॥৩৪১॥

যোগিঞা—মধ্যমান ।

এস হে হৃদয়ে হৃদয়বিহারী ।

প্রীতি-কুসুমে ছাইব হে চরণ তোমারি ।

পূর্ব গগনে ভানু বিরাজিল,

অন্ধকার বিনাশিল ;

তোমা বিনে আঁধার হৃদাকাশ,

নাশি তিমির হও প্রকাশ, প্রাণে আমারি ।

বিহঙ্গমগণ হেরি তপন কিরণ

শতকণ্ঠে ধরিল সূতান ;

প্রেম-রবি হে তব মুখ নেহারি

গাইবে আজি প্রাণ বিহঙ্গ আমারি ।

হৃদি-সরসী মাঝে প্রীতি কুসুম ফুটিবে
মন-ভৃঙ্গ তব নাম ঝঙ্কারিবে ;
এস হে ঞ্জাণসখা দিয়ে প্রেম-বারি
যতনে ধুইব চরণ তোমারি ॥৩৪২॥

রামকেলি—কাওয়ালি ।

প্রভু দয়াময়, কোথা হে দেখা দাও,
বিপদ মাঝে বল করে ডাকি আর,
তুমিই এক মম ভরসা ।
প্রিয় জন একে একে কে কোথা চ'লে যায়,
একেলা ফেলি আঁধারে,
শূন্য হৃদয় মম পূর্ণ কর নাথ,
পূরাও এই আশা ॥৩৪৩॥

রামকেলি—কাওয়ালি ।

দাও হে হৃদয় ভরে দাও ।
তরঙ্গ উঠে উথলিয়া সুধাসাগরে,
সুধা রসে মাতোয়ারা করে দাও ।

যেই সুধারস পানে ত্রিভুবন মাতে,
তাহা মোরে দাও ॥৩৪৪॥

খট্—সুরফাকতাল ।

মঙ্গল তোমার নাম, মঙ্গল তোমার ধাম,
মঙ্গল তোমার কার্য্য, তুমি মঙ্গল-নিদান ।
অকূল ভব-সাগরে, অনুদিন তুমি সহায়,
পাপ-তিমির নাশি, বিতর কল্যাণ ।
ছর্ব্বল হৃদয় মোর, আশ্রয় কর দান,
দুর্গম পথ তরাও, দেও হে পরিত্রাণ ।
দুর্জয় রিপু ঘন্ডে, অন্তরে বাহিরে,
এ সঙ্কটে ধ্রুব-নেতা তুমি কর বিজয় দান ॥৩৪৫॥

খট্ ভৈরবী—পোস্তা ।

থাকুব না আর এ পাপ রাজ্যে, ব্রহ্মলোকে যাব চলে,
সুখে বাস করিব তথা ব্রহ্ম-কল্পতরু-মূলে ।
প্রেমের বীজ করিয়ে রোপণ, ভক্তি নদীর উপকূলে,
হৃদয় ভাণ্ডার পূর্ণ করিব পুণ্য সম্বলে ।

অমর হয়ে অমৃত পান করিব সবে মিলে,
 ভক্তবৃন্দ সঙ্গে সদা ভাসিব প্রেম হিল্লোলে ।
 অসার নীচ বাসনা সকলই যাইব ভুলে,
 হয়ে অনুরাগী প্রেম বৈরাগী,
 বিলাব প্রেম হৃদয় খুলে ॥৩৪৬॥

খট্ ভৈরবী—একতাল।

তোমার অপার কৃপা জীবের প্রতি ;
 অপার কৃপাওণে মানব সন্তানে,
 পালিছ যতনে ওহে জগৎপতি ।
 জননী জঠরে না হতে সঞ্চার,
 তুমি হে ভাবনা ভাবিলে আমার ;
 মাতার হৃদয়ে সুধার ভাণ্ডার
 মাতৃ প্রাণে দিলে প্রেমের শক্তি ।
 কোমল শৈশবে প্রহরী হইয়ে,
 অবোধ সন্তানে রাখিলে নির্ভয়ে ;
 বয়োবৃদ্ধি সনে খুলিলে নয়নে,
 দেখালে সন্তানে তব স্নেহজ্যোতি ।

তুমি দিলে স্নেহ সকলের প্রাণে,
 যার গুণে মোরা বাড়ি দিনে দিনে ;
 করি হে প্রার্থনা আজ ও চরণে
 তব পদে প্রভু থাকে যেন মতি ॥৩৪৭॥

আসোয়ারি—ঝাপতাল ।

(জাগো সকলে—সুর)

প্রভো দীন দয়াল, দীন জন যাচে,
 বরিষ বরিষ নাথ, করুণানিধান, প্রেমামৃত বারি ।
 দীনজন সখা তুমি, দীনকাণ্ডারী,
 বিতর দীনে প্রেম তোমারি ।
 নীরস হৃদয় মোরা, তব প্রেম বিনা,
 শাস্তিহারা সবে, দিবা বিভাবরী ;
 তব প্রেম-সিকু নীরে মগন,
 কর নাথ চিত্ত সবারি ॥৩৪৮॥

আশা—ঠুংরি ।

বিষয় সুখে মন তৃপ্তি কি মানে ।
 তব চরণামৃত পান-পিপাসিত,
 নাহি চাহি ধন জন মানে ।

হৃদয় পিপাসু সদা পরমেশ্বর-

পদ-কমল মধু পানে ;

না চাহি অপর কিছু, মধুকর ত্যজি মধু;

চায় কি সে জলপানে?

সেই তব সুবিমল প্রেম মুখচ্ছবি,

নিরখি নিরখি অনিমেষে ;

সফল করিব প্রভু, নেত্র যুগল মম,

পাসরিব ভয় দুঃখ ক্লেশে ।

অনুদিন গাইব, ভগবদমল যশ,

কোমল সুমধুর তানে ;

মিলিবে সে ফল তাহে, কভু নাহি মিলে যাহা,

দুঃসহ তপ জপ দানে ।

পলভর না ছাড়িব, তোমার শ্রীচরণ,

তুমিও রাখিবে তব দাসে ;

তব সহবাস-সুখে, রহি নিশি দিন,

না গণিব ভব বনবাসে ।

পরিহরি বিষময় বিষয় প্রলোভন,

অনুচর রব তব পাশে ;

হৃদয়-খাল ভরি, প্রীতি কুমুম ল'য়ে ;
 পূজিব নিত্য মহেশে ।
 পরি অপরাঙ্জিত দিব্য কবচ তব,
 অক্ষত রিপুর প্রহারে ;
 তব করুণাতরী করি অবলম্বন,
 যাব ভবাৰ্ণব পারে ।
 জীবন সাঁপিয়ে, তোমার পদে প্রভু,
 নির্ভয় হইব সখা হে ;
 মঙ্গল কার্য্য তোমার সমাপিয়ে,
 সহজে ত্যজিব এই দেহে ॥৩৪৯॥

আশা— ঠুংরি ।

(বিষয় সুখে মন—স্বর)

হে সুখকারী ভয় দুখহারী ।
 পূজিতে তোমাতে, আজি তব দ্বারে,
 এসেছি কৃপার ভিখারী ।
 বরষিছ কত দয়া, পলকে পলকে প্রভু,
 জীবনে ভুলিতে কি পারি ?

স্মরিয়ে দয়া তব, আজি প্রেম-বারি,
ফেলিব চরণে তোমারি ।
পাসরি সব দুখ, স্নেহের মূরতি তব,
যবে হৃদিমাঝে নেহারি ;
ভাসিব আনন্দে, হেরি অনিমেঘে,
সেই মূরতি তোমারি ।
পাপী জনে প্রভু, কোলে লইতে তব,
আছ প্রেমবাহু প্রসারি ;
আশা করি তাই, আসিলাম তব ঠাই,
লও সন্তানে তোমারি ॥৩৫০ ॥

আশা—হুংরি ।

পতিতপাবন তুমি ভব-ভয়হারী ।

দেখ তব দ্বারে, আজি করযোড়ে,

মুক্তি-ভিখারী নরনারী ।

এক অভয় পদ, বিঘ্ন-বিপদ হর,

তুমি প্রভু ভব সংসারে ;

লইনু শরণ আজি শ্রীচরণ আশ্রয়ে,
দেও হে তব পদ তরী ।

কে আর করিবে প্রভু কলুষ বিমোচন,
যাইব আর কার দ্বারে ;

মলিন পাতকী সবে, ডাকি তোমাতে প্রভু,
তার হে পতিত উদ্ধারী ।

মোহ-তিমির ঘোর, ভীষণ দুস্তর,
কে আর করিবে বিনাশ ?

কে পারে তরিবারে, তোমার প্রসাদ বিনা,
লইনু শরণ হে তোমারি ॥৩৫১॥

বিভাস—একতাল।

ওহে দীননাথ কর আশীর্বাদ,
এই দীন হীন দুর্বল সন্তানে ।

যেন এ রসনা, করে হে ঘোষণা,
সত্যের মহিমা জীবন মরণে ।
তোমার আদেশ সদা শিরে ধরি,
চির ভৃত্য হয়ে রব আত্মাকারী,

নির্ভয় অন্তরে, বন্দু ছায়ে ছায়ে,
 মহাপাপী তরে দয়াল নামের গুণে ।
 অকপট হৃদে তোমাতে সেবিব,
 পাপের কুমন্ত্রণা আর না শুনিব,
 যা হবার তাই হবে, যায় প্রাণ যাবে,
 তব ইচ্ছা পূর্ণ হ'ক এ জীবনে ।
 নিত্য সত্য ব্রত করিব পালন,
 মন্ত্রের সাধন কি শরীর পতন,
 ভয় বিপদ কালে, ডাকব পিতা বলে,
 লইব শরণ ঐ অভয় চরণে ॥৩৫২॥

বিভাস—একতালা ।

প্রাণ সখা হে আমার হৃদয় মাঝে দাঁও হে দরশন ।
 সফল করি হে নাথ ! হেরি তোমাতে, জীবন ।
 মোহ-কোলাহলে; থাকি যে তোমায় ভুলে,
 জানিতে পারি না প্রভো, তুমি কি পরম ধন ।
 যদি আজ কৃপা করে, ভ্রমিত করিলে মোরে,
 দেখিবারে অনুপম রূপ ভুবনমোহন ;

দাও তবে জ্ঞান আঁধি, দেখি হে তোমায় দেখি;
মোহাঁধার হই হে পার, পাই হে নব জীবন ॥৩৫৩॥

বিভাস—একতাল।

এস এস মলিন হৃদয়ে মম, এস হে হই ধন্য ।

করুণা বিতর হে দয়াময়,

আমার এ জীবন কেবল তোমারি জন্ত ।

এস এস এস জীবন আধার,

ছুখিনী অবলার হৃদয় মাঝার,

একবার এস হে ;

ডাকে কাতরে তোমার ছুখিনী কন্যা ।

পবিত্র করিয়ে হৃদয় আসন,

শ্রীতি পুষ্প আর ভকতি চন্দন,

উপহার হে,—

দিবে চরণে পাপিনী এত কি পুণ্য ?

ধরি হে চরণে দেহ এই বর,

কুমতি কুকথা কুচিন্তা কঠোর,

পাপ হে,

যেন না দহে দাসীর হৃদয়ারণ্য ॥৩৫৪॥

চিরদুঃখী করে রাখ তাতে ক্ষতি নাই,
 অভয় পদে দিও স্থান, এই ভিক্ষা চাই ;
 আমি সকল সহিতে পারি, তোমার মুখ হেরি,
 (কিন্তু) বিচ্ছেদ-বেদনা হয় না সম্বরণ ।
 হৃদয়বাসী পিতা তুমি জান সমুদয়,
 কত দুঃখ কষ্টে আমার দিন গত হয় ;
 হায় বল কেমন করে থাকি ধৈর্য্য ধরে,
 না দেখে তোমার প্রসন্ন বদন ॥৩৫৬॥

বিভাস—একতারা ।

তোমাতে যখন, মজে আমার মন,
 তখনি ভুবন, হয় সুধাময় ;
 জীবে হয় কত, স্নেহ সমাগত,
 দূরে যায় যত, দুঃখ আর ভয় ।
 দেখি, দিবাকরে সুধাকরে সুধাকরে,
 সুধাময় হয়ে পবন সঞ্চারে ;
 সরিৎ বহে সুধা, মেঘে সুধা ঝরে,
 চরাচরে সুধামাথা সমুদয় ।

আমি, তোমা ছাড়া হয়ে থাকি যে সময়ে,
কিছুতে আনন্দ পাই না হৃদয়ে ;
সময় সম্বরি যে যাতনা সয়ে,

জান অন্তর্যামী অন্তরের বিষয় ।

তুমি অনাথের নাথ দরিদ্রের ধন,
বিপদের কাণ্ডারী পতিতপাবন ;
মোহান্ধকারে তুমি সে তপন,

পূর্ণানন্দ তুমি মঙ্গলের আলয় ।

করি, এই ভিক্ষা নাথ, যেন সর্বক্ষণ,
থাকে আমার মন তোমাতে মগন ;
ধন মান স্মৃথে নাহি প্রয়োজন,

তোমা ধনে লয়ে জুড়াব হৃদয় ॥৩৫৭॥

বিভাস—ঝাঁপতাল ।

হৃদয় কুটার মম, কর নাথ পুণ্যাশ্রম,

বিরাজ আনন্দে তাহে দিবানিশি অবিরাম ।

জীবন কর আমার প্রেম-পরিবার,
 গৃহ-দেবতা পিতা হ'য়ে থাক হে তাহার ;
 মঙ্গল শাসনে সদা করহে শাসন ।
 আমি প্রতিদিন ভক্তি ভরে করিব পূজা অর্চনা,
 কৃতাজ্জলিপুটে করিব চরণ বন্দনা ;
 নিত্য নব নব জাত প্রেম-হারে,
 সাজাব তব সিংহাসন সুন্দর ক'রে ;
 গলবস্ত্র হ'য়ে তোমায় করিব অভিবাদন ।
 আমার, রিপুপরিচারিকাদল, আনন্দে মিলে সকল,
 অনুদিন করিবে সবে সেবার আয়োজন ;
 ইচ্ছায় ইচ্ছা মিলিবে, বিচ্ছেদে মিলন হবে,
 তব প্রেম আবির্ভাবে আত্মা হবে স্বর্গধাম ॥৩৫৮॥

! বিভাস—ঝাঁপতাল ।

ভক্তগণ সঙ্গে সাজি, মিলিয়ে পবিত্র ভাবে,
 গাইব তোমার নাম আনন্দে হ'য়ে মগন !
 হৃদয় মন্দির মাঝে, বসায় তোমাতে প্রভু,
 প্রেম ভক্তি উপহারে পূজিব তব চরণ,
 আনন্দ সলিলে সদা ভাসিবে হৃদয় মন ।

প্রেমের সাগর তুমি, সৌন্দর্যের প্রশ্রবণ,
 পরম আনন্দধাম পুণ্যের আলয় ;
 তব পুণ্য সহবাসে ক্ষণেক করিলে বাস,
 পাপ তাপ যায় দূরে শীতল হয় জীবন ;
 হৃদয় পবিত্র হয় হে'রে তব পুণ্যানন ।
 এই ভিক্ষা দীননাথ, দেও দাসে কৃপা করি,
 তব শান্তি নিকেতনে করিতে গমন ;
 কৃপাসিন্ধু নাম শুনে, আসিয়াছি তব দ্বারে
 পুরাও মনের সাধ দিয়ে দাসে শ্রীচরণ ॥৩৫২॥

বিভাস—তেওট ।

(কীর্তন ভাঙ্গা)

যদি তরাবে জগত জনে, দিয়ে দয়াল নামে,
 আগে গো তরাও, পিতা আমায় !
 এ পাপী তরে গেলে, জগতের আশা হবে দয়াময় ।
 সুধামাথা দয়াল নাম করিয়ে কীর্তন,
 তব কৃপায় তব রাজ্যে করিব গমন ;
 বল্ব আয়রে সবে আয়, আর ভাই নাহি ভয়,
 এই দেখ মহাপাপী তরে যায় ।

উদ্ধ্বাসে পাপী সবে আস্বে দলে দল,
 ভক্ত যুটে ভক্তির ঘাটে করবে কোলাহল ;
 তব ইচ্ছা পূর্ণ হবে, জগৎ তরে যাবে,
 এ পাপী যদি ঐ চরণ পায় ॥৩৬০॥

মধুকানের সুর—কাওয়ালি ।

(বিভাস)

কাঙ্গালের ধন কোথা তুমি ?

একবার এসে দেখ প্রভু, কি দুখে দিন কাটাই আমি ।

অহরহ মরি জলে, হৃদয়ের পাপানলে,
 জানাতে না পারি ব'লে, জান সকল অন্তর্যামী ।
 যে ধনের কাঙ্গালী হয়ে, ফিরিতেছি চেয়ে চেয়ে,
 বলতেগো বিদরে হিয়ে, জান্ছ সকল অন্তর্যামী ।
 কাঁদিতেছি ফিরে ফিরে, অথচ আছ অন্তরে,
 দেখিতে না পাই ঘরে, কোথায় ওহে হৃদয়স্বামী ?
 থাকি আমি যে করে, আমার এই শূন্যঘরে,
 অণ্ডে কি জানিতে পারে, জান কেবল

অন্তর্যামী ॥৩৬১॥

ললিত বিভাস—একতাল।

আর কিছু নাই ভরসা সংসারে তোমা ভিন্ন ।
পড়ে পাশে অনুতাপে হৃদয় হল অবসন্ন ;
যথা যাই, শান্তি নাই, ক্ষম দাসে হও প্রসন্ন ।
চারিদিকে অন্ধকার, বিষাদে হৃদয় ভার,
পুড়িছে অনলে যেন হৃদয় আমার ;
কত বার চাব আর ক্ষমা করেছ অগণ্য,
অপরাধী নিরবধি একি হল মতিচ্ছন্ন ॥৩৬২॥

কুকভ—ঠুংরি ।

গভীর বেদনায় অস্তির প্রাণ ;
কর হে আমারে শান্তি দান ।
মোচন কর হে পাপ তাপ ;
ঘুচাও রোদন বিলাপ ।
কেবলি তোমার আশ্রয়ে ;
তরিব সাগর নির্ভয়ে ।
যে যার যাক্ যে থাকে থাক্ ;
শুনে চলি তোমারি ডাক ।

তরঙ্গ ঘোর কর হে পার ;
 মন-তরীর হর হে ভার ।
 তুমি বিনা কর্ণধার,
 কেহ নাহি আর আমার ॥৩৬৩॥

আলাইয়া—আড়া ।

আমার কি হবে উপায় ।
 দয়াময় বৃথা দিন যায় ;
 অকৃতি অধম আমি অতি দুরাশয় ;
 জ্ঞানকৃত অপরাধে, বঞ্চিত তব প্রসাদে,
 গভীর বিষাদে তাই মলিন হৃদয় ।
 নিজ দোষে বারম্বার, করিয়াছি পাপাচার
 এখন কলঙ্কভারে অবসন্ন প্রায় ;
 আপন কুকর্ম ফলে, দিবানিশি মরি অলে,
 অনলে পতঙ্গ যেমন জীবন হারায় ।
 সহে না সহে না আর, শীঘ্র করহে উদ্ধার,
 বিলম্বে মরিবে প্রাণে, তোমার দুর্বল তনয় ॥৩৬৪॥

আলাইয়া—একতাল।

দেহ জ্ঞান—দিব্য জ্ঞান, দেহ প্রীতি—শুদ্ধপ্রীতি,

তুমি মঙ্গল-আলয়, (তুমি মঙ্গল-আলয়) ।

ধৈর্য্য দেহ, বীর্য্য দেহ তিতিক্ষা সন্তোষ দেহ,

বিবেক বৈরাগ্য দেহ, দেহ ওপদে আশ্রয় ॥৩৬৫॥

আলাইয়া—যৎ ।

কোথায় পাপীর বন্ধু দয়্যাসিন্ধু পতিতপাবন,

কর পবিত্র জীবনুকৃত আমার জীবন ।

তোমার নিয়ম ভঙ্গ করে, আমি পড়েছি পাপবিকারে,

লোভে পাপ, পাপেতে মরণ,

কে করে খণ্ডন ?

উচিত দণ্ড বিধানে, এখন উদ্ধার এ গতি হীনে,

খুলে দেও দয়া করে পাপের বন্ধন ॥৩৬৬॥

আলাইয়া—কাওয়ালি ।

অধম তারণ,

অনাথ-শরণ

পতিতপাবন, তোমার নাম হে ।

পাপেতে মলিন, বিষাদে মগন,
 দুঃখের রজনী কর প্রভাত হে ।

কে আর তারিবে, অধম মানবে
 তাই প্রভু এসেছি তোমার দুয়ারে ॥৩৬৭॥

—
 আলাইয়া—ঠুংরি ।

কেমন করিয়ে, নিদর হইয়ে,
 এখন ফিরায়ে, দিব হে তোমারে ।
 করিয়াছ পণ, দিবে পরিত্রাণ,
 তাই এত করুণা করুণার উপরে ।

কত বার নাথ, করিব আঘাত,
 তোমার সরল মধুর ব্যভারে ।
 তোমার বিধান, না করে গ্রহণ,
 দুঃখেতে এখন হৃদয় বিদরে ।

অধম মানবে, কিরূপে জানিবে,
 তুমি যে ছাড়না কিছুতেই পাপীরে ॥৩৬৮॥

আলাইয়া—একতালা ।

এবার সেই ভাবে দিতে হবে দরশন ;
যে দর্শনে, মৃতপ্রাণে, নাথ, সঞ্চারে নবজীবন ।
যে ভাবে ভক্ত হৃদয়ে প্রেমালোক প্রকাশিয়ে,
ভুলাইয়ে রাখ চির জীবনের মতন ;
বহে প্রেম অজস্বধারে, ভাসে প্রাণ সুখসাগরে,
স্বরূপ-মাধুর্য্য হেরে বিমোহিত হয় মন ।
যুচিবে সব সংশয় দূরে যাবে পাপ ভয়,
নির্মল হবে হৃদয় জুড়াবে নয়ন ;
লজ্জা ভয় ত্যজিয়ে, আনন্দে উন্মত্ত হয়ে,
বল্ব সবে চক্ষু কর্ণের হয়েছে বিবাদ ভঞ্জন ॥৩৬৯॥

আলাইয়া—একতালা ।

(এবার সেই ভাবে—সুর)

প্রভু এই তব পদে করি নিবেদন ।
হৃদয় মন, সঁপে যেন আমি এই ব্রত করি পালন ।
গিয়ে লোকের দ্বারে দ্বারে, ডাকিব কাতর স্বরে,
বিনয়ে চরণ ধরে, করিব ক্রন্দন ;

বলব ভুলে প্রাণেশ্বরে, থেক না আর এ সংসারে,
জীবনসর্বস্ব ফেলে, করো না জীবনধারণ ।

রসনা এ কাজে রবে, হস্ত এ কাজ করিবে,
চরণ চৌদিকে ধাবে, করিতে কীর্তন ;
তব কার্যে পড়ে রব, খাটিয়ে কৃতার্থ হব,
সবে মিলে তরে যাব, ঘুচিবে ভববন্ধন ॥৩৭০॥

আলাইয়া—একতালা ।

কোথায় আছ দীন বন্ধু,
দেখা দিয়ে ঘুচাও পাপের যন্ত্রণা ।
ঘোর পাতকী আমি,
কেমনে ডাকিব তোমায় জানি না ।
যদি একবার রূপা করে, এস হে হৃদি মন্দিরে,
দেখি তোমায় নয়ন ভরে,
পুরাই মনের অনেক দিনের বাসনা ।
ব্যাকুল হয়েছে মন, দেও পিতা দরশন,
প্রাণ যে করে কেমন,
তোমা বিনা আর ত কেহ জানে না ॥৩৭১॥

আলাইয়া—একতারা ।

দীননাথ, আমরা দীনের বেশে,

এসেছি হে তোমারি দ্বারে ।

শুনে তোমার দয়ার কথা,

এসেছি বড় আশা করে ।

পড়ে মোহ অন্ধকারে দেখিতে না পাই তোমারে,

কোথা প্রভু দয়া করে,

দেখা দাও দীনের হৃদি কুটীরে ।

কারেও না দেখি সংসারে, পতিতে উদ্ধার করে,

পাপ-হৃদয় কেমন করে,

ওহে পতিতপাবন একবার চাও হে ফিরে ॥৩৭২॥

আলাইয়া—একতারা ।

কোথায় হে কাঙ্গালের নিধি,

হৃদয় রতন দেখা দেও একবার ।

হৃদয় মন্দির আমার,

তোমা বিনে হয়ে আছে অন্ধকার ।

তোমাতে পাবার তরে, চাহি অন্তরে বাহিরে,
 না দেখে নাথ তোমাতে,
 শূন্যময় জ্ঞান হয় এ সংসার ।

কি করিব, কোথায় যাব, কিরূপে তোমাতে পাব,
 কবে ওমুখ হেরিব,
 জুড়াইব তাপিত প্রাণ হে আমার ॥৩৭৩॥

আলাইয়া—একতালা ।

পিতা গো একবার হের গো আমায়, সহেনা প্রাণে,
 তোমারি সম্মান হয়ে, রয়েছি কাঙ্গালের প্রায় ।
 কি আর বলিব পিতা, কারে কব মনের কথা,
 কে আর বুঝিবে ব্যথা, তোমা বিনা কারে কই ॥৩৭৪॥

আলাইয়া—একতালা ।

বিপদে কোথায় রইলে গো ফেলে, বিপদভঞ্জন!;
 সংসার বনেরি মাঝে, ভয়ে প্রাণ করে কেমন ।
 মায়ায় ভুলে আছে মন, চিন্লামনা গো তুমি কি ধন,
 নাহি জানি ভজন পূজন, বৃথা গো ধরি জীবন ।

আমরা দুর্বল মেয়ে, আছি তোমার মুখ চেয়ে,
একবার পিতা দেখা দিয়ে, কর গো সাধ পূরণ ॥৩৭৫॥

আলাইয়া—একতালা ।

কি ধন লইয়ে বল থাকিব হে আমি ?

সবে ধন অমূল্য রতন হৃদয়ের ধন তুমি ।
ওহে, তোমাতে হারিয়ে, ব্যাকুল হইয়ে,

বেড়াই যে আমি

যাইব কোথায়, পাইব তোমায়, বল অন্তর্যামী ;
দাও দরশন, কাঙ্গাল শরণ, দীন হীন আমি ।

ওহে, তোমাতে ছাড়িয়ে, সংসারে মজিয়ে, থাকিবে হে,

কোন্ জনা,

ধন মান লয়ে কি করিব, সে সব সন্ধে ত যাবে না ;

তুমিহে আমার, আমিহে তোমার, আমার চির

দিনের তুমি ।

ওহে, তোমাতে লইয়ে, সর্বস্ব ছাড়িয়ে, পর্ণ কুটীর ভাল
যখন তুমি হৃদয়নাথ, হৃদয় করহে আলো ;

আমি সব দুঃখ যাই পাসরিয়ে, বলি আর যেওনা তুমি

প্রভু যাইতে দিবনা আমি ॥৩৭৬॥

✓ আলাইয়া—১৭।

জীবন্ত বিশ্বাস দাঁও হে মম অন্তরে ।
 যেন অন্তরে বাহিরে সদা দেখি তোমারে ।
 পড়ে মোহ অন্ধকারে, যেন ভুলিনা নাথ তোমারে,
 পাপ প্রলোভন হ'তে রাখহে দূরে ।
 অনন্ত কালের তরে, প্রভু জীবন সঁপে তোমারে,
 মোহিত হয়ে রহিব, তোমাকে হেরে ॥৩৭৭॥

আলাইয়া কিঁঝিট—কাওয়ালি ।

(দয়াল নামে ভাস স্মৃথে—সুর)

আমি বৃথা আমার এ জীবন কাটালেম !
 আগে নাহি ভাবিলাম,
 আমি আঁখি সবে অন্ধ হয়ে, দেখিয়াও না দেখিয়ে,
 মণিলোভে ফণী শিরে ধরিলাম ।
 যঁাহা হতে এ দেহ এ মন প্রাণ,
 রূপায় যঁাহার হায়, বল বিদ্যা বুদ্ধি জ্ঞান,
 সকলি যঁাহার করুণার দান,
 অন্তে যঁার পদপ্রান্তে চির স্থান ;

আমি পাষণে বাঁধিয়ে হিঁসে, তাঁর পানে না চাহিয়ে,
নিজ দোষে মায়ারসে ডুবলাম ।
হবে বলে আশা ছিল সাধনা,
বিষয় বিপাকে পড়ে সে আশা পূরিল না,
মনেই রহিল মনের বাসনা,
সার হল সংসারের যাতনা ;
আমি কি করিলাম কি হইল, অবশেষে এই ঘটিল,
সুধা বলে গরল তুলে খাইলাম ॥৩৭৮॥

আলাইয়া ঝিঁঝিট—কাওয়ালি ।

(দয়াল নামে ভাস—স্বর)

ওহে এ দীনে কি দীন-বন্ধু ভুলিলে ?
আমার আর কে আছে ;
আমি আশাসূত্র ধরি করে, আছি তোমার দ্বারে পড়ে
বল কোথা যাই তুমি ত্যজিলে ।
জনম হইতে আমি নিরাশ্রয়,
যে দিকে ফিরাই আঁখি সেই দিক্ শূন্যময়,
কে আমায় আমার ব'লে তুলে লয়,

কার মুখ পানে চাব দয়াময় ;
আমার বল কি সম্বল আছে, দাঁড়াইব কার কাছে,
(আমায়) কে রাখিবে তুমি নাহি রাখিলে ।

হৃদয়ের জ্বালা আর তো সহে না,
যাতনায় বুদ্ধি হায় দেহে প্রাণ রহে না,
নয়নের ধারা আর ধরে না,
কেমনে জানাব দুঃখ জানি না,
আমি এই মাত্র জানি সার, দুর্গতি না রহে কার,
দুখার্ণবে পড়ে তোমায় ডাকিলে ॥৩৭৯॥

আলাইয়া ঝিঁঝিট—কাওয়ালি ।

কোন্ দোষের আমি দিবহে পিতা তোমায় পরিচয় হে ।
আমি একটা পাপের কথা, (দয়াময়) বল্ব মনে করি’

ওগো একেবারে সব হয় যে উদয় !

আমি আপনারই বলে, সকল শত্রুদলে,
ভেবে ছিলাম ওগো পিতা রাখিব শাসনে,
শেষে হলো এই ফল, (দয়াময়), বাড়ল শত্রুদল,
এই দেখ আমায় করিয়াছে জয় ।

আমি বিষম অহঙ্কারে, নিজ করে ধরে,

হেনেছি কুড়ালি পিতা, আপনার কপালে,
এখন হয়ে নিরুপায়, (দয়াময়) পড়িলাম তোমার পায়,
কর পিতা তোমার বিচারে যা হয় ॥৩৮০॥

বেলাওল—আড়াঠেকা ।

দরশন দাও হে কাতরে, দীন হীন আমি ।
রোগে কাতর, শোকে আকুল,
মলিন বিষাদে ॥৩৮১॥

সরফরদা—আড়াঠেকা ।

এমনি কি হে দিন যাবে চিরকাল,
আর সহে না সংসার যাতনা ।
তোমা বিহনে কে আছে আমার,
গতিহীনে ত্যজো না ॥৩৮২॥

ধোরিয়া—আড়াঠেকা ।

ও হৃদয় নাথ, এস হে হৃদয়াসনে ;
আকুল প্রাণে, ডাকি তোমারে,
দরশন দেও হে !

তব পদ ছাইব প্রেমের কুসুমের,

কি দিব আর তোমায় হে ॥৩৮৩॥

মিশ্র বেলাওল—ঝাঁপতাল ।

শুনেছে তোমার নাম, অনাথ আতুর জন,

এসেছে তোমার দ্বারে, শূণ্য ফেরে না যেন ।

কাঁদে যারা নিরাশায়, আঁধি যেন মুছে যায়,

যেন গো অভয় পায় ত্রাসে কম্পিত মন ।

কত শত আছে দীন, অভাগা আশ্রয় হীন,

শোকে জীর্ণ প্রাণ কত কাঁদিতেছে নিশিদিন,

পাপে যারা ডুবিয়াছে, যাবে তার কার কাছে,

কোথা হয় পথ আছে দাও তারে দরশন ॥৩৮৪॥

ভজন ।

যে জন ব্যাকুল প্রাণে—তোমারে ডাকে,

অনায়াসে সে ত তরে যাবে,

যে তোমারে ডাকে না, তার কি গতি হবে না,

চিরদিন পাপে পড়ে রবে ।

শুনেছি তোমার বড়ই দয়া, পতিত মানব সন্তানে,
ঘোর পাতকী আমি, জান ত অন্তর্যামী,
চাহ একবার করুণা নয়নে ।

আমি ডুবেছি ডুবেছি, সংসার পাথারে,
উঠিতে পারি না নিজ বলে,
যতবার উঠিতে চাই, ততই ডুবিয়ে যাই,
তুমি আমায় তোল করে ধরে ।

বড় শ্রান্ত হয়ে তোমারে ডাকি, অবসন্ন হতেছে যে প্রাণ
সাঁতারি শক্তি নাই, শ্রোতেতে ভাসিয়ে যাই,
ধরিবার নাই তৃণখান ।

আমার আশা ভরসা, কিছুই নাই আর,
তুমি যদি রাখ তবে থাকি,
বল আর কোথা যাই, এ ছুঃখ করে জানাই,
তুমি বিনা আর করে ডাকি ।

তোমার পতিতপাবন নামের গুণে,
কত পাপী হইল উদ্ধার,
এ পাতকী অধমে, তার হে নিজ গুণে,
জয় জয় হউক তোমার ॥৩৮৫॥

ভজন—ঝাঁপতাল ।

অখিল ব্রহ্মাণ্ডগতি প্রণমি চরণে তব,

প্রেম ভক্তি ভরে শরণ লাগি ;

হৃষ্মতি দূর করি শুভ মতি দাও হে,

এই বরদান ভগবান মাগি ।

ঘোর নিষ্ঠুর রিপু অন্তরে বাহিরে,

ভীত অতি আমি এ অন্ধকারে ;

দীন-বৎসল তুমি তারো নিজ সেবকে,

তব অভয় মুরতি ভয় নিব্বারে ।

বিষয় মোহাৰ্ণবে মগন হয়ে ডাকি হে,

দীন হীনে প্রভু রাখো রাখো ;

তব কৃপা যে লভে, কি ভয় ভব-সঙ্কটে,

কাটি যাবে বিপদ লাখো লাখো ॥৩৮৬॥

সিন্দূড়া—ধামাল ।

হয়েছি ব্যাকুল-অন্তর বিরহে তোমার,

তুষিত চাতক সমান ।

করিয়ে শীতল তাপিত প্রাণে,

হৃদয়ে বিরাজ আমার ।

তৃতীয় অধ্যায় ।

১৭৩

অভয় মূর্তি দেখা দিয়ে,

কর হে অভয় দান ;

তব বলে কর বলী যে জনে,

কি ভয় কি ভয় তাহার ॥৩৮৭॥

সিকু—মধ্যমান ।

আমার এই বাসনা কর হে পূরণ ;

ওহে অনাথ-নাথ অধমতারণ ।

যে দিকে ফিবাই আঁখি, সে দিকে তোমাতে দেখি,

হৃদয় মন্দিরে সদা দাও দরশন ।

না চাহি বিষয়-সুখ,

চাহি তব প্রেমমুখ,

তা হলে যাইবে দুঃখ আনন্দে হব মগন ॥৩৮৮॥

সিকু—ঠংরি ।

হৃদয়-বেদনা বহিরা প্রভু এসেছি তব দ্বারে ।

তুমি অন্তর্যামী, হৃদয়স্বামী,

সকলি জানিছ হে ;

যত দুঃখ লাজ দারিদ্র্য সঙ্কট,

আর জানাইব কারে ।

অপরাধ কত করেছি নাথ,

মোহ-পাশে পড়ে ;

তুমি ছাড়া প্রভু মার্জনা কেহ,

করিবে না সংসারে ।

সব বাসনা দিব বিসর্জন,

তোমার প্রেম পাথারে ;

সব বিরহ বিচ্ছেদ ভুলিব,

তব মিলন অমৃতধারে ।

আর আপন ভাবনা পারিনা ভাবিতে,

তুমি লও মোর ভার,

পরিশ্রান্ত জনে প্রভু লয়ে যাও,

সংসার সাগর পারে ॥৩৮২॥

সিক্কু—মধ্যমান ।

আর কতদূরে সে আনন্দ ধাম ; (বল বল হে)

যার তরে নিরবধি আকুল পরাণ ।

কতবার মানস-পটে, দেখিলাম এই নিকটে,

দেখিতে দেখিতে কোথা হল অন্তর্ধান ।

ক্রমে দিন হল অস্ত, দেহ মন পরিশ্রান্ত,
 তথাপি হল না কিছু উপায় বিধান ;
 তবে কি ইহ-জীবন, বিফলে হবে পতন,
 কপট ক্রন্দনে দিন হবে অবসান ।
 কবে নাথ আনন্দমনে, তোমার পুণ্য-আশ্রমে,
 দিবানিশি সাধুসঙ্গে করিব বিশ্রাম ॥৩৯০॥

সিক্কু—মধ্যমান ।

কিসের আর করিব অভিমান ; (কিবা আছে হে)
 সকল তোমার চক্রে আছে বিদ্যমান ।
 হয় পাপে কলঙ্কিত, প্রবৃত্তির বশীভূত,
 স্রোতে প্রবাহিত যেন তুণের সমান ।
 নাহি পুণ্য প্রেম ভক্তি, আমি যে নিগুণ অতি,
 শত পাপে অপরাধী অধম অজ্ঞান ।
 অহঙ্কার চূর্ণ করে, বাঁচাও এ পাপ-বিকারে,
 ওহে দর্পহারী কর ঞায় দণ্ড বিধান ॥৩৯১॥

সিদ্ধ—চৌতাল ।

কঠিন দুঃখ পাই হে, মোহান্ধকারে
তোমার দরশন বিনা, দাও দরশন দীননাথ,
আর যাতনা নয় না ।

আছি নিশি দিন হায়রে পথ চাহিয়ে,
কবে প্রসন্ন হবে প্রভু, তারণদাতা এ দীনে ॥৩৯২॥

সিদ্ধ—মধ্যমান ।

কল্প দিন আর এই ভাবে, মজি পাপ মোহেতে,
যাবে দিন গো জগ-জননি ! বিফলে ।

চঞ্চল মতি মম, সতত কুপথে ধায়,
কোন মতে বাধা না মানে ।

দেও মা শুভমতি, ওগো দীনতারিণী,
দয়াময়ি ! যাচে তনয়ে ॥৩৯৩॥

সিদ্ধ—মধ্যমান ।

কেমনে ধরিব এ জীবন (তাই ভাবি হে)

যায় যদি চিরদিন করিতে ক্রন্দন ।

সংসারে যন্ত্রণা পেয়ে, এসেছি ব্যাকুল হয়ে,
তোমার নিকটে নাথ জুড়াতে তাপিত প্রাণ ।
আমি হে জনম দুখী, তোমার আশ্রয়ে থাকি.
পাপের বন্ধন আমার, কর হে মোচন ।
ওহে নাথ, কেহ যার নাহি সহায়,
তুমি না কি তার সহায়,
সেই আশায় দয়াময়, লয়েছি চরণে শরণ ।
বিভো, মনোবাঞ্ছা পূর্ণ কর, বিলম্ব সহেনা আর,
পারিনে এ দুঃখভার, করিতে বহন ॥৩৯৪॥

সিদ্ধ—৪৭ ।

আমি রব বলে এসেছি তব ভবনে ।
রাখ হে আমায় চরণে ।
করিলাম কত ভ্রমণ, দেখিলাম বন উপবন,
কত কত মহাজন নানা স্থানে,
তবু জুড়াল না মন কোন স্থানে,
কে যেন টানে আমায় তোমা পানে ।

হৃদি পরে বসাইব, পূজা করে জুড়াইব,
 চরণামৃত অঙ্গে লেপনে,
 ক'রনা নাথ অকিঞ্চনে ॥৩৯৫॥

সিন্ধু—একতালা ।

এসেছি আজ আশা করে, দেখে যাব হে তোমারে,
 একবার আসি দয়া করে, দেখাও তব প্রেমানন ।
 দ্বারে গেলাম কতবার, ফিরে এলাম বার বার,
 করুণার সাগর ;

এখন দেখা দিয়ে, হৃদয় ধামে, বাঁচাও পাপ-জীবন ।
 তোমার কথা শুন্লাম কত, কত স্থানে কত মত,
 আর শুন্ব বা কত ।

আমার পাষণ সমান হল হৃদয় কঠিন হইল মন ।
 হৃদয় মন শুকাইল, একে একে সবে গেল,
 যাই কোথা বল ;

যদি নিজ গুণে এ অধমের সকল

আশা কর পূরণ ॥৩৯৬॥

সিদ্ধু—একতালা ।

পিতা গো একবার হও হে সদয়,

করষোড়ে করি নিবেদন ।

এস একবার বক্ষস্থলে, চরণ ধুই হে চক্ষের জলে,

লুটাইয়ে পদতলে, সফল করি জীবন ।

আশায় বেঁধে আছি বুক, চাহিয়ে তোমার মুখ,

ভুলিব হে সব দুখ, কর আজ আশা পূরণ ॥৩৯৭॥

কাফি—সুরফাঁকতাল ।

দীন হীন ভকতে, নাথ ! কর দয়া, অনাথনাথ

তুমি, হৃদয়রাজ বিরাজ নিশি দিন হৃদিমাঝে ।

তব সহবাস আশে, আনন্দে হৃদয় ভাসে,

তোমা বিনা নিশি দিন মন, নাথ নাথ ধ্যায়ে ॥৩৯৮॥

কাফি—যৎ ।

তার' তার' হরি দীন জনে ।

ডাক তোমার পথে করুণাময়,

পূজন সাধনহীন জনে ।

অকূল সাগরে না হেরি ভ্রাণ,
পাপে তাপে জীর্ণ এ প্রাণ,
মরণ মাঝারে শরণ দাও হে,

রাখ এ দুর্বল ক্ষীণ জনে ।

ঘেরিলো যামিনী নিভিল আলো,
বৃথা কাজে মম দিন ফুরালো,
পথ নাহি প্রভু পাথের নাহি,

ডাকি তোমারে প্রাণপণে ।

দিক্ হারা সদা মরি যে ঘুরে,
যাই তোমা হতে দূর সূদূরে,
পথ হারাই রসাতল পুরে,

অন্ধ এ লোচন মোহ-ঘনে ॥৩৯৯॥

কাঞ্চি—ঝাঁপতাল ।

তুমি হে ভরসা মম অকূল পাথারে ;

আর কেহ নাহি যে,

বিপদ ভয় বারে,

আঁধারে যে তারে ।

এক তুমি অভয় পদ জগত সংসারে,

কেমনে বল দীনজন ছাড়ে তোমারে ?
 করিয়ে দুখ অন্ত সুবসন্ত হৃদে জাগে,
 যখনি মন-আঁখি তব জ্যোতি নেহারে ;
 জীবন-সখা তুমি; বাঁচি না তোমা বিনা,
 তুষিত মন প্রাণ মম ডাকে তোমারে ॥৪০০॥

কাঞ্চি—কাঁপতাল ।

ভুলিয়ে রাখ হে প্রভু, তব প্রেম-প্রলোভনে ;
 দেখায়ে স্বর্গের শোভা এ পাপী দীন সন্তানে ।
 মোহিত হয়ে রহিব, চাহিয়ে তোমার পানে,
 আনন্দ-নীরে ভাসিব নামামৃত-রস পানে ।
 নব নব ভাব বিকসিত কর হে হৃদি-কাননে,
 গাঁথি প্রেমহার উপহার দিব ও চরণে ;
 চির সেবক হইয়ে, থাকিব তোমার সনে,
 কাটাব জীবন তোমার শ্রবণ মনন-গানে ।
 অমৃত-সাগর তুমি সৌন্দর্যের সার নাথ,
 প্রকাশ প্রেমের জ্যোতি এ পাপ মলিন মনে ;

খুলে দেও প্রেমের স্রোত, মাতায়ে তোমার প্রেমে,
ছেলে দেও উৎসাহানল, দুর্বল মৃত জীবনে ॥৪০১॥

কাফি—৫৭ ।

আমি হে তব কুপার ভিখারী ।
সহজে ধায় নদী সিন্ধু পানে,
কুসুম করে গন্ধ দান ;
মন সহজে সদা চাহে তোমারে,
তোমাতেই অনুরাগী, মোহ যদি না ফেলে আঁধারে ।
প্রাসাদ কুটীরে এক ভানু বিরাজে,
নাহি করে কোন বিচার,
তেমনি নাথ তোমার কুপা হে বিশ্বময় বিস্তার,
অবারিত তোমার দুয়ার ॥৪০২॥

কাফি কানাড়া—টিমে তেতাল।

বেঁধেছ প্রেমের পাশে ওহে প্রেমময় !
তব প্রেম লাগি দিবানিশি জাগি, ব্যাকুল হৃদয় ।

তব প্রেমে কুমুম হাসে,
তব প্রেমে চাঁদ বিকাশে,
প্রেম হাসি তব উষা নব নব,
প্রেমে নিমগন নিখিল নীরব,
তব প্রেম তরে, ফিরে হা হা করে,
উদাসী মলয় ।

আকুল প্রাণ মম ফিরিবে না সংসারে,
ভুলেছে তোমার রূপে নয়ন আমারি ;

জলে স্থলে গগন তলে,
তব সুধাবানী সতত উথলে,
শুনিয়া পরাণ শান্তি না মানে,
ছুটে যেতে চায় অনন্তুরি পানে,
আকুল হৃদয়, খোঁজে বিশ্বময়,

ও প্রেম-আলয় ॥৪•৩॥

কাকি সিন্ধু—যৎ ।

দীন দয়াময় এ দীন তোমারি ।

মঙ্গল দাতা,

পাপ পরিত্রাতা,

অকুল কাণ্ডারী ।

আমি যথা তথা রই, সাধু বা অসাধু হই,
 নহি প্রভু তোমা বই, কাহারও দুয়ারী ।
 হুঃখ তাপ ভারে, হৃদয় বিদরে,
 ডাকি বারে বারে, কোথা হুঃখহারী ।
 তুমি অনাথনাথ থাকিতে, অনাথ
 বল ডাকে করে, তোমার ভিখারী ?
 বিপদে সম্পদে, বিষাদে আমোদে,
 জাগ সদা মোর হৃদে, হৃদয়বিহারী ॥৪০৪॥

কাকি সিদ্ধ — কাওয়ালি ।

এস এস প্রাণসখা হে হৃদি মাঝারে ;
 মিটাইয়ে সাধ পূজিব তোমাতে ।
 বিষয়ের কাননে করিয়ে ভ্রমণ,
 তোমা হারা হইয়াছে মন,
 তাই তোমাতে ডাকিছে ঘন ঘন,
 তোমা ধনে পাইবারে ।

আমি যে অতিশয় মূঢ়মতি,
কিরূপে পূজিব তোমারে,

শিখাও নাথ আমারে ।

কি শক্তি এই কীট ধরে,
বিশ্বরাজ গ্রাহিতে তোমারে,
হৃদি মাঝে দিয়ে দরশন,

দাও শক্তি গাইবারে ॥৪০৫॥

টোড়ি—চৌতাল ।

দীননাথ, প্রেমসুখা দেও হৃদে ঢালিয়ে ।

তপ্ত হৃদয় শান্ত হবে রাখে কে নিবারিয়ে ?

তব প্রেম-নীরে আহা শুষ্ক তরু মুঞ্জরে,

উৎস যত উৎসারিত মরুভূমি প্রসূরে ।

অমৃতধার মুক্তিজনন সেই প্রেম জানিয়ে,

যাচি নাথ বিন্দু তার শোক-দগ্ন অন্তরে ;

সংসার ঘোর ছাড়ি আর বিপজ্জাল কাটিয়ে,

ছুড়াব প্রাণ পরম-সখা তোমার প্রেম পাইয়ে ॥৪০৬॥

টোড়ি—চৌতাল ।

নিরমল নাম প্রচার দেশে বিদেশে,
সকল গৃহে সকল পরিবারে ।
জগত পুরবাসী, যত নরনারী,
সবে মিলি গাবে তোমার অনুপম গুণ ।
বহিয়ে প্রেমের স্রোত সংসার হইতে,
প্রেম-সমুদ্র তুমি, মিলিবে তোমায় হে ॥৪০৭॥

টোড়ি—কাওয়ালি ।

অপার করুণা তোমার ।
জগতের জনক জননী, অখিলবিধাতা,
নিশায় অসহায় থাকি যবে, নিদ্রা নাহি তব,
কি দিব তোমায়, কি আছে আমার ?
সব মোর লও তুমি, প্রাণ হৃদয় মন,
তোমা বিনা চাহি না চাহি না কিছু আর ;
সম্পদ বিষম তোমায় ছাড়িয়ে ;
না জানি কি রস পায় বিষয়-রসে তোমাতে
ভুলিয়ে ॥৪০৮॥

গৌর সারং—একতাল।

দুঃখের কথা তোমায় বলিব না, দুঃখ

ভুলেছি ও কর-পরশে ;

যা—কিছু দিয়েছ তাই পেয়ে নাথ,

সুখে আছি আছি হরষে ।

আনন্দ-আলয় এ মধুর ভব,

হেথা আমি আছি, একি স্নেহ তব,

তোমার চন্দ্রমা তোমার তপন,

মধুর কিরণ বরষে ।

কত নব হাসি ফুটে ফুল বনে,

প্রতি দিন নব প্রভাতে,

প্রতি নিশি কত গ্রহ কত তারা,

তোমার নীরব সভাতে ।

জননীর স্নেহ স্নুহদের প্রীতি,

শত ধারে স্নুধা ঢালে নিতি নিতি,

জগতের প্রেম মধুর মাধুরি,

ডুবায় অমৃত-সরসে ।

স্নুদ্র মোরা তবু না জানি মরণ,

দিয়েছ তোমার অভয় শরণ ;
 শোক তাপ সব হয় হে হরণ,
 তোমার চরণ দরশে ।
 প্রতি দিন ঘেন বাড়ে ভালবাসা,
 প্রতি দিন মিটে প্রাণের পিপাসা,
 পাই নব প্রাণ, জাগে নব আশা,
 নব নব নব বরষে ॥৪০৯॥

টোড়ি ভৈরবী—আড়াঠেকা ।

কোথা হে কোথা হে কোথা নাথ ! দয়াময় ;
 কত আর দুখার্ণবে ভাসিব হে নিরাশ্রয় ।
 কবে পাব তব চরণ, বিষাদে দহে জীবন,
 হৃদি কাঁদে অনুক্ষণ, নাহি হেরে হে তোমায় ॥৪১০॥

টোড়ি ভৈরবী—মধ্যমান ।

কে তুমি দাঁড়িয়ে হৃদয়-কাননে ;
 দেখিয়াছি অনেক রূপ, এমন রূপ আর হেরিনে ।

হও কি স্বর্গের পিতা, শান্তিদাতা পরিত্রাতা,
তুমি যে আসিবে হেথা, তা ত আমি জানিনে ।
দাঁড়াও পিতঃ আসি পুন, লয়ে ভ্রাতা ভগ্নিগণ,
সবে মিলে, প্রেমধন, লুটাই তব চরণে ৪১১॥

অপরাহ্ন ।

গোড়সারঙ্গ—আড়াঠেকা ।

আঁখি-রঞ্জন, ডাকি হে তোমারে ;
তোমা তরে ত্বিষিত হৃদয়, প্রেমসুধা পিয়াও আমারে,
চঞ্চলা চপলা সম চমকি নয়ন,
কোথা গেলে ফেলিয়ে আমারে ॥৪১২॥

মূলতান—আড়াঠেকা ।

যাবে কি হে দিন আমার বিফলে চলিয়ে ?
আছি নাথ দিবানিশি আশা-পথ নিরথিয়ে ।
তুমি ত্রিভুবন নাথ, আমি ভিখারী অনাথ,
কেমনে বলিব তোমায় এস হে মম হৃদয়ে ।

হৃদয়-কুটীর-দ্বার, খুলে রাখি অনিবার,
রূপা করি একবার, এসে কি ছুড়াবে হিয়ে ॥৪১৩॥

মূলতান—আড়াঠেকা ।

গেল গেল দিন আমার বৃথায় চলিবে ।
কত কাল থাকিব আর, অনিত্য বিষয় লয়ে ।
হৃদয় বাসনা করে, সদা হেরিতে তোমারে,
বেদনা দিতেছে মন ইথে প্রতিকূল হয়ে ।
আমি হে দুর্বলমতি, কি হইবে মম গতি,
কেমনে পাইব তোমায় ভবাৰ্ণব উত্তরিয়ে ।
অসীম ভব সাগর, কেমনে হইব পার,
তোমার রূপা অপার, কর পার নিরাশ্রয়ে ।
নানা ভাবে তরঙ্গিত, সতত আমার চিত,
না হইলে সমাহিত, কেমনে দেখি হৃদয়ে ॥৪১৪॥

মূলতান—একতাল।

আমায় ছ'জনায় মিলে পথ দেখায় বলে
পদে পদে পথ ভুলি হে

নানা কথার ছলে নানান্ মুনি বলে

সংশয়ে তাই তুলি হে !

তোমার কাছে যাব এই ছিল সাধ,

তোমার বাণী শুনে ঘুচাব প্রমাদ,

কানের কাছে সবাই করিছে বিবাদ

শত লোকের শত বুলি হে ।

কাতর প্রাণে আমি তোমায় যখন যাচি

আড়াল ক'রে সবাই দাঁড়ায় কাছা কাছি,

ধরণীর ধূলো তাই নিয়ে আছি

পাইনে চরণ ধূলি হে ।

শত ভাগ মোর শত দিক ধায়

আপনা আপনি বিবাদ বাঁধায়,

কারে সামালিব, এ কি হল দায়,

একা যে অনেক গুলি হে ।

আমায় এক কর তোমার প্রেমে বেঁধে

এক পথ আমায় দেখাও অবিচ্ছেদে

ধাঁদার মাঝে পড়ে কত মরি কেঁদে

চরণেতে লহ তুলি হে ॥৪১৫॥

মূলতান—কাওয়ালি ।

জয় দীন দয়াময়, নিখিল ভুবনপতি,

প্রেমভরে করি তব নাম ।

(আজি) ভাই ভগিনী মিলি, পরাণ ভরিয়া সবে,

তব গুণ গাই অবিরাম ।

ভকতি করিয়া নাথ পূজি তোমারে,

প্রভুগো তোমারেই চাহে সবার প্রাণ,

হাত যুড়িয়া মোরা বিনয়ে প্রণতি করি,

আশীষ আশীষ প্রাণারাম ।

হায় অন্ধ সবে মোরা চক্ষু থাকিতে নাথ,

ধূলিতে পড়িয়া অসহায় ;

আর কেবা আছে গো হেন, কাছে থাকিয়ে সদা

ডাকে “পাপি, আর আর আর” ;

রেখোনা রেখোনা নাথ ফেলিয়ে আঁধারে,

কোথায় এলেম, পথ নাহি হেরি ;

হাত ধরিয়ে সদা সাথ সাথ রেখো,

যাব ত’রে তোমারি কৃপায় ।

(প্রভু) এই জগতে তব থাকি যত দিন মোরা,

তব শান্তি-সুধা করি পান ;
(আর) ভুলিয়া অপরু সব, মনের হরষে যেন,
করি সদা তব গুণ গান ;
শেষে, পৃথিবীর যবে ফুরাইবে খেলা,
তোমারি আদেশে ত্যজিব এ দেহে ;
ডাকিয়া লইও পিতা, তোমার সুখের দেশে,
চির শান্তিময় যেই স্থান ॥৪১৬॥

মূলতান—আড়াঠেকা ।

এ জনমে দয়াময় কত দয়া দেখাইলে ;
নিরাশ জীবনে মম কত আশা সঞ্চারিলে ।
কতবার কত ভাবে, প্রেমচ্ছবি প্রকাশিয়ে,
শুষ্ক মরু সম প্রাণে শান্তি-বারি বরষিলে ।
নিরেট পাষণ প্রাণ ভক্তি রসে গলাইলে ;
মলিন আঁধার মনে তব জ্যোতি বিকাশিলে ।
কিন্তু হায় কি দুর্ন্যতি, সংসার আমোদে মাতি,
হারা'নু বিশ্বাস প্রীতি, যত কিছু দিয়েছিলে ।

এবে পুন আকিঞ্চন, পূজি নিত্য ও চরণ,
 হৃদয়-উদ্যান-জাত ফুল প্রেম-শতদলে ।
 বড় সাধ চিতে নাথ, প্রীতি অনুরাগ সহ,
 ধোয়া'ব তোমার পদ পবিত্র ভক্তি সলিলে ॥৪১৭॥

মূলতান—আড়া ।

মলিন পঙ্কিল মনে কেমনে ডাকিব তোমায় ?
 পারে কি তৃণ পশিতে জ্বলন্ত অনল যথায় ।
 তুমি পুণ্যের আধার, জ্বলন্ত অনল সম,
 আমি প্ৰাপ্তী তৃণ সম, কেমনে পূজিব তোমায়
 শুনি তব নামের গুণে তরে মহাপাপী জনে,
 লইতে পবিত্র নাম, কাঁপে হে মম হৃদয় ।
 অভ্যস্ত পাপের সেবায়, জীবন চলিয়া যায়,
 কেমনে করিব আমি, পবিত্র পথ আশ্রয় ।
 এ পাতকী নরাধমে, তার যদি দয়াল নামে,
 বল করে কেশে ধরে, দাঁও চরণে আশ্রয় ॥৪১৮॥

মূলতান—একতাল্লা ।

চাহি সদা তোমার সঙ্গে থাকি,
কেমন মোহ আসি ফিরায় সে মন ।
কেমনে পাব আমি তোমায়,
দেখা দেও এই ভব-তিমিরে ॥৪১৯॥

মূলতান—যৎ ।

কেড়ে লও কেড়ে লও আমারে কাঁদায়ে,
হৃদয় নিভতে নাথ যাহা আছে লুকায়ে ।
ধন জন যৌবন, পাপ-পূর্ণ এই মন
যার লাগি যেতে নারি তোমার ঐ আলায়ে ।
এ সব নাশ হে তুমি, কৃপা করি হৃদয়-স্বামী
দেও হে জনমের মত তব প্রেমে মাতায়ে ॥৪২০॥

মূলতান—একতাল্লা ।

আমার গতি কি হবে,
যদি পাতকী বলিয়ে ত্যজিবে, তবে ?
পাপের সন্তাপে পুড়িতেছে প্রাণ,
কোথা শান্তিদাতা, কর শান্তি দান,

আর এ যাতনা সহে না সহে না,
অনাথশরণ হে ।

ওহে তোমার হাতে করি আত্মসমর্পণ,
রাখ আর মার, যা ইচ্ছা এখন ;
আমি কার কাছে যাব, কোথা আর কাঁদিব,
শূন্য দেখি ত্রিভুবন ;

দেও হে দণ্ড তোমার বিচারে যা হয়,
থণ্ড থণ্ড কর এ পাপ হৃদয়,
তোমার হাতে ম'লে এ মহাপাতকী,
নবজীবন পাবে ॥৪২১॥

মূলতান—একতাল।

(আমার গতি কি হবে—সুর)

তোমায় মতি যার হে ;
(ওহে) শান্তি-সরোবর অন্তরে তাহার ।
শারদ আকাশ নিম্বল যেমন;
চির সুপ্রসন্ন হৃদয় তেমন,

রিপুর হৃদ্দিনে প্রেমের তপন

টাকে না তাহায় হে ।

(ওহে) নির্ঝাঁত প্রসন্ন সরোবর প্রায়,

সকলি প্রশান্ত নির্মল তথায়,

প্রসন্ন বদন,

প্রসন্ন নয়ন,

প্রসন্ন বচন হে ;

বিপদ দারিদ্র্য দুঃখ চারিধার,

ঘেরিয়া যখন করে অন্ধকার,

(পিতা) বিশ্বাসীর প্রাণে, তোমার মিলনে,

আনন্দ অপার হে ।

(পিতা) এ মরু-সংসারে পিপাসিত প্রাণ,

তোমা বিনা কেবা করে শান্তিদান,

তোমার মতন,

পাপীর ক্রন্দন,

শুনিবে কে আর হে ;

তাই ভাই ভগ্নী মিলিয়া সকলে,

ডাকি শান্তি দাতা 'দেও শান্তি' বলে,

শান্তি-সুধা দানে,

কাতর সন্তানে,

উদ্ধার এবার হে ॥৪২২॥

মূলতান—একতাল।

একি ঘোর মায়াজালে ঘেরিল আমার প্রভু ।

আমি মনে করি ভুলি সংসার-বাসনা,

ভুলিতে তবু পারি নে ।

তোমার চরণে সঁপিলাম এ প্রাণে,

করুণা-নয়নে হের মোর পানে,

তোমার বিহনে কি কাজ জীবনে,

জীবনের প্রবাহ হে ;

দেও দরশন এ ছুঃখ সাগরে,

মহিমা তোমার থাকিবে সংসারে,

সন্তানের চক্ষে বহিতেছে ধারা,

কেমনে স্থস্থির রবে হে ॥৪২৩॥

মূলতান—একতাল।

জানিতেছ হৃদয়-বাসনা নাথ !

কি আর বলিব,

হে অনাথ-শরণ, দেও শ্রীচরণ, সন্তানে করি করুণা ।

ওপদ সেবনে কাটিব জীবনে,
তোমার মননে নিয়োজিব মনে,
তব গুণ গানে রাখিব রসনা,
বাসনা করেছি এই ;
তবে কেন পাপ-পথে অবিরত,
ধায় মম ছুঁই পাপ-চিত নাথ ?
হল একি দায়, না দেখি উপায়,
বিনা তব করুণা ॥৪২৪॥

মূলতান—একতারা ।

চিরদিন জ্বলিবে কি হৃদয় অনল প্রভো ;
কৈ বিষয় বাসনা,পাপের বেদনা এখনো ত ঘুচিল না ।
দেও দরশন, জুড়াই হে নয়ন,
নাহি প্রয়োজন অগ্র কোন ধন,
প্রভু তোমার চরণ অমূল্য রতন,
আমি শুনেছি হে ;
ছুখানলে দগ্ধ হল হে জীবন,
ওহে দীননাথ, লইলাম শরণ

দরিদ্রের দুঃখ কর হে মোচন,

দরিদ্রের দুঃখহারী হে ॥৪২৫॥

পিলু বাহার—ঝাঁপতাল ।

যখন যেরূপ বিভু রাখিবে আমারে, সেই সুমঙ্গল ;

যেন না ভুলি তোমারে :

বিভূতি ভূষণ কিম্বা রতন মণি কাঞ্চন,

তরুমূলে বাস কিম্বা রাজ-সিংহাসন ।

সম্পদে বিপদে, অরণ্যে বা জনপদে,

মান অপমানে কিম্বা রিপু-কারণারে ।

অচল শিখরে, গভীর সাগরে,

নীরোগ শরীরে কিম্বা রোগের বিকারে ।

সদা বনবাসে, সুভোজন, উপবাসে,

হিংস্রকের ত্রাসে কিম্বা অরির প্রহারে ।

মাণিক মন্দিরে, তৃণের কুটীরে,

গ্রীষ্মের আতপে কিম্বা নিশির শিশিরে ;

ও চরণ-কমল হেরি হৃদি-সরোবরে ॥৪২৬॥

পিলু খাম্বাজ—আড়খেমটা ।

সযতনে বিছায়েছি হৃদয়-আসন ;
বড় আশা তুমি এসে বসবে আজি প্রাণধন ।
প্রীতির কুমুম গুলি, রেখেছি যতনে তুলি,
বড় সাধ প্রাণেশ্বর এসে কর হে গ্রহণ ।
তব রূপ অতুলন, দেখাও হে হৃদয়-ধন,
(হেরি) হেরি রূপ মনসাধে ভরি নাথ ছনয়ন ।
তুষিত চাতক সম, হয়ে আছে প্রাণ মম,
মিটাও পিয়াস করি কৃপাবারি বরিষণ ;
সংসারের যাতনায়, মন প্রাণ দগ্ধ প্রায়,
(এসে) ঢাল ঢাল প্রেম-সুধা জুড়াক আজি প্রাণমন ।
এস তবে প্রাণ-সখা, প্রাণ আকুল পেতে দেখা,
সুখ-তরঙ্গ তোল প্রাণে দিয়া দরশন ;
সুখের তরঙ্গে সেই, প্রাণেরে ভাসিয়ে দেই,
ভুলে যাই দুঃখ শোক, এই মনে আকিঞ্চন ॥৪২৭॥

পুরবী—আড়াঠেকা ।

মনের বেদনা নাথ, জানাইব আর কারে ;
 নিবাতে অন্তর-জ্বালা, তুমি বিনা কেবা পারে ।
 স্মরণ হলে তোমায়, হয় দুঃখে সুখোদয়,
 ওহে দীন দয়াময়, তাই ডাকি বারে বারে ।
 শোকে তাপে নিরন্তর, দহিছে মম অন্তর,
 দেখা দিয়ে কৃপানিধি, রাখ হে রাখ আমারে ॥৪২৮॥

পুরবী—আড়খেম্টা ।

(বল্ব কি আর প্রেমময়—সুর)

কবে হয় সে দিন হবে ?

তব প্রেম পতাকা তুলে কুতূহলে,

(যত নরে) কুতূহলে মিলবে সবে ।

হিন্দু আর মুসলমান, ব্রাহ্ম আর খ্রীষ্টীয়ান,

তব প্রেমের মহিমা হৃদয় ভরে,

(সবে মিলে) হৃদয় ভরে গান করিবে ।

হরি নামে কেউ মাতিছে, খোদা বলে কেউ নাচিছে

কেহ হোছানা গাইছে, কিন্তু তোমায়,

(প্রেমভরে) কিন্তু তোমায় ডাকছে সবে ।

কবে হেন দিন হবে, তোমার সন্তান সবে,

পিতা পিতা পিতা বলে চরণ-তলে,

(পিতা তোমার) চরণ-তলে লুটাইবে ॥৪২৯॥

নটনারায়ণ—চৌতাল ।

হৃদয় চাতক মোর চাহে তোমারি পানে শান্তিদাতা,

শান্তি-পীযুষ বারি হে বরিষ বরিষ ।

নয়নের তুমি তারা, প্রেমচন্দ্র হৃদাকাশে,

শোক তাপ সস্তাপহা ;

তুমি মাত্র আশা সদা স্মখে হুঃখে ।

পুরহ প্রাণ, প্রাণাধিক, বিতরি প্রেম-বারি,

পাই হে অবিনাশী জীবন, পাইলে তোমারে ;

নিশি দিন হৃদে জাগো, হুঃখ-নিশা পোহাইয়ে,

মোহ অঁধার নাশিয়ে ;

কুপারি হে ভিখারি কুপা-বিন্দু যাচে ॥৪৩০॥

বাউলেরশ্বর—খেমটা ।

তোমা বই কেউ নাই দয়াল হরি ।

পার কর ভব-সিন্ধু, দীনবন্ধু,

দিয়ে অভয় চরণ তরী ।

তুমি জীবন-কর্তা, তারণকর্তা,

দীনের কর্তা, দীনকাণ্ডারী ।

ন বন্ধু ন মাতা পিতে, তোমা বই কেউ নাই জগতে,

পার কর কটাক্ষেতে রূপাদৃষ্টি করি ;

শুন হে কাঙ্গালের কথা,

প্রভু ঘুচাও আমার মনের ব্যথা,

তুমি হে মাতা পিতা, তার আমায় দয়া করি ।

সহায় নাই, সম্পত্তি বিনে,

আমি কি দিব পারের দক্ষিণে,

ভাবছি তাই মনে মনে, কি হবে কি করি ;

দাঁড়ায়ে রয়েছি কূলে, প্রভু লওহে আমায় নায়ে তুলে

পারে যাই অবহেলে, গেয়ে তোমার নামের

স্মারি ॥৪৩১॥

বাউলের সুর—একতারা ।

দীননাথের চাইতে হবে ;

এ কাঙ্ক্ষালের দিন কি এমনি যাবে ?

যদি পাষণে বীজ না হল অক্ষুর,

তবে জগজ্জনে বলবে কেন কাঙ্ক্ষালের ঠাকুর,

যদি ব্রহ্মডাক্ষার না দাঁড়ায় জল,

তবে নাম দয়াময় বলবে কে হে ভকত-বৎসল,

তোমায় মনে হলে পাষণ গলে,

(ওরূপ) মনাদি ইন্দ্রিয় সবে ॥৪৩২॥

বাউলের সুর—একতারা ।

(প্রভু অপরূপ তোমার করুণা—সুর)

কাতর প্রাণে ডাকি তোমায় তাই ।

আমি জেনেছি হে পাপী তাপীর তোমা বিনা

গতি নাই ।

মনে সাধ বড় হে জীবনের জীবন,

সদা হৃদয় মাঝে প্রেমফুলে নাথ পূজিব চরণ ;

যুচাও পাপের জালা, পূরাও আশা,
তোমার গুণ নিয়ত গাই ॥৪৩৩॥

বাউলের সুর—একতাল।

(প্রভু অপরূপ—সুর)

কত আর কাঁদিব প্রেমময় !

তোমার প্রেমবারি বরষণে জুড়াও তাপিত হৃদয় ।

তুমি কান্ধালের ধন তাই ডাকি তোমায়,
ভবে তোমা বিনা কান্ধালের আর কি আছে উপায়
রাখ রাখ পিতা, কাঁদে তোমার পাপী অধম তনয়,

নাথ, পাপী বলে ত্যজ না আমায়,
কর্ব তাপিত প্রাণ শীতল তোমার চরণের ছায়ায়,
আমি নিলাম শরণ অধম তারণ তার তার

দয়াময় ॥৪৩৪॥

বাউলের সুর—একতারা ।

(প্রভু অপরূপ—সুর)

আর কোথায় যাব তোমারে ছেড়ে ।

(তাই বল প্রভো)

কিবা দেখিব অসার সংসারে ।

(কেবা আছে বল এ সংসারে)

ইচ্ছা হয় মুদে দুই আঁখি,

যোগানন্দে মগ্ন হয়ে তোমাকে দেখি,

(কেবল) থাকি সর্বদা চক্ষের সম্মুখে,

বিনয়াবনত শিরে ।

বসিয়ে দুজনে বিরলে,

করিব প্রেম আলাপন হৃদয় খুলে ;

কভু অবাক্ হয়ে শুন্ব বসে,

তুমি কি আদেশ কর আমারে ।

কখন বা থাকুব পড়িয়ে,

তোমার চরণ তলে বিহ্বল হয়ে ;

(প্রেমে) আবার মাঝে মাঝে দেখব চেয়ে ।

প্রমত্ত প্রেমের ভরে ॥৪৩৫॥

বাউলের সুর—একতালা ।

প্রভু তোমার সঙ্গে মিল না হলে আর দিন চলে না,
 দুঃখ ঘুচল না, সুখ হল না, থাকিতে বিচ্ছেদ কিছুই
 হবে না ।

প্রবৃত্তি প্রতিকূল হয়ে, নানা মতে ভোগা দিয়ে,
 করে মোরে আত্ম-বঞ্চনা ।

তোমার বিধি অথও, পাপেতে হ্রস্ব পাপের দণ্ড,
 এ যে বিষম যন্ত্রণা, ছাড়িলেও ছাড়ে না এখন
 উপায় কি করি তা বল না ?

কুবুদ্ধির মন্ত্রণা শুনে, পড়ে পাপ প্রলোভনে,
 মুখের অন্ন খেতে পেলাম না ;
 ক'রে ঘরে ঘরে বিষম্বাদ,
 পিতা পুত্রে হল বিবাদ,
 সেই মহাপাপের ফল ভুগুব কত কাল ;
 যা হ'বার হ'য়েছে আর হবে না ॥৪৩৬॥

বাউলের সুর—একতালা ।

(ভেবে মরি কি সম্বন্ধ তোমার সনে—এই সুর)

তোমার মত কে আছে আর এ সংসারে ?

করুণা কে আর করতে পারে ?

হয়ে জগতের জননী, করুণা রূপিনী,

আছ এই বিশ্ব কোলে করে ?

কিবা ধনধান্য ভরা এই বসুকরা

রেখেছ সাজায়ে জীবের তরে ।

(কত ঘটন করে)

তুমি গৃহের দেবতা, মঙ্গল বিধাতা,

আছ বিরাজিত ঘরে ঘরে ;

কিবা অপরূপ শোভা, বালক বৃদ্ধ যুবা,

বেঁধেছ সকলে প্রেমডোরে ।

(তুমি মায়ের মত)

আমরা এই ভিক্ষা করি, ওহে দয়াল হরি,

সুখে দুঃখে যেন পাই তোমারে ;

তোমায় হৃদয়েতে রাখি, প্রাণ ভরে দেখি,

ডুবে থাকি তোমার রূপসাগরে ।

(চিরদিনের মত) ॥৪৩৭॥

বাউলের সুর—একতালা ।

চিরদিন তোমার দ্বারে

ভিখারী হইয়ে, পড়ে রহিব ।

তুমি জীবন-সর্বস্ব ধন,

বল তোমায় ছেড়ে কোথায় যাব ?

শুনেছি সাধুর মুখে, দীনাত্মা হয়ে যে ডাকে,

সে পায় তোমাকে ।

অনুরাগী কাঙ্ক্ষালী না হলে,

আমি কেমনে তোমায় পাব ।

ত্যাগে আত্ম-অভিমান, যদি হই তৃণ সমান,

তবে পাব পরিত্রাণ ;

তোমাতে সঁপিয়ে প্রাণ,

'আমি চিরবৈরাগী হব ॥৪৩৮॥

বাউলের সুর —একতালা ।

প্রেমপিঞ্জরে রাখহে আমার বন্দী করে চিরদিন ।

পোষা পাখী হয়ে থাকি, (আর) ডাকি তোমায়

অনুক্ষণ ।

ধর আমায় প্রেম-জালে, বেঁধে রাখ প্রেম-শৃঙ্খলে,
 বশ কর সুকৌশলে, (যেন) পলাইতে না চায় মন ।
 নিজ হাতে দাও আহার, পবিত্র প্রেম আধার,
 প্রেমভরে বারম্বার, শুনাও সুমিষ্ট বচন ।
 কর স্নেহে শিক্ষা দান, গাইতে তোমার নাম,
 করে তব গুণ গান, সার্থক করি জীবন ।
 চাহিয়ে তোমার পানে, অনুরাগ নয়নে,
 মগ্ন হব নাম গানে, তুমি করিবে শ্রবণ ॥৪৩৯॥

বাউলের সুর—একতালা ।

আমরা সবাই, প্রেমরসে মগ্ন হয়ে থাকিব সদাই ।
 হয়ে সর্বত্যাগী, প্রেমিক বৈরাগী,
 হব তোমার প্রেমে অনুরাগী ।

(স্বার্থ সুখ ত্যজ্য করে হে)

ভক্তি-যোগ-বলে তোমাতে দেখিব,

(মহাযোগে যোগী হয়ে হে)

প্রেম-যোগেতে উন্নত হব ।

আমরা ঘুরে এলাম অনেক ঠাই,
দেখলাম তোমা বই আর গতি নাই ।

(দেখিলাম নানা মতে হে)

চির ভক্ত হয়ে তোমার সঙ্গে রব,
তুমি যা বলিবে তাই করিব ।

(আর কার কথা শুনব না হে)

প্রেমানন্দ সুখা, সুখা করে পান,
আমরা ভুলিব আত্ম-অভিমান ।

(দিব্য জ্ঞানালোক পেয়ে হে)

ভাব রসে মন, মন মত্ত হলে,
সুখা পান করিব সবে মিলে ।

(ভক্ত বৃন্দের সঙ্গে বসে হে)

প্রেম সুখাপানে মত্ত হব,
হয়ে আবার সুখা পান করিব ।

(তার উপর আরও চাব হে)

ক'রে প্রেম ভরে সুখাপান,
আনন্দে গাব দয়াল নাম ।

(মধুর দয়াল নাম হে)

হয়ে একহৃদয় একপ্রাণ,
মহানন্দে গাব দয়াল নাম ।

(শুনে পাণ্ডী তরে যাবে হে)

তোমার অনন্ত প্রেম-সাগরে,
এবার জীবনতরী দিব ছেড়ে ।

(জয় জয় দয়াময় বলে হে) ॥৪৪০॥

বাউলের সুর—একতারা ।

(প্রভু অপরূপ—সুর)

পাণ্ডীকে দয়া করিতে কে আছে আর । (তাই বল প্রভু)

যখন যে দিকে হেরি দেখি আঁধার ।

এমন কেহ নাহি সংসারে,

যার জন্মে প্রাণ কাঁদে তা দিতে পারে ;

ওহে তুমি অগতির গতি,

দাসের উপায় কিছু কর এবার ।

কত দিন আর এই ভাবে যাবে,

মনের আশা চিরদিন কি মনে রহিবে ;

তবে বাঁচি বল কেমন করে,

আর দিন চলে না আমার ।

দিবা নিশি হৃচ্চি জ্বালাতন,
পাপের বোঝা পারিনা আর করিতে বহন ;
একবার হের করুণা নয়নে হে,

নতুবা নাহি নিস্তার ।

মনের দুঃখ করে বলিব,
সুখের সুখী দুঃখের দুঃখী আর কোথা পাইব;
কেবল তুমি জান মর্মব্যথা হে,

তাই ডাকি তোমায় বারে বার ॥৪৪১॥

বাউলের সুর—একতালা ।

দয়াকর দীনবন্ধু, দিন যায় যে চলে, গতি কি হইবে ?

হল না ভজন সাধন, বিফলেতে যায় হে জনম,

হে নাথ অধমতারণ ;

গেল চিরকাল করিতে ক্রন্দন,

হায় কি করিলাম এসে ভবে ।

দেবতার বাঞ্ছিত ধন

পিতা তব শ্রীচরণ,

অতি সাধনের ধন ;

চিরকলঙ্কী মহাপাতকী, সে চরণে স্থান কেমনে পাবে ?

হীনমতি নীচাশয়, কুটিল কপট হৃদয়,

চিন্লে না তোমায় ;

করে বারম্বার প্রবঞ্চনা এখন অপরাধে মরি

ডুবে ॥৪৪২॥

বাউলের সুর—একতালা ।

ভুল্‌ব না আর সংসার মায়ায় ।

হল কেবল পণ্ডশ্রম, গেল সব দিন,

অনিত্য সুখের আশায় ।

আর কেন এখন রে মন শীঘ্র আমায় দাও বিদায়,

প্রাণ হয়েছে আকুল, (রে) বিরহে চঞ্চল,

না দেখে সে জীবন-সথায় ॥৪৪৩॥

বাউলের সুর—একতালা ।

প্রেম বিনা হৃদয় শুকাল

আর সহিতে নারি কাতর প্রাণে,

পাপেতে মন ডুবিল ।

এখন যে দিকে হেরি হে দয়াময়,
 দেখি প্রেম হীন শুষ্কভাব মলিন হৃদয়,
 কোথাও নাহিক সুখ, মনের দুখে,

ভ্রমিতেছি হয়ে ব্যাকুল ।

তুমি ত নাথ প্রেমেরি সাগর,
 এসেছি তোমার দ্বারে হইয়ে কাতর ;
 পূরাও পূরাও আশা, প্রেম দানে,
 তাপিত প্রাণ কর শীতল ॥৪৪৪॥

বাউলের সুর—একতালা ।

দয়ার নিধি দয়া কর কাঙ্গাল জনে ।
 আমি কেমন করে দেখব তোমায়,
 এই ছার পাষণ মনে ।
 আমি এই হে জানি অধম তারণ,
 অধম তরে নামের গুণে ;
 তুমি পাপী তাপীর পিতা মাতা,
 ভরসা আছে হে মনে ॥৪৪৫॥

কীর্তনভাঙ্গা—ঝাঁপতাল ।

এ কি করুণা তোমার ওহে করুণানিধান ।

অধম পতিত জনে এত তোমার করুণা কেন ?

আমি যতই তোমারে ছেড়ে, থাকিতে চাই দূরে দূরে,

তত তুমি প্রেমভরে কর মোরে আলিঙ্গন ।

যে জন সতত গরল পানে, থাকিতে চায় অচেতনে,

তুমি কেন মায়ের মত, জোর করে সুধা করাও পান ।

তুমি পবিত্র সুন্দর হরি, ভক্ত-হৃদয়-বিহারী,

আমার মলিন হৃদয় দ্বারে, দাঁড়ায়ে কেন অনুরাগ ।

(কাঙ্গালের বেশে হে)

যদি ছাড়িবে না এ অধমে, দিবে স্থান অভয় ধামে,

তবে দয়া করে ও চরণে, বেঁধে রাখ চিরদিন ॥৪৪৬॥

কীর্তনভাঙ্গা সুর—একতাল ।

ওগো জননি রাখ লুকাইয়ে তব নিরাপদ কোলে ।

পাপ ভয়ে প্রাণাকুল, সতত চঞ্চল,

দেখে পদে পদে বিঘ্ন এই ভ্রমণে ।

আমি সহজে দুর্বল, তাতে নিঃস্বল,
 বেঁচে আছি কেবল তোমার নিজ দয়া গুণে হে ;
 কখন কি হবে কি হবে, মরি তাই ভেবে,
 দেখি অন্ধকার নয়নে, পরীক্ষায় পড়িলে
 আমি জানিলাম এখন, তোমার নিয়ম,
 না হয় জীবন কতু বিপদ না ঘটিলে ;
 কিন্তু তাহে না ডরাই, যদি শূন্যে পাই,
 তোমার অভয়বাণী সেই বিপদকালে ॥৪৪৭॥

কীর্তনভাঙ্গা সুর—একতালা ।

দীনবন্ধু, এই দীনের প্রতি হও সদয় হে ।
 আমার আর কেহ নাই, তুমি বিনা,
 এই জগত মাঝারে ।

আমি লইয়াছি শরণ, ওহে দীনশরণ,
 রূপাময় রূপা করি কর মোরে ত্রাণ ;
 আমি অতি দুর্বল, (দীননাথ) নাই কোন স্বল,
 তুমি হীনবলের বল, তাই ডাকি তোমাতে ॥৪৪৮॥

অহং—একতালা ।

সংসার অনলে, তাপিত হৃদয় হয়ে,
এলেম শান্তি নিকেতনে ।

আমায় দাও হে শান্তি বারি, সে তাপ নিবারি,
শীতল করি আজ পাপ জীবনে ।

বিষয়-বাসনা আমায়, ভূলায়ে তোমায়,
রাখে সদা নানা প্রলোভনে ।

জান্লাম অনিত্য সংসার, তুমি সারাৎসার,
দেখা দাও সন্তানের হৃদাসনে ।

নিজ-দাসের অভিলাষ, পূরাও স্বপ্রকাশ,
প্রকাশ হয়ে একবার হৃদি ভবনে ।

আমি অনুতাপাঞ্জলি, ধর পিতা বলি,
পুষ্পাঞ্জলি দেই তব চরণে ॥৪৪৯॥

মিশ্র—ফেরতা ।

দেখা দেও হে, রাখিব অতি যতনে হৃদি মাঝারে ।
তুমি মম জীবন, তুমি মম ভূষণ,
তুমি নয়নাঙ্গন, বিতর কৃপা পরমেশ ।

তোমার জগতে, প্রেম বিলাইব,
তোমার কার্য যা সাধিব ;
শেষ হয়ে গেলে, ডেকে নিও কোলে,
বিরাম আর কোথা পাইব ? ॥৪৫১॥

পাহাড়ী—আড়া ।

কি আর জানাব নাথ, যাতনা তোমায় হে ।
অপরাধ মনে হলে কাঁপয়ে হৃদয় হে ।
নাহি কিছু ধর্মবল, কি করি পথ সম্বল,
নয়নেতে আসে জল, না দেখি উপায় হে ।
না হল আশ্রয় যোগ, না হল সত্যের ভোগ,
কুকর্মের ফলভোগ, কত আর করিব হে ?
ভবলীলা সাক্ষ হলে, ত্যজ না পাতকী বলে,
স্থান দিও চরণতলে, লয়েছি শরণ হে ॥৪৫২॥

মল্লার—আড়াঠেকা ।

জগতজননী, জননীর জননী তুমি গো মাতঃ ;
অধম সন্তানে কর করণা কটাক্ষপাত ।

প্রসারিত ক্রোড় তব, অনন্ত সুখ বিভব,
 কত যে মধুর ভাব, কত যে আশ্বাস বাণী ;
 ত্যজিয়ে সে সব সুখ, যাচিয়ে লয়েছি দুঃখ,
 ধিক্ মোরে ধিক্ ধিক্ করিয়াছি আত্মঘাত ॥৪৫৩॥

মল্লার—আড়াঠেকা ।

এস এস এস প্রভু পাতকী-জনপাবন ;
 দুর্বলের বল তুমি ওহে মৃত-সঞ্জীবন ।
 রূপাবারি বরষণে, উদ্ধার এ পাপী জনে,
 তোমার পরশে পাপী, পাইবে নবজীবন ;
 কর শুদ্ধ শাস্ত-মতি, না চাহি অজ্ঞান-প্রীতি,
 প্রেম হীন জ্ঞান কিম্বা, এই মম নিবেদন ;
 দেহ দিব্য জ্ঞান বল, হৃদয় কর নিশ্চল,
 শুনাও বিবেক কর্ণে সদা উৎসাহ বচন ।
 কপটতা পরিহরি, অলস বৈরাগ্য ছাড়ি,
 অনুগত দাস হয়ে রব তব অনুদিন ;
 তোমায় করিব ধ্যান, তোমাতে সঁপিব প্রাণ,
 সাধিতে তোমার কৰ্ম্ম যায় যেন এ জীবন ।

সত্য শাস্ত্র করে ধরে, বেড়াইব ঘরে ঘরে,
আনন্দে আসিবে ছাড়ি মোহ প্রলোভন ;
ভারত উদ্ধার পাবে, জগদ্বাসী তরে যাবে,
জয় জগদীশ রবে পূরিবে বিশ্বভুবন ॥৪৫৪॥

মল্লার—আড়া L

সম্পদে বিপদে নাথ তুমি সর্বস্ব আমার ;
তোমা বিনা কে আছে আর, লইব শরণ কার ?
হৃদি কুটীরে যখন, পাই তব দরশন,
আনন্দে পূর্ণ তখন, দেখি জগত সংসার ।
(হে নাথ) তুমি পিতা, তুমি মাতা, তুমি ভব-ভয়-ত্রাতা
তুমি সর্ব সুখ-দাতা ;
যথায় থাকি যখন, সদাই তোমার যেন,
পাই নাথ দরশন, দেহ এই অধিকার ॥৪৫৫॥

মল্লার—বাওয়ালি ।

নমি বিভূ তব চরণে ;
কৃপানিধান কৃপানিধান ।

ত্রিলোক-তারণ, লজ্জা-নিবারণ,

ভব-দুঃখ-নাশন নাম ধরো হে ।

জীবন-বল্লভ, ; দরশন-হুল্লভ,

তোমার তরে আকুল প্রাণ আমার ;

রক্ষা কর হে, করুণা-সাগর,

বিন্দু রুপা ত্বর দেও আমারে ॥৪৫৬॥

মল্লার—কাণ্ডালি ।

দয়া করো প্রভু অন্তরযামী ;

মহা মলিনময় কপট কামী ;

মানুষ জনম দিও, তুমি, উত্তম,

আউব কিও সুখ সম্পদ ধামি ।

তদপি ত্যাগ তব নাম দয়াময়,

বহিও সদা বিষয়ন্ অনুগামী ।

পাপতাপসে ভয়ো অতি পীড়িত,

অব্ মম পীড়িতমত নহি থামি ।

হোয় হতাশ নিবাস জগতসে,

আয়ো শরণ তোমারি স্বামী ॥৪৫৭॥

গোড় মল্লার—কাওয়ালি ।

তোমার দেখা পাব বলে এসেছি যে সখা ।
শুন প্রিয়তম হে, কোথা আছ লুকাইয়ে,
তব গোপন বিজন গৃহে লয়ে যাও ।
দেহ গো সরিয়ে তপন-তাঁরকা,
আবরণ সব দূর কর হে, মোচন কর তিমির,
জগত আড়ালে খেক না বিরলে,
লুকা'য়ো না আপনারি মহিমা মাঝে,
তোমার গৃহের দ্বার খুলে দাও ॥৩৫৮॥

সুরট মল্লার—কাওয়ালি ।

(মন চল নিজ নিকেতনে—সুর)

নাথ দাও দেখা কাতরে ।
পাপী বাঁচেনা তোমায় না হেরে ;
ওহে অন্তর্যামি, জ্ঞান সকলি তুমি,
বলিব কি আর তোমারে ।
তোমা বিহনেতে এ পাপ জীবন,
কেমনে নাথ করিব ধারণ,

কিছুই নাই আমার অণু অবলম্বন,

তোমা ভিন্ন এ সংসারে ।

(পিতা) তোমার অদর্শনে করি হাহাকার,

ছঃখানলে প্রাণ জলে অনিবার,

কে করিবে আর অধমে উদ্ধার,

এ মোহ পাপ বিকারে ;

মরি মরি নাথ তোমায় না দেখিয়ে,

থাকিতে পারিনে শূণ্য হৃদয়ে,

দীন হীন বলিয়ে, প্রসন্ন হইয়ে,

চাহ কাঙ্গালের দিকে ফিরে ।

(ওহে) একে আমি নাথ দুর্বল-প্রকৃতি,

কুপ্রবৃত্তি তাহে প্রতিকূল অতি,

না দেয় যাইতে তোমার নিকটে,

রাখে আকর্ষণ করে ;

দেখ দেখ নাথ হৃদয়-বাসনা,

আর আমি কিছু বলিতে পারি না,

ঘূচাও এ যন্ত্রণা, পূরাও কামনা,

প্রকাশিত হও অন্তরে ।

(পিতা) তোমায় দেখ্ব বলে ভ্রমি নানাস্থানে,
কখন একাকী কভু সাধু মনে,
পর্বত কন্দরে নিবিড় কান্তারে,

কখন বা দেব-মন্দিরে ;

কখন প্রান্তরে করি অন্বেষণ,
পথে পথে বেড়াই করিয়ে ক্রন্দন,
হায়, কোথা তোমার পাব দরশন,

বল নাথ কৃপা করে ॥৪৫৯॥

স্বরটমল্লার—একতাল।

মোহ আবরণ, কর উন্মোচন,
প্রাণভরে একবার দেখি হে তোমায় ।
দেখিবার তরে, পিতাগো তোমারে,

তুষিত নয়ন ব্যাকুল হৃদয় ।

লুকাইয়ে ভাল বাস নিরন্তর,
ওহে দয়াময় গুণের সাগর,
তব প্রেম রীতি, সুকোমল অতি,

নাহি দেখি আর এমন কোথায় !

নিত্য নিত্য আমি আস্ব তোমার দ্বারে,
ভিখারীর বেশে ব্যাকুল অন্তরে,
আশা-পূর্ণ-মনে, সতৃষ্ণ-নয়নে,
দেখে যাব একবার কোরে ।
প্রেম পুণ্য বল করে উপার্জন,
কর্ম-ক্ষেত্র মাঝে করিব গমন,
তোমার প্রসাদে শুভ আশীর্বাদে,
সব শত্রুগণে করিব পরাজয় ॥৪৬১॥

দেশ—তেওট ।

থেক না থেক না দূরে নাথ !
সম্পদ কালে, ঘোর বিপাকে, পাপ বিকারে,
চিরদিন আমি তোমারি ।
ধন মান চাহি না তোমাহতে, দেও এই অধিকার,
নিয়ত নিয়ত যেন সহচর অনুচর থাকি তোমারি ।

॥৪৬২॥

দেশ—আড়াঠেকা ।

প্রাণ থাকিতে ছাড়িব না প্রাণের প্রাণ তোমায় ।
 কত শত সঙ্কটে পেয়েছি এ প্রাণ তোমারি কৃপায় ।
 বিপদে তুমি কাণ্ডারী, তুমি দুঃখ তাপহারী,
 শোক-সন্তাপ-বারি তোমা বিনা কে মুছায় ?
 দেখি তব প্রেমমুখ, পাসরি হে সব দুখ,
 অসুখেও হয় সুখ, থাকিয়ে তব ছায়ায় ।
 যাচিছে হে দুর্বল-বল, জনম দুঃখী-সম্বল,
 যায় হে যেন কেবল, এ প্রাণ তব সেবায় ॥৩৬৩॥

দেশসিন্ধু—ঠুংরি ।

সংশয় তিমির মাঝে না হেরি গতি হে ;
 প্রেম-আলোকে প্রকাশ জগপতি হে ।
 বিপদে সম্পদে থেক না দূরে,
 সতত বিরাজ হৃদয়পুরে,
 তোমা বিনা অনাথ আমি অতি হে ।
 মিছে আশা ল'য়ে সতত ভ্রান্ত,
 তাই প্রতিদিন হতেছি শ্রান্ত,

তবু চঞ্চল বিষয়ে মতি হে,
নিবার নিবার প্রাণের ক্রন্দন,
কাটছে কাটছে এ মায়ী-বন্ধন,
রাখ রাখ চরণে এ মিনতি হে ॥৪৬৪॥

হাশীর—ঝাঁপতাল ।

নাথ, দেখাও হে, অভয় মূর্তি তোমার ।
যাহে বিমোহিত চিত সুর নর সবাকার ।
পাপে তাপে জর জর, চিত মোর নিরস্তর,
তাহে জীবন সঞ্চারো, দেখা দিয়ে একবার ।
নাথ হে অতি যতনে, বিছায়ে হৃদি-আসনে,
ডাকিতেছি প্রাণ-পণে, নিরাশ করো না আর ।
ওহে দীন-দুখী-বন্ধু, অপার করুণা-সিন্ধু,
বিতরিয়ে কৃপাবিন্দু, অধমে কর নিস্তার ॥৪৬৫॥

হাশীর—রূপক ।

আছি আশা-পথ চেয়ে ।
হৃদয়-আসন নাথ, যতনে বিছা'য়ে ।

দীনবন্ধু নাম ধর, পাতকী নিস্তার কর,
 সেই আশে নিরন্তর, আছি আশ্বাসিত হ'য়ে ।
 ডাকিতেছি অনুক্ষণ, কোথা দরিদ্র-জীবন,
 পরশ হৃদি-আসন, কৃপা-বিন্দু বরষিয়ে ।
 নাহি জ্ঞান পুণ্যবল, নাহি হে অশ্রু সম্বল,
 জনম কর সফল, এ দীনে প্রসন্ন হ'য়ে ॥৪৬৬॥

—
 কেদারা—কাওয়ালি ঠেকা ।

তার হে তার হে ভয়-হর ভবতারণ, হে ভবতারণ ।
 ঘোরতর সংসারে, তোমা বিনা কে তারে,
 ওহে পতিত-জন-পাবন ॥৪৬৭॥

—
 কেদারা—সুরফাঁকতাল ।

দরশন দাও হে হৃদয়-সখা, পূর্ণ কর হে আশ,
 নয়নেরি আলো তুমি মম ।
 দেখিলে তোমাতে হৃদয় জুড়ায় হে,
 প্রেমভরে ডাকি ঘন ঘন ।

প্রাণ মন দিনু সঁপিয়ে তব পক্ষে
এস এস ওহে হৃদয়ের প্রিয়ধন,
কাঁদিছে দিবানিশি তোমার পিয়াসে,
কর শান্তির বারি বরিষণ ॥৪৬৮॥

কেদারা—আড়াঠেকা ।

আমি যাই যাই হে নাথ তব মহিমা প্রচারে,
দেশ দেশান্তরে ।

দেখো অগতির দীনহীন পরিবারে ।

নাহি পিতা নাহি ভ্রাতা, ওহে ত্রিজগত-পিতা,
বল বল সঁপে যাই, তোমা বিনা আর কারে ?
সম্পদে সহায় থাকি, বিপদেতে ক্রোড়ে রাখি,
শোক তাপ দুখ হতে রক্ষা করো হে সবারে ॥৪৬৯॥

কল্যাণ—চোতাল ।

পূর্ণ আনন্দ পূর্ণ মঙ্গলরূপে হৃদয়ে এস,

এস মনোরঞ্জন ।

আলোকে আধার হউক চূর্ণ, অমৃতে মৃত্যু কর পূর্ণ,
কর গভীর দারিদ্র্য ভঞ্জন ।

সকল সংসার দাঁড়াবে সরিয়া, তুমি হৃদয়ে

আসিছ দেখি ;

জ্যোতির্ময় তোমার প্রকাশে, শশী তপন পায় লাজ,

সকলের তুমি গর্ভগঞ্জন ॥৪৭০॥

জয়জয়ন্তী—ঝাঁপতাল ।

জীবনদাতা দাও হে জীবন ।

মৃত দেহে যেন পাই হে চেতন ।

জীবনহীনের প্রায়, বৃথা দিন চলি যায়,

ছেলে দাও উৎসাহানল, দিয়ে প্রাণে দরশন ।

* বিশ্বাসের ক্ষীণালোক নিভু নিভু প্রায় হে,

দাও জলন্ত বিশ্বাস, হৃদয়ে হয়ে প্রকাশ,

করহে জড়তা নাশ, ওহে মৃত-সঞ্জীবন ॥৪৭১॥

জয়জয়ন্তী—ঝাঁপতাল ।

আহা আর কোথা যাব তোমাতে ছাড়িয়ে ?

কেবা আর দিবে সুখ হৃদয় ভরিয়ে ।

পাপেতে তাপিত হয়ে, কোথা আর কাঁদিব গিয়ে,

শীতল করিবে কেবা কাতর দেখিয়ে ?

ভবলীলা হলে সঙ্গ, কে হইবে মম সঙ্গ,
 চিরদিন কে রাখিবে আপন আলয়ে ?
 কাহাকে দেখিনে আর, তুমি হে সকল সার,
 আশ্রিত আছি হে আমি তোমার আশ্রয়ে ॥৪৭২॥

অয়জয়ন্তী—ঝাঁপতাল ।

(আহা আর কোথা যাব—স্বর)

ইচ্ছা হয় সর্ব ভুলে ছাড়ি মোহ-কোলাহলে ;
 পূজি নিত্য শান্ত মনে হৃদয়েশ হৃদাসনে ।
 ফেলি তব প্রেম-নীরে, স্নিগ্ধ করি দীপ্তশিরে,
 ঢালি অশ্রু পূতপদে, তৃপ্ত করি তপ্ত হৃদে ।
 তব প্রীতিকর জে'নে, সাধি কার্য্য প্রাণপণে,
 তব সমর্পণে, সফল করি জীবনে ;
 জগতপাল জগদগুরু, ভক্ত-বাঞ্ছা-কল্পতরু,
 রাখি তব পুণ্যপথে, পূর ভক্ত মনোরথে ॥৪৭৩॥

জয়জয়ন্তী—রাঁপতাল ।

দেও দেও হে পদছায়া কাতরে ।

ওহে দীন-শরণ, পতিত পাবন,

তোমা বিনা আর কে তারে ?

পাব পাব হে আশ্রয়, জানিয়ে নিশ্চয়,

এসেছি দয়াময়, তোমারি দ্বারে ।

পূরাও মনোরথ; ওহে দীননাথ,

ফিরাইও না ভিখারীরে ॥৪৭৪॥

জয়জয়ন্তী—রাঁপতাল ।

তুমি নাহি দিলে দেখা, কেহ কি দেখিতে পায় ?

তুমি না ডাকিলে কাছে সহজে কি চিত ধায় ?

তুমি পূর্ণ পরাংপর, তুমি অগম্য অপার,

ওহে নাথ, সাধ্য কার, ধ্যানেন্তে ধরে তোমায় ?

মনেরে বুঝাই এত, তুমি বাক্য মনাতীত,

তবু সদা ব্যাকুলিত তোমারে দেখিতে চায় ।

দিয়ে দীনে দরশন করহে কীর্তি স্থাপন,

ওহে লজ্জা নিবারণ শীতল কর হৃদয় ॥৪৭৫॥

জয়জয়ন্তী—ঝাপতাল ।

লও লও হে অনাথের উপহার,
ওহে ত্রিভুবন নাথ !
অতি যতনে আজি এনেছি প্রীতি কুসুম,
তোমারি তরে দয়াময় ।
আমি যে তোমারি দ্বারের ভিখারী
প্রতিদিন দীননাথ !
বল বল নাথ, কি দিব তোমায়,
কি আছে আমার আর ॥৪৭৬॥

আলেয়া জয়জয়ন্তী—ঝাপতাল ।

কবে তব দরশনে হে প্রেমময় হরি !
উথলিবে হৃদি মাঝে চিদানন্দ লহরী ।
তনু হবে রোমাঞ্চিত, প্রাণ মন পুলকিত,
(ভাব রসে বিবশ হয়ে) নয়নে বহিবে বারি ।
(ও রূপ মাধুরী হেরি)

তোমার প্রেম-মূরতি, নিরমল মুখ-জ্যোতি,
 নিরখিব প্রাণ ভরি ;
 (ভাবে প্রেমে মগ্ন হয়ে) সব সাধ মিটাইব
 স্পর্শ আলিঙ্গন করি ॥৪৭৭॥

জয়জয়ন্তী—ঝাঁপতাল ।

পাপের যাতনা আর সহিতে না পারি নাথ ।
 হৃদয় দহিছে সদা জ্বলন্ত অনলে হে ।
 মনেতে প্রতিজ্ঞা করি, পাপ-পথ পরিহরি,
 কেমন এ প্রবল অরি ছাড়ে না আমায় হে ;
 কোথা হে দীন-শরণ, কর কর কর ত্রাণ,
 দরশন দিযে পাপ-যাতনা যুচাও হে ॥৪৭৮॥

জয়জয়ন্তী—রূপক ।

নাথ, কি দিব তোমারে ;
 সকলি তোমার, আছে কি আমার ?
 হৃদয়ের প্রীতি-ফুলে, তুমিই বিকাশিছ নাথ,
 লও প্রভু তুলিয়ে সে ধন তোমারি ॥৪৭৯॥

তৃতীয় অধ্যায় ।

জয়জয়ন্তী—চৌতাল ।

বিষয়ের তমোজাল, করে আছে নিশাকটা,
কেমনে হইব পার সংসার-সাগর এ ।
তোমা বিনা কর্ণধার, দেখিনে কাহারে আর,
অখিল তারণ তুমি, কোথা এ সময়ে ?
সাম্বনার দিক্ আঁধার বিষাদ-ঘনোদয়ে,
সম্পদ তড়িৎ সমান উন্মিলি নিমিলয়ে ;
পাপ-তিমির নাশিয়ে, জ্ঞানালোক প্রকাশিয়ে,
দেখা দাও ওহে নাথ, মোহ-অন্ধ হৃদয়ে ॥৪৮০॥

জয়জয়ন্তী—যৎ ।

যেঁও জানো তেঁও তার স্বামী ।
ময় কুটিল খল কপট কামী ।
জপ তপঃ নেম শুচ সংযম,
ইন বিধ নেহি ছুটে কার স্বামী,
গরদে ঘোর তু অন্ধ সে কাঢ়ো,
নানক নজর নেহার স্বামী ॥৪৮১॥

ভূপালী—স্বরফাঁকতাল ।

কি অনুপম করুণা তোমার !

পলকে পাতকী তরে, লভিলে বিন্দু তাহার !

জলন্ত সংসারানল, নিমেষে হয় শীতল,

বরষিলে কৃপা-জল, তাহে নাথ একবার ।

পাষণ ভূমি উষর, হয় হে অতি উর্বর,

ফলে ফল বহুতর, কৃপানীরে বার বার ।

তাই ডাকি উচ্চৈঃস্বরে, কৃপানিধি কৃপা করে,

তার হে ভব-দুস্তরে, যাতনা সহে না আর ॥৪৮২॥

বাগেশী—আড়াঠেকা ।

নাথ, আর কতকাল রব, অসং বিষয় লয়ে ?

ভ্রমিব আর কত দিন মোহ-আঁধার নিলয়ে ।

প্রেমের লুক আশ্বাসে, বন্ধ হয়ে মৃত্যুপাশে,

কত রব এ প্রবাসে, ভুলি নিত্য নিজালয়ে ।

ক্রমে যে ফুরাল দিন, দেহ মন হলো ক্ষীণ,

বিনাশ নাথ হুদিন, জ্ঞান-জ্যোতি প্রকাশিয়ে ॥

তুমি সত্য পারাবার, জ্যোতির তুমি আধার,
অমৃতের তুমি সার, রক্ষ প্রভু দেখা দিয়ে ॥৪৮৩॥

বাগেশী—একতালা ।

কি অভয় মঙ্গল-মূরতি তোমার ।
নাহি অনুরূপ ত্রিজগতে, প্রভু, আর ।
ভুলোক-দ্যালোকে, আঁধার আলোকে,
সুখ দুঃখ-শোকে, বলকে অনিবার ।
জীব-জীবন-পটে, যখন যা ঘটে,
তব রূপ রটে, নাথ, বার বার ।
দেখায়ে দয়াময়, মূরতি অভয়,
কর হে নির্ভয়, প্রাণ আমার ॥৪৮৪॥

কামোদ—ধামাল ।

ছয়ারে বসে আছি প্রভু সারা বেলা,
নয়নে বহে অশ্রুবারি ।
সংসারে কি আছে হে হৃদয় না পূরে ;
প্রাণের বাসনা প্রাণে লয়ে,

ফিরেছি হেথা দ্বারে দ্বারে ।
 সকল ফেলি আমি এসেছি এখানে,
 বিমুখ হইয়া দীন হীনে,
 যা' কর হে রব পড়ে ॥৪৮৫॥

সাহানা—ঝাঁপতাল ।

নাথ, আজি খুলেছি হৃদয়-দুয়ার ।
 দরশন দাও, দীন হীনে একবার ।
 মোর ক্ষীণ জ্ঞান-জ্যোতি, ধরে কি হেন শক্তি,
 নিরথিতে দয়াময়, মূর্তি তোমার ?
 অকিঞ্চনে দয়া করি, মঙ্গল জ্যোতি বিস্তারি,
 দূর কর দীননাথ, মনের আঁধার ।
 তব জ্ঞান প্রেমালোকে, তোমায় দেখি পুলকে,
 ভুঞ্জি এই মর্ত্যালোকে, স্বর্গ সুখ অনিবার ॥৪৮৬॥

সাহানা—ঝাঁপতাল ।

আর কোথা শান্তিবারি, তোমা ছাড়া কোথা যাব,
 এমন মধুর প্রেম হায় আর কোথা পাব ?

বসায় হৃদাসনে,
অনিমেষ ছনয়নে,
হেরিব ও শ্রেমমূর্তি, প্রাণ মন জুড়াইবে,
অবিরল ছনয়নে প্রেমধারা বরষিবে ।
কার তরে এ জীবন, তোমা বিনা করে দিব,
প্রাণ মন সব নাথ তোমাকেই সঁপে দিব ;
এ হৃদয়-প্রাণাধার,
পূর্ণরূপে অধিকার,
কর আসি, এ হৃদয়ে আর কিছু আনিব না,
সংসার-বাসনা পানে আর ফিরে চাহিব না ।
এ দুর্বল দেহ মন তোমার চরণ পরে,
অর্পণ করিব নাথ চিরজীবনের তরে,
আলস্য জড়তা ছেড়ে,
জীবন্ত উৎসাহভরে,
করিব তোমার সেবা, বৃথা কাজে যাইব না,
সংসার-সেবায় আর কলঙ্কিত হইব না ॥৪৮৭॥

সাহানা মিশ্র—১৭ ।

ত্যজিয়ে এ পাপ দেহ, কবে পাব নব জীবন,
 মোহনিদ্রা ভঙ্গ হবে ঘুচিবে ভব-বন্ধন ।
 জ্বলন্ত বৈরাগ্যানলে, বিনাশিয়ে রিপুদলে,
 ইন্দ্রিয় সংযম ব্রত করিব হে উদ্যাপন ।
 পুণ্য বিভূতি মাখিয়ে, প্রেমাঞ্জন চক্ষে দিয়ে,
 চারিদিক তন্ময় করিব হে দরশন ।
 ব্রহ্ম ধ্যান ব্রহ্ম জ্ঞান, ব্রহ্মানন্দ রসপান,
 হৃদিপদ্মে ব্রহ্ম পাদপদ্ম করিব ধারণ ॥ ৪৮৮ ॥

বাহার—আড়াঠেকা ।

প্রেমের হার তোমায় দিয়ে নাথ পূজিব যতনে ।
 তুমি মম ভরসা, সংসার তাপে,
 সকলি নীরস তোমা বিহনে;
 পাপ তাপ নাশি দেখা দেও আমারে ॥৪৮৯॥

বাহার—আড়াঠেকা ।

আর কারে ডাকি, তোমায় ছাড়ি যাব কার দ্বার ?

তুমি হে আমার মোহ-আঁধারের আলো ।

মোহময় সংসার মাঝে, মোহে অন্ধ সবে মোরা,

মুক্তিদাতা, দেখাও হে অমৃতের সোপান ॥৪৯০॥

বাহার—আড়াঠেকা ।

মগন হইয়ে আমি তব পুণ্য-সহবাসে ।

ভুঞ্জিব অপার সুখ মত্ত হয়ে প্রেম-রসে ।

গভীর হৃদি-কন্দরে তব প্রস্রবণ,

পিপাসু সাধক তথা যায় শান্তি-বারি আশে ॥৪৯১॥

বাহার—কাওয়ালী ।

হৃদয়ের মম যতনেরি ধন তুমি হে,

অন্তরযামী,

আত্মার স্বামী,

পিতা তুমি পুত্র আমি,

জাগ্রত কৃপা তোমারি দীন জনে ।

তোমারি করুণা দিবারাত প্রতি মুহু মুহু জীবনে ভায়

মিনতি করি তোমায়, মোহ-পাশ কাটিয়ে আমায়,
রাখহে রাখ তব সাথ সাথ ॥৪৯২॥

খাশ্বাজ—চৌতাল ।

আজি দরশন দেও প্রভু দীন জনে ;
বিনাশি অন্তর-তম সফল করি জীবনে ।

এ হৃদয়-সিংহাসন, তোমারি প্রিয় আসন
কর হে কর গ্রহণ, কৃপা বিতরণে ।

হেরি তব প্রেমমুখ, যুচাইব সব দুঃখ,
মর্ত্যে থাকি স্বর্গ-সুখ ভুঞ্জি ;

ওহে নিত্য সুখ-ধাম, পূর্ণ করি মনস্কাম,
পূজি শ্রদ্ধাভক্তি যোগে, প্রীতির প্রসূনে ॥৪৯৩॥

খাশ্বাজ—চৌতাল ।

নয়ন-রঞ্জন তুমি ভুলিতে কে পারে ?

যেদিকে ফিরাই আঁখি, দেখি হে তোমাতে ।

অনল অনিলে জলে, জ্যোতির্ময় নভস্থলে,

শোভিছে তোমার নাম জলদ অক্ষরে ।

আঁধারে ঘেরিলে ধরা, তবু তোমায় যায় ধরা,
 প্রকাশে তোমার জ্যোতিঃ হৃদয় মাঝারে ।
 জগত-জীবন তুমি, তুমি আত্মার স্বামী,
 জল ছাড়ি মীন কভু থাকিতে কি পারে ?
 যোড়-করে ভিক্ষা করি, যদি হে ভ্রমে পাসরি,
 ভুল না জীবন ধন, দীন হীন কাতরে ॥৪৯৪॥

খাম্বাজ—ধামাল ।

ব্যাকুল হয়ে তব আশে, প্রভু এসেছি তব দ্বারে ।
 দেখা দাও মোরে, নাথ, হৃদি মাঝে,
 সকল দুঃখ তাপ যাবে দূরে ॥৪৯৫॥

খাম্বাজ—ধামাল ।

সেই প্রেম-ছবি সুধার সার,
 হৃদে জাগিছে শত শত বার ।
 না শোভে চপলা, রবি ইন্দু-কলা,
 লুকালো কোথা তারা সবে, সব শোভা তাঁর ।
 হৃদয়-কমল-দল-রাশি আসন বিছায়েছি, এস হে

চিত্ত-বিহঙ্গ গায় চারু হেরি দিন,
কোথা আর রজনীর আঁধার ॥৪৯৬॥

খাম্বাজ—ঝাঁপতাল ।

তুমি যারে কর হে সুখী, সেই সুখী হয় এসংসারে,
বিপদ প্রলোভনে বল তারে কি করিতে পারে ?

আপন আনন্দে সদানন্দে সেই জন,

করে সন্তরণ সুখ-সাগরে ,

নাহি জানে কোন অভাব, প্রশান্ত মুক্ত স্বভাব,

চির সুখ শান্তি তার হৃদয়ে বিরাজ করে ।

প্রেমের তরঙ্গ,

ভাবের প্রসঙ্গ,

কত উথলে তার অন্তরে ;

মত্ত হয়ে সুধাপানে,

বিহরে তোমার সনে,

অক্ষয় রত্ন-ভাণ্ডার তার হৃদয়-কন্দরে ।

ওহে প্রেমসিদ্ধ,

এক বিন্দু বারি দানে,

সুখী কর নাথ যদি আমারে ;

তবে ত সার্থক মম,

হয় এ পাপজীবন,

গাই তব নাম গুণ, মনের আশা পূর্ণ ক'রে ॥৪৯৭॥

ধাম্বাজ—কাওয়ালী ।

হে প্রাণরমণ প্রেম-সাগর, প্রেমভক্তি হৃদে সঞ্চার,

মলিন হৃদয় মম, পাপে জরজর ।

যদি এক বিন্দু প্রেম বিতর, দীন জনে দয়া কর,

তবে সব পাপ তাপ যাবে দূর ।

বাঁচিনে প্রাণে, তোমা বিহনে,

বিহর নিরন্তর হৃদি কন্দরে ;

পাপ-অনলে, হৃদয় জলে,

প্রদানি তব প্রেম, শীতল কর ॥৪৯৮॥

ধাম্বাজ—কাওয়ালী ।

শঙ্কর শিব সঙ্কট-হারী ।

নিস্তার প্রভো জয় দেব দেব ।

সংসার-সিন্ধু-সেতু কে করে পার,

তোমা বিনা আর হে দীননাথ ;

চরণারবিন্দু যাচি তোমারি ॥৪৯৯॥

খাম্বাজ—কাওয়ালী ।

হৃদয় কাঁদিছে আমার তোমার লাগিয়ে ;

দেখা দিয়ে জুড়াবে কি তাপিত হিয়ে ?

তুমি নাথ প্রেম-সাগর, সত্য শিব সুন্দর,

তাপিতে শীতল কর, শান্তি সুধা বরষিয়ে ।

কি কব মনের কথা, জান ত মরম-ব্যথা,

কে আর করে মমতা, দুঃখীর মুখ চাহিয়ে ? ॥৫০০॥

খাম্বাজ—মধ্যমান ।

আর যেন প্রভু না হই কভু পাপে কলঙ্কিত ।

মনে হলে সে যাতনা হৃদয় কম্পিত ।

প্রাণ যোগে যোগী হ'য়ে, থাকিব সদা নির্ভয়ে,

সুখে করিব পালন, অনন্ত জীবন-ব্রত ।

সংসার দুর্গম পথে, চলিব তোমার সাথে,

ফিরে ফিরে বারংবার, নিরখিব ইচ্ছামত ।

স্বভাব অনুকূল হবে, সহজে তোমাতে পাবে,

সশরীরে স্বর্গে যাবে, হইয়ে জীবনুকৃত ।

আনন্দ সঙ্গীত ধ্বনি, করিবে ভাই ভগিনী,

দেবলোকে সেই ধ্বনি, হইবে প্রতিধ্বনিত ॥৫০১॥

খান্জাজ—মধ্যমান ।

এ দুঃখ কেমনে আর হবে সম্বরণ ।

ছিলাম যখন, পাপেতে অচেতন

নাহি ছিল ভাবনা মনেতে তখন ।

বুঝিলাম যে দিনে জীবনের অধিকার,

পড়িল মস্তকে বিষম গুরু ভার ;

পাইলাম তোমার স্নেহের নিমন্ত্রণ,

সেই অবধি প্রাণাকুল তোমারি কারণ ।

দেখালে প্রলোভন খুলিয়ে স্বর্গ-দ্বার,

করিলে হৃদয়ে কত আশার সঞ্চার ;

শেষে কি একাকী সংসার অরণ্যে,

চির বিরহীর প্রায় করিব রোদন ॥৫০২॥

খান্জাজ—মধ্যমান ।

প্রবল সংসার-শ্রোত, আমরা দুর্বল অতি ;

কেমনে করিব নাথ, প্রতিকূল মুখে গতি ?

যে দিকে বহিছে শ্রোত, সে দিকে যেতেছি ভেসে,

সম্মুখে নরকাবর্ত্ত, কি হবে কি হবে গতি ?

দুর্বলের বল তুমি, দেহ নাথ মনে বল,
সংসার জলধি মাঝে নিস্তার জগতপতি ॥৫০৩॥

শাস্ত্রাজ—মধ্যমান ।

দেখ দেখ এ দীন সন্তানে, করুণা-নয়নে ।
যেন আবার তোমায় ছেড়ে পাপেতে ডুবিনে ।
কি সজনে কি নির্জনে, যখন থাকি যেখানে,
রক্ষা কর এ অধমে স্বর্গীস বল বিধানে ।
চারিদিকে প্রলোভন, করে সদা আকর্ষণ,
কেমনে রাখিব আমি পবিত্রতা এ জীবনে ।
নাহি আর অগ্র বাসনা, সুখ সম্পদ চাহি না,
কে বল মাত্র এই প্রার্থনা, যেন তোমায়
ভুলে থাকি নে ॥৫০৪॥

শাস্ত্রাজ—মধ্যমান ।

আর যেন ভুলিনে নাথ, ভুলিনে তোমায় ।
তব সহবাসে যেন মম দিন যায় ।
সুখে দুঃখে অবিরত, হইয়ে কৃতজ্ঞ-চিত,
করি যেন প্রণিপাত, প্রেমভরে তব পায় ।

তব দত্ত স্মৃথে ভুলে, তোমাতে নাথ পাসরিলে,
কি কাজ সে স্মৃথে আমার, কেবা তাহা চায় ॥৫০৫॥

ঠ খান্ধাজ—একভালা ।

ডেকে লও দয়া করে আমারে ভিতরে ।
কত দিন আর পরের মত থাকুব বাহিরে ।
দীন হীন কাঙ্ক্ষালের বেশে,
বসে থাকুব এক পাশে,
ভক্ত বৃন্দের মাঝে তোমায় দেখব প্রাণভরে ।
তব প্রেম-নিকেতনে, দেখুব যত সাধুগণে,
করুব প্রেম ভিক্ষা তোমার চরণে ধরে ।

(ব্যাকুল হয়ে) ॥৫০৬॥

খান্ধাজ—আড়া ।

আমার আর কেহ নাই ;
তোমাতে হৃদয়ে রেখে এ প্রাণ জুড়াই ।
তোমা বিনা সব শূন্য, এ সংসার অরণ্য,
কে আছে আর তোমা ভিন্ন, কার পানে চাই ॥৫০৭॥

থাষাজ—আড়া ।

(আমার আর কেহ নাই—সুর)

কবে জুড়াবে জীবন ?

তব প্রেমসিন্ধু-নীরে করিয়ে অবগাহন ।

সদা আনন্দ অন্তরে, ব্রহ্মনাম গান করে,

জগদ্বাসীর দ্বারে দ্বারে, করিব ভ্রমণ ।

জীবন সর্বস্ব দিয়ে, অনুগত দাস হয়ে

মনের অনুরাগে পদ করিব সেবন ।

হেঁরিব ভক্তি নয়নে, নিয়ত হৃদয়-ধামে,

শুনিব বিবেক কর্ণে, তোমার বচন ? ॥৫০৮॥

থাষাজ—আড়া ।

মামতিপামরদীনজনং ;

দেহি পদাশ্রয়মবিদিতভজনং ।

ন মাতা নহীহ পিতা, নবকুর্মেচ ভ্রাতা,

ত্বংহি দীন-জনভ্রাতা, ইতি সাধুবচনং ।

কৃপাকণা বিতরণে, চরণ-শরণে দীনে,

দেহি পিতঃ ভক্তিহীনে, ভক্তিরস-রসনং ॥৫০৯॥

খাম্বাজ—একতাল।

দেখহে কৃপা-নয়নে, ত্রিতাপে তাপিত মানবগণে,
তোমায় না ভজিয়ে, বিষয়ে মজিয়ে,
কত দুঃখ সবে পায় এ সংসারে ।
পাপ-বিষ পানে হয়ে অচেতন,
বৃথা ক্ষয় করে অমূল্য জীবন,
সুপথ ছাড়িয়ে, বিপথে পড়িয়ে,
আপনার প্রাণ আপনি সংহারে !
বিশেষ করুণা করিয়ে প্রকাশ,
গতি হীন জনে রক্ষ জগদীশ,
কাঁদে নরনারী হইয়ে হতাশ আকুল অন্তরে;
অনুতাপানেলে করি হে দহন,
দিয়ে দরশন ফিরাও পাপীর মন,
তব শুভ ইচ্ছা হউক পূরণ,
দেশে দেশে প্রতি পরিবারে ॥৫১০॥

আলেয়া খান্সাজ—ঠুংরি ।

প্রসন্ন নয়নে, প্রিয় সম্বোধনে,
ডাকিছ পতিত মানব সন্তানে ।
শুনিলে তোমার মধুর বচন,
হেরিলে তোমার ও প্রেম-আনন ;
দুঃখ যায় দূরে, হৃদি-সরোবরে,—
উঠে প্রেম-তরঙ্গ আশা-পবনে ।

আহা কি কোমল বিমল প্রকৃতি,
বিতরিছ কত সুখ শান্তি প্রীতি ;
দাও দাও ঢালিয়ে, তাপিত হৃদয়ে,

করিহে মিনতি—প্রণতি চরণে ॥৫১১॥

খান্সাজ—আড়াঠেকা ।

দিয়াছি যে প্রাণ তোমাতে, আর কখন চাব না ফিরে ।

যাহা ইচ্ছা হয় কর, কিছু নাই বলিবার,

হইবে মঙ্গল মোর তোমারি বিচারে ।

সুখ সম্পদ হইলে, ভাসিব প্রেম-হিল্লোলে,

দুখ বিপদে কাঁদিব তোমারি চরণ ধরে !

(পিতা তোমারি)

যথায় লয়ে যাইবে তথা যাইব,
যাহা করিতে বলিবে তাই করিব ,
শুনেছি আশ্বাস বাণী পাব পরিত্রাণ,
নাই দুঃখ যদি মরি তোমার তরে ॥৫১২॥

খান্ধাজ—আড়া ।

(কে গো বসে অন্তরালে—সুর)

রাখ মোরে শিশু করে ।

শিশু যেমন কিছু জানে না,

কে আশ্রয় কে অপর, মাতা বিনা এ সংসারে ।

আধ আধ স্বরে সদা, মা মা বলে কহে কথা,

অভাব হইলে যত, জানায় মাতারে ।

তোমারে লয়ে থাকিব, অপরে নাহি জানিব,

পিতা বলে ডাকিব, প্রাণ মন দিয়ে তোমারে ।

প্রেম-সুধা পান করিলে, পাপ তাপ যাবে চলে,

নির্ভয় চিত হইয়ে, সবে যাব ভবপারে ॥৫১৩॥

থাঙ্গাজ—একতালা ।

পরম দেব ব্রহ্ম, জগজন পিতা মাতা ।
সেবকে প্রসন্ন হও হে সর্বসিদ্ধি দাতা,
থাকে নিত্য তব পদে মতি
এই ভিক্ষা দেহি নাথ ॥৫১৪॥

থাঙ্গাজ—যৎ ।

আমায় ছেড় না হে, এনেছ যদি হে দয়াময় ।
আমি সকল দেখিয়াছি প্রভু,
এখন পড়েছি তোমার পায় ।
নাহি আমার কোন বল, কেমনে থাকিব বল,
(এখন) কৃপা করে রাখ প্রভু, বেঁধে মোরে তব পায় ।
না জানি ডাকিতে তোমায়,
(এখন)-কর কিছু মোর উপায়,
একবার হৃদয় মাঝে এস,
প্রভু জুড়াই তাপিত হৃদয় ॥৫১৫॥

থাঙ্গাজ—আডথেমটা ।

তোমার অভয় পদ সর্বরত্নসার, আমি চাহি গো
এবার ।

কোন অভাব হবে না আমার, পূর্ণ হবে হৃদয়
তাণ্ডার ।

গিয়ে লোকের দ্বারে দ্বারে বলিব আদর করে,
মা আমারে দয়া করে দিয়েছেন এই অলঙ্কার ।

মা তোমার পদপ্রসাদে, থাকিব সদা নিরাপদে,
পড়িব না আর কোন আপদে, এবার বিপদে হব
উদ্ধার ।

সকলে দেখাব ডেকে, পাপের দাগ গিয়াছে ঢেকে,
অভয় পদ বুকে রেখে, কিবা শোভা চমৎকার ।

জননী কি বলিব গো আর, তোমার কুপার,
ব্যাপার অপার, তব পদে চির-ভক্তি যেন থাকে
গো আমার ॥৫১৬॥

! খাম্বাজ বেহাগ—যৎ ।

হে হরি সুন্দর

তুমি সুন্দর সুন্দর সুন্দর ।

তুমি করুণা-সাগর ।

ভক্তি সুধারস সঞ্চাব ।

তাপিত তৃষিত মম প্রাণ শীতল কর ।

তব প্রেম-মুখ-চন্দ্র হেরিলে, আঁখি ভাসে প্রেমনীরে,

সব শোক সন্তাপ হয় দূর ।

প্রেম মুরতি মধুর জ্যোতি, প্রকাশি নাশ,

মোহ আঁধার ছুস্তর,

হৃদয় মাঝে প্রেম সরোজে বিহর আনন্দে নিরন্তর ।

॥৫১৭॥

খাম্বাজ জংলা—ঠুংরি ।

(লক্ষ্মী ঠুংরি)

দীনহীন জনে,

পাপী পরাধীনে,

নাথ তোমা বিনে কে আর নিস্তারে ?

তুমি দুঃখ-বারী,

পাপ-তাপ-হারী,

ভবের কাণ্ডারী, জগৎ প্রচারে ।

তার নিজ গুণে, পাপী তাপী জনে,
এসেছি তাই শুনে, তোমারি দুয়ারে ।
কাটি মোহ-পাশ, নাশি ভয় ত্রাস,
রক্ষ জগদীশ, ডাকি বারে বারে ॥৫১৮॥

সিদ্ধু খান্জাজ—মধ্যমান ।

যদি এক বিন্দু প্রেম পাই (প্রেমসিদ্ধু হে) ;
তবে কি তোমার চরণ ছেড়ে আর কোথা যাই ?
থাকি চিরদিন, তোমার অধীন,
ধন মান সম্ভ্রম, কিছু নাহি চাই ।
সকলি ত্যজিতে, অসাধ্য সাধিতে,
পারি তব প্রসাদে, কিছু না ডরাই ।
সংসার-বন্ধন, করিয়ে ছেদন,
আনন্দে নিশিদিন, তব গুণ গাই ॥৫১৯॥

দক্ষিণী সুর—একতাল ।

সকাতরে ওই, কাঁদিছে সকলে,
শোন শোন পিতা ;

কহ কানে কানে, শুনাও প্রাণে প্রাণে
মঙ্গল বারতা ।

ক্ষুদ্র আশা ল'য়ে, রয়েছে বাঁচিয়ে,
সদাই ভাবনা—

যা কিছু পায়, হারিয়ে যায়,
না মানে সাধনা !

মুখ আশে, দিশে দিশে,
বেড়ায় কাতরে—

মরীচিকা, ধরিতে চায়,
এ মরু প্রান্তরে !

ফুরায় বেলা, ফুরায় খেলা,
সন্ধ্যা হয়ে আসে ;

কাঁদে তখন, আকুল মন,
কাঁপে তরাসে ।

কি হবে গতি, বিশ্বপতি,
শান্তি কোথা আছে ?

তোমাতে দাও, আশা পূরাও,
তুমি এস কাছে ॥৫২॥

বামপ্রসাদী সুর—একতালা ।

দাও মা আমায় চরণতরী ।

আমি অগাধ জলে ডুবে মরি !

সাহস করে, আপন জোরে,

ভবনীরে ধরলেম পাড়ি ;

এখন তরঙ্গতে যাই মা ভেসে,

কূল কিনারা নাহি হেরি ।

শুনেছি মা লোকের মুখে,

বিমুখ নাহি হয় ভিখারী ;

আমি আকুল প্রাণে এই ভিক্ষা চাই,

কূলে লও মা কোলে করি ॥৫২১॥

বামপ্রসাদী সুর—একতালা ।

(আমি) রইলাম তোমার নামে পড়ে ।

এখন যা কর মা কৃপা করে ।

জগতের যত পাপী, ঐ নামেতে গেছে তরে ;

যাব অনায়াসে চরণ-পাশে, আমিও ঐ নামের জোরে ।
 হৃদি-ফুলের পত্রে পত্রে, লিখ্ব ঐ নাম ভক্তিভরে ;
 আমার সকল দুঃখের শান্তি হবে, ভবের চিন্তা

যাবে দূরে ॥৫২২॥

পরজ—কাওয়ালি ।

দীন-দয়াময় ভুল না অনাথে ।
 স্থান দিও প্রভু তব পদ-কমলে,
 মনে রেখো ভুলো না অনাথে ।
 ভ্রমি এ অরণ্যে হয়ে পথ-হারা

সত্বর লও তব সাথে ।

কোন্ গুণ আছে হেন, মন্দ মতি মম,
 যাইবারে তব সন্নিধানে ;

তুমি হে জ্যোতির জ্যোতি, এ আঁখির কি শক্তি
 তাকাইতে সে মিহির পানে ?

নিরখি মনের প্রতি, নাহি দেখি কোন গতি,
 ক্ষণে হই মগন নিরাশে ;

তৃতীয় অধ্যায় ।

স্মরি তব রূপাঙ্গণ,

ভরসা হয় পুনঃ,

নিজ গুণে তারিবে হে দাসে ॥৫২৩॥

পরজ—ঝাঁপতাল ।

রজত কোমুদীময়ী যামিনী কি হাসি !

কি মধুর শোভারশি প্রকৃতি বিকারে ।

মোদের জীবন কবে, হেন সুধাময় হবে,

খেলিবে প্রেম-কোমুদী অন্তর-আকাশে ?

প্রেমের তপন হ'তে প্রেমের কিরণেতে,

জ্যোতিষ্মান হয়ে কবে ঘুরিব সংসার দেশে ?

সুন্দর হব আপনি, সুন্দর করি অবনী,

হাসিব হাসাব সবে বিভূ-প্রেমাবেশে ?

দেও প্রভু সেই বর, তোমার প্রেমের কর,

হইব তাহে অমর, ছুটিব তোমার আশে ॥৫২৪॥

পরজ—আড়াঠেকা ।

রাজ রাজেশ্বর, ওহে ! দীনজনে দেখা দাও ।

করুণাভিখারী আমি করুণা-কটাক্ষে চাও ।

চরণে উৎসর্গ দান, করিতেছি এই প্রাণ,
 সংসার অনলকুণ্ডে ঐ বলসি গিয়াছে তাও ।
 কলুষ কলঙ্কে তাহে আবরিত এ হৃদয়,
 মোহে মুগ্ধ মৃতপ্রায়, হয়ে আছি দয়াময়,
 সঞ্জীবনী দৃষ্টে তব, শোধন করিয়ে লও ॥৫২৫॥

ঝাঁঝিট—মধ্যমান ।

প্রাণ মাঝে বিরাজ, প্রাণেশ ! আমার ;
 রূপাময় জীবন-আধার ।
 তোমা হারা হ'য়ে দেব, এই ভাবে কত দিন,
 রহিব আর জীবনেশ, সহে না যে আর ।
 তব রূপ-সাগরে, নিমগন কর হে মোরে,
 অনিমেষে নিরখিব, সুরূপ তোমার ॥৫২৬॥

ঝাঁঝিট—মধ্যমান ।

তোমারি নাথ, তোমারি চিরদিন আমি হে ।
 সুখে দুখে পাপে, আমি তোমারি নাথ, তোমারি হে ।

দেখো দেব দেখো দেখো,
এ দাসের অন্তরে চিরদিন থেকে,
অন্তরে নিরখি তোমায়, নিবারিব সব দুখ ॥৫২৭॥

ঝিঁঝিট—মধ্যমান ।

ওহে ধর্মরাজ বিচারপতি,
তোমার বিধি কে লঙ্ঘিতে পারে ?
কে কোথা হয়েছে সুখী অধর্ম পাপ আচারে ?
দর্পহারী শ্রায়বান্, পাষণ্ড-দলন নাম,
নাহি কারো পরিত্রাণ, তোমার সূক্ষ্ম বিচারে ।
হুস্মতি মানবগণে, কুকর্ম করি গোপনে,
পায় দুঃখ পরিণামে, কর্মফল ভোগ করে ।
তুমি দণ্ডদাতা পিতা, মঙ্গলময় বিধাতা,
দণ্ড দিয়ে মুক্ত কর এ অধম মহাপাপীকে ॥৫২৮॥

ঝাঁঝিট—একতাল।

তোমারি জয় তোমারি জয় তব প্রেমে প্রভু
সব পরাজয়,
যে জন চায় সে তো তোমায় পায়,

যে জন না চায় সেও তোমায় পায় ।

ঘোর পাপের পাপী মানব তনয়,
প্রচণ্ড দৈত্যের সম যদি হয়,
তব প্রেম-ফাঁদে যখন পড়ে যায়,
তখনই সে তৃণ সম হয় ।

অহঙ্কারে মত্ত উন্মত্ত প্রায়,
ধরা যার কাছে সরা জ্ঞান হয়,
তব প্রেম-আশ্বাদন যদি একবার পায়,
শত পদাঘাতেও পায়েতে লুটায় । (তৃণ সম)
তোমার কথায় তোমারি সেবায়,
যার প্রাণ যায়, সেই প্রাণ পায়,
মম মন প্রাণ সঁততই যেন
তব প্রেম-সুধা পানে মত্ত হয় ॥৫২৯॥

ঝিঁঝিট—আড়া ।

হৃদয়ে থাক হে নাথ, নয়ন ভরিয়ে দেখি ;
জুড়াব তাপিত প্রাণ, তোমাতে হৃদয়ে রাখি ।
পাপে তাপে মলিন, হয়ে আছি দীন হীন,
যাতনা সহে না আর, তার হে দাসে নিরখি ॥৫৩০॥

ঝিঁঝিট—আড়া ।

অধম তনয়ে নাথ ত্যজিতে ত পারিবে না ;
শত অপরাধী হলেও তনয়ত্ব তায় যাবে না ।
আছে অপরাধ কত, তবু নহি আশাহত,
তব দয়া হতে আমার দোষ ত অধিক হবে না ।
পরব্রহ্ম পরাংপর, আদি কত নাম ধর,
কিন্তু অধম-তারণ নামের মহিমা যে অতুলনা ॥৫৩১॥

ঝিঁঝিট—কাওয়ালি ।

থেক না থেক না দূরে হৃদয়ের প্রিয়ধন ;
রাখিব যতনে হৃদে হৃদয়-রতন ।

ছিলাম পড়ি আঁধারে, আনিলে হে কেশে ধরে,
 কত সুখ কত শান্তি করিলে হে বিতরণ ;
 এখন ফেলিয়ে একা, যাবে কি হে প্রাণ-সখা,
 হৃদয় আঁধার করি, ওহে হৃদয়ের ধন ।
 তোমা ছাড়ি কতবার, ভ্রমিলাম প্রাণাধার,
 তবুতো থাকিলে তুমি, সঙ্গে মোর অনুক্ষণ ;
 হৃদি আলো করি মোর, থাক তবে প্রাণেশ্বর,
 প্রেমপাশে বেঁধে রাখ ও চরণে প্রাণ মন ॥৫৩২॥

—
 ঝি ঝিট—৪৭ ।

কি বলে প্রার্থনা বল করি আর ?
 আমার সকল কথা ফুরাইল,
 ফিরিল না মন আমার ।
 তুমি দেখ সব থেকে অন্তরে,
 তোমায় কথায় কে ভুলাতে পারে,
 প্রাণের প্রাণ বল কি আর,
 আছে কি আর বলিবার ?

ওহে প্রাণ যদি চাহে তোমারে,
তুমি থাকিতে কি পার দূরে,
আপনি এস পাণ্ডীর দ্বারে,

তাই পতিত-পাবন নাম তোমার ॥৫৩৩॥

ঝাঁঝিট—৪২ ।

কেমনে পাব তোমায় আমি হে পাপে মলিন ।

(নাথ) লোভে ছুরাশায় চিত লালায়িত,

ভোগ বিলাসের অধীন ।

ভজন সাধনে অলস, ষড় রিপূর পরবশ,

বিষয় বাসনার দাস, হয়ে আছি চিরদিন (আমি) ।

হিংসা দ্বেষ অভিমানে, স্বার্থ সূখ প্রলোভনে,

জীবন কলঙ্কিত, অবিনীত, প্রেম অনুরাগ বিহীন ।

নাহি ভক্তি নাহি জ্ঞান, বৈরাগ্য সমাধি ধ্যান,

মোহে হৃদয় ম্লান, পাষণ সম কঠিন ।

এখন এই অভিলাষ, হ'য়ে তব দাসানুদাস,

চিরদিন থাকি নাথ, যেন তোমারি অধীন ॥৫৩৪॥

ঝাঁঝিট—আড়া ।

মনে করি প্রাণ মন সঁপে দি তোমায়,
 কেমন মোহ আসি সে সাধ ভুলায় ।
 আসক্তির শত টানে বাঁধা প্রাণ শত স্থানে,
 কেমনে বলহে প্রাণ সঁপিব তোমায় ?
 নিদারুণ রিপুগণে ফেলি কত প্রলোভনে,
 অত্যাচারে অবিরত শাসিছে আমায় ।
 দুর্বলের তুমি বল, দেও নাথ প্রাণে বল,
 কে আর সম্বল বল অনাথ-আশ্রয় ॥৫৩৫॥

ঝাঁঝিট—একতালা ।

দয়াময় দীনবন্ধু দরিদ্রের হুঃখ-ভঞ্জন ।
 তব কৃপাহিকেবল, পাপী তাপীর সম্বল,
 দুর্বলের বল তুমি নিরাশ্রয়ের অবলম্বন ।
 হে বিভু করুণাসিন্ধু, বিপদ কালের বন্ধু,
 দিয়ে কৃপা-বারিবিন্দু কর হে পাপ মোচন ।
 পাপ-ভারাক্রান্ত হ'য়ে, ডাকি নাথ কাতর হৃদয়ে,
 পার কর ভবসিন্ধু দিয়ে অভয় চরণ ।

তুমি নাথ পরমদয়াল, স্নেহময় ভক্ত-বৎসল,
পাপীর দুঃখে নহ পিতা কখনও উদাসীন ।
ওহে অগতির গতি, করি ওপদে মিনতি,
থাকে যেন ভক্তি নাথ, তোমাতে চিরদিন ॥৫৩৬॥

ঝিঁঝিট—একতাল।

জয় জয় জয় দেব, জয় জগত বন্দন ।
গাইছে নিম্নত মহিমা তোমার,
হে নাথ নিখিল ভুবন ।
কাননে কুমুম গগনে তপন,
করুণা তোমার করে বরষণ,
তোমার পরশে বাঁচে ত্রিভুবন,
জয় জগত জীবন ।
তোমার রচনা, এ ক্ষুদ্র হৃদয়,
মন প্রাণ নাথ, তব সমুদয়,
কত যে আনন্দ, লভে দয়াময়,
তোমাতে হইলে মগন ।

প্রবাসে সুহৃদ, আবাসে জননী,
 সুখে দুঃখে সখা, তুমি গুণমণি,
 ভীম ভবার্ণবে, ওপদ তরণী,

হে ভব-জলধি-তারণ ।

আমরা দুর্বল অতি, তুমি অগতির গতি,

তব বলে কর বলী, ওহে মৃত-সঞ্জীবন ।

দেহ নাথ দেহে বল, জ্ঞান ভকতি প্রীতি সম্বল,
 গাইয়া অতুল মহিমা তোনার, করিব সংসারে ভ্রমণ ।
 কর আশীর্বাদ দান, সঁপি এ দেহ মন প্রাণ,
 জীবন মরণে করিব নাথ, তোমারি কস্ম সাধন ॥৫৩৭॥

❦ ঝিঝিট—একতাল।

(ধন্ত ধন্য ধন্য আজি—সুর)

এস এস প্রাণসখা দীনজনশরণ ।

তব পদে প্রাণ মন করিব সমর্পণ ।

ত্যজি অনিত্য কামনা, ছাড়ি বিষয়-বাসনা,

তব অনুগত হ'য়ে থাকিব চিরদিন ।

সদা তোমার সঙ্গে রব, প্রেম নয়নে হেরিব,
ভক্তি পুষ্পাঞ্জলি দিয়ে পূজিব নিশিদিন ।
তোমার সন্তান সবে, মিলে আজি ভক্তিভাবে,
কাতর হৃদয়ে ডাকি, কর প্রভু শ্রবণ ॥৫৩৮॥

কর্ণাটী ঝিঁঝিট—কাওয়ালি ।

বড় আশা ক'রে এসেছিগো কাছে ডেকে লও,

ফিরায়ো না জননি !

দীন হীনে কেহ চাহে না,

তুমি তারে রাখিবে জানি গো,

আর আমি যে কিছু চাহিনে,

চরণতলে বসে থাকিব ;

আর আমি যে কিছু চাহিনে,

জননী ব'লে শুধু ডাকিব ;

তুমি না রাখিলে গৃহ আর পাইব কোথা,

কেঁদে কেঁদে কোথা বেড়াব ?

ঐ যে হেরি তমস-ঘন-ঘোরা গহন রজনী ॥৫৩৯॥

ঝিঁঝিট—পোস্তা ।

কেননে পূজিব তোমায় আমি হে পাপে মলিন ।

সংসারে আসক্ত মন অবিশ্বাসী চিরদিন ।

আশীর্বাদ কর মোরে, যেন পাপ পথ ছেড়ে,

পূজিতে পারি তোমারে ভক্তিভরে নিশিদিন ।

ওহে প্রভু দয়াময়, মহাপাপীর আশ্রয়,

দিয়ে আমায় পদাশ্রয় কর তোমার অধীন ॥৫৪০॥

ঝিঁঝিট খাষাজ—আড়া ।

আমি হে জেনেছি এবার,

জীবে প্রেম, নাম সাধন এই জীবনের সার ।

বিনীত সেবক হ'য়ে, আত্মসুখ ত্যজিয়ে,

পর-সুখে সুখী হব এই ইচ্ছা তোমার ।

পিতা, তোমার পুণ্যপ্রসাদে, সকলের আশীর্বাদে,

নিরাপদে ভবসিদ্ধ হইব হে পার ;

যাইব অমৃত ধামে, মিলে সব বন্ধুগণে,

চির প্রেমে হ'য়ে রব এক পরিবার ॥৫৪১॥

ঝাঁঝিট খাম্বাজ—ঠুংরি ।

(এত দয়া পিতা তোমার—স্বর)

তব কৃপা কৃপাময়,

•সংসার-পথে আশ্রয় ।

তব পদ সেবিবারে, মনে বড় আশা ক'রে,

দীনবন্ধু ডাকি হে তোমায় ;

তুমি রাখ যদি, ওহে গুণনিধি,

তবে ত সঙ্কট মাঝে পাই হে অভয় ।

আমরা দুর্বল অতি, জান তুমি জগৎ পতি,

অন্তর্যামি ! বলিব কি আর হে ;

তুমি কৃপা করে, যদি রাখ মোরে,

তোমাকে সেবিয়ে সবে জুড়াই হৃদয় ॥৫৪২॥

• বেহাগ—একতাল।

আমি জেনে শুনে তবু ভুলে আছি,

দিবস কাটে বৃথায় হে ।

আমি যেতে চাই তব পথ পানে,

কত বাধা পায় পায় হে ।

চারিদিকে হের ঘেরিছে কা'রা,

শত বাঁধনে জড়ায় হে ;

আমি ছাড়াতে চাহি, ছাড়াইনা কেন গো,

ডুবায় রাখে ঝায় হে ।

দাও ভেঙ্গে দাও এ ভবের সুখ,

কাজ নেই এ খেলায় হে ;

আমি ভুলে থাকি যত, অবোধের মত,

বেলা বহে তত যায় হে ।

হান তব বাজ হৃদয় গহনে,

ছুখানলী জ্বাল তায় হে ;

নয়নের জলে ভাসিয়ে আমারে,

সে জল দাও মুছাইয়ে হে ।

শূন্য করে দাও হৃদয় আমার,

আসন পাত সেথায় হে ;

তুমি এস এস, নাথ হ'য়ে বস,

ভুলোনা আর আমায় হে ॥৫৪৩॥

বেহাগ—চৌতাল ।

ওহে দীনবন্ধু, প্রেমসিদ্ধু, তুমি প্রাণেশ্বর, হৃদয়নাথ,
হৃদয়ে দেখা দেও হে ।

আঁধার হৃদয় আলো কর, মোচন কর পাপভার,
নিত্য নিয়ত হৃদে বিহার, দীনে শরণ দেও হে ।

যবে পাই তোমাধনে, সকলি নিরখি সুধাময়,
জ্যোতির্ময় শোভাময় ;

পাইলে তোমায়, মৃত শরীর প্রাণ পায়,
কোটি কোটি স্বরগ প্রকাশ পায়, দুখ তাপ
না রহে ॥৫৪৪॥

বেহাগ—কাওয়ালি ।

তোমা বিনা কে প্রভু সঙ্কট নিবारे,

কে সহায়, ভব-অন্ধকারে ?

রয়েছি বন্দীসম মোহের আগারে,

কলুষিত পাপ-বিকারে ;

বিষয়-রসে রত, তব প্রেমামৃত,

ছাড়ি মনোভঙ্গ বিহরে ।

বিতর কৃপা তব, যার গুণে প্রভু,
 মৃত দেহে জীবন সঞ্চারে ;
 পাপ-তিমির নাশি, বিরাজ হৃদয়ে আসি,
 কি আর জানাব তব দ্বারে ॥৫৪৫॥

বেহাগ—কাওয়ালি ।

তোমা বিহনে প্রভু কি সুখ এ জীবনে ;
 কেমনে ধরি এ ছার জীবন ?
 সংসার-দহনে তাপিত পরাণ মন ।
 প্রেমের চন্দ্রমা তুমি হে নাথ,
 সুধার ভাণ্ডার পরম সুন্দর,
 তৃষিত চাতক আমার হৃদয়,
 পিয়াও অমৃত জুড়াই পরাণ ।
 অতুল জ্যোতি তব প্রেমাননে,
 নয়ন-শোভন প্রাণ-বিমোহন,
 প্রকাশ আসিয়ে হৃদয় গগনে,
 যুচাও বিষাদ ঘন আবরণ ;

নিরখি নিরখি ওরূপ মাধুরী,
হইবে আমার প্রাণ বিমোহিত,
হইবে শীতল তাপিত হৃদয়,

আনন্দ সাগরে হইবে মগ্নন ॥৫৪৬॥

বেহাগ—কাওয়ালি।

আমার আমার বলি বটে, কাজে নয় আমার ;
সকলি তোমার নাথ, তুমি বিশ্ব-মূলাধার ।
জীবন যৌবন ধন সকলি তোমার ;
কিছুতেই নাই আমার কোন অধিকার ।
মন বুদ্ধি আদি যত, সব তোমার বিতরিত,
আমি মাত্র কেবলি আধার ;
নিজে আমি আমার নই, তোমারি সম্পত্তি হই,
এই আমার জানা আছে সার ।
দিরে তোমায় তোমার ধন, কেমনে করি তোষণ,
নাহি জানি সন্ধান তাহার ;
যদি লয়ে নিজ ধন, প্রীত হও হে মনের মন,
সর্বস্ব দিব তোমারে এই দণ্ডে উপহার ॥৫৪৭॥

বেহাগ—চৌতাল ।

স্বামী, তুমি এস আজ, অন্ধকার হৃদয় মাঝে,
পাপে স্নান পাই লাজ, ডাকি হে তোমাতে ।
ক্রন্দন উঠিছে প্রাণে, মন শান্তি নাহি মানে,
পথ তবু নাহি জানে আপন আঁধারে ।
ধিক ধিক জনম মন, বিফল বিষয় শ্রম,
বিফল ক্ষণিক প্রেম টুটিয়া যায় বার বার,
সন্তাপে হৃদয় দহে, নয়নে অশ্রুবারি বহে,
বাড়িছে বিষয়-পিপাসা বিষম বিষ-বিকারে ॥৫৪৮॥

* বেহাগ—একতাল ।

এস মা আজি অন্তরে ।

আজি যে খুলেছি হৃদয় দুয়ার হৃদি মাঝে মাগো
দইতে তোমাতে ।

এ প্রতিজ্ঞা যদি ছাড়িয়ে সন্তানে, আসিবে না
মাতা এ পাপ পরাণে,
এস গো জননী তবে সসন্তানে দিব স্থান প্রাণ-পুরে ।
অকৃতির মাতা তুমি মা জননী, আসিতে পার না
তুমি একাকিনী, ছাড়িয়ে পরিবারে ;

বুঝিয়া খুলেছি হৃদয় দুয়ার,ধরিয়া লইতে তব পরিবার
ভক্তদল মাঝে মাধুরী তোমার দেখিব প্রাণ

ভরে ॥৫৪৯॥

বেহাগ—আড়াঠেকা ।

মুক্তি-দাতা হে কর মুক্ত এ জনে ।

কত কাল থাকিব আর ভব-বন্ধনে ।

পিঞ্জরের পক্ষী যেমন, করে পথ অন্বেষণ,

তেমনি আমার প্রাণ ধাইতেছে তোমার পানে ।

ক্রমে হল দিন গত, থাকিব আর বল কত,

ষড় রিপূর বশীভূত, মোহের আলিঙ্গনে ,

ওহে করুণা-নিধান, কর মোরে পরিত্রাণ,

সম্পদে বিপদে যেন দেখি হে হৃদয়াসনে ॥৫৫০॥

বেহাগ—আড়া ।

এস হে মন মন্দিরে ;

নির্জনে বসিয়ে দেখি চরণ কমলে ।

দূর হবে পাপ তাপ, না রহিবে মনস্তাপ,
 জীবন কৃতার্থ হবে, পাইলে তোমারে ।
 মোহ অঁধার ঘুচিবে, মৃত ভাব না রহিবে,
 উৎসাহে পূর্ণ হইব, তোমার প্রকাশে ।
 অসম্ভব দেখি যাহা, সম্ভব হইবে তাহা,
 হইলে দয়া তোমার, তাই ডাকি কাতরে ॥৫৫১॥

বেহাগ—আড়াঠেকা ।

ফিরিল সম্তান পিতা ফিরিল এবার ।
 হয়েছে স্মৃতি প্রভু কৃপায় তোমার ।
 স্বীয় দেশ ত্যাগ করি, বিদেশে বিদেশে ফিরি,
 দুর্গতির অবশেষ কিছু নাহি আর ;
 পাসরি আপন জনে, শত্রুকে সুহৃদ জ্ঞানে,
 শিথিয়াছি এক মাত্র, বিদ্রোহ-আগার ।
 দিলে তুমি যত ধন, সবে করি অযতন,
 নিঃসম্বল হইয়াছি, কিছু নাই আমার ;
 শত্রুরা ছলনা করি, নিয়েছে সকলি হরি,
 শূন্যহস্তে ফিরিলাম এবে তব দ্বার ।

ওহে অগতির গতি, দিলে হে যদি স্মৃতি
ছাড়িয়ে তোমারে যেন নাহি যাই আর ;
চিরদিন তব সনে, থাকিব প্রফুল্ল মনে,
এই বাঞ্ছা দীননাথ পূরাও আমার ॥৫৫২॥

বেহাগ—আড়া ।

কোথায় রহিলে নাথ একাকী ফেলে আমারে ;
না দেখে তোমারে প্রভু, প্রাণ যে কেমন করে ।
কাঁদিব আর কত বল, শুকাল নয়নের জল,
হৃদয় পাষণ হ'ল, বার বার পাপাচারে ।
দুর্কল পাপ-জীবনে, সহিব বল কেমনে
তব বিরহ যন্ত্রণা ওহে দয়াময় ;
ডেকে লও সন্তান ব'লে এ ঘোর বিপদকালে,
নি দাও চরণতলে. এই জনম-দুঃখীরে ॥৫৫৩॥

কীর্তন মিশ্র—ঝাঁপতাল ।

দীনজন ভাগ্যে নাথ, সে দিন কি আসিবে ?
তব প্রেমে মগ্ন হয়ে নিশি দিন কাটিবে ।

হৃদি সরোবরে সদা, ভাব-তরঙ্গ খেলিবে ;
 (সে তরঙ্গ লহরী'পরে) প্রেমচক্রমা উদিবে ।
 (জীবন সফল হবে)

তোমার প্রেম-প্রভাবে, হৃদয় নির্মল হবে,
 প্রাণ মন জুড়াইবে ; (সব জ্বালা দূরে যাবে)
 চির সুখ শান্তি-উৎস, হৃদি-মূলে উৎসরিবে ॥৫৫৪॥

শুভ্রাটী ভজন—একতাল।

কোথা আছ প্রভু, এসেছি দীন হীন,
 আশ্রয় নাহি মোর, অসীম সংসারে ।
 অতি দূরে দূরে ভ্রমিছি আমি হে,
 প্রভু প্রভু বলে, ডাকি কাতরে ।
 সাড়া কি দিবে না, দীনে কি চাবে না,
 রাখিবে ফেলিয়ে অকূল আঁধারে ?
 পথ যে জানিনে, রজনী আসিছে,
 একেলা আমি যে, এ বন মাঝারে ।
 জগত-জননী, লহ লহ কোলে,
 বিরাম মাগিছে, শান্ত শিশু এ ;

পিয়াও অমৃত, ভূষিত সে অতি,
 জুড়াও তাহারে, স্নেহ বরষিয়ে ।
 ত্যজি সে তোমারে, গেছিল চলিয়ে,
 কাঁদিছে আজিকে পথ হারাইয়ে ;
 আর সে যাবে না, রহিবে সাথ সাথ,
 ধরিয়ে তব হাত, ভ্রমিবে নির্ভয়ে ।
 এস তবে প্রভু, স্নেহ-নয়নে,
 এ মুখ পানে চাও, ঘুচিবে যাতনা ;
 পাইব নব বল, মুছিব অশ্রুজল,
 চরণ ধরিয়ে পুরিবে কামনা ॥৫৫৫॥

গুজরাটী ভজন—একতারা ।

কোথা প্রাণ-সখা, দীনে দাও দেখা,
 থেকোনা অন্তরে, ফেলিয়া সংসারে ।
 আমি যে তোমার হই, জানিনে তোমা বই,
 কেমনে বল রই, না হেরে তোমারে ?
 দেখি যে তমোময়, নাথ হে সমুদয়,
 সতত শোকভয় আকুল করে মোরে ;

নাহি কোন সুখ, ভুঞ্জি সদা দুখ,
 দেখাও প্রেমমুখ, দুঃখী ছুরাচারে ।
 কোথা যে কেহ নাই, বল হে কোথা যাই,
 কারে বা সুধাই, কে দুঃখ নিব্বারে ?
 দেও হে আশ্রয়, ওহে রূপাময়,
 যুচাও ভব ভয় ডাকি বারে বারে ॥৫৫৬॥

ভজন—ঠুংরি ।

কি করিলি মোহের ছলনে ?

গৃহ তেয়াগিয়া, প্রবাসে ভ্রমিলি,
 পথ হারাইলি গহনে ।
 (ঐ) সময় চলে গেল, আঁধার হয়ে এল
 মেঘ ছাইল গগনে ;
 শ্রান্ত দেহ আর, চলিতে চাহে না,
 বিধিছে কণ্টক চরণে ।
 গৃহে ফিরে যেতে, প্রাণ কাঁদিছে,
 এখন ফিরিব কেমনে ;
 পথ বলে দাও, পথ বলে দাও,
 কে জানে কারে ডাকি সঘনে !

বন্ধু যাহারা ছিল, সকলে চলে গেল,

কে আর রহিল এ বনে ;

(ওরে) জগত-সখা আছে, যা রে তাঁর কাছে,

বেলা যে যায় মিছে রোদনে !

দাঁড়ায়ে গৃহ দ্বারে, জননী ডাকিছে,

আয়রে ধরি তাঁর চরণে ;

পথের ধূলি লেগে, অন্ধ আঁখি মোর,

মায়েরে দেখেও দেখলিনে !

কোথা গো কোথা তুমি, জননী, কোথা তুমি,

ডাকিছ কোথা হতে এজনে ?

হাত ধরিয়ে সাথে লয়ে চল,

তোমার অমৃত-ভবনে ॥৫৫৭॥

আশা—ঠুংরি ।

(বিষয় স্থখে মন—সুর)

জগত পিতা তুমি বিশ্ববিধাতা ।

আমরা তোমারি, কুমার কুমারী,

তুমি হরি সব সুখদাতা ।

রাজ রাজেশ্বর, সর্ব ভুবনপতি,
 পতিতপাবন দীনবন্ধু ;
 অনাথ-গতি তুমি, অনাদি ঈশ্বর,
 করুণা কর কৃপাসিন্ধু ।

সঙ্কট মোচন, অভয় চরণ তব,
 বন্দিছে সুর নর বৃন্দে ;
 জনম দিয়াছ যদি. শরণ দিতে হবে,
 শীতল চরণারবিন্দে ॥৫৫৮॥

ধন—ঠংরি ।

অন্ধজনে দেহ আলো মৃতজনে দেহ প্রাণ ।
 তুমি করুণামৃত সিন্ধু, কর করুণা-কণা দান ।
 শুষ্ক হৃদয় মম, কঠিন পাষণ সম,
 প্রেম সলিল ধারে সিঞ্চহ শুষ্ক নয়ান ।
 যে তোমারে ডাকে না হে, তারে তুমি ডাক ডাক,
 তোমা হতে দূরে যে যায় তারে তুমি রাখ রাখ ;
 তৃষিত যে জন ফিরে, তব সুধাসাগর-তীরে,
 জুড়াও তাহারে মেহ-নীরে, সুধা করাও হে পান !

তোমাতে পেয়েছিছু যে,
কখন হারানু অবহেলে,
কখন ঘুমাইনু হে,
আঁধার হেরি আঁখি মেলে ;
বিরহ জানাইব কায়,
সাস্থনা কে দিবে হায়,
বরষ বরষ চলে যায় ।

হেরিনি প্রেম বয়ান,—
দরশন দাও হে দাও হে দাও
কঁাদে হৃদয় ত্রিয়মাণ ॥৫৫৯॥

গোড়—চৌতাল ।

তুমি জাগিছ কে !
তব আঁখি জ্যোতি ভেদ করে
সঘন গহন তিমির রাতি !
চাহিছ হৃদয়ে অনিমেষ নয়নে,
সংশয় চপল প্রাণ কল্পিত ভ্রাসে ।
কোথা লুকাবে তোমা হতে স্বামী,

এ কলঙ্কিত জীবন তুমি
 দেখিছ জানিছ প্রভু ক্রমা কর হে
 তব পদপ্রান্তে বসি একান্তে দাও
 কাঁদিতে আমায়, আর কোথা যাই ॥৫৬০॥

দেশ—কাওয়ালি ।

হায় কে দিবে আর সাধনা,
 সকলে গিয়াছে হে তুমি যেওনা,
 চাহ প্রসন্ন নয়নে প্রভু দীন অধীন জনে ।
 চারিদিকে চাই হেরি না কাহারে,
 কেন গেলে ফেলে একেলা আঁধারে,
 হের হে শূন্য ভবন মম ॥৫৬১॥

মিশ্র বেলাবতী—কাওয়ালি ।

ওহে দয়াময় নিখিল আশ্রয়,
 এ ধরা পানে চাও ।
 পতিত যে জন, করিছে রোদন,
 পতিতপাবন তাহারে উঠাও ।

মরণে যে জন, করিছে বরণ

তাহারে বাঁচাও ।

কত হুঃখ শোক, কাঁদে কত লোক,

নয়ন মুছাও ।

ভাঙ্গিয়া আলয়, হেরে শূণ্যময়,

কোথায় আশ্রয়,

(তারে) ঘরে ডেকে নাও ।

প্রেমের তৃষায় হৃদয় শুকায়,

দাও প্রেম সুধা দাও ।

হের কোথা যায়, কার পানে চায়.

নয়নে আঁধার

নাহি হেরে দিক, আকুল পথিক,

চাহে চারি ধার ।

সে ঘোর গহনে, অন্ধ সে নয়নে,

তোমার কিরণে আঁধার ঘুচাও ।

সঙ্গ-হারা-জনে, রাখিয়া চরণে,

বাসনা পূরাও ।

কলঙ্কের রেখা, প্রাণে দেয় দেখা,

প্রতি দিন হয় ।

হৃদয় কঠিন, হল দিন দিন,
লজ্জা দূরে যায় ।

দেহ গো বেদনা, করাও চেতনা,
রেখনা রেখনা এ পাপ তাড়াও ।

সংসারের রণে, পরাজিত জনে,
দাঁও নব বল দাঁও ॥৫৬২॥



চতুর্থ অধ্যায় ।

উপাসনা-শেষ ।

ভৈরব—সুরকাঁকতাল ।

সব ছুঃখ দূর হইল তোমাতে দেখি ।

একি অপার করুণা তব,

প্রাণ হইল শীতল বিমল সুধায় ।

সব দেখি শূন্যময়, না যদি তোমাতে পাই,

চন্দ্র সূর্য্য তারক জ্যোতি হারায় ।

প্রাণসখা তোমা সম আর কেহ নাহি,

প্রেম সিদ্ধ উথলয় স্মরিলে তোমায় ;

থাক সঙ্গে অহরহ জীবন কর সনাথ,

রাখ প্রভু জীবন মরণে পদছায়ে ॥৫৬৩॥

ভৈরবী—৫৭ ।

ধন্য দয়াময়, তোমার কুপায়,

কৃতার্থ হইল জীবন মম ।

নিরখি তোমারে, প্রাণ-মন্দিরে,

জুড়াল তৃষিত নয়ন ।

তব আগমনে, হৃদয়-উদ্যানে,

শুক তরু মুঞ্জরিল ;

ফুটিল প্রেম— কুসুম মধুময় ;

গন্ধে আমোদিত মন ।

আনন্দে ভাসালে, মোহিত করিলে,

দেখায়ে দুর্লভ দরশন ;

দেখিনি এমন, শোভা অল্পম,

যেন ধরাতলে স্বর্গধাম ;

সুখ রত্নাকর, তোমার ভাণ্ডার,

নাহি হয় পরিমাণ ;

বলিব কি আর, করি বারম্বার,

কৃতজ্ঞভরে প্রণাম ॥৫৬৪॥

সাহানা—আড়াঠেকা ।

কেমনে কহিব কি সুধাময় শোভা হেরিনু,
হৃদয়-দুয়ার খুলিয়ে ;
অপরূপ অরূপ নাহি যে তুলনা, কি বলিব,
কি সুধাময় শোভা হেরিনু হৃদয়-দুয়ার খুলিয়ে ;
দুর্লভ দরশন লাভ হলো জীবনে,
ধন্য রে তাঁর করুণা, ধন্য রে কি সুখে হেরিনু,,
হৃদয়-দুয়ার খুলিয়ে ॥৫৬৫॥

পরজ—চৌতাল ।

ধন্য তুমি হে পরম দেব,
ধন্য তোমার করুণা প্রেম,
পূরিল আনন্দে বিশ্ব,
হৃদয় জুড়াইল ।
যে দিকে আজি ফিরাই আঁখি,
প্রেমরূপ নিরখি তোমারি,
পূর্ণ হইল সকল কাম,
মন আনন্দে ভাসিল ।

বহে ভক্তি সমীরণ, হলে সে রূপ দর্শন,
উচ্ছ্বাস উঠয়ে দেখি, গভীর প্রেম-সাগরে ॥৫৬৭॥

রামকেলি—কাওয়ালি ।

আঁখিজল মুছাইলে জননী,
অসীম স্নেহ তব, ধন্য তুমিগো,
ধন্য ধন্য তব করুণা ।
অনাথ যে, তারে তুমি মুখ তুলে চাহিলে,
মলিন যে তারে বসাইলে পাশে,
তোমার ছয়ার হ'তে কেহ নাহি ফিরে,
যে আশে অমৃত-পিয়াসে ।
দেখেছি আজি তব প্রেম-মুখ হাসি,
পেয়েছি চরণছায়া,
চাহি না আর কিছু পূরেছে কামনা,
ঘুচেছে হৃদয় বেদনা ॥৫৬৮॥

স্বরট মল্লার—একতালা।

কত দিনে হবে প্রেমের সঞ্চার ।

(কবে) হব পূর্ণকাম, বন্ব হরি নাম

নয়নে বহিবে প্রেম অশ্রুধার ।

কবে হবে আমার শুদ্ধ প্রাণ মন, কবে যাব আমি
প্রেম-নিকেতন, সংসারবন্ধন হইবে মোচন, জ্ঞানা-
ঞ্জনে যাবে লোচন-আঁধার ।

কবে পরশমণি করি পরশন, লৌহময় দেহ হইবে
কাঞ্চন, হরিময় বিশ্ব করিব দর্শন ; লুটাইব ভক্তি-
পথে অনিবার ।

কবে যাবে অসার ধরম করম, কবে যাবে জাতি
কুলের ভরম, কবে যাবে ভয় ভাবনা সরম, পরি-
হরি অভিমান লোকাচার ।

প্রেমে পাগল হয়ে হাসিব কাঁদিব, সচ্চিদানন্দ
সাগরে ভাসিব, আপনি মাতিয়ে সকলে মাতাব
হরি পদে নিত্য করিব বিহার ॥৫৬৯॥

দেশ সিন্ধু—একতারা ।

আমার যা আছে আমি সকল দিতে পারিনি
তোমারে নাথ,

আমার লাজ ভয় আমার মান অপমান সুখ
দুঃখ ভাবনা ।

মাঝে রয়েছে আবরণ কত শত কত মত
তাই কেঁদে ফিরি, তাই তোমারে না পাই,
মনে থেকে যায় তাই হে মনের বেদনা ।

যাহা রেখেছি তাহে কি সুখ, তাহে কেঁদে
মরি, তাহে ভেবে মরি !

তাই দিয়ে যদি তোমারে পাই (জানি না)
কেন তা দিতে পারি না,

আমার জগতের সব তোমারে দেব, দিয়ে

তোমায় নেব বাসনা ॥৫৭০॥

বেহাগ—৪৭ ।

কেন জাগে না জাগে না অবশ পরাণ ।

নিশি দিন অচেতন ধূলি-শয়ান ।

জাগিছে তারা নিশীথ আকাশে,
 জাগিছে শত অনিমেষ নয়ান ।
 বিহগ গাহে বনে ফুটে ফুলবাশি,
 চন্দ্রমা হাসে সুধাময় হাসি ;
 তব মাধুবী কেন জাগে না প্রাণে,
 কেন হেরি না তব প্রেম-বয়ান !
 পাই জননীৰ অযাচিত স্নেহ,
 ভাই ভগিনী মিলি মধুমব গেহ ;
 কত ভাবে সদা তুমি আছ হে কাছে,
 কেন করি তোমা হতে দূরে প্রয়াণ ॥৫৭১॥

মল্লাব—একতারা ।

(গাথা)

কাতবে তোমায়, ডাকি দয়াময়,
 হইয়ে সদয়, দেও দরশন ;
 পূরাও মনসাধ, যুচাও হে বিষাদ,
 ভক্তি উপহার, করিয়ে গ্রহণ ।

সংসার-তাপে, তাপিত হ'য়ে,

লয়েছি শরণ, তোমার আশ্রয়ে ;

কৃপা-বারি দানে, বাঁচাও হে প্রাণে,

অধম সন্তানে দেখে চাহিয়ে ।

গতিহীন জনে, তোমা বিহনে,

আপনার বলে, কে আর চাহিবে ;

সস্তাপ হর, কৃতার্থ কর,

অভয় দানে, আমাদের সবে ।

তুমি গুণ-নিধান, সর্বশক্তিমান,

কল্যাণ বিধান কর নিরন্তর ;

করুণা তোমার, হইলে একবার,

অনায়াসে পার হই ভব-সাগর ।

অনাথ দুর্বল, নাহিক সম্বল,

তুমিই আমাদের ভরসা কেবল' ;

তুষিত হৃদয়ে, ব্যাকুল হ'য়ে,

করি ভিক্ষা নাথ, দেও পুণ্যবল ।

সুখ সম্পদে, দুঃখ বিপদে,

যেন তোমাতে থাকে হে মতি ;

ইহ পরকালে, তব পদতলে;

নির্ভয় মনে কর্ব বসতি ।

যেন হে সবে, মিলে সঙাবে,

নিত্য এই ভাবে, করি অর্চনা ;

অকিঞ্চন হয়ে, এক হৃদয়ে,

হে প্রভু তোমার করি সাধনা ॥৫৭২॥

মিশ্র—একতালা ।

(বন্দনা)

জয় দেব জয় দেব জয় মঙ্গলদাতা,

জয় জয় মঙ্গলদাতা,

সকট-ভয়-দুখ ত্রাতা, বিশ্বভুবন-পাতা ।

জয় দেব জয় দেব ।

অচিন্ত্য অনন্ত অপার, নাহি তব উপমা,

প্রভু নাহি তব উপমা ;

বিশ্বেশ্বর ব্যাপক বিভূ, চিন্ময় পরমাত্মা ।

জয় দেব জয় দেব ।

জয় জগবন্দ্য দয়াল, প্রণমি তব চরণে,

প্রভু প্রণমি তব চরণে ;

পরম শরণ তুমি হে, জীবন মরণে ।

জয় দেব জয় দেব ।

জগতারণ দীনেশ, সুখ শান্তি দাতা,

প্রভু সুখ শান্তি দাতা ;

শরণাগত-বৎসল তুমি, পরম পিতা মাতা ।

জয় দেব জয় দেব ।

আপনা-প্রতি নিরখি না দেখি নিস্তার,

প্রভু না দেখি নিস্তার,

একমাত্র ভরসা হে, করুণা তোমার ।

জয় দেব জয় দেব ।

শত অপরাধী আমরা, পাপ ক্ষমা কর হে,

প্রভু পাপ ক্ষমা কর হে

তব প্রসাদ লাভে প্রভু, পাপ তাপ না রহে ।

জয় দেব জয় দেব ।

মিলিয়ে ভক্ত সমাজ, মাগি বরাভয় দান,

প্রভু মাগি বরাভয় দান ;

কৃপা করি হে কৃপাময়, দেও চরণে স্থান ।

জয় দেব জয় দেব ।

কি আর যাচিব আমরা, করি হে এ মিনতি,

প্রভু করি হে এ মিনতি ;

এ লোকে স্মৃতি দেও, পরলোকে স্মৃতি ।

জয় দেব জয় দেব ॥৫৭৩॥

বাঁশাজ মিশ্র—একতাল।

গাওরে আনন্দে সবে “জয় ব্রহ্ম জয়”

অনন্ত ব্রহ্মাণ্ড যাঁরে, গাইছে অনন্ত স্বরে,

গায় কোটা চন্দ্র তারা “জয় ব্রহ্ম জয় ।”

জয় সত্য সনাতন, জয় জগত-কারণ,

জ্ঞানময় বিশ্বাধার বিশ্বপতি জয় ।

অচ্যুত আনন্দধাম, প্রেমসিন্ধু প্রাণারাম,

জয় শিব সিদ্ধিদাতা মঙ্গল-আলয় ।

ভুবন বিজয়ী নামে, চলি যাব শান্তিধামে ;

“ব্রহ্ম-কৃপাহি কেবলম্” কি ভয় কি ভয় ?

হে প্রভু দীন-শরণ, পাপ-সস্তাপ-হরণ ;

অধম সন্তানে নাথ, দেহ পদাশ্রয় ॥৫৭৪॥

পঞ্চম অধ্যায় ।

বিবিধ ।

উৎসব সঙ্গীত ।

একবার জাগ জাগরে ভাই ভারত সন্ততি,
অজ্ঞানে আবৃত, মায়া শয্যাগত,
নিদ্রিত দশায় কত কর স্থিতি ।

(উঠ উঠরে ভাই)

মিছে কেন আর কল্প দীপজাল,
ভারত আঁধারে সত্য সূর্য্য উদয় হল,
বিহঙ্গের ধ্বনি, মৃদঙ্গের ধ্বনি,
গাও মঙ্গলালয়ের মঙ্গল আরতি ।

(উঠ উঠরে ভাই)

তত্ত্ব জ্ঞান সত্য দিবাকর করে,
মহা ঘোর মোহ অন্ধকার হরে,

ভুবন আকাশে মহিমা প্রকাশে,
দেখ পরমানন্দের আনন্দ মূরতি ।

(উঠ উঠরে ভাই)

(একান্ত বিশ্বাস) সলিল মন শঙ্খাধারে,
করি প্রক্ষালন, কর পবিত্র আত্মারে,
ভকতি (অকপট) চন্দনে মাথিয়ে যতনে,
কর পরম পিতার চরণে প্রণতি ।

(পদে অবস্থিতি) ॥৫৭৫॥

মলাব—ঝাঁপতাল ।

এস এস এস সবে, আজি এই মহোৎসবে,
গাওরে মঙ্গলগীত, গাওরে মধুর রবে ।
আজি বহু দিনের পরে, গাও সবে সমস্বরে,
জগদানন্দের যশঃ “জয় জগদীশ” রবে ।
যে আনন্দ সমাচার, বায়ু বহে অনিবার,
কল-কণ্ঠে বিহঙ্গম দেশে দেশে গায় রে ;
যাব সে আনন্দ-পুরে, পূর্ণানন্দ রূপ হেরে,
জগত করিব পূর্ণ আনন্দের কলরবে ।

বনের বিহঙ্গ প্রায়, ভাই ভগ্নী সমুদয়,
 আমরা অনেকস্থানে, সম্বৎসর রই হে ;
 আজি এই শুভক্ষণে, এক হৃদয় এক তানে,
 করি তাঁর নাম গান, এমন দিন আর হবে কবে ?
 কপটতা পরিহরি, আলস্য ঔদাস্য ছাড়ি,
 দূর করি বিষয়ের ভাবনা অসার হে ;
 আজি দেহ মন প্রাণ, ব্রহ্মে কর সমাধান,
 ব্রহ্মানন্দ সুধাপানে জীবন পবিত্র হবে ॥৫৭৬॥

ললিত—পঞ্চম সোয়ারী ।

(তুমি জ্যোতির জ্যোতি—স্বর)

আজি গাও গাও গাওরে, হৃদয় ভরিয়ে ;
 নব অনুরাগে সেই ভক্তিদাতা পরাৎপরে ।
 নব উৎসব মন্দিরে, সবে প্রেম ভক্তি ভরে,
 প্রীতি-অঞ্জলি দেও প্রিয়তম প্রাণেশ্বরে ।
 আজি মহা মহোৎসবে, আনন্দ হৃদয়ে সবে,
 যতনে ব্রহ্মপূজার কর আয়োজন ;

উর্দ্ধ দিকে হস্ত তুলি, গাও তাঁরে সবে মিলি,
জয় জগদীশ বলি, 'কর সদা জয়ধ্বনি ॥৫৭৮॥

ললিত—আড়াঠেকা ।

হল কি আনন্দ আজি অপরূপ দরশনে ।
একি শুভ সমাগম, পিতার পুণ্য-ভবনে !
মিলে যত ভগ্নী ভ্রাতা, যেন ফুল তরুলতা
সরলতা পবিত্রতা, খেলিছে চন্দ্র বদনে ।
ভাবেতে বিবশ প্রায়, এ উহার মুখে চায়,
আত্ম পর জ্ঞানহারা, ধারা হনয়নে ;
উঠেছে প্রেমলহরী, কি আনন্দ মরি মরি,
নাচিছে হৃদয় সবার, প্রাণে প্রাণ পরশনে ।
সম্মুখেতে শান্তিধাম, স্বর্গরাজ্য যার নাম,
তবে আর কেন ভুলি, সংসারের প্রলোভনে ;
ছাড়ি মোহ কোলাহল, চল সবে চল চল,
যার তরে এত আশা, সেই সুখ নিকেতনে ॥৫৭৯॥

ভৈরব—রাঁপতাল ।

অনুপম-মহিম পূর্ণব্রহ্ম কর ধ্যান,

নিরমল পবিত্র উষাকালে ।

ভানু নব তাঁর সেই প্রেম-মুখ ছায়া,

দেখ ঐ উদয়গিরি শুভ্র ভালে ।

মধু সমীরণ বহিছে এই যে শুভদিনে,

তাঁর গুণ গান করি অমৃত চালে ;

মিলিয়ে সবে যাই চল ভগবত-নিকেতনে,

প্রেম-উপহার লয়ে হৃদয়-থালে ॥৫৮০॥

ভৈরব—একতাল ।

সুখের প্রভাতে আজি হয়ে সবে একতান,

এস গো ভগিনীগণ করি বিভূ গুণগান ।

অলঙ্ঘ্য বিধানে তাঁর, খুলিয়ে পূর্ব দ্বার,

প্রকাশিল প্রভাকর কিরণ করিতে দান ;

হাসিছে সমগ্র দেশ, নাহিক আঁধারের লেশ,

নির্জীব জগৎ এবে ফিরিয়া পাইল প্রাণ ।

কাননে বিহগচর, কৃতজ্ঞ-হৃদয়ে গায়,

চরাচরে এক হয়ে ধরিয়াছে সমতান ;

শুন গো ভগিনী যত, আমরাও সেই মত,
 হৃদয়ের কৃতজ্ঞতা সবে তাঁরে করি দান ;
 বঙ্গ-ভাগ্য-প্রভাকর, হয়েছে নিকটতর,
 ব্রহ্মোৎসবে মগ্ন আজি বঙ্গবালাগণ ;
 শোক তাপ সব ভুলি, আজি গো পরাণ খুলি,
 সবে মিলি ডাকি তাঁরে জুড়াই তৃষিত মন ॥৫৮১॥

ভৈরব—ঝাঁপতাল ।

সকলেরে কাছে ডাকি, আনন্দ আনয়ে থাকি,
 অমৃত করিছ বিতরণ,
 পাইয়া অনন্ত প্রাণ, জগত গাহিছে গান,
 গগনে করিয়া বিচরণ ।
 সূর্য্য শূন্য পথে ধায়, বিশ্রাম সে নাহি চায়,
 সঙ্গে ধায় গ্রহ পরিজন ;
 লভিয়া অসীম বল, ছুটিছে নক্ষত্র দল,
 চারিদিকে চলেছে কিরণ ।
 পাইয়া অমৃতধারা, নব নব গ্রহ তারা,
 বিকশিয়া উঠে অনুক্ষণ ;

জাগে নব নব প্রাণ, চিরজীবনের গান,
পূরিতেছে অনন্ত গগন ।

পূর্ণ লোক লোকান্তর, প্রাণে মগ্ন চরাচর,
প্রাণের সাগরে সন্তরণ ;

জগতে যে দিকে চাই, বিনাশ বিরাম নাই,
অহরহ চলে যাত্রীগণ ।

মোরা সবে কীটবৎ, সম্মুখে অনন্ত পথ,
কি করিয়া করিব ভ্রমণ ?

অমৃতের কণা তব, পাথের দিয়েছ প্রভো,
ক্ষুদ্র প্রাণে অনন্ত জীবন ॥৫৮২॥

আশা ভৈরবী—ঠুংরি ।

মিটিল সব ক্ষুধা, তাঁহার প্রেম-সুধা,
চলরে ঘরে লয়ে যাই ।

সেথা কত লোক, পেয়েছে কত শোক,
ভূষিত আছে কত ভাই ।

ভাকরে তাঁর নামে, সবারে নিজ ধামে,
সকলে তাঁর গুণ গাই ;

হুঃখী কাতর জনে, রেখোরে রেখো মনে,
হৃদয়ে সবে দেহ ঠাঁই ।

সতত চাহি তাঁরে, ভোলরে আপনারে,
সবারে কররে আপন ;

শান্তি আহরণে, শান্তি বিতরণে,
জীবন কররে যাপন ;

এত যে সুখ আছে, কে তাহা গুনিয়াছে,
চলরে সবারে গুনাই—

বলরে ডেকে বল, “পিতার ঘরে চল,
হেথায় শোক তাপ নাই” ॥৫৮৩॥

বিভাস—ঝাঁপতাল ।

রজনী পোহাইল, চলেছে যাত্রীদল,
আকাশ পূরিল কলরবে ;
সবাই যেতেছে মহোৎসবে ।

কুসুম ফুটেছে বনে, গাহিছে পাখিগণে,
এমন প্রভাত কি আর হবে ?

নিদ্রা আর নাই চোখে, বিমল অরুণালোকে,
জাগিয়া উঠেছে আজি সবে ;

চলগো পিতার ঘরে, সারাবৎসরের তরে,
প্রসাদ অমৃত ভিক্ষা লবে ।

ওই হের তাঁর দ্বার, জগতের পরিবার,
হেথায় মিলিছে আজি সবে ;

ভাই বন্ধু সবে মিলি, করিতেছে কোলাকুলি,
মাতিয়াছে প্রেমের উৎসবে ।

যত চায় তত পায়, হৃদয় পূরিয়া যায়,
গৃহে ফিরে জয় জয় রবে ;

সবার মিটেছে সাধ, লভিয়াছে আশীর্বাদ,
সম্বৎসর আনন্দে কাটিবে ॥৫৮৪॥

বিভাস—আড়া ।

আজ কেন চারিদিক্ হেরি মধুসয় !

হেরি অপরূপ মাধুরী সুনীল গগনে,

হৃদয়ে অযুত চন্দ্রোদয় !

চন্দ্র বরষে আজ অমৃত কিরণ

ধীরে ধীরে কতই সুধা বহে সমীরণ,

প্রভুর শুভ আগমনে, হৃদয় কাননে,

ফুটেছে প্রীতির কুসুমচয় ॥৫৮৫॥

মিশ্র প্রভাতী—১৭ ।

আহা কি অপরূপ হেরি নয়নে ।

মিলে বন্ধুগণে,

প্রীতি-প্রফুল্ল হৃদয়ে, ভক্তি কমল লয়ে,

করেন অঞ্জলি দান বিভূ-চরণে ।

তরুণ ভানু কিরণে, প্রভাত-সমীরণে,

মেদিনী অনুরঞ্জিত নবজীবনে ;

প্রকৃতি মধুর স্বরে, ব্রহ্মনাম গান করে,

আনন্দে মগন হয়ে পিতার প্রেমে ।

উৎসবমন্দিরে আজ, বিশ্বপতি ধর্মরাজ,

করেন বিরাজ রাজসিংহাসনে ;

মরি কি সুন্দর শোভা, পুণ্যময়ের পুণ্যপ্রভা,

কৃতার্থ হইল প্রাণ দরশনে ।

স্নেহময়ী মাতা হয়ে, গুল কণ্ঠাগণে লয়ে,

বসেছেন আনন্দময়ী আনন্দ ধামে ;

নিমন্ত্রণ করি সবে, এনেছেন মহোৎসবে,

বিতরিতে প্রেম-অন্ন ক্ষুধিত জনে ॥৫৮৬॥

মিশ্র প্রভাতী—যৎ ।

(আহা কি অপরূপ—স্বর)

ডাক আজ সখারে মধুর স্বরে ।

প্রেমাঞ্জলি দাও তারে ভক্তিভরে ।

শোভিছে নবীন ভানু, নীল গগনে,

বিতরি জীবন জীবে, গাইছে তাঁরে ;

তুনি সুললিত তান, পিককুল করে গান,

মধুর বাক্যে প্রাণ মোহিত করে ।

মাতি মধুর উৎসবে, ভাই ভগ্নী মিলি সবে,

গাই রসাল দয়াল নাম আনন্দভরে ;

সাজাব চরণ তাঁর, দিয়ে দিব্য প্রীতি-হার,

ভক্তি চন্দনে চর্চিব যতন করে ॥৫৮৭॥

আলাইয়া—ধামাল ।

করে ওই ডাকিছে,

স্নেহের রব উঠিছে জগতে জগতে,

তোরা আয়, আয়, আয়, আয় ।

তাই আনন্দে বিহঙ্গ গান গাহে

কত ভকত ডাকিছে “নাথ যাচি,
দিবস রজনী তব সঙ্গ হে ।”
উঠে সজনে প্রান্তরে লোক লোকান্তরে,
যশোগাথা কত ছন্দে হে ।
ঐ ভবশরণ প্রভু অভয় পদ তব,
স্মর মানব মুনি বন্দে হে ॥৫৯০॥

পঞ্চমবাহার—ঝাঁপতাল ।

মিলে সব বকুগণে, সরল প্রফুল্ল মনে,
গাওরে আনন্দে আনন্দময়ে ।
আজি মহা মহোৎসবে, বল কে নীরব রবে,
নর নারী গাও সবে, প্রেম পূর্ণ হৃদয়ে ।
আজি শুভ সুপ্রভাতে, ডাকরে হৃদয়-নাথে,
ডাকরে করুণা-নিলয়ে ;
যিনি সর্বসিদ্ধিদাতা, বিশ্বপিতা বিশ্বমাতা,
জীবন কর সফল ডাকি জীবনাশ্রয়ে ।
শুভদিনে শুভক্ষণে, আজি শুভ সম্মিলনে,
শুভ-উৎসব-আলয়ে ;

নব নব বিকসিত, প্রেমচন্দন-চর্চিত,
ছাওরে চরণ তাঁর ভক্তিপুষ্পচয়ে ॥৫৯১॥

পঞ্চমবাহার—ঝাঁপতাল ।

(মিলে সব বন্ধুগণে—সুব)

হয়ে শুদ্ধ শান্ত মন, কর তাঁর নাম গান,
হৃদে বিরাজেন যিনি পুণ্যবসনে ।
সুর নর দেবগণ, বন্দে যার শ্রীচরণ,
প্রেম-অঞ্জলি দেও সেই বিশ্ববন্দনে ।
ভক্তিভরে আজ, কর তাঁর বন্দনা,
পূজরে প্রাণেশ্বরে,
তাঁর শুভ আবির্ভাবে, আজ বিকশিত হবে,
প্রেমের কুসুমচয় হৃদয়-উদ্যানে ।
তিনি পুণ্যের আলায়, পাপীর আশ্রয়,
অপার-করুণা-আধার ;
পৃথিবী স্বর্গের শোভা, নরনারী দেবপ্রভা,
ধরে তাঁর রূপাঙ্কণে, পূজরে যতনে ॥৫৯২॥

পঞ্চমবাহার—ধামাল ।

ভকত সমাজে আজি মহোৎসব,

গাও সবে সুমধুর তানে ।

হৃদি হৃদি বিকশিত কুসুমমঞ্জরী,

উপহব প্রেমনিধানে ।

নাভ কর রে চির-জীবন-সম্বল

ব্রহ্মরসামৃত-পানে ।

সন্তাপ-হরণ আনন্দ মুখ-ছবি,

মধু বরষে মম প্রাণে ॥৫৯৩॥

গৌবী—কাওয়ালি ।

আহা আজি পুলকে পূরিল দিক্ চারি ।

বরিছে নয়নে আনন্দ-ধারা,

একি অনুপম করুণা তোমারি ;

বরিষে সুধা আজি চন্দ্র তারা,

অনিল হিল্লোলে অমৃত-লহরী ।

ত্রিজগত-পাতা অখিল-বিধাতা,

পূজিব চরণ আজি তোমারি ॥৫৯৪॥

হৃদয়-ভূপালী—কাওয়ালি ।

এ কি এ সুন্দর শোভা, কি মুখ হেরি এ ?

আজি মোর ঘরে আইল হৃদয়-নাথ,

প্রেম-উৎস উথলিল আজি ।

বলহে প্রেমময় হৃদয়ের স্বামী,

কি ধন তোমারে দিব উপহার ?

হৃদয় প্রাণ লহ লহ তুমি, কি বলিব,

যাহা কিছু আছে মম,

সকলি লও হে নাথ ॥৫৯৫॥

দেশ—একতালা ।

আজি ও কে ছুঁলেরে আমার এ পাপ-পরাণে ।

(আজ) মধুর পরশে সুধার সরসে, হৃদয় ডুবালে ;

(আমার) হৃদয়-কাননে সুখের পবনে কে আজ বহালে,

(হায়রে) প্রেমের সলিলে ডুবায়ে গলালে কে

আজ পাষণে ।

সে পরশ পেয়ে, উঠিলু জাগিয়ে, মেলিলু নয়নে,

(আমার) কে যেন হৃদয়ে আজিকে পশিয়ে,

জাগায় সঘনে ।

তুমি কি জননী ছুঁইলেগো মোরে এই উৎসব দিনে,
(ওগো) নতুবা হৃদয়ে, আশার কুমুম ফুটিল কেমনে ।

লুকোচুরি করি একি তব খেলা

(ওগো) সস্তানের সনে ;

(মাগো) দাও খুলে দাও আঁখির বন্ধন

হেরিগো নয়নে ।

ছুঁয়েছ সবারে বুঝেছি আমরা (ওগো) লুকাবে কেমনে,

(হাঁগো) মায়ে কোন মতে পারে কি লুকাতে

ছলিয়ে সস্তানে ॥৫৯৬॥

সাহানা—ধামাল ।

আজি তাঁরে সবে আনন্দে ডাকরে ;

এমন মঙ্গল দিন আসিবে না ছরা করে,

তাঁর প্রেমনীরে করি সবে স্থান,

হৃদি—পদ্মাসনে দিয়ে তাঁরে স্থান,

প্রীতি-পুষ্পাঞ্জলি কর তাঁরে দান,

ভকতি চন্দনে চর্চিত করে ।

জীবন নৈবেদ্য তাঁর কাছে ধরি,
 বিনীত মানসে করঘোড় করি,
 “প্রসাদ-প্রপন্ন” হও রূপা করি,

চাহ এই বর সবে সকাতরে ।

অনুরাগ দীপ জ্বালিয়ে যতনে,
 দেখরে বিভূরে জ্ঞান-নয়নে,
 ঐক্য করি দেহ বাক্য আর মনে,

বাজাও জয় শঙ্খ সুমধুর স্বরে ॥৫৯৭॥

খাম্বাজ—সুরফাঁকতাল ।

আজি বিশ্বজন গাইছে মধুর স্বরে,
 সনাতন হৃৎখহরণ বিশ্বস্তুর অনন্তে আনন্দ-ভরে ।
 পূর্ণ গগন অনাদি নাদ আলাপ করে,
 গাইছে জলদল জলধির গভীরে,
 বিশ্বনাথ অমর-সেবিত, অনুপম জ্যোতিতে
 বিরাজে ॥৫৯৮॥

জয়জয়ন্তী—ঝাঁপতাল ।

(আহা আর কোথা যাব—সুর)

ভক্ত সমাজ আজি বন্দে তোমারে ।

আজি মহোৎসবে অনুরাগ-ভরে ।

তব প্রেম-প্রসবণ, খুলেছে স্বর্গেতে আজি,

ভূতলে প্রবাহিত সহস্র ধারে ।

মধুমর আজি বিশ্বভুবন,

মধুর প্রবাহ বহে সবার অন্তরে ;

পুণ্য আলোক তব হৃদে হৃদে আজি,

উজলি বিনাশে পাপ আঁধারে ॥৫৯৯॥

বসন্ত বাহার—টিমেতেতাল ।

কেমন করে তোমায় ছেড়ে থাকি আমি বল ;

তোমা হেন সখা কে আর, কে আর আছে বল বল ?

বহু দিন ভগ্ন ঘরে, বাস করেছি অনাহারে,

কৃপা করি যদি দেখা দিলে দয়াময় ;

চরণ ধরে সকাতরে বলি হে তোমার,

এবার যেন জন্মের মত নিবারি হে চক্ষের জল ।

কত দিন কতক্ষণে, ভাবিয়াছি সংগোপনে,
 শুভক্ষণে দরশনে জুড়াব জীবন ;
 অকিঞ্চনে কত দয়া দেখিব কেমন,
 পূরাইলে সকল আশা প্রদানিলে কত ফল ।
 উৎসবেতে পাপী সনে, বসিলে হে একাসনে ;
 দেখাইলে কত ব্যাপার নয়নে নয়নে ;
 প্রাণান্তে সে সব যেন কভু ভুলিনে,
 এবার যেন নববর্ষে সকল আশা হয় সফল ॥৬০০॥

—
 ঋষ্যাজ—একতালা ।

ওহে দয়াময়, মঙ্গল আশয়,
 সদয় হও দুর্বলে, করি নিবেদন,
 করেছি মনন, মিলে ভ্রাতৃগণ,
 পূজিব তোমার ঐ অভয় চরণ,
 বিষয় চিন্তা ছেড়ে পবিত্র অন্তরে,
 পূজিব আমরা একত্রে তোমারে,
 পরম্পরে শ্রদ্ধা ভক্তি শিখিবারে,
 নির্মাণ করেছি পবিত্র সদন ।

ভ্রাতৃভাবের অভাব যাবে আশা করে,
মিলিব আমরা এ গৃহের ভিতরে,
চাই বর তাই দাও দয়া করে,

যেন হয় এই গৃহ সেই শান্তি-নিকেতন।
শ্রদ্ধা ভক্তি যেন স্তম্ভ হয় ইহার,
ভ্রাতৃভাব হয় অবারিত দ্বার,
ধর্ম স্বয়ং যেন প্রহরী ইহার,
তোমার অসীম করুণা হয় আচ্ছাদন ॥৬০১॥

এস গো ভগ্নি সবে মিলি,
ডাকি আজি সেই প্রাণেশ্বরে ।
বাজিছে শুন আনন্দভেরী
ডাকিছেন পিতা আমাদেরে ।
লও প্রীতি পুষ্প করে করি,
দেও তাঁহার চরণ-তলে ।
যাঁহার অজস্র করুণা-বলে ;
কুসংস্কার-পাশ ছিড়িয়া সকলে ;

দেখিতেছি তাঁর রূপ-মাধুরী,

মূর্তিহীন হৃদয়-রঞ্জে ।

বাহার প্রসাদে এ সুখ সম্ভোগে,

অধিকারী মোরা হইয়াছি সবে,

দেও ঢালি হৃদে সে প্রেম-নীরে,

যাইবে নিশ্চিন্তে স্বর্গধামে ॥৬০২॥

❦ ঝিঁঝিট—একতারা ।

ধন্য ধন্য ধন্য আজি দিন আনন্দকারী ।

সবে মিলে তব সত্যধর্ম ভারতে প্রচারি ।

হৃদয়ে হৃদয়ে তোমারি ধাম,

দিশি দিশি তব পুণ্য নাম,

ভক্তজন সমাজ আজি স্তুতি করে তোমারি ।

নাহি চাহি ধন জন মান,

নাহি প্রভু অন্য় কাম,

প্রার্থনা করে তোমারে আকুল নরনারী ।

তব পদে প্রভু লইনু শরণ,

কি ভয় বিপদে কি ভয় মরণ,

অমৃতের খনি পাইনু যখন, জয় জয় তোমারি ॥৬০৩॥

ষিঁঝিট—একতালা ।

জয় জয় জগদীশ জয় হে তোমারি,
করুণা তব অপার, তুমি বিঘ্নহারী ।

বালক বালিকা আমরা আজ,

ডাকিহে তোমারে বিশ্বরাজ,

তোমার করুণা, তোমার মহিমা,

মোরা কি বুঝিতে পারি ?

তোমারি করুণা হ'য়ে সহায়,

বিপদ আঁধারে দিল উপায়,

পাইয়া চেতন, জ্ঞানের নয়ন

খুলিল ভারত নারী ।

নর-নারী জাগে এ ভারতময়,

তোমারি কুপার হতেছে জয়,

সত্যের আলোকে, সুখে ভাসে লোকে,

হৃদয় গায় ভরি ।

জয়ধ্বনি মোরা করিহে তাই,

ভাই বোনে মিলে তাই তো গাই,

জয় হে তোমার কুপার আধার,

জয় হে তোমারি ॥৬০৪॥

চর্নাটী খাম্বাজ—ফেব্তা ।

আজি শুভ দিনে, পিতার ভবনে,
অমৃত সদনে চল যাই,
চল চল চল যাই ।

না জানি সেথা, কত সুখ মিলিবে,
আনন্দের নিকেতনে,
চল চল চল ভাই ।

মহোৎসবে ত্রিভুবন মাতিল,
কি আনন্দ উথলিল ;
চল চল চল ভাই ।

দেবলোকে উঠিয়াছে জয় গান,
গাও সবে একতান ;
বল সবে জয় জয় ॥৬০৫॥

বেহাগ—আড়া ।

গৃহে ফিরে যেতে মন চাহে না যে আর ।
ইচ্ছা হয় ঐ চরণতলে পড়ে থাকি অনিবার ।

কোথায় শুনিব আর, এমন মধুর নাম ;
 কোথায় পাইব আর, এমন আনন্দ ধাম
 সংসারের প্রলোভন, স্বরণ হইলে প্রাণ,
 ভয়েতে আকুল নাথ হয় যে আবার ;
 রাখ ক্রীতদাস করে, একেবারে এ পাপীরে,
 নিয়ত ব্রহ্ম উৎসব কর হৃদয়ে আমার ।
 এনেছিলে সমাদবে, সবে নিমন্ত্রণ করে,
 অপার আনন্দ শান্তি করিলে বিস্তার ;
 বরষিলে অবিশ্রান্ত, পবিত্র চরণামৃত,
 পাইল জীবন কত সন্তান তোমার ॥৬০৬॥

বেহাগ—আড়া ।

আশীর্বাদ কর বিভূ, আজি সঙ্কটের তরে ;
 মিলি যেন সবে হেথা পুন এক বর্ষ পরে ।
 ছুঃখিনী কন্যারা সবে, তোমার এ সুখোৎসবে,
 একত্রিত হয়েছিলু তব পবিত্র মন্দিরে ।
 দয়াময় তুমি পিতা, শুনায়ে যুক্তির কথা,
 নির্বিশেষে সত্য রত্ন নিতে সব নারীনরে ;

ঘুচালে দুর্গতি কত, দেখালে ত্রাণের পথ,
 করি পিতঃ প্রণিপাত, তাই কৃতজ্ঞ অন্তরে ।
 এখনি বিনীত ভাবে, প্রার্থনা করিহে সবে
 হৃদ্দিনেতে নব বল দিও মোদের অন্তরে ;
 আগত ভগিনীগণে, যেন হে স্নেহ-বন্ধনে,
 আজি হতে পরম্পরে বন্ধ হই চিরতরে ।
 ঘোরতর অত্যাচারে, অজ্ঞানতা অন্ধকারে,
 আজও বন্ধ কত নারী অবরোধ-কারাগারে ;
 আজি তাঁহাদের তরে, ভাসিয়া নয়নাসারে,
 চাই ভিক্ষা, তুমি কৃপাকর তাদের উপরে ।
 আগামী বৎসরে যেন, পুন সব ভগ্নীগণ,
 দ্বিগুণ উৎসাহে মিলি, আসিহে তোমার দ্বারে ;
 দূর কর রোগ শোক, ভারত পবিত্র হোক,
 তব ধর্ম প্রচারিত হোক ঘরা ঘরে ঘরে ॥৬০৭॥

শঙ্করা—আড়াঠেকা ।

আজি আমাদের মহোৎসব,
 আজি আনন্দের সীমা কি ?

সব সুহৃদে মিলে ডাকি সখারে,
আজ আনন্দের সীমা কি ॥৬০৮॥

শঙ্করাভরণ—চৌতাল ।

আনন্দধারা প্রবাহে কিবা আজি !
হৃদাকাশ মাঝে শত চন্দ্রমা বিরাজে ।
দেখরে হৃদে অনুপম ভাব সুন্দর মধুময়,
একদৃষ্টে আত্মার পানে মাতা হয়ে অবনত,
আছেন প্রেমভাবে তাকা'য়ে, শূন্য পূর্ণ আজি ॥৬০৯॥

বিভাস—একতাল ।

বালক । ভগিনী সকলে, আজ প্রাণ খুলে,
ভাই বোনে মিলে এস সবে গাই ।
বালিকা । হৃদয়ে হৃদয়ে, এসরে মিলায়ে,
ভাই বোনে গেয়ে সবারে মাতাই ।
বালক । অনেক আশা বোন, করি মনে মনে,
পিতা মাতা মোদের পালেন যতনে ।

বালিকা । সেই ভালবাসা, সেই মনের আশা,
পূর্ণ যেন হয় এই মাত্র চাই ।

বালক । বড় ভাগ্যে বোন, অতি শুভক্ষণে,
জন্মিয়াছি মোরা এই বঙ্গভূমে ।

বালিকা । সেই ভাগ্য মত, যেন রে নিয়ত,
জ্ঞান ধর্ম পেয়ে সুখী হতে পাই ।

বালক । দেখ সত্য জ্যোতি, দেখরে নয়নে,
ভারত আকাশ উজলে কিরণে ।

বালিকা । এল সত্যালোক, গেল দুঃখ শোক,
এ সুখের ভাই তুলনা যে নাই ।

বালক । নারীর বন্ধন, ঘুচে এত দিনে,
আর অশ্রুধারা রবে না নয়নে ।

বালিকা । যাঁহার রূপায়, পেয়েছি উপায়,
এসহে তাঁহারি জয়ধ্বনি গাই ॥৬১০॥

মল্লার—একতালা ।

(কাতরে তোমায় ডাকি দয়াময় সুর)

বালক । শুন ভগিনী, সুখের কাহিনী,

ভারত রজনী প্রভাত হ'ল ।

বালিকা । চল ভাই সবে, আনন্দ রবে,

সুখের সংগীত গাই হে চল ।

বালক । অজ্ঞান আঁধার, ঘুচিল এবার,

শুন সমাচার শুনলো কাণে ;

বালিকা । ভাই কি শুনালে, নিদ্রা ভাঙ্গালে,

আনন্দ দিলে বড় হে প্রাণে !

বালক । সাধে কি ডাকি মোরা একাকী,

কেমনে কাজে যাইব বল ?

বালিকা । হ'রে সঙ্গিনী, যতেক ভগিনী,

যাইব মোরা নির্ভয়ে চল ।

বালক । ভাই বোনে মিলে, সবে খাটিলে,

ঈশ্বর কৃপায় সুদিন আসিবে ;

বালিকা । করুন হে ঈশ্বর, আশুক সত্বর,

দেখিয়া নয়ন জুড়াই হে সবে ।

বালক । ভগিনী থাকিতে, কেন জগতে,

একাকী ব'লে করিব ক্রন্দন ;

বালিকা । ভাই কেঁদ না, দুঃখ করো না,

আর রব না ঘুমে অচেতন ।

বালক । বাড়িল বেলা, করো না হেলা,

উঠ ভারতের যতেক নন্দিনী ;

বালিকা । এই যে উঠেছি, চক্ষু খুলেছি,

ভা'য়ের পাশে এল ভগিনী ।

বালক । চলরে এখন, হ'য়ে এক মন,

ডাকিব গিয়ে লোকের দ্বারে ;

বালিকা । বল্ব ঘুমায়ে, অলস হ'য়ে,

থেকনা সবে এই প্রকারে ।

বালক । দেশের স্ৰজন, আছ যত জন,

জাগো গো জাগো, বলি ডাকিয়ে ।

বালিকা । ভারত নারী, নয়ন বারি,

ফেলিছে ঘরে দেখ চাহিয়ে ।

বালক । কোথা হে ঈশ্বর, কৃপার সাগর,

ভাই ভগ্নীদের এই প্রার্থনা ;

বালিকা । করুণা কর, দুর্গতি হর,

ঘুচাও নারীর দুঃখ যাতনা ॥৬১১॥

(“সকাতরে ঐ”—গানের সুর)

বালক । বরষ পরে পিতার ঘরে

মিলিনু সকলে,

বালিকা । চল সবে ভাই, সবে মিলে গাই

জয় পিতা ব'লে ।

বালক । সুখের দিনে, দেখ গো প্রাণে,

কতই বাসনা,

বালিকা । কত সাধ মনে, পিতার চরণে,

করিব অর্চনা ।

বালক । শিশু যে অতি, অল্প মতি,

কি জানি আমরা,

বালিকা । তবু যাহা পারি প্রাণপণ করি,

চল করি ছুরা ।

বালক । দুঃখী লোকে, কব ডেকে,

পিতার বারতা,

বালিকা । কব, “আঁখি মেল, দেখ দ্বারে এল,
জগতের পিতা ।”

বালক । ভাই বোনেতে, তাঁর কাজেতে,
কত সুখে রব,

বালিকা । কত সুখে রব, কত কিছু পাব,
সকলে দেখাব ।

বালক । শিশুর কথা, শুনেন পিতা,
কি তাঁর করুণা,

বালিকা । মোরা তাঁরে ছেড়ে, পাপ লোভে প’ড়ে
কোথাও যাব না ।

(সমস্বরে)

শুন গো পিতা, তোমার হেথা,

রাখ গো মোদেরে ;

কভু তোমা ছেড়ে, নাহি যাব দূরে,

সেবিব তোমারে ।

না বুঝি কভু, দোষী প্রভু, হলে ও চরণে ;

ক্ষমো দয়া করে, বুঝা’য়ো স্নেহভরে, মধুর বচনে ।

কি গুণ আছে, তোমার কাছে, পারি যাইবারে,
তুমি দয়া করে, নিলে যাব ত'রে,

প্রণমি তোমারে ॥৬১২॥

আলাইয়া—৫৭ ।

(আমি এমন করে কত দিন আর কাটা'ব বল—সুর)

আজ গাওরে আনন্দে ভাই হৃদয় খুলে,

আনন্দ উৎসব আজি কর সকলে ।

সকলের পিতা যিনি, (ওভাই) দেখরে এখানে তিনি,

জনক জননী হ'য়ে রেখেছেন কোলে ।

এত স্নেহ ভালবাসা, এত সুখ শান্তি আশা,

পেয়েছি সকলে তাঁর করুণা-বলে ।

যতনে হৃদয় ভ'রে, (ওভাই) প্রেম পুষ্প উপহারে,

ছাইরে সকলে তাঁর চরণ তলে ॥৬১৩॥

সোহিনী বাহার—কাওয়ালি ।

আজি কি হরষ-সমীর বহে প্রাণে ; (একি)

প্রেম-কুসুম ফুটে হৃদি-কাননে ।

ভগবত মঙ্গল কিরণে,
 উজল জগত শত বরণে ;
 নাথ নাথ বলি, প্রাণ মন খুলি,
 গায় সবে একতানে,
 পূরে দিশি দিশি আনন্দ গানে ॥৬১৪॥

মধ্যাহ্নোৎসব ।

কাঞ্চি সিন্ধু—আড়াঠেকা ।

মধ্যাহ্নে কি মহোৎসব হতেছে ধরায় ।
 দেখ জ্ঞান-আঁখি মেলি নর নারী সমুদায় ।
 খুলি সদাব্রত-দ্বার, দিতেছেন বিশ্বাধার,
 ধর্মজ্ঞান অন্নপান, সকলি সবায ।
 ব্যাকুলিত যোগীজন, বিষয়ী বিদ্যার্থীগণ,
 লভিয়ে বাঞ্ছিত ধন, তাঁরি যশো গায় ।
 অধ্যাপক বিদ্যালয়ে, আচার্য্য-প্রশান্ত হ'য়ে,
 প্রচারে ধর্মমন্দিরে, তাঁর মহিমায় ।
 কৃষি শিল্পী নানা যত্নে, আনিয়ে বিবিধ রত্নে,

দেখাইছে পণা-শালে, তাঁহার কুপায় ।
বন উপবন সবে, ধ্বনিত আনন্দ রবে,
মধুময় জল-স্থল, আনন্দ-ধারায় ।
কেহ নিরানন্দ নহে, যথা তথা যেবা রহে,
আনন্দে আনন্দ-ধামে, ডাকিছে তাঁহার ॥৬১৫॥

নব বর্ষ ।

ভৈরবী—মধ্যমান ।

মন সাধে আজি নাথ পূজিব তব চরণে ।
শুভ নব বর্ষারম্ভে, মিলে সব বন্ধুগণে ।
সম্বৎসর কাছে ছিলে, কত সুখ শান্তি দিলে,
হুঃখ অশ্রু মুছাইলে নিরুপম কৃপাগুণে ।
“জীবন-প্রবাহ হায়, কাল সিন্ধু পানে ধায়”
তব পদ তরী বিনা অকূলে বাঁচি কেমনে ।
দূর হবে চিন্তা ভয়, দূর হবে পাপচয়,
এস নাথ শুভ দিনে হুঃখীর হৃদয়াসনে ॥৬১৬॥

ভূপালী—কাওয়ালি ।

সবে নবীন-প্রেম-বসন পরিয়ে ;
 প্রণমিহ দেব দেব মহারাজ-রাজ আজি,
 পরম ভক্তিয়োগে তাঁর গুণ গাইয়ে ।
 নব সূর্য্য নব চন্দ্র তারা আজি,
 নব তরু পল্লব নব ভাবে সাজি,
 গাইছে নব প্রেমাকরে রে ।
 গাও গাও সবে গাও আজি নব হৃদয়ে,
 প্রাণ-মোহনচরিত প্রাণ ভরিয়ে ॥৬১৭॥

মল্লার—আড়াঠেকা ।

(কেন হে বিলম্ব আর—সুর)

বহিছে জীবন-স্রোত কাল-স্রোতে নিরন্তর ।
 কিন্তু কোথা যাইতেছ ভেবে দেখ একবার ।
 দেখ হে গণনা করে, আসিয়াছ কত দূরে,
 এক স্থানে আছ কিম্বা হইতেছ অগ্রসর ।
 ক্রমে দেহ হল জীর্ণ, বল বুদ্ধি অবসন্ন,
 নিকটে শেষের দিন অতি ভয়ঙ্কর ;

এই ত বৎসর গেল করিলে কি সম্বল
 এক্ষেপে বিদায় বল দিবে কত সম্বৎসর ?
 নববর্ষ সমাগমে, উঠ হে নব উদ্যমে,
 প্রমত্ত হৃদয়ে সদা কর বৈরাগ্য-সাধনঃ;
 হইবে পুণ্যসঞ্চয়, থাকিবে না কাল-ভয়
 ব্রহ্মবরে চিরকাল হ'য়ে রহিবে অমর ॥৬১৮॥

বর্ষ শেষ ।

বাগেশী—আড়াঠেকা ।

অনন্ত কাল-সাগরে সম্বৎসর হল লীন ।
 নববর্ষ সমাগত করিতে জীবে শাসন ।
 থাক হে প্রস্তুত হয়ে, পথের সম্বল লয়ে,
 কখন ত্যজিতে হবে, এ ভব-পান্থ ভবন ।
 মাস ঋতু সম্বৎসর, জরা মৃত্যুর অধিকার,
 নাহিক যথায়, চল তথায় করি গমন ;
 মিলিয়ে অনন্ত যোগে, ভজ নিত্য অনুরাগে.
 কাল-ভয়-নিবারণে হৃদি মাঝে অনুক্ষণ ॥৬১৯॥

মন্দির-প্রতিষ্ঠা ।

ললিত—আড়াঠেকা ।

ভ্রাতা ভগ্নী সবে মিলি চল যাই পিতার ভবনে ।

সুপ্রভাত হ'ল আজ শুভ দিনে শুভক্ষণে ।

ঐ দেখ দয়াময়, যিনি সবার আশ্রয়,

করিছেন আশীর্বাদ সব পুত্র কন্যাগণে ।

প্রবেশিয়ে নব গৃহে, নব অনুরাগোৎসাহে,

নবভাবে কর্ব আজি মহিমা কীর্তন ;

ক'রে ব্রহ্ম জয়ধ্বনি, কাঁপায় গগন মেদিনী,

এস সব ভাই ভগিনী, পড়িগে তাঁর শ্রীচরণে ।

প্রেমময় পিতা আজি, এসেছেন মহোৎসবে,

বিতরিতে প্রেমামৃত ক্ষুধিত মানব সবে ;

ক্ষুধিত আছ যে যেখানে, এস আজ আনন্দ মনে

পূর্ণ হবে মনের আশা প্রেমময়ের দরশনে ॥৬২০॥

মল্লার—আড়াঠেকা ।

এস এস এস আজি শুভ দিনে শুভক্ষণে ।

সত্যের প্রতিষ্ঠা করি, মিলে ভ্রাতা ভগ্নীগণে,

আর কি বিলম্ব নয়, হেরিতে সে পুণ্যালয়,
 পূজিব যেখানে সবে, নিত্য সত্য সনাতনে ?
 হইবে সত্যের জয়, ইথে কি আছে সংশয়,
 তবে আর কেন ভয়, চাহি আপনার পানে ;
 পশুতে লজ্বয় গিরি, এই মহাবাক্য স্মরি,
 সাহসে নির্ভর করি, এস সবে প্রাণপণে ।
 শীঘ্র কর আয়োজন, সঁপি দেহ প্রাণ মন,
 বিদ্যা বুদ্ধি জ্ঞান ধন, শুভ সঙ্কল্প সাধনে ;
 পরব্রহ্ম নাম স্মরি, বিশ্বাস পত্তন করি,
 পবিত্র ব্রহ্মমন্দির উঠাও হে উঠাও গগনে ।
 ঐ পুণ্য-নিকেতনে, দেখিব প্রেম-নয়নে,
 সংসারে স্বর্গের শোভা, বড় আশা আছে মনে ;
 এস তবে এস ভাই, বিলম্বতে কাষ নাই,
 শুভ আশীর্বাদ চাই, দীননাথের শ্রীচরণে ॥৬২১॥

জাতীয় সঙ্গীত ।

ভৈরবী—কাওয়ালি ।

চেয়ে দেখে দীনবন্ধু ভারত-রমণী-পানে ;
 কে দেখে তাদের দশা দীননাথ তোমা বিনে ?
 অজ্ঞান আঁধারে তারা, হয়ে আছে পথহারা,
 হইয়ে গো শান্তিহারা ভ্রমিছে ভব-কাননে ।
 কোমল কুসুম সম, প্রাণের ভগিনী মম,
 অবরোধ-কারা-মাঝে, বিধাদে কাটে জীবন ;
 সমাজ-চরণ তলে, তাদেরে সতত দলে,
 রাখহে রাখহে প্রভু হুঃখিনী রমণীগণে ।
 বিধবা-নয়নাসার, ঝরিতেছে অনিবার,
 ভাসা'য়ে ভারত-হৃদি, দেখিয়ে বাঁচি কেমনে,
 তোমা বিনে কে গো বল, মুছাইয়ে আঁখিজল,
 উদ্ধারিবে হুঃখিনীরে, যুড়াবে তাপিত প্রাণে ॥৬২২॥

মিশ্র—ঝাঁপতাল ।

হাতে লয়ে দীপ অগণন

চরাচর কার সিংহাসন

মীরবে করিছে প্রদক্ষিণ ?
 চারিদিকে কোটী কোটী লোক
 লয়ে নিজ সুখ দুঃখ শোক
 চরণে চাহিয়া চিরদিন ।
 সূর্য্য তাঁরে কহে অনিবার
 “সুখপানে চাহ একবার
 ধরণীরে আলো দিব আমি ।”
 চন্দ্র কহিতেছে গান গেয়ে
 “হাস প্রভু মোর পানে চেয়ে
 জ্যোৎস্না সুধা বিতরিব, স্বামি !”
 মেঘ গাহে চরণে তাঁহার
 “দেহ প্রভু করুণা তোমার,
 ছায়া দিব, দিব বৃষ্টি জল !”
 বসন্ত গাহিছে অনুক্ষণ
 “কহ তুমি আশ্বাস বচন
 শুষ্ক শাখে দিব ফুল ফল !”
 কল্পযোড়ে কহে নরনারী
 “হৃদয়ে দেহ গো প্রেম-বারি,

জগতে বিলাব ভালবাসা ।”
 “পূরাও পূরাও মনস্কাম”—
 কাহারে ডাকিছে অবিশ্রাম
 জগতের ভাষাহীন ভাষা ॥৬২৩ ॥

পাহাড়ী—আড়াঠেকা ।

(কি আর জানাব নাথ—স্বর)

জগত জীবন তুমি অনাথ-শরণ ।
 কবে নরনারী সবে পূজিবে তব চরণ
 চারিদিকে হাহাকার, পাপ তাপ অনিবার,
 ভারত সন্তান কাঁদে হয়ে পরাধীন ।
 ধর্ম বল দাও অন্তরে, জেগে উঠুক নারী নরে,
 জয় ব্রহ্ম ব'লে সবে, হইবে স্বাধীন ॥৬২৪॥

মলিত—আড়া ।

কাল রাত্রি পোহাইল উদিল সুখ-তপন ;
 আর কি ভারত যুবা থাকে ঘুমে অচেতন ?

এত শোক যার ঘরে, সে কি গো ঘুমাতে পারে,
 তার কি উচিত হয়, থাকে হ'য়ে অচেতন ?
 অধীনতা কারাগারে, অজ্ঞানতা অন্ধকারে,
 কোটী কোটী নারী নরে উঠে কর দরশন ।
 কারার বন্দিনী প্রায়, বৃথা দিন চলি যায়,
 রহিল পশ্চাতে পড়ি ভারত ললনা ;
 বিধবার হাহাকারে, প্রাণ ফাটে ঘরে ঘরে,
 রমণীর নেত্রাসারে ভাসিছে বিধুবদন ;
 যুবক যুবতী যত, পাশ-বন্ধ পাখী মত,
 দারিদ্র্য দুর্দশা ক্লেশ কত যে করে বহন ;
 বহু পরিবার লয়ে, অর্থাভাবে ম্লান হয়ে,
 অশেষ যন্ত্রণা সয়ে বিষাদে কাটে জীবন ।
 এই সব মহা পাপে, এই সব মনস্তাপে,
 পড়েছ কি অভিশাপে, আছ হয়ে অচেতন ?
 করোনাক অবহেলা, নাহি ঘুমাবার বেলা,
 বিধাতা ডাকিছে দ্বারে, উঠ হে মেলি নয়ন

আর্যদের প্রিয় ভূমি, সাধের ভারত ভূমি,
অবসন্ন আছে অচেতন হে ;
একবার দয়া করি, তোল করে ধরি,
হৃদশা আঁধার তার কর মোচন ।
কোটি কোটি নরনারী, ফেলিছে নয়নবারি,
অন্তর্যামি জানিছ সে সব হে ;
তাই প্রাণ কাঁদে, ক্ষম অপরাধে,
অসাড় শরীরে পুন দেও হে চেতন ।
কত জাতি ছিল হীন, অচেতন পরাধীন,
কৃপা করি আনিলে সুদিন হে ;
সেই কৃপা গুণে, দেখি শুভক্ষণে,
সাধের ভারতে পুন আন হে জীবন ॥৬২৭॥

প্রেম-পরিবার ।

আলাইয়া—একতাল।

(এবার সেই ভাবে—সুর)

পিতা এই কিহে সেই শান্তি-নিকেতন ;
যার তরে, আশা করে,
আমরা করি এত আয়োজন ?

দেখে যার পূর্বাভাস, মনেতে বাড়ে উল্লাস,
 বাক্যেতে না হয় প্রকাশ, বিচিত্র শোভন ;
 নর নারী সবে মিলে, ভাসে প্রেম-অশ্রুজলে,
 ডাকে তোমায় পিতা বলে, আনন্দে হয়ে মগন ।
 তব পুত্র কণ্ঠাগণে, পবিত্র ভাবে যেখানে,
 প্রেম-পরিবারের সুখ করে আশ্বাদন ;
 সেই ত স্বর্গের শোভা, ভক্ত-জন-মনোলোভা,
 ভূমণ্ডল মাঝে যাহা, দেখে নাই কেহ কখন ॥৬২৮॥

স্বামী স্ত্রীর প্রার্থনা ।

দেশমল্লার—বাঁপতাল ।

(হে গুরু কল্পতরু—স্বর)

প্রভু যেন কভু সংসারে মজিয়ে তোমায় ভুলিনে ।
 চিরদিন সঙ্গী হয়ে থেক জীবনে ।
 তব দয়া কি বলিব, কিরূপে উপমা দিব,
 দেখালে যে কত রূপা বাঁধি দুজনে ।
 শুভ ইচ্ছা সাধিবারে, বাঁধিলে হে এ প্রকারে,
 চিরদিন বেঁধে রাখ এই বন্ধনে ।

প্রণয়ে প্রাণ জুড়াবে, সুখ-ইচ্ছা দূরে যাবে,
আপনা পাসরি সুখী হব সেবনে ।
তব দাস দাসী হব, সাধু কাষে সদা রব,
উভয়েরি এই ভিক্ষা তব চরণে ॥৬২৯॥

অন্তিম কাল ।

বিভাস—একতালা ।

ওহে দয়্যাসিকু, চরমকালের বন্ধু,
দেখা দাও একবার অন্তিমকালে ।
এ ঘোর শ্মশানে, নাথ তোমা বিনে,
কে দিবে অভয় লয়ে নিজ কোলে ।
বিষম ব্যাধিতে হল দেহ ক্ষয়,
যন্ত্রণায় কাতর, জীবন সংশয়,
ভয়ে প্রাণ কাঁপে, দহে মনস্তাপে,
(দেখা দাও হে) ডাকি কাতরে, পড়ে ভবনদীর কূলে ।
করিয়াছি কত অপরাধ ঐ পদে,
মত্ত হয়ে পাপ অহঙ্কার মদে,

এখন আর উপায়, নাহি দয়াময় (ক্ষমা কর হে)
লয়ে যাও সঙ্গে হাতে ধরে পরকালে ॥৬৩০॥

আলাইয়া—একতাল।

সেই দিনে হে আমায়, দীনবন্ধু,
দিও ঐ অভয় চরণ ।

সেই বিপদ সময়, দেখো দয়াময়,

যেন অন্ধকার না দেখে নয়ন ।

কি জানি কখন, আসিবে শমন,

আগে নিবেদন করে রাখিলাম ।

যেন দেখে ও চরণ, হয় বিসর্জন,

এ মহাপাপীর জ্বলন্ত জীবন ॥৬৩১॥

১৮ কীর্তনভাঙ্গা সুর—একতাল।

দয়াময়, একবার এ সময়ে,

দাঁড়াও হে দেখি নয়নে ।

আমার ভবের খেলা, সকলি ফুরাল,

এখন স্থান দাও প্রভু তব চরণে ।

দেখে পাপের তরঙ্গ, বাড়িছে আতঙ্ক,
 তাই ভয় পেয়ে প্রভু ডাকি সঘনে ;
 আমায় দাও হে চরণ-তরী, ও ভবকাণ্ডারী,
 নতুবা হে ডুবি এ পাপ-তুফানে ॥৬৩২॥

বালক বালিকার সঙ্গীত ।

ললিত—পঞ্চমসোয়ারি ।

(তুমি জ্যোতির জ্যোতি—স্বর)

আয় আয় ভাই সবে মিলে যাই ।
 পিতার চরণতলে, আমরাও লুটাই ।
 বালক বালিকা বলে, থাকিব না তাঁরে ভুলে,
 আমাদের ক্ষীণ স্বরে ডাকিব তাঁহায় ।
 প্রাতঃ সূর্য্য প্রকাশিল, আনন্দে জগৎ মাতিল,
 বিহঙ্গ কুল উড়িল গাইতে বিভূর জয় ।
 আমরাও পিতা বলে, ডাকি আজি কুতূহলে,
 স্মৃতি দাও সকলে কৃপা করে কৃপাময় ॥৬৩৩॥

ভৈরব—ঠুংরি ।

(জয় ভবকারণ—সুর)

ভাই ভগিনী মিলে, যাব সারি সারি চলে,
 তব সিংহাসন তলে হে । (আজি)
 যাব সবে হাত ধরে, গাইব আনন্দ ভরে,
 দয়াময় তব গুণ গান হে ।
 জানি না হে কেমনে, পূজিব ও চরণে,
 কৃপা করে স্মৃতি দাও হে ।
 পিতা মাতা গুরুজন, করেন কত যতন,
 আমাদের মঙ্গল তরে হে ।
 তাঁদের প্রাণে যেন, ব্যথা না দি কখন,
 কুপথ আশ্রয় করে হে ।
 যত দিন বেঁচে রব, সাধু কায়ে মিলিব,
 তোমার চরণতলে হে ॥৬৩৪॥

বাঁরোয়া—ঠুংরি ।

চল যাই ভাই ভগিনী মিলে ;—

আনন্দময়ী জননীর প্রেমানন্দ কোলে ।

যবে পদ পিছালিয়ে, যাই হে ভূমে পড়িয়ে,
তখন জননী বিনে কে করে হে কোলে ?
অবোধ সন্তান বলে, সব অপরাধ ভুলে,
নিবেন করুণাময়ী, স্নেহ-কোলে তুলে ।
ক্ষুদ্র হৃদি উপহার, চরণে লয়ে মাতার,
তাঁহারি আশীষ ভিক্ষা মাগি হে সকলে ॥৬৩৫॥

ঝাঁঝিট—একতালা ।

ডাকি হে দীননাথ তোমারে, (ডাকিহে)
আজ করযোড়ে (নাথ)
ভাই বোনে মোরা মিলিয়ে সকলে,
এসেছি মা তব শ্রীচরণ তলে,
প্রসন্ন নয়নে সন্তানের পানে,
চাহ গো জননী কিরে ।
অগম্য অপার তুমি হে দেব,
ক্ষুদ্র শিশু মোরা কি বুঝিব তব ?
জনক জননী রূপে প্রেম মণি,
পালিছ তুমি সবারে ।

সত্য প্রেম পুণ্য ভূষণ দিয়ে,
 মলিন সন্তানে দাও মা সাজায়ে
 করুণা-ভিখারী সন্ততি তোমারি,
 দাঁড়ায়ে তব দুয়ারে ॥৬৩৬॥

ঝিঁ ঝিট—একতারা ।

(ধন্য ধন্য ধন্য আজি—স্বর)

জয় জয় জগদীশ জগতের আদি কারণ ।
 তোমার রূপার বলে, হে পিতা সংসার চলে,
 তোমারি স্নেহের কোলে, আছে বিশ্ব ভুবন ;
 তোমারি রূপা বিধানে, অমৃত জননী-স্তনে,
 মায়ের কোমল প্রাণে দিলে স্নেহ রতন ।
 তব রূপা অবতরি, পিতার হৃদয়োপরি,
 যতন আকার ধরি, করিতেছে পালন ।
 ভাই ভগিনী কর যুড়ি, বিনয়ে প্রার্থনা করি,
 সতত স্মৃতি করি রেখহে চিরদিন ।
 তব দাস দাসী হব, সাধু কাজে সদা রব,
 তোমার পথে চলিব এই মনে আকিঞ্চন ॥৬৩৭॥

জয়জয়ন্তী—ঝাঁপতাল ।

ছোট ছোট শিশু গুলি, অল্প মতি অল্প জ্ঞান,
সকলের বড় তুমি অনন্ত ভূমা মহান্ ।
তব শ্রীচরণ তলে, এসেছি সকলে মিলে,
দুরবল আমাদের করগো অভয় দান ।
যাহার চরণ ছায়ে, এ বিশ্ব রহে নির্ভয়ে,
এই ধরা যাঁর কাছে ধূলি রেণুর সমান,
সেই তুমি মাতা হয়ে, স্নেহ হস্ত প্রসারিয়ে,
সতত রয়েছ কাছে বিপদে করিছ ত্রাণ ॥৬৩৮॥

জন্মোৎসব ।

আলাইয়া—৫৭ ।

(সাধে তোমায় দয়াময়—স্বর)

আজ মনের সাধে প্রাণ ভরে ডাক্ব দয়াময় !
যেন জনম দিনের ফল জীবনেতে রয় ।
যেন কুভাব না মনে আনি, কুকথা না কানে শুনি,
মন্দ বালক যথা যাবনা তথায় ।

পিতা মাতা গুরু জন, করেন কত যতন,
 তাঁদের চরণে যেন ভক্তি সদা রয় ।

তুমি ভাল বাস বলে, ভাল বাসেন সকলে,
 আমি যেন শিখি ভালবাসিতে তোমায় ॥৬৩৯॥

আলাইয়া—আড়াঠেকা ।

প্রভু এলেম কোথায় !
 কখন বরষ গেল, জীবন ব'হে গেল,
 কখন কি যে হল জানিনে হয় !
 আসিলাম কোথা হতে, যেতেছি কোন্ পথে ;
 ভাসি যে কাল-স্রোতে তূণের প্রায় !
 মরণ-সাগর পানে, চলেছি প্রতিক্ষণে,
 তবুও দিবা নিশি, মোহেতে অচেতন !
 এ জীবন অবহেলে, আঁধারে ছিনু ফেলে ;
 কত কি গেল চলে, কত কি যায় !
 শোকে তাপে জর জর অসহ যাতনায়,
 শুকায় গেছে প্রেম, হৃদয় মরু প্রায় ;

কাঁদিয়া হলেম সারা, হয়েছি দিশেহারা,
কোথা গো কুব-তারা, কোথা গো হায় ॥৬৪০॥

দেশ—একতালা ।

(দিবানিশি কে জাগে রে—সুর)

ডাক হৃদি খুলিয়ে ও সে হৃদয় সখারে !

(এমন) চির সুহৃদ, অনাথ-নাথ,

কে আর আছে রে,

(সদাই) হৃদয় কুটারে, প্রাণের ভিতরে,

বসতি করে রে ;

(আজি) প্রীতি-প্রস্নে, ভক্তি চন্দনে,

তাঁরে পূজ রে ।

যাঁর প্রেম তরে, জননী-জঠরে,

নির্ঝরে ছিলি রে ;

(আবার) যাঁর স্নেহ গুণে, জননীর স্তনে,

পীযুষ পিলি রে ।

ছঃখ ভাবনা রোগ যাতনা, যে জন নাশে রে ;

(আবার) নিরাশ হৃদয়ে, আশা সঞ্চারিয়ে,
 পরাণ মোহে রে ;
 শোক পাপ তাপে, বিরহ সন্তাপে,
 শান্তি যে দাতা রে ,
 (এমন) চিরন্তন ধনে, এ জনম দিনে,
 ভুলে কি রবি রে ॥৬৪১॥

টোড়ি—একতারা ।

পিতা তুমি আছ কোথা ?
 সারা বরষের পরে জানাতে এসেছি ব্যথা ।
 কত মোহ কত পাপ, কত শোক কত তাপ,
 কত যে সহেছি আমি, তোমারে কব সে কথা ।
 যে শুভ্র জীবন তুমি মোরে দিয়াছিলে সখা
 দেখ আজি কত তাহে পড়েছে কলঙ্ক-রেখা ।
 এনেছি তোমারি কাছে, দাও তাহা দাও মুছে
 নয়নে ঝরিছে বারি, সভয়ে এসেছি পিতা ।

দেব দেব চেয়ে দেখ, হৃদয়েতে নাহি বল,
সংসারের বায়ু বেগে করিতেছে টল মল ;
লও হে হৃদয় তুলে, রাখ তব পদ-মূলে,
সারাটি জীবন যেন নির্ভয়ে রহিগো সেথা ॥৬৪২॥

খাম্বাজ জংলা—একতালা ।

পরাণ সাঁপিনু, তোমারি চরণে,
কর হে আশীষ হৃদয়-সখা ।

জীবনে মরণে, সজনে বিজনে,
নিশি দিন প্রাণে দিও হে দেখা ।
জনম অবধি তোমার করুণা,
কত যে লভিনু না হয় তুলনা ;
সুখে দুঃখে যেন কভু তা ভুলি না,
থাকে যেন হৃদে নিয়ত আঁকা ।
সকাতরে নাথ, এ জনম দিনে,
করি হে মিনতি তোমার চরণে ;—
দাও হে ভক্তি প্রীতি মোর প্রাণে,
জীবন্ত বিশ্বাস, হে দীন-সখা ॥৬৪৩॥

অনুষ্ঠান-সঙ্গীত ।

জাতকর্ম ও নামকরণ ।

ললিত—আড়া ।

হে দয়াময় তব তুলনা কি মিলে !

সৃজিলে শিশুরে তুমি বসিয়া বিরলে ?

গর্ভে শিশু ছিল যখন, করিলে তারে পালন,

সঙ্কীর্ণ জরায়ু মাঝে নির্বিঘ্নে রাখিলে,

হে মাতঃ বিশ্ব জননী, প্রসবকালে ধাত্রী তুমি,

পাতিয়ে কোমল কোল শিশুরে লইলে ।

করিতে তারে পালন, কত তব আকিঞ্চন,

পিতা মাতার মনে তুমি স্নেহরস দিলে ;

আজীবন তুমি পাতা, তুমি ধর্ম-পথে নেতা,

এ সব করুণা মোরা রহিব কি ভুলে ॥৬৪৪॥

খট ভৈরবী—একতারা ।

তোমার অপার কৃপা জীবের প্রতি ।

অপার কৃপা-গুণে মানব সন্তানে,

পালিছ যতনে ওহে জগৎ পতি !
 জননী জঠরে না হতে সঞ্চার,
 তুমি হে ভাবনা ভাবিলে আমার,
 মাতার হৃদয়ে সুধার ভাণ্ডার,
 মাতৃ প্রাণে দিলে প্রেমের শক্তি ।
 কোমল শৈশবে প্রহরী হইয়ে,
 অবোধ সন্তানে রাখিলে নির্ভয়ে,
 বয়োবৃদ্ধি সনে খুলিলে নয়নে,
 দেখালে সন্তানে তব স্নেহ-জ্যোতি ।
 তুমি দিলে স্নেহ সকলের প্রাণে,
 যার গুণে মোরা বাড়ি দিনে দিনে,
 করিহে প্রার্থনা আজ ও চরণে,
 তব পদে প্রভু থাকে যেন মতি ॥৬৪৫॥

ললিত—আড়া ।

ওহে প্রভু দয়াময় তোমার কৃপায় ।
 রক্ষিত হইল শিশু-জরায়ু-শয্যায় ।

তব পদে বারবার, করি আজ নমস্কার
 অর্পণ করিছু বিহু, এ শিশু তোমায় ।

প্রভাত কুসুম সম, নিরমল নিরুপম,
 মেহের কলিকা এই সরল হৃদয় ;
 এই ভিক্ষা আমি তাই, মাগি আজি তব ঠাই,
 স্মৃতি করহ এরে, হইয়া সদয় ॥৬৪৬॥

পরজ বাহার—কাওয়ালি ।

কি বলিয়ে ডাকিব তোমায় বল তাই ।
 পিতা হয়ে পালিতেছ,
 কখন জননীরূপে দেখিবারে পাই ।
 অসহায় শিশু যবে জননীর কোলে,
 আধ আধ মা মা বলে স্তন করে পান,
 আমি তখনি তাহার মূলে নিরখি তোমায়,
 অমনি মা বলে ডাকি কেহ না শিখায় ।
 শুধু জীবের জীবন বাঁচাবারি তরে,
 ঢেকেছ বসুধা-দেহ কত উপচারে ;
 তোমার এমন পালন-রীতি হেরি হে যখন,
 ইচ্ছা হয় পিতা বলি সন্মোখি তোমায় ॥৬৪৭॥

পরজ--একতালা ।

শিশুর সুন্দর পবিত্র আননে

বিকশিত প্রফুল্ল কুসুমেরে,

তোমার মধুর রূপের কিরণ

পড়িয়াছে তাই এতই সুন্দর ।

দম্পতির মধুর প্রেমে, জননীর অপত্য-স্নেহে,

তোমার মধুর প্রেমের প্রবাহ

ভাসাইয়া বিশ্বে বহে নিরন্তর ।

কতই ভাবেতে ও হে প্রেমময়

প্রকাশিত সদা আছ বিশ্বময়

অন্ধ মোরা তাই দেখিতে না পাই

এমন প্রেমের লীলা তোমার ॥৬৪৮॥

খাম্বাজ জংলা—ঠংরি ।

(লক্ষ্মী ঠংরি)

আহা কি সুন্দর শোভা তরুণ জীবনে !

বাল-ইন্দু সম বৃদ্ধি পায় দিনে দিনে ।

নবীন কোরক সম,

যে বদন নিরুপম,

বিকাশিবে ক্রমে তাহা অভূত ভূষণে ।

এ চাকু রূপের ভরা, যে মহা শিল্পীর গড়া,
বাথানি নৈপুণ্য তাঁর, মিলে না তুলনে ।

সাজিয়েছ নাথ যারে, বাল্যরূপে কৃপা করে,
সাজা'য়ো হৃদয় তার এমনি যতনে ।

এ রূপের অনুরূপ, সুন্দর প্রকৃতি হোক,
অক্ষত শরীরে রেখো পবিত্র জীবনে ॥৬৪৯॥

বেহাগ—আড়া ।

এ গৃহ-উদ্যানে নাথ, পুন তোমারি নিদেশে,
ফুটিল নব কুমুম, সুনব-রঞ্জিত বেশে,

আজ যে শয্যায় শোয়া, সম্বল ক্রন্দন "ওঁয়া"
চলিবে বলিবে ক্রমে তোমারই শুভ আশীষে ।

এ কোমল কলেবর, হবে পুষ্ট দৃঢ়তর,
কত আশা কত চিন্তা কালে উদিবে মানসে ।

পৌরুষ-প্রধান ধীর, ধর্ম-যুদ্ধে করো বীর,
দেশের কল্যাণে প্রাণ যেন উৎসর্গে হরষে ।

অশান্তির অশ্রুজল, এ কোমল গণ্ডস্থল,
ভাষায় না যেন আর, পূর্ণ করো অভিলাষে ॥৬৫০॥

খাষাজ—পোস্তা ।

অধরে ফুটেছে হাসি, হাসি নয়নের কোণে ;

ভরেছে মধুর হাসি সমগ্র বদনে ।

ওরে শিশু হাস হাস, বল রে মধুর ভাষ

মা—মা, বা—বা, আধ আধ বচনে ।

কি অমৃত এই হাসে, দগ্ধপ্রাণে ফিরে এসে;

স্নেহে আগুলে কোলে একটী চুষনে ।

কার না যুড়ায় প্রাণ, তুমিতে অমৃত দান,

কে শিখাল এই ব্রত সুকুমার শিশুগণে ।

ওরে শিশু বল বল, কে শিখাল এ কৌশল

বাধিস্ উদাস প্রাণ স্নেহ-বন্ধনে কেমনে ?

হাস শিশু ছলে ছলে, মায়ের পবিত্র কোলে,

এমন নির্ভয় স্থান আর পাবি না ভুবনে ।

মাতৃ-অঙ্কে যার স্থান, সে না আর হাসিবে কেন,

এ সৌভাগ্য থাকে যেন, তব অনন্ত জীবনে ।

ঈশ্বরে করিয়া ভর, কৰ্ম্মক্ষেত্রে অগ্রসর

হয়ো, শুভ পথে থেকো রত দেশের কল্যাণে ॥৬৫১॥

কীর্তন ।

দীন দয়াল ও করুণা-সাগর এমন কেবা আছে ?

তুমি মনোবাঞ্ছা-কল্পতরু, এমন কেবা আছে !

শিশু যুমাতে হে হৃদয়-বিহারী,

তুমি আপনি কর চৌকীদারী ।

(দিবা নিশি জেগে থাক হে) (চৈতন্যরূপে)

প্রভু না হতে ভূমিষ্ঠ দেহ,

তুমি দিয়েছ অপত্য-স্নেহ । (পিতা মাতার মনে)

শিশুর কোমল দেহ পোষণের জন্তে,

দুগ্ধ দিয়েছ জননীর স্তনে ।

(কণ্ঠ শুকাবে বলে হে—শিশুর কোমল কণ্ঠ) ॥৬৫২॥

উদ্বাহ-সঙ্গীত ।

বাঁরোয়া—ঠুংরি ।

(কর সদা দয়াময়—স্বর)

আজ কি আনন্দ অপার, ভাসিছে মনে সবার,

আশীষ কর হে মাতঃ নবদম্পতি তোমার ।

মঙ্গলের উৎস তুমি, করুণার প্রস্রবণ,
সিদ্ধিদাতা মুক্তি-দাতা, তুমি হে সবার ।
ডাকি তোমায় করযোড়ে, সবাক্কেবে সমস্বরে,
দেও নাথ পদছায়া প্রসাদ তোমার ॥৬৫৩॥

বঁারোয়া—ঠুংরি ।

আজ মনে আনন্দ অপার ।
আনন্দে আনন্দময়ে ডাক একবার ।
আজি ভাই ভগ্নী মিলি, ডাকি সবে প্রাণ খুলি,
মনের হরষে পূজি চরণ তাঁহার ।
পবিত্র প্রীতি-বন্ধনে, বাঁধিয়ে আজ দুজনে,
কর হে করুণানিধি, করুণা বিস্তার ॥৬৫৪॥

জয়জয়ন্তী—চোতাল ।

এস, এস প্রেমময় ! প্রেমের উৎসবে আজ,
বিরাজো হে রাজ-রাজ, নব প্রাণ কর দান ।
তোমার অসীম প্রেমে জগত বিকাশি উঠে,
চাহিয়া তোমার পানে চির ভ্রাম্যমান্ !

প্রেমের নিয়মে বাঁধা বিশ্ব তব, বিশ্ব-প্রাণ,
 সীমা শূন্য দেশে কালে উঠে তব প্রেমগান ;
 প্রেমের জগতে দেব, এ দুটী জীবন নব,
 প্রেমেতে মিলিয়ে আজ তোমাপানে আশ্রয়ান ॥৬৫৫॥

মূলতান—কাওয়ালি ।

(আজি) জীবন তীরে আশা সমীরে,
 বহিছে ধীরে সুখ-গান ।

কোমুদী-ভূষিত মধুর নিশীথ,
 পূরিত পুলকে পরাণ ।

সময়-নীরে ভাসিল গভীরে,
 নূতন তরনী-যুগল,

বিবেক হালে উর্মি মালে,
 দাপিয়া সাহসে সবল ।

করুণা-বাতে তুলি দিল মাথে
 প্রেম-বাদাম শোভন !

জয় ভবকারণ ! জাগিল কেতন,
 পূরিল মঙ্গল-বিধান ॥৬৫৬॥

ঝাঁঝিট—ঠুংরি।

আজি এ শুভদিনে সব বান্ধবে,
ডাকি হে প্রাণ খুলে সে দেব-দেবে ।
আশার কুমুম আজি দেখ হে ফুটিল ;
প্রণয়ে প্রণয়-ধারা আসিয়া মিশিল ।
লই হে আজি বরি প্রণয়ী হুজনে,
শুভ পরিণয় পাশে বাঁধি হে যতনে ;
যাচি সবে মিলি প্রসাদ তাঁহারি,
বিরচে প্রেম-লীলা করুণা য়াহারি ॥৬৫৭॥

খাম্বাজ—একতাল।

জগতের পুরোহিত তুমি,
তোমার এ জগৎ মাঝারে,
এক চায় একেরে পাইতে,
হুই চায় এক হইবারে ।
ফুলে ফুলে করে কোলাকুলি,
গলাগলি অরুণে উষায়,
মেঘ দেখে মেঘ ছুটে আসে,
তারিটি তারার পানে চায় ।

পূর্ণ হল তোমার নিবম,

প্রভু হে তোমাবি হল জয়,

তোমার রূপায় এক হল,

আজি এই যুগল হৃদয় ;

যে হাতে তুমি নিবাই বেঁধে,

শশধরে ধবাব প্রণয়ে,

সেই হাতে বাঁধিয়াছ তুমি,

এ দুটি হৃদয়ে হৃদয়ে ।

জগত গাহিছে জয় জয়,

উঠেছে হরষ কোলাহল,

প্রেমের বাতাস বহিতেছে,

ছুটিতেছে প্রেম পরিমল ;

পাখীরা গাও গো গান,

কহ বায়ু চবাচরময়,

মহেশের প্রেমের জগতে;

প্রেমের হইল আজি জয় ॥৬৫৮॥

খাম্বাজ জংলা—ঠুংরি ।
(লক্ষ্মী ঠুংরি)

প্রণয়-শৃঙ্খলে প্রভু বাঁধিয়ে ছুজনে,
তব দাস দাসী করে রেখছে চরণে !
যতনে প্রণয়ে, পুষিয়ে হৃদয়ে,
আজি যে ঢালিছে প্রভু জীবনে জীবনে
হে নাথ তোমারি, রচনা রূপারি,
বিরচিছ প্রেমলীলা তুমি ত ভুবনে ;
তোমারি বিধানে, পরাণে পরাণে,
বাঁধিল মিশিল আজি মোহিয়ে নয়নে ।
দাঁড়িয়ে ছুয়ারে, ডাকি হে তোমারে,
এখনি ফেলিবে পদ সংসার-ভবনে ;
প্রভু রূপা করি, আশীষ বিতরি,
দাওহে অভয়দাতা অভয় ছুজনে ॥৬৫৯॥

খাম্বাজ জংলা—ঠুংরি ।
(লক্ষ্মী ঠুংরি)

প্রভু মঙ্গল শান্তি সুধাময় হে,
ভব-সেতু মহা মহিমালয় হে ।

জয় বিঘ্নবিনাশন পাবন হে ;
 জয় পূর্ণ পবিত্র কৃপাঘন হে ;
 জয় পুণ্য-নিধে গুণসাগর হে ;
 আজি এ দুজনে করুণা কর হে ॥৬৬॥

ধানী মূলতানী—কাওয়ালি ।

কিবা সুখ রজনী, সব সাধ পূরিল,
 সুখ-নীরে ভাসে মন ;
 সবে মিলি গাও, মঙ্গল সংগীত,
 মিলে প্রণয়ী দুজন ।
 সুধাকর সনে, হাসে যথা যামিনী,
 বিকাশি কুসুম-দশন ;
 ফুল ফুল সম, প্রণয়ী হৃদয়,
 হাসে, হইলে মিলন ।
 এই প্রণয় যেন, থাকে চিরদিন,
 নব জাত কুসুম মতন ;
 প্রণয় নিদর্শন, কুসুমেরি দামে,
 করযুগ কর বন্ধন ।

পিতা দয়াময়, হইয়ে সদয়,
শুভাশীষ কর দান ।

পবিত্র প্রণয়-বলে, সদা যেন ধায়,
তব পদে দৌহার মন ॥৬৬১॥

জয়জয়ন্তী—ঝাঁপতাল ।

তুমি হে প্রেমের রবি আলো করি চরাচর ।
যত কর বিতরণ অক্ষয় তোমার কর ।
ছুজনের আঁখি পরে, তুমি থাক আলো করে,
তা হ'লে আঁধারে আর বল হে কিসের ডর ?
তোমাতে হারায় যদি, ছুজনে হারাবে দৌহে,
ছুজনে কাঁদিলে বসি অন্ধ হয়ে ঘন-মোহে ?
এমনি আঁধার হবে, পাশাপাশি বসে রবে,
তবুও দৌহার মুখ চিনিবে না পরস্পর ।
দেখো প্রভু চিরদিন, আঁখি পরে থেক জেগে,
তোমাতে চাকে না যেন সংসারের ঘনমেঘে,
তোমারি আলোকে বসি, উজল আনন-শশী,
উভয়ে উভয়ে হেরে পুলকিত কলেবর ॥৬৬২॥

জয়জয়ন্তী—ঝাপতাল ।

(আহা আর কোথা যাব—সুর)

আজি এ সন্তান দুটী মিলিছে তোমার ,
শিখাও প্রেমের শিক্ষা খোল হে ছয়ার ।

যে প্রেম সুখেতে প্রভু, পঙ্কিল না হয় কভু,

যে প্রেম দুখেতে ধরে মঙ্গল আকার ।

যে প্রেম সমান ভাবে রবে চিরদিন,

নিমেষে নিমেষে যাহা হইবে নবীন ;

যে প্রেমের শুভ হাসি, প্রভাত কিরণরাশি,

যে প্রেমের অশ্রুজল শিশির উবার ।

যে প্রেমের পথ গেছে অমৃত-সদনে,

সে প্রেম দেখায়ে দাও পথিক ছুজনে ;

যদি কভু শ্রান্ত হয়, কোলে নিও দয়াময়,

যদি কভু পথ ভোলে দেখাইও আবার ॥৬৬৩॥

মল্লার—আড়া ।

(কেন হে বিলম্ব আর—সুর)

পবিত্র প্রেম-বন্ধনে বাঁধ হে আজি ছুজনে ।

হৃদয়ে হৃদয়ে প্রাণে প্রাণে জীবনে ।

উভয়ের প্রেম-নদী বহে যেন নিরবধি,
 স্মৃতে অনন্তকাল তব প্রেমসিন্ধু পানে ।
 তুমি সিদ্ধিদাতা পিতা, মঙ্গলময় বিধাতা,
 শুভ কৰ্ম সম্পাদন কর আশীর্বাদ দানে ।
 এই নব দম্পতিরে, রাখ দাস দাসী ক'রে,
 চির জীবনের মত তোমার চরণে ॥৬৬৪॥

১৯ সাহানা—ঝাঁপতাল ।

দুই হৃদয়ের নদী একত্র মিলিল যদি,
 বল দেব, কার পানে, আগ্রহে ছুটিয়া যায় ।
 সম্মুখে রয়েছ তার, তুমি প্রেম-পারাবার,
 তোমারি অনন্তহৃদে ছুটিতে মিলিতে চায় ।
 সেই এক আশা করি দুই জনে মিলিয়াছে,
 সেই এক লক্ষ্য ধরি দুই জনে চলিয়াছে ;
 পথে বাধা শত শত, পাষণ পৰ্ব্বত কত
 দুই বলে এক হয়ে, ভাঙ্গিয়া ফেলিবে তায় ।
 অবশেষে জীবনের মহাযাত্রা ফুরাইলে,
 তোমারি স্নেহের কোলে যেন গো আশ্রয় মিলে ;

ছটি হৃদয়ের সুখ, ছটি হৃদয়ের দুখ,
ছটি হৃদয়ের আশা, মিশায় তোমার পায় ॥৬৬৫॥

সাহানা—৫৭ ।

শুভ দিনে শুভক্ষণে, পৃথিবী আনন্দ মনে,
ছটী হৃদয়ের ফুল উপহার দিল আজ ।
ওই চরণের কাছে, দেখ গো পড়িয়া আছে,
তোমার দক্ষিণ হস্তে তুলে লও রাজ-রাজ ।
এক সূত্র দিয়ে দেব, গেঁথে রাখ এক সাথে,
টুটে না ছিঁড়ে না যেন, থাকে যেন ওই হাতে ;
তোমার শিশির দিয়ে, রাখ তাকে বাঁচাইয়ে,
কি জানি শুকায় পাছে, সংসার-রৌদ্রের মাঝে ॥৬৬৬॥

ঝাঁঝিট—আড়াঠেকা ।

প্রেমময় আজি তুমি বাঁধিলে যতনে,
হৃদয় কুসুম ছটি বিবাহ-বন্ধনে ।
যেন চির দিন তরে, এক সঙ্গে শোভা করে,
না বিচ্ছিন্নে যেন প্রতীপ-পবনে ।

সংসার-সন্তাপে কভু না শুকায় যেন প্রভু,
 তব পদে ফুটে থাকে, কৃপা-বারি সিঞ্চনে ।
 দেখে স্মৃথী হব সবে, স্মৃসৌরভ ব্যাপ্ত রবে,
 কভু নাহি ক্ষুণ্ণ হবে, পাপ-কীট-দংশনে ।
 যেন চিরদিন তরে, প্রেম মধু সঞ্চারে,
 প্রেমময় কৃপাসিক্ত, তোমারই কৃপা-গুণে ॥৬৬৭॥

বেহাগ—আড়া।

নিরখি তোমার পানে, তোমার সন্তান হুজনে,
 প্রবেশে সংসারে আজি, দেখ নাথ কৃপা-নয়নে ।
 যথা নীর বিন্দু-দ্বয়, পুষ্প দলে এক হয়,
 তেমতি হে প্রেমময়, মিলাও হুই হৃদয়-মনে ।
 যে প্রেমে নাথ নিরন্তর, বিমোহিত নারীনর,
 বাঁধিয়াছ চরাচর যে প্রেম-বন্ধনে ;
 আজ প্রভু ভাল করে, চিরজীবনের তরে,
 সে পবিত্র প্রেম-ডোরে, বেঁধে দাও প্রাণে প্রাণে ।
 ভীষণ ভব-কাননে, পূর্ণ বিঘ্ন প্রলোভনে,
 বল নাথ কেমনে, পশিবে হুজনে ;

দেখো প্রভু দেখো দেখো, মাতা হয়ে কাছে থেকে,
নয়নে নয়নে রেখো, সদা সর্বদা যতনে ।

পাপের মোহিনী মায়ায়, পথ যদি ভুলে যায়,
কৃপা ক'রে করে ধরি, ফিরাইও সেই ক্ষণে ;
বিষম সন্তাপানল, অন্তরে হলে প্রবল,
মুছাইও আঁখি-জল, নিরুপম কৃপাশুণে ॥৬৬৮॥

ঝাঁঝিট—একতালা ।

(ধনু ধনু ধনু আজি—সুর)

মঙ্গল আনন্দধ্বনি করলো পুরনারী ;
সুখ-আশা পূর্ণ হলো কৃপায় তাঁহারি ।

জীবনে জীবনে মিলিল আজ,
মিশিয়ে ধরিল মোহন সাজ,
মোহিল নয়ন জুড়াল হৃদয়,

সে শোভা নেহারি ।

মিলায়ে কণ্ঠ ধরলো তান,
প্রাণের হরষে করলো গান,

জাগাও ধ্বনি যতেক রমণী,

আজি হৃদয় ভরি ॥৬৬৯॥

শ্রদ্ধা ও মৃত ব্যক্তির আত্মার জন্য প্রার্থনা ।

ললিত—আড়াঠেকা ।

রজনী প্রভাত হ'ল জাগিল জীব সকল ।

এ ঘরে আর জাগিবে না সেই মুখ নিরমল ।

বিষম বিষাদ-ভারে, শূণ্য দেখি এ সংসারে,

সম্পদ ঐশ্বর্য সুখ সকলি লাগে বিফল ।

বিহঙ্গিনী শিশু লয়ে, যুমায় নিজ কুলায়ে,

ছুরন্ত নিষাদ যেন ধরিল তাহায় ।

আজি এই পরিবার, কাঁদিতেছে সে প্রকার,

সন্তানের বক্ষে আজি বহিতেছে অশ্রুজল ।

তুমি জগৎ পতি, জীবনে মরণে গতি,

দেখা দেও কৃপা করে, শান্ত কর শোকানল ॥৬৭০॥

ভৈরব—ঠুংরি ।

জয় করুণাময়, দীন জন-আশ্রয়,
আমরা আগত তব দ্বারে ।

রজনী টুটিল, কুমুম ফুটিল,
জগত ভাসিল প্রেমে ;

জাগিল ত্রিভুবন, নগর প্রান্তর বন,
পূরিল সুস্বর-ধারে ।

সুখের প্রভাতে, যুড়ি যুগহাতে,
কত ঘরে ডাকিতেছে, জগপূরবাসী ;
শোকে মলিন মন, অশ্রুতে ছনয়ন
ভাসিছে, দেখ এই ঘরে ।

তোমার কৃপা-গুণে, দুর্লভ মাতৃধনে,
পেয়েছিলু সংসারে ;

তোমারি ইচ্ছা হলো, জননী পালাল
ঘেরিল জীবন আঁধারে ।

দেখ দেব জগপতি, অগতির তুমি গতি,
আশ্বাস শান্তি বিধানে ;

মাতৃহীনের মাতা হয়ে, চির দিন সঙ্গে রয়ে
তার হে ভব-দুস্তরে ॥৬৭১॥

ললিত—আড়াঠেকা ।

চলিয়াছি গৃহ-পানে, খেলা ধূলা অবসান ।
ডেকে লও, ডেকে লও, বড় শ্রান্ত মন প্রাণ ।
ধূলায় মলিন বাস, আঁধারে পেয়েছি ত্রাস,
মিটাতে প্রাণের তৃষা বিষাদ করেছি পান ।
খেলিতে সংসারের খেলা, কাতরে কেঁদেছি হায়,
হারায় আশার ধনে, অশ্রুবারি ব'হে যায়,
ধূলা ঘর গড়ি যত, ভেঙ্গে ভেঙ্গে পড়ে তত,
চলেছি নিরাশ মনে সান্ত্বনা কর গো দান ॥৬৭২॥

যোগিঞা—মধ্যমান ।

দরশন দেও হে দীন হীনে !
সোণার সংসার, হইল আঁধার,
হৃদয় দহিল শোকাগুনে

শোক-পারাবার ছুস্তর অপার,
হে নাথ উদ্ধার কৃপাশুণে ॥৬৭৩॥

পুরবী—আড়া ।

(দিবা অবসান হল—সুর)

পুন আসিলাম বিভো তোমার চরণে সবে,
তোমা বিনে কে আর গতি এই ঘোর শোকার্ণবে ?
শোকে তাপে জ্বর জ্বর, বিষাদে বিরস অন্তর,
তোমা বিনা হে ঈশ্বর, কে আর ব্যথা জুড়াবে ?
তোমারি চরণতলে, তোমারি শীতল কোলে,
ইহকালে পরকালে, আশ্রিত রয়েছি সবে ।
মাতৃহীন পরিবারে, স্নেহ আশীর্বাদ ক'রে,
সান্ত্বনা আশ্বাস দানে, সুশীতল কর তবে ।
তবে অশ্রু মুছে দেও, প্রাণের প্রার্থনা লও,
সম্পদে বিপদে সদা সঙ্গী থাক এই ভাবে ॥৬৭৪॥

জয়জয়ন্তী—রাঁপতাল ।

শোক সস্তাপ-নাশন, চির মঙ্গল-নিদান ;
আজি তাঁরি পদে কর মন সমর্পণ ।
ঘুচিবে শোক-যাতনা পাইবে প্রাণে সাধুনা,
হৃদয়-জ্বালা জুড়াইবে পেলে তাঁর দরশন ।
ইহ পরলোকে যিনি, করুণাময়ী জননী,
প্রেম-ক্রোড় প্রসারিয়ে করিছেন আবাহন ;
শোকী তাপী যে যেখানে, পড় তাঁর শ্রীচরণে,
শান্তিজলে শোক তাপ হবে সব নিবারণ ॥৬৭৫॥

ঝাঁঝিট খান্ধাজ—একতাল ।

কেন তোমায় ভুলি দয়াময় ;
তুমি বট হে পাপী তাপী সাধু সবার
অনন্ত জীবনাশ্রয় ।

গর্ভ হ'তে যেমন ধরায়, ধরা হ'তে পুনরায়,
লয়ে স্নেহে রাখ সবার, এতে কি আছে সংশয় ।
এখন যেমন অতুল যতন, মরণ অন্তেও তেমন
পরকালে স্নেহ-কোলে রহে তব সমুদয় ॥৬৭৬॥

টোড়ি—ঝাঁপতাল ।

দুখ দিয়েছ, দিয়েছ ক্ষতি নাই,
 কেন গো একেলা ফেলে রাখ ?
 ডেকে নিলে ছিল যারা কাছে,
 তুমি তবে কাছে কাছে থাক ।
 প্রাণ কারো সাড়া নাহি পায়,
 রবি শশী দেখা নাহি যায়,
 এপথে চলে যে অসহায়
 তারে তুমি ডাক, প্রভু, ডাক ।
 সংসারের আলো নিভাইলে,
 বিষাদের অঁধার ঘনায়,
 দেখাও তোমার বাতায়নে
 চির আলো জ্বলিছে কোথায় ।
 শুষ্ক নির্ঝরের ধারে রই,
 পিপাসিত প্রাণ কাঁদে ওই,
 অসীম প্রেমের উৎস কই,
 আমারে তৃষিত রেখো না'ক ।
 কে আমার আত্মীয় স্বজন

আজ আসে, কাল চলে যায়,
চরাচর ঘুরিছে কেবল,
জগতের বিশ্রাম কোথায় ;
সবাই আপনা নিয়ে রয়,
কে কাহারে দিবে গো আশ্রয়,
সংসারের নিরাশ্রয় জনে
তোমার স্নেহেতে, নাথ, ঢাক ॥৬৭৭॥

পাহাড়ী—জলদ তেতাল।

কত যে করুণা দীন মানবে প্রভু,
ভুলিতে পারি না নাথ, ভুলিতে কি পারি কভু ?
স্বজিয়ে যবে আত্মারে, পাঠাও এ মহী মাঝারে,
কত যত্নে রাখ তারে, শৈশবে বাঁচায় হে ;
দিয়ে বুদ্ধি জ্ঞান বল, স্বাধীনতা সম্বল,
খেলাও ভবের খেলা, ওহে দয়াল বিভু ।
ভব-লীলা হলে শেষ, ওহে ভক্ত-হৃদয়েশ
প্রসারি স্নেহের কর, লও হে অমৃত-কোলে ;
যাচি আজি ভিক্ষা এই, ও উদার সদাব্রতে,
স্থান দেও দীন আত্মাকে ও শীতল চরণে প্রভু ॥৬৭৮॥

বেহাগ—আড়াঠেকা ।

(শান্তি কোথা আছে আর—সুর)

(আমরা) শোকেতে মলিন ।

কাঁদিতেছি তব দ্বারে হয়ে মাতৃহীন ।

ধনে জনে পূর্ণ করে, দিয়েছিলে এ সংসারে,

অকালে বিষাদ রাহু গ্রাসিল সে দিন ।

এত সুখ ফুরাইল, সম্পদ বিপদ হল,

দেখিতে দেখিতে মাতা কোথা হলো লীন ।

মা হারা সন্তান যদি, ডাকে তোমায় রূপানিধি,

তুমি ত থাকিতে নার হইয়ে কঠিন ।

তাই আজ সকাতরে, এই ভিক্ষা তব দ্বারে,

দেখো জননীরে মম, রেখো পদে চিরদিন ॥৬৭৯॥

মল্লার—একতাল।

(গাথা)

বিষাদ ভারে, মলিন অন্তরে,

তোমার দ্বারে করিছে ক্রন্দন ;

সদয় হয়ে, দেখ চাহিয়ে,

হৃদয়-বেদন কর হে শ্রবণ ।

স্নেহের বন্ধন, ছিঁড়িয়া শমন,
করিল হরণ জননী-ধনে ;
শূন্য সংসারে, শোকের আগারে,
বিষাদে ডুবে থাকি কেমনে ?
জননীর কোলে, রোগ শোক ভুলে,
সন্তান সকলে, ছিলাম কুশলে ;
কে জানে এমন, ছিঁড়িয়া বন্ধন,
করিবে হরণ, সে মায় অকালে ।
মা হারা হয়ে, এখন কাঁদিয়ে,
ডাকি হে তোমায় দেও দরশন ;
বিষাদের ভার, ঘুচাও হে সবার,
আশ্বাস দানে কর হে সাধন ।
সে পরকালে, চরণতলে
প্রিয় মাতারে রেখো দয়াময় ;
অজ্ঞান হরি, শান্তি বিতরি,
পরম পদে দিও হে আশ্রয় ॥৬৮০॥

দীক্ষা ।

সাহানা মিশ্র—যৎ ।

(কেমনে বলিবিরে—সুর)

তোমার সন্তান পিতা জীবন মন তোমায়,
 চির দিন তরে আজি সঁপিছে তোমারি পায় ।
 সম্পদে বিপদে রেখো দাসে, তব চরণ ছায়ায় ।
 বিপদ পরীক্ষা কালে, স্নেহভরে রেখো কোলে,
 রেখো নাথ রেখো দাসে, সতত চরণ-পাশে
 প্রেমমুখ প্রকাশিয়ে এ দাসে করো নির্ভয় ।
 দেহ নাথ দেহ বল, তব কৃপাহি সম্বল,
 তোমা বিনা এ সংসারে, দুর্বলের আর কে সহায় ?
 যদি নাথ দয়া করে, আনিলে তোমার ঘরে,
 বাঁধ তবে প্রেম-ডোরে, প্রাণ মন তব পায় ॥৬৮১॥

স্বভাব-সংগীত ।

খান্ধাজ—আড়াঠেকা ।

কোথা পেলো এ সুহাসি ?

কাহার কোমল করে,

পেয়েছ কোমল কান্তি, সুবিমল সুগন্ধরাশি ?
 নিভৃত নির্জন স্থানে, হাসিতেছ আপন মনে ;
 দেখলে এ হাসি নয়নে, মোহিত হন যোগী ঋষি ।
 পবনের সঙ্গে মিলে, আনন্দেতে হেলে ছলে,
 হেসে হেসে চলে চলে, কার কোলে পড়িছ খসি ?
 কি মোহিনী শক্তি ধর, রূপেতে বিমুগ্ধ কর,
 হাসিতে মন চুরি কর, নিঃশব্দে স্বস্থানে বসি ?
 মল্লিকা গন্ধরাজ গোলাপ, যুচাও আমার চিরবিলাপ,
 করে দেও তাঁর সঙ্গে আলাপ,

যিনি আছেন অভ্যন্তরে পশি ।

যে তোমারে হাসা'তেছে, আনন্দেতে ভাসা'তেছে,
 ইচ্ছা হয় তাঁহারে পেলে, ভালরূপে ভালবাসি ॥৬৮২॥

বেহাগ—আড়াঠেকা ।

কি বেশ ধরেছ আজি শারদীয়া নিশীথিনী,
 কোমুদী-বসনে পূর্ণ কলানাথ কিরিটিনী ।
 উজ্জল তারকা-রাজি, কুণ্ডল শোভিছে কিবা,
 ছায়াপথ সীমন্তেতে জন-মনোমোহিনী ।

প্রশান্ত প্রসন্নানে, হাসায়ে জগত জনে,
 মোহিত করেছ নাকি হৃদয়ানন্দদায়িনী ;
 কে তোমারে এই সাজে সাজায়েছে বল দেখি,
 কাহার নন্দিনী তুমি বল কে তব জননী ;
 (কোথায় জননী তব সবার জননী যিনি) ॥৬৮৩॥

বৈরাগী রামকেলি—একতাল।

জ্যোতিরময় বিভা বিকাশি গাইছ ভানু কারে,
 কার সুরাগে রঞ্জিত হয়ে মোহিছ সবারে ।
 বুঝি মো হৃদিরঞ্জন, বিশ্ব-মোহন,
 সাজায়েছেন তোমারে ;
 নইলে এরূপ রূপ কোথা বা পাইবে, বল
 স্বরূপ আমারে ।
 তোমারি এ জ্যোতি পরকাশে ভানু !
 নিশার তিমির হরে, সে জ্যোতির জ্যোতি
 হৃদয়ে উদিলে পরাণ উজল করে ॥৬৮৪॥

ষষ্ঠ অধ্যায় ।

সংকীৰ্ত্তন ।

নগরসংকীৰ্ত্তন ।

১৭৮৯ শক ।

তোরা আয় রে ভাই,
এতদিনে দুখের নিশি হল অবসান,
নগরে উঠিল ব্রহ্মনাম ।
কর সবে আনন্দেতে ব্রহ্ম-সংকীৰ্ত্তন
পাপ তাপ দূরে যাবে জুড়াবে জীবন !
দিতে পরিত্রাণ, করুণানিধান,
ব্রাহ্মধৰ্ম্ম করিলেন প্রেরণ ;
থুলে মুক্তির দ্বার সকলেরে করেন আবাহন ;
সে দ্বার অবারিত, কেউ না হয় বঞ্চিত,
তথায় ছুঃখী ধনী, মুখ জ্ঞানী, সকলে সমান ।

নর নারী সাধারণের সমান অধিকার
যার আছে ভক্তি সে পাবে মুক্তি, নাহি জাতিবিচার ।

ভ্রম কুসংস্কার, পাপ অন্ধকার,

বিনাশিতে স্বর্গের ধর্ম মর্ত্যে আইল ;

কে যাবি আয় বিনা মূল্যে ভব-সিন্ধু পার ;

তোরা আয়রে ত্বরায়, এবার নাই কোন ভয়,

পারের কর্তা মুক্তিদাতা স্বয়ং ঈশ্বর ।

একান্ত মনেতে কর ব্রহ্ম-পদ সার ;

সংসারের মিছে মায়ায় ভুলনা রে আর ।

চল সবে যাই,

বিলম্বে কায নাই,

দীননাথের লইগে শরণ ;

হৃদয় মাঝে হৃদয় নাথে কর দর্শন ;

ঘুচিবে যন্ত্রণা

পাইবে সাধনা

প্রভুর কৃপাশুণে অনায়াসে যাইবে ব্রহ্মধাম ॥৬৮৫॥

১৭২০ শক ।

দয়াময় নাম,

বল রসনা অবিশ্রাম,

জুড়াবে প্রাণ নামের শুণে ।

জীবের ভ্রাণ, সুখশান্তিধাম, তাঁর চরণে ;
বল কে আছে আর, করিতে পার, সেই দীন
কাণ্ডারী বিনে ?

সেই দীননাথ পাপীর গতি কাঙ্ক্ষালের জীবন,
নিরুপায়ের উপায় তিনি অধমতারণ ;
দিনান্তে নিশান্তে কর তাঁর নাম সংকীৰ্ত্তন,
নামে মুক্তি হবে, শান্তি পাবে, যাবে আনন্দধাম ।

সুধামাথা দয়াল নাম কর রে গ্রহণ,
পাপীর দুঃখ দেখে এ নাম পিতা করেছেন প্রেরণ ;
থাক চিরদিন ভক্ত হয়ে, এ নাম রাখ গেঁথে হৃদয়ে,
(ছেড় না রে)

স্বর্গের সম্পত্তি এ ধন রেখ অতি যতনে ।
দেখ দেখ চেয়ে দেখ পিতা দাঁড়িয়ে দ্বারে ;
ডাকছেন মধুর স্বরে স্নেহভরে, প্রেমামৃত লইয়ে করে,
পিতার শান্তি-নিকেতনে যেতে, এসেছেন আমাদের
নিতে,

চল সবে আনন্দেতে, নামের ধ্বনি কর বদনে ।
মুখে দয়াল বল দীন দুঃখী ভাই সঙ্গে মিলে,

সেই মধুর নামে পাষণ গলে, প্রেম-সিন্ধু উথলে,
এ নাম সাধুর হৃদয়ের ধন, পাপীর অবলম্বন,
এনাম নগরবাসী ঘরে ঘরে গাও আনন্দ মনে ॥৬৮৬॥

১৭২১ শক ।

ডাক দীনবন্ধু বলে, হৃদয় খলে, সকলে মিলে ;
বৃথা দিন যায় চলে, (রে) আর থেকেনা সে
সুহৃদে ভুলে ;

বেঁচে আছ যাঁর কৃপাবলে ।

মোহ নিদ্রা পরিহরি কর দরশন,
পিতার দয়াগুণে কত পাপী পাইল জীবন,
আর বিলম্ব করো না, এমন দিন আর হবে না,
চল ধরি গিয়ে পুণ্যময়ের চরণ কমলে ।

উঠে দেখ ওহে ভারতবাসিগণ,
ক'রে জগৎ আলো, প্রকাশিল ব্রাহ্মধর্মের পবিত্র
কিরণ ;

প্রেমময়ের প্রেমরাজ্য নিকট হল,
ভ্রম চল চল, সময় বয়ে গেল,

তথায় প্রেমময়ে হেরি প্রাণ জুড়াই সকলে ।
 যদি চাহরে পরিত্রাণ এ পাপ জীবনে,
 তবে ব্যাকুল হয়ে ডাক সেই দীন-শরণে ;
 অগতির গতি তিনি পতিতপাবন,
 ভক্তের প্রাণধন, বিপদ-ভঞ্জন,
 দেন দরশন, কাতর-প্রাণে পাপী ডাকিলে ।
 দয়াময়নাম করিয়ে কীর্তন,
 চল যাই আনন্দধামে (রে) ।

এ সংসারের মাঝে, দয়াল নাম বিনে আর কি ধন
 আছে ?

যে নামের গুণে, হয় প্রেমোদয় পাষণ মনে ;
 তা কি জাননা রে, সে নামের যে কত মহিমা ।

কর সাধন, ব্রহ্মের চরণ,
 হৃদয় হবে রে নিৰ্ম্মল, জনম সফল, পাবে ধর্মবল,

পিতার করুণায় পাইবে নব-জীবন ।
 করি মিনতি পায়ে ধরি, শুন ওরে ভাই,
 থাকিতে সময়, লও রে আশ্রয়,
 পিতা দয়াময় মুক্তিদাতার চরণতলে ॥৬৮৭॥

১৭৯২ শক ।

ভাই চিরদিন, হয়ে পাপে মলিন,

রহিবে কেমনে ?

জনম সফল কর, কর রে এখন

প্রভুর চরণ সেবনে ।

আর নিরুদ্ধে করে না ভ্রমণ,

দয়াময় নাম মহামন্ত্র কর হে গ্রহণ ;

এই অনিত্য সংসারে, ভুলে থেকো না প্রাণেশ্বরে,

হইও না বঞ্চিত নামামৃত সুধারস পানে ।

জীবনের মহাযোগ কর হে সাধন,

বিশ্বাস-নয়নে ব্রহ্ম কর দরশন ;

জীবে দয়া, নামে ভক্তি, কর এই সার,

(ওরে মন আমার)

সে শ্রীপদে ভক্ত হয়ে থাক অনিবার,

(ওরে মন আমার)

পিতার মধুর বাণী শুনে শ্রবণে,

সেব আনন্দে তাঁহারে সবে

সেব আনন্দে তাঁহারে কায়মনোপ্রাণে ।

উঠ হে হের নয়নে, জগত মাতিল প্রেমে

ওই শুন বাজে জয়-ভেরী ;

দয়াময় নামের হে, দেশ দেশান্তরে হে

মহাসাগর-পারে ;

উড়িছে নিশান ব্রহ্ম-রূপা-হিল্লোলে ;

চল যাই পিতার শ্রীমন্দিরে নিরখি সেই প্রেমকাননে

প্রেম ভক্তিয়োগে বিভুর কর অর্চনা,

পাবে পরিত্রাণ, পাসরিবে ভবের যন্ত্রণা ।

আছে কি সুখ জীবনে প্রাণ-সখা বিনে ;

কর হৃদয় মন (আর কি দেখ দেখরে) সমর্পণ,

দীননাথের শ্রীচরণে ।

থাক দাস হয়ে (জনমের মত) চিরকাল,

দীননাথের শ্রীচরণে ।

এস আজি আনন্দে মাতি নাম কীর্তনে ॥৬৮৮॥

১৭২৩ শক ।

আজি গাও গভীর স্বরে, প্রেমভরে নগরে,

মধুর ব্রহ্মনাম ;

যে নাম গানে মৃত প্রাণে জীবন সঞ্চারে ।

ভাব যোগানন্দে, প্রভুর পদারবিন্দে,

একান্তে হৃদয়মন্দিরে ;

যাঁর কটাক্ষে মহাপাতকী তরে ।

ও সেই মহামন্ত্র দয়াময় নাম কর সাধনা,

ভবে সাধন বিনা সে ধন মিলে না ;

কর সাধন পূর্ণ হবে মনস্কামনা ।

ওরে রসনা, কেমন বাসনা,

এমন দয়াল নামে মজ্লে না রে ।

ওরে দেবতার ছল্লভ সে নাম,

হয় অনন্ত যার মহিমা ।

এস নর-নারী সকলে, পবিত্র ভাবে মিলে,

পূজি নিরন্তর আনন্দে জগদীশ্বরে ।

ত্যজে স্বার্থ অহঙ্কার, করহে প্রেম বিস্তার,

বদ্ধ হয়ে এক পরিবারে হে ।

ও ভাই শান্তি-নিকেতনে (যদি) করবে গমন,

কর সব বিবাদ-ভঞ্জন ।

ভাই ভগ্নী সনে, সরল মনে, কর আগে সম্মিলন ।

ও ভাই ছরায় চল, দিন ত ফুরাল,

(কোন্ দিন কি হবে রে)

গিয়ে দয়াময়ের পুণ্যালয়ে জুড়াইগে জনমের মতন ।

কত আছি যে অপরাধী পিতার চরণে জন্মাবধি, '

পাপ অশান্তি এনে তাঁর সংসারে ।

সাধ মনে গিয়ে প্রেমধামে ;

হেরিব নয়নে, পরম সুন্দর প্রেমময় নিরঞ্জনে ;

ও সেই অরূপ রূপমাধুরী, নিরখিব প্রাণ ভরি রে,

ভকতমণ্ডলীর মাঝারে ;

(পিতার পরিবারে হে) (কিবা শোভা মরি হে)

এবার দেখাও নাথ সে আনন্দধাম,

রাখ শ্রীপদে বেঁধে সবে প্রেম-ডোরে ॥৬৮৯॥

—
১৭২৪ শক ।

কর আনন্দে ব্রহ্মের জয় ঘোষণা, ওরে রসনা,

ছাড়িয়ে সব অসার কল্পনা ।

যাঁর গুণ গানে, শ্রবণে,

পুণ্য শাস্তি হয় মনে,

দূরে যায় পাপ-যন্ত্রণা ;

ভবে তিনি বিহনে ত্রাণ আর পাবে না ।

১৭২৫ শক ।

বল্‌রে, তোরা বল্‌রে, ভক্তিভরে,

দয়াময় নাম দিনান্তে একবার রে ।

তাজি ছুরাচার অহঙ্কার, কর প্রভুর নাম মাত্র সার,

জীবের পরম গতি চরম সাধন, নাম শ্রবণ কীর্তন,

যাতে ব্রহ্মপদ লভি পাপী জীবনুক্ত হয় রে ।

মোদের দীন দেখিয়ে,

অমির মাথিয়ে,

দয়াল নাম পিতা ধরাতলে করিলেন প্রচার ।

নামের মহিমাতে, জগৎ মাতে, বহে প্রেম অনিবার ।

দেখে অজ্ঞান সন্তান,

প্রকাশিলেন জ্ঞান,

বিনাশিতে জীবের মোহ-অন্ধকার ।

এ পাপ জীবনে,

দয়াল পিতা বিনে,

বল কিমে পাই নিস্তার ?

এস হৃদয়ে হৃদয়ে সবে বাঁধি, পিতার প্রেমডোরে হে,

হয়ে সবে একতান,

করি তাঁর নাম গান,

প্রেম-পরিবারের মাঝারে ।

পিতা মোদের দয়ার নিধি, চরণ ধরে কাঁদি যদি রে,

মনোবাঞ্ছা করিবেন পূরণ রে । (হুথ রবেনা রবেনা)

(একবার) দয়াময় দয়াময় দয়াময় বলে,

ডাকি একতানে ।

গাই সবে আনন্দে ভাই, আনন্দময় নাম রে,

আনন্দে ছ'বাহু ভুলে যাই আনন্দধাম রে ।

এ ভব গহন বন রিপুময় স্থান রে,

একাকী যাইলে পথে নাহি পরিত্রাণ রে ।

থেক না আর অন্ধ হয়ে, দিব্য চক্ষে দেখ চেয়ে,

সেই নামের গুণে, পাপী জনে, আনন্দে মাতিল রে ।

॥৬৯১॥

১৭৯৬ শক ।

জয় ব্রহ্ম জয়, বল সবে ভাই আনন্দ মনে ;

তোরা বলরে ও নগরবাসী ।

দয়াময়ের জয় সম্পদে বিপদে রে ।

বিশ্ববিজয়ী ব্রহ্মনাম, এ নামে দূরে যায় ভয় ভাবনা রে ;

অদ্বিতীয় ব্রহ্মনাম, যাতে ব্রহ্মাও উদ্ধার হবে রে ।

ক'রে জয়ধ্বনি,

কাঁপা'য়ে মেদিনী,

চল যাই সেই অমৃত নিকেতনে ।

সংসার-সংগ্রামে, কি আর ভয় জীবনে,

ত্রাণ পাব দীননাথের শ্রীচরণে ।

উঠ উঠ ছুঁয়া করি, পরব্রহ্মে স্থিরি,

প্রেমালোক দেখ প্রেম-নয়নে ।

প্রেমের জয় হবেই হবে, বল ভাবনা কি তবে

বিধাতার মঙ্গল-বিধানে ।

তুলে সত্যের নিশান, গাও তাঁর নাম,

মত্ত হয়ে ব্রহ্মানন্দ-রসপানে ।

আশায় বাঁধি হৃদয়, জয় ব্রহ্ম বলে,

ব্রহ্মরূপা-স্রোতে অঙ্গ দাও সবে ঢেলে রে ।

প্রেমরাজ্য অবতীর্ণ হইবে ধরায়,

অভ্রান্ত ঈশ্বরবাণী কভু মিথ্যা নয় রে ।

(এক দিন হবেই হবে রে, প্রেমময়ের প্রেমের জয়)

রে অধীর মূঢ় মন, তোরা ভাবনা কিরে ?

পিতার ইচ্ছা পূর্ণ হবে ।

নাম সাধন কর ;

ধৈর্য্যাবলম্বন করে, সাধিলে নিশ্চয় পাবে,

সাধিলে সিদ্ধ হইবে ।

শান্তি-সুখা পানে বঞ্চিত হোয় না রে,
 যা করিতে হয় কর, মিছে আর কেঁদনা রে,
 (কপট ক্রন্দনে কি হবে বল)

নাম সাধন কর, দেহ মন প্রাণ দিয়ে ।
 নামরসে না মাতিলে, প্রেমে পাপল না হইলে,
 ও ভাই কিছুতেই কিছু হবে না রে ;
 ও ভাই কথায় কিছু হবে না রে, (প্রাণ দিতে হবে)
 সামান্য সাধনে হবেনা রে।

আমি দেখিলাম অনেক করে,
 কিছুতেই পাপ যায় না রে। (প্রেমে মত্ত না হইলে)
 আমি দেখিলাম প্রেমে মাতিলে,
 পাপের জালা যায় চলে (বহু দিনের) ।
 সুধামাথা ব্রহ্মনাম, নামে ছুঁখে হয় সুখ উদয় রে !

॥৬৯২॥

১৮০২ শক ।

চল চল হে সবে পিতার ভবনে ;
 শুন শ্রবণে, ডাকিছেন পিতা আজ মধুর বচনে ।

ভুলিয়ে সে ধনে, এখানে এমনে
 নগরবাসি, তোরা কত দিন আর রবি রে ভাই ?
 হলো রে জীবন অবসান, পরিত্রাণ কেমনে পাবি রে ;
 তাই বিনয় করে, বলি চরণ ধরে,
 এসো রে ভাই, সেই পুণ্যময়ের ভবনে যাই ।
 এ সংসারের মাঝে, সে ধন বিহনে, জেনো জেনো
 গতি নাই ।

আর বিফলে কাটাইও না জীবনে ।

ও ভাই ভেব না হুঃখ রবে না,
 পিতার চরণে স্থান পাবি রে ভাই । (অপার কৃপাশ্রুণে)
 ও ভাই মন প্রাণে (প্রাণে) কাঁদ যদি,
 তবে দেখা দিবেন কৃপানিধি । (দীনহীন বলে)
 ও ভাই বড় যে তাঁর করুণা রে ।
 ও ভাই চাহিলে পাপী যে পায় সে ধনে ।
 ও ভাই মনের হুঃখ সব আজি পাসরিব ;
 পূজি প্রাণভরে, প্রাণেশ্বরে,
 (এমন দিন আর হবে না রে)
 আনন্দ-নীরে ভাসিব ;

হৃদয় আসনে, বসায় যতনে,
 আজি প্রাণ মন সমর্পিব । (ভাই ভগ্নী মিলে)
 তাই বলি হে ভাই সকলে,
 গাও ব্রহ্মনাম হৃদয় খুলে,
 জয় ব্রহ্ম বল সবে বদনে ।

বড় সাধ মনে, হৃদয়-রতনে,
 হৃদয়-মাঝারে পাই ।

(আমি) শ্রীপদে বিকাব, দাস হয়ে রব,
 পরাণ সঁপিব ভাই ! (প্রভুর অভয় পদে)

(আমার) বল বুদ্ধি মন, জীবন যৌবন,
 নিজের কিছুই যে নাই । (আমি হৃদয়-নাথের)

(আমি) সে প্রেম-সাগরে, জনমের তরে,
 মগন হইতে চাই । (আমি সঁতার ভুলে)

পাব কেমনে সে ধন বিনা সাধনে ।

চল চল ছুঁয়া করে, সে আনন্দধামে হে ।

গনন কাঁপা'য়ে চল মধুর ব্রহ্ম নামে হে ।

নর নারী সবে আজি মাতিব সে নামে হে ।

হেরে সে আনন্দ ছবি জুড়াইব প্রাণে হে ।

এস দেখিয়ে সবে জুড়াই নয়নে ॥৬৯৩॥

১৮০৪ শক ।

তোরা আয় রে ভাই, ডাকি বিনয়ে নগরবাসী-
জন ।

আর কত দিন সংসারে ভুলে করিবে যাপন ।

(পুরবাসী রে, কত দিন আর ভুলে রবি রে)

ওভাই যাবেনা, পাপ-যাতনা, সেই পুণ্যময়ের
চরণ বিনা । (যাগ যজ্ঞে কিছুই হবে না রে)
(প্রেম ভক্তি বিনা) ও ভাই মুক্তিধামে (ধামে)
যাবে যদি, তবে ডাক তাঁরে নিরবধি । (মন প্রাণ
খুলে) (দয়াল প্রভু বলে) ওভাই দয়াল নামে যদি
না মজিবে, তবে পাঁপের জ্বালা কে ঘুচাবে ? (দয়াল
প্রভু বিনা) (তাঁহার কৃপা বিনা)

মিল । সরল প্রার্থনাই মুক্তির জেনো পরম
সাধন । (পুরবাসী রে মুক্তি-ধামের পথ আর
নাই রে)

(দেখ) গেল রে দুখ-রজনী, সমুদিত দিনমণি,
সত্য ধর্ম হইল প্রকাশ । (চেয়ে দেখ দেখ রে)
(জেগে যেন ঘুমায়ে না) পাপ-নিদ্রা পরিহরি, এস

সব নরনারী, ছিন্ন করি এস মোহপাশ। (আর
বন্ধ থেকে না রে) (বিষয় মোহে মুগ্ধ হয়ে) অশেষ
যাতনা সয়ে, আছ রে বল কি লয়ে, বল কিসে
পাইবে উদ্ধার ? (শেষের গতি কি ভেবেছ)
(সার ধনে ভুলে আছ) এ ভব সঙ্কট হতে, কে
তারিবে এ জগতে, বিনা সেই করুণার আধার ?
(আর কেবা আছে রে) (পাপীজনে উদ্ধারিতে)

মিল। ভবে পাতকীর গতি সেই প্রভু
অধমতারণ। (পুরবাসী রে, তিনি বিনা গতি
আর নাই রে)

হিয়ারমাঝারে, সেই প্রাণেশ্বরে, পূজ রে যতনে
ভক্তিভরে ।

হৃদয়-সখা তিনি, তাঁরে রেখোনা রেখোনা দূরে ।
পরম রতন ফেলে, ওভাই থেকনা রে এসংসারে ।
নয়ন মণি ছেড়ে, আর বেড়ায়োনা অন্ধকারে ।

মিল। খুলে মুক্তির দ্বার কাঙ্গালে আজ প্রভু
করেন নিমন্ত্রণ। (পুরবাসী রে ব্যাকুল হয়ে ধেয়ে
আয় রে)

(আজ) মাতিব আনন্দে সবে সেই দয়াল
নামের মধুর হিল্লোলে । (আজ) মাত রে ভাই
ব্রহ্মনামে হৃদয় খুলে রে । (নামে পাষণ গলে
যাবে রে) (নব জীবন পাব সবে রে) (পাপের
জ্বালা নিবাইব রে)

ওভাই গগন কাঁপায়ে বল ব্রহ্মজয় রে ।

(জয় জয় দয়াময় রে)

ওভাই আনন্দে নাচিয়ে বল ব্রহ্মজয় রে ।

(বাহু তুলে নেচে বল রে)

ওভাই সবারে জাগায়ে বল ব্রহ্মজয় রে ।

(মোহনিদ্রা ভেঙ্গে দেও রে)

ওভাই নগর মাতায়ে বল ব্রহ্মজয় রে

(মাতিয়ে মাতাও ভাই রে)

মিল । কর করুণা কাতরে, ডাকে আজ
অধম জন । (দীনবন্ধু হে, দীনহীন আজ দ্বারে
ডাকে হে) ॥৬৯৪॥

১৮০৫ শক ।

উঠে দেখ্ রে মন, প্রেমময়েরি প্রেমের মাধুরী ।
জেগে উঠে দেখ সেই শোভা ভুবন আলো করি ।
(আমার মন রে, মোহ-নিদ্রা ভেঙ্গে দেখ রে)

একি রে কুমতি দেখি তোর ? (কিসে ভুলে
রলি রে)

অনিত্য সুখের লাগি, পাপে হলি অনুরাগী,
ডুবাইলি ধরম করম । (কি কাজ করিলি রে)

অমিয় সাগর ত্যজি, বিষয় গরলে মজি,
খোয়াইলি এ হেন জনম । (এ কি ভ্রান্ত মতি রে)

ভুলে সে পরম ধনে, ভ্রমিলি ভব-গহনে,
পেয়ে আঁখি অন্ধের মতন । (একি দশা দেখি রে)

অমূল্য মাণিক ফেলি, কুড়ায়ে বাঁধিলি ধূলি,
প্রাণে রাখি করিলি যতন । (মহামূল্য জ্ঞানে রে)

মিল । বৃথা দিন যায়, থেকোনা মন সে ধন
পাসরি । (অবোধ মন রে, অসার সুখে মত্ত হয়ে রে)

দেখ রে প্রেম নয়নে, সৎস্বরূপ নিরঞ্জে, প্রাণ
রূপে প্রাণের মাঝারে ।

(প্রাণের প্রাণ তিনি রে) (জ্ঞান চক্ষে চেয়ে
দেখ) (প্রেম আঁখি মেলে দেখ)

হেরে সে সত্যের জ্যোতি, সে বিমল রূপভাতি
দূর কর মনের আঁধার । (প্রেমের আলো
পেয়ে রে) (হৃদয়-কন্দর মাঝে)

বারেক হৃদয়াকাশে, যদি সে শশী প্রকাশে,
উথলিবে প্রেমের সাগর । (স্মৃথে ভেসে যাবি রে)
(অপরূপ রূপ সাগরে)

পূরিবে সব কামনা, যুচিবে ভব-যাতনা প্রেম-
রসে জুড়াবে অন্তর (পাপের জ্বালা রবে না)
(প্রেমরসে মগ্ন হলে)

মিল । সেই দীননাথ অধমে তারিবেন কৃপা
করি । (আমার মন রে কাতর-প্রাণে ডেকে
দেখ রে)

ও মন প্রেম-ধনে যদি পাবে, পাপের বাসনা
ছাড় রে তবে, নইলে দেখা তো পাইবে না রে ।
(পাপ ছাড়িতে হবে)

বিনা সাধনে সে ধনে কিরে, পায় কেহ এ
সংসারে ? (দুর্লভ রতন সে যে)

পবিত্র-প্রাণে যে জন ডাকে, প্রভু দেখা দেন
তাকে । (হৃদয়-সখা রূপে)

মিল । ছাড় ছাড় পাপ, কাতরে বলি রে
বিনয় করি । (অবোধ মনরে পাপের খেলা দেখা
হলো রে)

প্রেম-সুখা এ সংসারে ওকি সহজে মিলে ।

যেজন তৃণের সমান হবে, প্রেম-তত্ত্ব সে জন
জানিবে । (সাধু জনের উক্তি হে)

আমি মত্ত সদা অহঙ্কারে, আমি কেমনে পাব
তাঁহারে ! (গতি কি হবে রে)

আমি না চিনি তত্ত্ব ধনে, আমি না সেবিনি
ভ্রাতৃগণে । (আমার দুকূল গেল রে)

মিল । দেখ, দেখ নাথ, পাতকে ডুবিয়ে
বুঝি মরি । (প্রেমসিন্ধু হে, দুকূল আমার বয়ে
যায় হে)

প্রেমের জয় কর ঘোষণা আজ হৃদয় ভরে
ও পাপী মন ।

আর পাবে না অনেক দিনে সুদিন এমন ।
(হৃদয় খুলে গাও গাও রে)

আজ পরাণে পরাণে বাঁধি কর রে কীর্তন ।
(সুধামাথা দয়াল নাম রে)

আজ প্রেমেতে লুটায়ৈ ধর সবারি চরণ ।
(একাকার হয়ে যাক্ রে)

আজ ব্রহ্মনামে দয়াল নামে ছাও রে গগন !
(দিক্ দশ পূরে যাক্ রে)

আজ থর থর হোক্ ধরা করিয়ে শ্রবণ ।
(ব্রহ্ম নামের ধ্বনি রে)

তাজ পাপী তাপী সবাই দেখ খুলিয়ে নয়ন ।
(দেখে নয়ন সফল কর রে)

আজ ব্রহ্মনামে মুক্তিধামে যায় পাপিগণ ।
(জয় জয় প্রেমের জয় রে)

মিল । আজ অধমে করুণা করি দেও
চরণ-তিরি ।

(প্রেমদাতা হে, প্রেম দিয়ে বাঁচাও প্রাণে হে)

১৮০৬ শক ।

দেখ রে যায় দিন ওভাই নগরবাসি, বৃথা
কাজে আর করিস্নে কাল হরণ । (নগরবাসী !)

অসার স্মৃতে ভুলে (মোহে পড়ে কি করিলে)
ব্রহ্মপদ না সেবিলে, জীবন গেল বিফলে (এমন
মানব জীবন) নিকটে এল শমন । (দেখ রে চেয়ে)

প্রভু-পদ সেবা সম আর কি সুখ আছে রে ?
কি ছার সংসার-সুখ, (একবার ভেবে দেখ রে)
সেই সুখরাশি কাছে রে !

রসনা সে রস যদি বারেক চাখয়রে ; অন্ন রস
আশ, না থাকে পিয়াস, পরাণ মগন হয় রে ।
(সেই সুধা-হৃদে)

সে প্রেম রসেতে মজি, আপনা পাসরি রে ;
দেখ যত সাধু জনে, সে পদ সেবনে, রত প্রাণপণ
করি রে । (এ জনমের মত)

সে প্রেম অনলসম প্রাণে যদি লাগে রে ;
তবে কুবাসনা চয়, হয় ভস্মময়, পাপ আঁধার
ভাগে রে । (হৃদয় গুহা ছাড়ি)

মিল । বিষয়-সুখ তুচ্ছ করি, এস এস নর-
নারী, দেখ সে প্রেম-মাধুরী, (হিয়া আঁখি ভরি)
পাইবে নব-জীবন । (নগরবাসি)

এতই কি সংসার-মায়া তোর ? (জেগে কি
ঘুমালি রে)

অনিত্য সুখেরি তরে, ডুবিছ পাপ-সাগরে রে,
জ্ঞান হারা মোহমদে ভোর ! (ওরে নগরবাসী রে)

স্বহস্তে অনল জ্বালি, দেহ মন তাহে ঢালি রে,
কি যাতনা পাইতেছ ঘোর । (দেখে হৃদয় ফাটে রে)

প্রেমমণি দূরে ফেলি, কাচ খণ্ড হাতে নিলি
রে, একি ভ্রান্ত মতি দেখি তোর । (কি ভ্রমে
ভুলিলি রে)

ওভাই কি কাজ দেহ ধারণে, প্রভুর সেবা
বিনে, কেবল পশুর মত (এমন মানব জনম
পেয়ে) ভোগে রত হয়ে কি রবে জীবনে ? (কিবা
ফল আছে রে) আজি দেহ মন (চির দিনের মত
রে) (বড় সাধ আছে রে) বিকাইব প্রেমময়ের
শ্রীচরণে ।

মিল । আয় রে ভাই প্রাণ খুলে, ডাকি প্রেম-
সিন্ধু বলে, প্রেম-দাতার কৃপা হলে, (ও তাঁর
বড় দয়া) পাইব প্রেম-রতন । (নগরবাসী)

আজ পরাণে পরাণে মিলে, হৃদয় মন প্রাণ
খুলে, গাও সবে ভাই ।

আজ দাও রে সেই প্রেমময়ের নামেরি
দোহাই । (মনের সাধে সবে মিলে)

বল, ডাকিলে হে দীন-সখা যেন দেখা পাই ;
(সবাই মিলে বল বল রে) বল দীনবন্ধু ভবসিন্ধু
যেন তরে যাই (চরণতরী দিও দিও হে) ।

বল তোমা বিনা পাপী তাপীর আর গতি নাই ।
(সবাই মিলে বল বল রে)

এস প্রাণ খুলে, সবে মিলে, জয়ধ্বনি গাই ।
(জয় জয় প্রেমের জয় রে) (এমন দিন আর
হবে না রে ।

মিল । আজি তব শ্রীচরণে, কাঁদি হে নাথ
পাপিগণে, অপার করুণা-গুণে (ওহে দীনবন্ধু)
দাও প্রভু দরশন । (পাপীজনে) ॥৬৯৬॥

১৮০৭ শক ।

দিন যায় রে ভাই ! ভ্রমিস্নে আর সংসার-কাননে ।

সংস্বরূপের সত্য-জ্যোতি দেখ রে দেখ নয়নে ।

(ওরে নগরবাসি !)

বিষয় কুয়াসা-জালে ঘেরে সে বনে,

প্রবৃত্তি-জঙ্গলে পথ পাবি কেমনে ?

দেখ সে পুণ্যের জ্যোতি উজলিল ওই ভুবনে ।

(ওরে নগরবাসি !)

মোহের আঁধারে, পাপের বিকারে, দিবানিশি,

ডুবে কত দিন আর যাবে রে ভাই ?

করিয়ে বিষয় গরল পান, তোদের প্রাণ, কভু
না জুড়াবে ;

ফেলে দেও দূরে, অনিত্য অসারে,

চল চল রে ভাই, সেই সত্যধামে সকলে যাই ।

এ অরণ্য-মাঝে, সে হৃদয়-রাজে, ছেড়না রে বলি তাই ।

ভাই রে—সে সত্য-পুরুষে ছাড়ি দাঁড়াবে
কোথায় ?

ধন মান সবই জে'ন মরীচিকা প্রায় ।

ধন মান (কিছু রবে না রবে না) (সেই শেষের দিনে) সবই জে'ন মরীচিকা প্রায় ।

ভাই রে—প্রাণের পিয়াসা তোদের বল কে মিটায়, বিনা সেই প্রেমসিক্কু প্রভু দয়াময় ?

বিনা সেই (আর কেবা আছে রে) (দয়াল প্রভু বিনা) (পিয়াস মিটাইতে) প্রেম-সিক্কু প্রভু দয়াময় ।

জীবনের জীবনে, ভুলিয়া কি ধনে, লইয়া রহিবে এ সংসারে ?

আঁখির আলো যিনি, তাঁরে ছেড় না বন-মাঝারে ।

জীবের জীবন যিনি, কভু ভুল না ভুল না তাঁরে

সেই জীবন পেলে, আর ভবের বন্ধন রবেনা রে ।

(ওই) দেখ সে সত্যের জ্যোতি, আজ নয়ন ভরে, হৃদয়-মাঝারে । যে জ্যোতি-পরশে প্রাণে জীবন সঞ্চারে । (মোহনিদ্রা ভেঙ্গে যায় রে)

(আজ) দেখ রে সেই প্রেমময়ে হৃদয়-দুয়ারে ।
 (নয়ন খুলে দেখ দেখ রে) (ও ভাই) তাঁহার
 শরণ নিলে ভয় নিবারে । (সকল বিপদ কেটে
 যায় রে) (আজ) জয়ধ্বনি করে চল যাই ভব-
 পারে । (এমন দিন আর হবে না রে)

মিল—দেখ রে জীবন গেল লয়ে কি ধনে,
 দিন গেল, সন্ধ্যা হলো ভব-কাননে ;
 এখনো শুনহে বাণী পড় প্রভুর শ্রীচরণে ;

(ওরে নগরবাসি !) ॥৬৯৭॥

১৮০৮ শক ।

ধামাল ।

(তোরা) আররে ভাই থাকিস্নে আর মোহেতে ভুলে
 পুণ্যময়ের পুণ্যরাজ্য এলো রে দেখ ভূমণ্ডলে !
 (ওরে নগরবাসি !)

প্রচারি আশার বাণী ডাকেন সকলে,
 পাপিগণে কৃপাশুণে তারিবেন বলে,
 শুন সে মধুর ধ্বনি স্বর্গে মর্ত্যে ওই উথলে ।
 (ওরে শোন রে ভাই)

থয়রা ।

শুন শুন বাণী । (আজ শ্রবণ পেতে)

(আজ বধির আর থেকোনা রে)

দাঁড়ায়ে হৃদয়দ্বারে, ডাকিছেন বারে বারে,

(বলে পাপী আর ত্বরা করে)

(যদি) ভ্রাণ পেতে চাও, প্রাণ তাঁরে দেও,

সে পদে লুটায় পড় অমনি । (গতি কর বলে)

বিষয় গরল পিয়ে, জুড়াবে না কভু হিয়ে

সেই সুধারসে যে জন মজে

তার যে ত্রিতাপ যায় তখনি । (চিরদিনের মত)

এ ছার হৃদয় দিলে, যদি রে সে ধন মিলে,

তবে সঁপি মন প্রাণে লভ না সে ধনে,

লভিলে জীবন পাবে এখনি । (সে জীবন-ধনে)

লোফা ।

ভাই রে !—গভীর পাপের কালি ঘুচিবার নয় ।

বিনা তাঁরি কৃপাবারি জানিও নিশ্চয় ।

বিনা তাঁরি (পাপের কালি ঘোচেনা ঘোচেনা)

(ও তাঁর কৃপা বিনে) কৃপাবারি জানিও নিশ্চয় ।

ভাই রে !—দুস্তর ভব জলধি কে করিবে পার,
বিনা সেই রূপাসিন্ধু ভব-কর্ণধার ।

বিনা সেই (সহায় কে আর আছে রে)

(ভব পারে নিতে) রূপাসিন্ধু ভবকর্ণধার ।

ভাই রে !—মহামোহে পড়ে কেন ভজিলে অসার ?

প্রাণ দিলে প্রাণ মিলে বুঝিলে না সার !

প্রাণ দিলে (পাপের জ্বালা থাকে না থাকে না)

(পরাণ শীতল হয় রে) প্রাণ মিলে বুঝিলে না সার

(কেন বুঝিলে না রে) (মহামোহে পড়ে)

দশকুশী ।

(আজ) সকলে অতি যতনে (অতি কঠিন
কোরে হে) বাঁধিয়ে প্রেম-বন্ধনে, এক প্রাণে
গাইব সে নাম ।

(সবে হৃদয় খুলে হে)

প্রভুর রূপা-প্রভাবে (অপার রূপা গুণে হে)
পাপের বিকার যাবে, পাপী পাবে তাঁর পুণ্য ধাম ।

(জীবন সফল হবে হে)

(আর) দেখ কি তাঁর চরণে (দেখ সময় গেল
রে) সঁপিয়ে হৃদয় মনে, এ জীবনে লভ রে বিশ্রাম ।

(ছুঃখ পাশরিয়ে রে)

(সবে) কর ব্রহ্ম জয় ধ্বনি (সবাই হৃদয় খুলে
রে) কাঁপায়ে গগন মেদিনী, জয়রবে পূর বিশ্বধাম

(দিক্ দশ ছেয়ে রে)

একতাল।

আনন্দে গাইয়ে চল আর কিবা ভয় রে,
প্রেমময়ের প্রেমরাজ্য এসেছে ধরায় রে,
কে যেন হৃদয়ের মাঝে বলে পাপী আয় রে,

(বলে আয় পাপী আয় রে !)

(বলে ত্বরা করে আয় রে !)

আজি সে সুরব শুনে ব্যাকুল পরাণ রে !
এত দিনে পাপীজনে পায় পরিত্রাণ রে !

(বুঝি) যায় স্বর্গধাম রে

(বুঝি) হয় পূর্ণ-কাম রে !

আজি সে মধুর ধ্বনি জাগে বিশ্বময় রে !

সবে মিলে হৃদয় খুলে বল ব্রহ্ম জয় রে ।

(বল) জয় ব্রহ্ম জয় রে

(বল) হোক ব্রহ্ম জয় রে !

(বল) জয় দয়াময় রে !

ধামাল ।

মিল—ফেলিয়ে অসার সুখ আয় তোরা চলে

গেল বেলা মিছে খেলা ছাড় সকলে

জীবন সফল হবে প্রাণ মন বিকাইলে ।

(ওরে) নগরবাসি ॥৬৯৮॥

১৮০৯ শক ।

সে তো দূরে নয়, তোরা দেখ গো হৃদয়
ধামে প্রেমময়ে পাবি গো নিশ্চয়— ।

সে প্রেম ভিন্ন, জীবন বাঁচে না, হয় মহাপ্রলয়,
এই বিশ্ব ক্ষণেক থাকে না,—জীব জন্তুগণ, সবে
রয়েছে যে প্রেমনীরে, হুইয়ে মগন—কেন দেখ না

সেই প্রেমের লীলা ভাই, হ'লে এমন পাষণ হৃদয় ।

(মোহে মুগ্ধ হয়ে)

সে মা জননী, প্রেমরূপিনী, একাকিনী, পরম
আদরে বিশ্ব পালিছেন যিনি ।

দেখ, বাঁধি প্রেমপাশে, দশ দিশে, কিবা
কোলেতে ধরেছেন তিনি ।

শুন রে ভাই বিনয়-বাণী, মায়ের সে প্রেম শ্রেষ্ঠ
মানি, লইলে শরণ এখনি, তোদের জুড়াবে জুড়াবে
প্রাণী । (হৃদয় শীতল হবে রে)

প্রাণ ভরে আজি গান কর

ভবে ত্রাণ পাবে আর নাহি ভয় ।

ও ভাই, শুন সমাচার, পাপীদের ভার, লয়েছেন

আপনি দয়াময় । (আর ভয় নাই)

প্রভুর প্রেমরাজ্য, দেখ প্রকাশিল,

তাঁর করুণা নামিল ধরায় ।

(পাপী উদ্ধারিতে)

এমন কৃপা ফেলে, তোমরা দূরে গেলে,

বল কোথা আর জুড়াবে হৃদয় ।

(এমন কেবা আছে)

আজ নয়ন ভরে, কৃপার লীলা দেখ,

আর গাও রে খুলিয়ে হৃদয় ।

(জয় দয়াল বলে)

নামের সারি গেয়ে, শান্তিধামে চল,

বল বল ব্রহ্মকৃপারি জয় ।

আমরা দয়াল নামে তরে যাব, আজ আমরা
বেঁচে যাব ।

পোড়ায়ৈ পাপ-বাসনা নবজীবন পাব,

সে চরণে হৃদয় মন সবাই ঢেলে দিব ।

মজিয়া সে প্রেম-রসে নিজে পাসরিব,

প্রেমময়ের প্রেমের জলে হাবু ডুবু খাব ।

প্রেমময়ের প্রেমের লীলা নয়নে হেরিব,

আর জয় জয় দয়াময় সবাই মিলে গাব ।

নিবাব সংসার-তাপ হৃদয় জুড়াইব,

আর বাহুতুলে কুতূহলে আনন্দে নাচিব ।

মিল । সে প্রেম ফেলিয়ে তোরা যাস্ কোথা রে

ভাই শান্তির লাগিয়ে,

শান্তিদাতার প্রসাদ ভিন্ন ভাই, সব মরীচিকাময় ।

সঙ্কীৰ্তন ।

মন রে তুই ডাক,

একবার ডাক রে দয়াল পিতা বলে ।

ও তোর হয় না কেন পাষণ-হৃদয়,

নামের গুণে যাবে গলে । (দয়াল নামের গুণে রে)

ও তোর ভবের জ্বালা দূরে যাবে,

স্থান পাবি তাঁর চরণতলে । (আর ভয় নাই নাই রে)

ও তোর আনন্দে ভাসিবে প্রাণ,

নামামৃত পান করিলে ।

ওরে অপার সেই ভবসিকু, পার হবি রে

অবহেলে ॥৭০০॥

অখিলতারণ বলে একবার ডাক তাঁরে ।

একবার ডাক তাঁরে ভক্তসঙ্গে,

ভাসি সবে প্রেমতরঙ্গে,

দয়াময় দয়াময় দয়াময় বলে ।

(একবার হৃদয় খুলে)

যদি ভবসিন্ধু পারে যাবে, ডাক তাঁরে ত্বরা করে ;
দয়াময় দয়াময় দয়াময় বলে ।

(একবার মনের সাথে) ॥৭০১॥

তোরা কে যাবি রে আর রে ভাই,

সবে মিলে প্রেমধামে যাই ।

তথায় প্রেমময়ের প্রেমমুখ,

এস দেখে সবে প্রাণ জুড়াই ।

পাপের মোহিনী মায়ায়, বদ্ধ হইয়ে সবাই,

কতকাল আর থাকিব বল ভুলিয়ে হেথায় ;

এস প্রেমভরে কেঁদে কেঁদে,

এস সবে তাঁর পায় লুটাই ।

পাপ তাপ সমুদয়, কিছু নাহিক তথায়,

নিত্য প্রেম নিত্য শান্তি বিরাজে যথায় ;

ঐ শোন্ প্রেমময় ডাকিতেছেন,

এস ব্যাকুল হয়ে ধাই সবাই ॥৭০২॥

(তোরা কে যাবি রে—স্বর)

দয়াময় নাম ভুল না রে মন,

এ নাম চিরদিনের শান্তি ধন ।

নামের কত মহিমা, আর কেহ জানে না,

মহাপাপীর পরিত্রাণে কিছু যায় জানা ;

পাপীর নয়ন ভাসে আশার জলে,

করিলে নাম উচ্চারণ ।

পাপীর হৃদয়ের ভার, কিছু থাকেনাক আর,

ভক্তিভাবে গলায় দিলে দয়াল নামের হার ;

পাপী আনন্দেতে হৃদয় ভরে,

করে এ নাম আশ্বাদন ।

নামের কত করুণা, কারেও করে না ঘৃণা,

পাপী সাধুর ভেদাভেদ এ নাম জানে না ;

সদা স্নেহ ভরে সমভাবে,

করে সবে আলিঙ্গন ॥৭০৩॥

নির্মল হইবে যদি মুখে দয়াল বল রে ;

নির্মল হইবে যদি, (রসনা রে)

প্রভুর নাম রসানে মাজ হৃদি রে ।

ঐ দয়াল নাম সুধাসিক্ত,

এ নাম কর্ণে লও রে এক বিন্দু (ওরে রসনা) ।

ঐ দয়াল নাম সিংহেরি শব্দ,

শুনে অরিগণ সব হয় স্তব্ধ । (ওরে রসনা) ॥৭০৪॥

(নির্মল হইবে যদি—স্বর)

শান্তিধামে যাবে যদি, ভক্তিপথে চল রে ।

সেই আনন্দধামে যাবে যদি, তবে হৃদয় কর সরল রে ।

লও সাধুসঙ্গ,

করো না বিলম্ব,

কর দয়াল নাম পথের সম্বল রে ।

রে পাষণ মন,

তাজ অভিমান,

তোর যে পাপের ভরা পূর্ণ হল রে ।

ব্যাকুল হৃদয়ে,

ডাক দয়াময়ে,

সে পথে তিনি মাত্র সহায় কেবল রে ॥৭০৫॥

পাপে মলিন মোরা চল চল ভাই ;
 পিতার চরণে ধরি কাঁদিয়ে লুটাই রে ।
 পতিতপাবন পিতা ভকত-বৎসল,
 উদ্ধারেন পাপী জনে দেখি অসহায় রে ।
 প্রেমের জলধি তিনি সংসার-পাথারে,
 পতিত দেখিয়ে দয়া তাই এত হয় রে ।
 বিলম্ব কর না আর ভুলিয়ে মায়ায়,
 ছরিত লইগে চল তাঁর পদাশ্রয় রে ॥৭০৬॥

(পাপে মলিন—স্বর)

বাসনা করেছি মনে দেখিব তোমায় ;
 তোমার করুণা বিনা না দেখি উপায় হে ।
 পাপে মলিন আমি দিবস যামিনী ;
 দয়া করি ত্রাণ কর দেখি দীন হীন হে ;
 দয়াময় নাম তোমার শুনিয়া শ্রবণে,
 লয়েছি শরণ পিতা দেও দরশন হে ॥৭০৭॥

এস এস করি সবে নাম সঙ্কীৰ্তন ।
 নাম সঙ্কীৰ্তন প্রভুর গুণানুকীৰ্তন ।
 ওহে যে নামেতে হয় পাপীর পাপ-বিমোচন ।
 ওহে যে নাম কীৰ্তনে মত্ত ছিলেন সাধুগণ ;
 যোগী ঋষি আদি সবে হে,
 গৌর নিতাই আদি সবে হে,
 শিব শুক আদি সবে হে,
 ধ্রুব প্রহ্লাদ আদি সবে হে,
 ঈশা মুশা মহম্মদ হে,
 নানক কবির আদি সবে হে ।
 ওহে যাঁহার প্রসাদে পাই ধরম রতন হে ;
 আমরা পাপী হয়ে হে ॥৭০৮॥

“ব্রহ্মকৃপাহিকেবলম্” সবে বল ভাই ।
 ওহে ব্রহ্ম-কৃপা বিনা জীবের আর গতি নাই ।
 ওহে সত্যমেব জয়তে আর চিন্তা নাই ।
 (সত্যের জয় হবেই হবে হে)

এস ব্রাহ্মধর্মের জয়ডঙ্কা সকলে বাজাই ।
 (পরব্রহ্মের কৃপাবলে হে) (নগরের দ্বারে দ্বারে হে)
 ওহে, ভাতৃ-বিচ্ছেদ মনঃপীড়া আর রবে নাই ।
 (দয়াময় পিতার রাজ্যে হে) (সব হৃদয় এক
 হবে হে ॥৭০৯॥

আনন্দ বদনে বল মধুর ব্রহ্ম নাম ।
 নামে উথলিবে সুধাসিন্ধু পিয় অবিরাম ।
 (পান কর আর দান কর হে)
 যদি হয় কখন শুষ্ক হৃদয় করো নাম গান ।
 (প্রেমে হৃদয় সরস'হবে হে)
 (বিষয় মরীচিকায় পড়ে হে)
 (দেখ যেন ভুলনা রে, সেই মহামন্ত্র)
 (বিপদকালে ডেক, তাঁরে দয়াল পিতা বলে)
 সবে ছুঁকারিয়ে ছিন্ন কর পাপের বন্ধন ।
 (জয় ব্রহ্ম জয় বলে হে)
 এস ব্রহ্মানন্দে মাতি সবে হই পূর্ণকাম ।
 (প্রেম যোগে যোগী হয়ে হে) ॥৭১০॥

ব্রহ্মনাম গাও সদা হৃদয় ভরিয়ে ।

প্রেমভরে গাও সদা আনন্দ-হৃদয়ে ।

নগরে নগরে গাও প্রতি ঘরে ঘরে ।

(মধুর ব্রহ্ম নাম রে)

পরব্রহ্মের জয়ধ্বনি কর দেশ দেশান্তরে ।

হৃদয়ে আছেন তিনি দেখ রে চাহিয়ে ।

কত মহা পাপী তরে গেল যে নাম স্মরিয়ে ।

(পতিতপাবন নামের গুণে রে) ॥৭১১॥

চল ভাই সবে মিলে যাই সে পিতার ভবনে ।

শুনেছি নাকি তাঁর বড় দয়া দুখী তাপী কাঙ্গাল জনে ।

কাঙ্গাল বলে দয়া করে,

কেউ নাই মোদের ত্রিভুবনে ;

আর কে বুঝিবে মর্শ্বব্যথা,

সেই দয়ারসাগর পিতা বিনে ?

(আর কেবা জানে রে)

ঘারে গিয়া কাতর স্বরে,

পিতা বলি ডাকি সঘনে ;

তিনি থাকিতে পারিবেন না কভু,

পাপীজনের কান্না শুনে ।

(তাঁর বড় দয়া রে)

নিরাশ্রয় নিরুপায় যত, নিতান্ত সম্বল-বিহীনে ;

সেই অনাথের নাথ দীনবন্ধু, উদ্ধারিবেন নিজগুণে ।

হুর্কল অসহায় দেখে, কিছু ভয় করোনা মনে ;

ওরে অনায়াসে তরে যাব,

সেই সুধামাথা দয়াল নামে ।

চল সবে ছরা করে, কিছু সুখ আর নাই এখানে ;

(একবার) জুড়াই গিয়ে তাপিত হৃদয়,

লুটায়ৈ তাঁর শ্রীচরণে ।

(প্রাণ শীতল হবে রে)

অজ্ঞান দীন দরিদ্র,

যত পতিত সন্তানে,

পিতা অধমতারণ বিলাচ্ছেন ধন,

আয় রে সবে যাই সেখানে ।

(হুঃখ দূরে যাবে রে) ॥৭১২॥

একবার চল সবে ভাই, ধীরে ধীরে যাই,
পুণ্যময়ের পুণ্যালয়ে ;

জুড়াই তাপিত আঁখি, হেরি রাজ-রাজেশ্বরে ।

পিতার দয়ার গুণে, এসেছি এই বঙ্গভূমে,
কি মাহেন্দ্র ক্ষণে ;

আজ মনের আশা পূর্ণ করে,

পিতার নাম বল্ব বদন ভরে ।

অনন্ত পুণ্যের জলে, নিবাইয়ে পাপানলে,

যাই পিতার রাজ্যে চলে ;

পিতার পুণ্যময় চরণ-চন্দ্রে,

এবার ধরি গিয়ে উদ্ধকরে ।

কি দিয়ে তোমার ধার, শুধিব আমরা এবার,

হে পুণ্যের অবতার ;

একবার লুটাই তোমার পুণ্যময়,

(পুণ্যময়) সিংহাসনের প্রান্তরে ॥৭১৩॥

(একবার চল সবে ভাই—স্বর)

আহা কি শুনিলাম,

মধুর দয়াল নাম,

নাম শুনে প্রাণ জুড়াল রে ;

ভয় তাপ দূরে গেল আশা হইল অন্তরে ।
 দীন হীন কান্ধাল জনে, যাবে পিতার পুণ্যধামে,
 সেই নামের গুণে ;
 শুনে আনন্দ ধরে না মনে ;
 পিতার দয়াল নামে পাপী তরে ।
 অনাথ নিরুপায় বলে, স্থান দিবেন চরণ-তলে,
 আমাদের সকলে ;
 আহা এমন দয়া কে করে আর ;
 পাপী অধম জনে ত্রিসংসারে ?
 যাদের কেহ নাই সংসারে, হুঃখী বলে দয়া করে,
 চেয়ে দেখে ফিরে ;
 দয়ালিঙ্গু দীনবন্ধু পিতার নাকি,
 বড় দয়া তাদের পরে ॥৭১৪॥

তোরা আর রে পুরবাসিগণ, আনন্দেতে করি সঙ্কীৰ্ত্তন ।
 তোদের ব্রহ্মধামে লয়ে যেতে এসেছেন পতিতপাবন ।
 (ও ভাই) ভবের মেলায় ধূলা-খেলায় হারাস্নে
 জীবন-রতন ।

তোদের পাপ তাপ দূরে যাবে সফল হবে জীবন ।
তোদের কাঙ্ক্ষাল হেরি রইতে নারি,
এসেছেন কাঙ্ক্ষাল-শরণ ।

চল ডঙ্কা মেরে ভবপারে সবে করিগে গমন ।
ঐ দেখ সন্মুখে দাঁড়িয়ে আছেন পূর্ণব্রহ্ম সনাতন ।
এস সবে ভক্তিভরে পূজি ঐ অভয় চরণ ॥৭১৫॥

প্রেমধামে কে যাবি আয় ।
সবে আয় আয় আয় আয় ।
রোগ শোক পাপ তাপ নাহিক যথায় ।
প্রেমময়ে দেখি যথা হৃদয় জুড়ায় ।
আয় রে ব্যাকুল হয়ে, আয় আয় আয় ।
কত আর জন্বে বল সংসার জালায় ।
জীবন যৌবন ধন যে দিল সবায় ;
প্রেমভরে লুটাইয়ে পড় তাঁর পায় ॥৭১৬॥

দিন যায়, যায় যায় যায়,

মিছে কাজেতে দিন যায় ।

কত দিন আর থাকবে রে মন, অজ্ঞান-নিদ্রায় ।

মজোনা মজোনা রে মন বিষয়-মায়ায় ।

সংসারের সুখ সম্পদ চিরস্থায়ী নয় ।

কোথা থেকে এসেছিলে, যাইবে কোথায় ।

(ভেবে দেখ রে)

ভবপারে যেতে হবে, ও তার কি কর উপায় ?

এখন লহ রে জীব, পরব্রহ্মের চরণে আশ্রয় ।

তিনি বিনা পরিত্রাণ, আছে রে কোথায় ॥৭১৭॥

— —

মধুর ব্রহ্মনাম, তোরা বলরে পুরবাসিগণ ।

একবার হৃদয়ভরে বল রে ।

ব্রহ্ম নামের গুণে থাকবে নারে,

ও ভাই শমনের ভয় রে ।

একবার পাইলে সে ব্রহ্মানন্দ,

ও ভাই তুচ্ছ হবে বিষয়-কাম ।

তোদের পাপ তাপ দূরে যাবে,

শীতল হবে পরাণ ॥৭১৮॥

একবার এস হে, একবার এস হৃদি-মন্দিরে,

কান্দাল ডাকে অতি কাতরে ।

শ্রুত এস হে, নহিলে ভজনহীনের উপায় নাই হে,

একবার এস হে, নহিলে কান্দাল বয়ে যায় হে ॥৭১৯॥

একবার এস হে, ও করুণা-সিন্ধু,

ব্যাকুল হয়ে ডাকি তোমারে ।

তোমা বিনে, পতিতপাবন,

পাপীর গতি নাই আর এ সংসারে ।

ওহে অগতির গতি তুমি হৃদয়-বিহারী,

সুধার নিধি ক্ষুধার অন্ন পিপাসার বারি ;

কাতর-প্রাণে যে ডেকেছে, পেয়েছে তোমায়,

তবে কেন বঞ্চিত নাথ,

তবে কেন বঞ্চিত কর আমারে ।

ও নাথ তুমি ত করুণা-কল্পতরু,

দেখা দিতে যে হবে হে (আমি অধম বলে) ;
 ওহে হৃদয়ে জেনেছি আমি,
 অধম জনার গতি তুমি, (পাপীর গতি নাই আর)
 তুমি আপনি লোকের গুরু হয়ে,
 পাপীর হৃদয় আপনি দেও ফিরাইয়ে ;
 এমন কেবা জানে হে, (পাপী তরাইতে)
 ওহে নাথ তোমার প্রেম-সিকু,
 জীব যদি পায় তার এক বিন্দু,
 সেই বিন্দু হয় সিকু প্রায়,
 তরঙ্গেতে পাপপুঞ্জ ভেসে যায় ।
 (পাপ আর রয় না রয় না) (তোমার কৃপা হলে)
 ওহে কলুষ বাড়বানলে তাপিত হৃদয় মম হে ;
 (হৃদয় জলে যায় হে) (পাপানলে)
 দাও হে পদপল্লব আশ্রয় হে ।
 (হৃদয়-শীতল করি নাথ) (চরণ-পল্লবের ছায়ায়)
 আমি দেখিলাম অনেক করে, শান্তি নাই এ সংসারে,
 তুমি মাত্র শান্তির আলয় হে ;
 (শান্তি কিছুতেই মিলে না) (ধন বল সম্পদ বল)

অধম বলে করলে ঘৃণা ছাড়ব না তোমার,
চরণ দিয়ে নিস্তার নাথ,
চরণ দিয়ে নিস্তার ভব-দুস্তরে ॥৭২০॥

করুণা কুরু কিঞ্চিৎ, প্রভু ।
কৃপা-ভিখারী কাতর কিঙ্করে নাথ ।
বড় আশা করে এসেছি নাথ । (চরণ পাব বলে)
আমি পাপেতে তাপিত হয়ে,
আছি তব দ্বারে দাঁড়াইয়ে । (ওহে পতিতপাবন)
প্রভু স্থান দাও তব চরণ-তলে,
আমায় ত্যজ না পাতকী বলে।

(ওহে অধমতারণ)

প্রভু কৃপাসিন্ধু (সিন্ধু) তব নাম,
আমায় কৃপা-বারি কর হে দান ।

(ওহে কৃপাময়) ॥৭২১॥

তোমার তরে তৃষিত প্রাণ ।

কর হে প্রেমবারি দান ।

দয়াধন তুমি, তৃষিত চাতক আমি,
করি বারি দান, বাঁচাও প্রাণ, ওহে প্রাণের প্রাণ ।

(বারি পিয়াও দেখি) (মন চাতকে)

তুমি হে প্রেমশনী, আমি চকোর সুধা-পিয়াসী,
মিটাইয়ে সাধ, ওহে প্রেমচাঁদ, করিব সুধাপান ।

(সুধা পিয়াও দেখি) (মন চকোরে)

তুমি হে প্রেম-সিদ্ধ, দাও প্রেম এক বিন্দু,
করিব পান, জুড়াবে প্রাণ, গলিবে মন পাষণ ।

(তোমার বিন্দু প্রেমে)

মাতি ভক্তি-রস রঙ্গে, ভাসি প্রেম-তরঙ্গে,
তোমার নাম, খুলিয়ে প্রাণ, আজি করিব গান ।

(হুঃখ দূরে যাবে) (তোমার নাম গানে) ॥৭২২॥

(করণা কুঞ্চ কিঞ্চিৎ—স্বর)

প্রভু এস হে হৃদি মন্দিরে ।

তোমার দীন হীন সন্তানে ডাকে নাথ ।

(পাপে কাতর হয়ে) (ওহে দয়াল পিতা)
এসে তাপিত হৃদয় শীতল কর । (ওহে শান্তিদাতা)
একবার দেখে জীবন সফল করি । (অপরূপ রূপ)
এসে পাপীরে পবিত্র কর ।

আমার বড় সাধ আছে মনে,
তোমায় হেরিব প্রেম-নয়নে ।
একবার হৃদয় মাঝে উদয় হও,
হয়ে দীন হীনের পূজা লও ।

তোমায় পাবার আশে আমরা ডাকি সবে,
দাসের বাসনা পূরাতে হবে । (বাঞ্ছা-কল্পতরু) ॥৭২৩॥

(করুণা কুরু কিঙ্কিৎ—স্বর)

দয়াল বলনা ওরে রসনা !
সে নাম বলবার এই ত সময় বটে ।
সদা আনন্দে বদন ভরে ।

ও মন এখন যদি, যদি না বলিবে,
তবে শেষের সে দিন কি হইবে ? (একবার দেখ ভেবে)
সেই দয়াল নামে, নামে কতই সুখা,

সে নাম পিতে পিতে বাড়ে ক্ষুধা । (আশা মিটে না)
 দয়াল বলিলে, আনন্দ হবে,
 ওরে মনের আঁধার দূরে যাবে । (দয়াল নামের গুণে)
 অনিত্য সংসারে, ভুলে থেকে না রে,
 জপ দয়াল নামটি ভক্তিভরে । (জপ দিবানিশি) ॥৭২৪॥

অশব্দ অস্পর্শ অরূপ অব্যয় ।

দেখা না দিলে কে দেখতে পায় নাথ ?
 (তুমি দয়া করে) (মনের অগোচর)
 কেবল অনুরাগে তুমি কেনা ;
 প্রভু বিনা অনুরাগ, করে যজ্ঞ যাগ,
 তোমায়ে কি বার জানা ?
 (তোমায় ধন দিয়ে কে কিনতে পারে ?)
 (ওহে অমূল্য ধন)
 (হৃদয় না দিলে হে) (জীবন না দিলে হে) ।
 তোমায় ভক্তি-পুষ্পে পুষ্পে বে জন পূজে,
 (ওহে ভক্ত-বাঞ্ছা-কল্পতরু হে)
 তুমি আপনি এসে, দেখা দাও তার হৃদয়মাঝে ।
 (ডাকতে না ডাকিতে) ॥৭২৫॥

(অশক্ অস্পর্শ—সুর)

পতিতপাবন অধমতারণ ।

তোমার মহিমা কে বুঝতে পারে ? (পানী তাপী বিনে)

প্রভু দ্বারে দ্বারে নাকি ফের ;

কত পাষণ্ড সন্তান, করে অপমান,

তথাপি ছাড়িতে নার !

প্রভু তাড়ালেও নাকি এস ;

একি ব্যবহার, বল, চমৎকার,

পালালে ধরিয়ে বস !

তুমি দীনজনে নাকি তার ;

আমি ঘোর অহঙ্কৃত, মোহে অভিভূত,

আমার উপায় কর ।

প্রভু এসেছিনু যাব বলে ;

এখন, সে পথ ঘুচিল, পাষণ্ড গলিল,

ভাসালে নয়ন জলে ॥৭২৬॥

বল আনন্দ বদনে ব্রহ্ম নাম ।

হল নিকটে আনন্দ-ধাম ।

হল হুঃখ অবসান,

পিতা আপনি কল্লেন বিধান, করে ভক্তি দান ;

আর ভয় নাই ভয় নাই পরিণাম ।

দুঃখী তাপী যে থাক,

বদন ভরে সেই পিতায় ডাক, একবার ডাকিয়ে দেখ,

সিদ্ধ হবে হবে মনস্কাম ।

পিতা পরম দয়াল,

নামে আপনি কাটে মায়া-জাল, ভবের জঞ্জাল ;

হবে সুখ শান্তি অবিরাম ।

দয়ার নিধি পিতা আমার,

পাপী সন্তানে অধিক তাঁর করুণা বিস্তার ;

তিনি কভু কারেও নহেন বাম ॥৭২৭॥

(আলেয়া কীর্তন—তেওট)

কবে সহজে মা বলে জুড়াব প্রাণ ?

(দয়াময়ি গো)

এমন কি আছে যেমন মিষ্ট মায়ের নাম ।

আমি পারি কি তোমায় ছেড়ে,

থাকিতে এ সংসারে,

(দয়াময়ি গো)

আছে তোমার সঙ্গে যে আমার প্রাণের টান ।
শিশু ছেলের মত, ডাকিব নিয়ত,
করব কোলে বসে স্তম্ভ সূধাপান
এবার পূজিব মায়ের চরণ,

হেঁরিব মায়ের আনন, (বড় সাধ গো)

এবার গাইব বদন ভরে মায়ের নাম ॥৭২৮॥

দিন যায় রে সবে মিলে গাও ব্রহ্ম নাম ।

দিতে জীবে ত্রাণ এলো নাম মর্ত্যধাম ।

তোরা আয় নগরবাসি, প্রেমরসে ভাসি,

বিভূনাম আজি করিগে কীর্তন ।

কাঁপায়ে গগন, কাঁপায়ে মেদিনী,

আয় সবে করি ব্রহ্মনাম ধ্বনি,

প্রতি দ্বারে দ্বারে, গাইব গন্তীরে,

মাতিব মাতাব জগতের জন ।

পশ্চাতে রাখি সংসার, ব্রহ্মনাম কর সার,

(কেন ভুলে র'লিরে) (এমন সূধামাথা ব্রহ্মনাম)

সেই নামের শূণে পাপী তরে,

(একবার ডাক্ ডাক্ রে)

ভবভয় যায় দূরে, মৃত প্রাণে জীবন সঞ্চারে ।

সবে পিয় পিয় রে ব্রহ্মনাম সুধা ।

কর নাম গান পূর্ণ হবে মনস্কাম ॥৭২৯॥

মনের আনন্দে বিভুগুণ গাও ।

গাও রে আনন্দ মনে, বদন ভরে গাও ।

দিনান্তে নিশান্তে গাও রে, পরমানন্দে গাও ।

নির্ভয় নিশ্চিত মনে, দিবা নিশি গাও ।

(আর কিবা ভয় আছে রে)

ভয় ভাবনা ত্যজি, সদানন্দে গাও ।

(মিছে কি হইবে ভেবে রে)

বিপদ সম্পদে গাও রে, সুখে দুঃখে গাও ।

শয়নে স্বপনে গাও রে, যথা তথা গাও ।

(আর কিবা কাজ আছে রে)

নাম-গুণ গান করে, প্রেমরসে মত্ত হও ।

গাইতে গাইতে পথে নির্ভয়ে চলে যাও ।

(সংসার-দুর্গম পথে রে) ॥৭৩০॥

এমন সুধামাথা দয়াল নাম কেন মিলে না রে মন ?

এ নাম দেবতার হুল্লভ হয় রে,

নামে পাষণ্ড করে দলন ।

যোগী জপে যোগ-ধ্যানে, ভক্ত রাখে হৃদাসনে,

এ নাম নিরুপায়ের উপায় হয় রে,

এ নাম পাপীদের সর্বস্ব ধন ।

(এ নাম আমাদের নিজস্ব ধন)

পুরাণ আদি করে তন্ত্র, শাস্ত্রেতে না পায় যার অন্ত,

পাপীদের দশা দেখে এ নাম কল্লেন বিতরণ ;

ওরে তবু নামের হয় না সীমা রে,

এ নাম হৃদয়ে না হয় ধারণ ॥৭৩১॥

(এমন সুধামাথা দয়াল নাম—স্বর)

পতিতপাবন দয়াল নামে জুড়ায় জীবন ।

যেন, অন্তরে সহস্র ধারে করে সুধা বরষণ ।

যেই নামামৃত লোভে, যোগীজন ভক্তি-যোগে,

মনের অনুরাগে করে কঠোর সাধন ;

তারা ত্যজিয়ে বিষয়-বাসনা সার করে সেই নিত্যধন,

(সকল ছেড়ে)

যে নাম সাধনের বলে, অপার আনন্দ মিলে,
 স্মরণেতে পাপতাপ করে হে হরণ ;
 কর আনন্দে সকলে মিলে; দয়াময় নাম সংকীৰ্ত্তন ।
 ডাক তাঁরে প্রেমানন্দে, প্রাণভরে মনের সাধে,
 পিতা দয়ালের চরণারবিন্দে, কর প্রাণ মন সমর্পণ ।

(এ জনমের মত) ॥৭৩২॥

মনোহর সাই—একতারা ।

চঞ্চল অতি, ধাওল মতি,
 নাথ তরে ভবভুবনে ;
 শশী ভাস্কর, তারা-নিকর,
 পুছত সলিল পবনে ।

(ও কেউ দেখেছ নাকি, আমার হৃদয়-নাথে)

হে সুরধুনী, সাগর-গামিনী,
 গতি তব বহু দূরে ; (সাগর সস্তাষিতে)
 হেরিলে কি ভূমি, ভরমিয়া ভূমি,
 যার তরে আঁখি করে ?

(তোমার ধারার মত)

মিহির ইন্দু,

কোথা সে বন্ধু,

দিটি তব বহু দূরে ;

(গগন মাঝে যে থাক) (বল্লে বল্তেও পার)

হেরিছ নগর,

সরসী সাগর,

নাথ মম কোন্ পুরে ? ॥৭৩৩॥

পতিতপাবন

ভকত জীবন

অখিলতারণ বল্ রে সবাই ।

বল্ রে বল্ রে বল্ রে সবাই ।

যাঁরে ডাক্লে পাণী তরে যায় রে ।

ওরে এমন নাম আর পাবি না রে ॥৭৩৪॥

দয়াল বল জুড়াক্ হিয়া রে,

দয়াল বল জুড়াক্ হিয়া রে ।

যাতনা সহেনা প্রাণে রে ।

পাপে তাপে প্রাণাকুল রে ।

বিষয়-বিষে অঙ্গ জলে রে ।

কারও কথার ভুলো না রে ।

ভূলাতে অনেকে আছে রে ।

মুদলে আঁখি সকল ফাঁকি রে ।

কেউ সঙ্গে যাবে না রে ।

(দয়াল নাম বিনে)

নাম বিনে আর কি ধন আছে রে ।

(গংসারের মাঝে)

জীবন সম্বল সে নাম রে ।

অস্তিম কালের ধন রে ।

নামে সকল ছুঃখ দূরে যাবে রে ॥৭৩৫॥

দয়াময় নামসাধন কর,

নামে মুক্তির ঘাট নিকট হবে ।

নামের বর্ণে বর্ণে সুখা করে ।

নামসাধনের এই ত সময় বটে ;

সময় গেলে আর ত হবে না ।

নামে মহাপাপী তরে যায় । (সেই দয়াল নামে)

এ নাম পরিত্রাণের মূল মন্ত্র ।

যদি ভবনদী (নদী) পার হবে,

তবে ভাই ভগ্নী মিলে সবে নামসাধন কর ।

(এক হৃদয় হয়ে)

যদি ধনী হতে চাও, সেই নিত্য ধনে,

তবে কপট ত্যজে সরল মনে নামসাধন কর ।

যদি সুখী হতে চাও এই পৃথিবীতে,

তবে অলস ত্যজে সরল চিতে নামসাধন কর

(প্রেমে মত্ত হয়ে) ॥৭৩৬॥

দয়াময় কি মধুর নাম ।

আমার নাম শুনে প্রাণ জুড়াইল রে, কি মধুর নাম ।

নামের বর্ণে বর্ণে সুখা ঝরে, কি মধুর নাম ।

এ নাম কোথা ছিল কে আনিল, কি মধুর নাম ।

এ নাম জীব তরাতে এসেছিল, কি মধুর নাম ।

এ নাম তোমরা বল আমরা শুনি, কি মধুর নাম ।

নামে শুষ্ক তরু মুঞ্জরিল, কি মধুর নাম ।

নামে মরা মানুষ বেঁচে গেল, কি মধুর নাম ।

আমার নামে অঙ্গ শীতল হল, কি মধুর নাম ।

আমার পাপ তাপ সব দূরে গেল, কি মধুর নাম ॥৭৩৭॥

ও দিন গেল দয়াল বল না, মন রসনা ।

ও মন দয়াল নাম সাধন হলে শমন ভয় আব রবেনা ।

ওরে শোন রসনা সমাচাব, দয়াল নামটী কর সার,
যদি ভবে হবে পার ;

আর মিছে মায়ায বন্ধ হয়ে কুপথগামী হয়ো না ।

ওরে ভাই বন্ধু যত হয়, কেবল পথের পরিচয়,

ও মন কেহ কারো নয় ;

মিছে আমার আমার আমার বল,

আমার কে তা চিন্লে না ॥৭৩৮॥

সদা দয়াল দয়াল দয়াল বলে ডাকরে রসনা ।

যাঁরে ডাকলে হৃদয় শীতল হবে বে, যাবে যম-যন্ত্রণা

আপন আপন কাবে বে বল,

এসেছিলে ভবের হাটে মিছে দিন গেল ;

ও ভাই মোহ মায়ায় মুগ্ধ হয়ে বে,

মিছে খেলা আর খেল না ।

শমন এসে বাঁধবে রে যখন,

কোথায় রবে ঘর দরজা কোথায় রবে ধন ;

তখন বন্ধু জনায় বিদায় দিবে রে,

সাথের সাথী কেউ হবে না ॥৭৩৯॥

পড়ে অকূল ভব সাগরে, তাই প্রভু ডাকি তোমারে ।

আমি তরঙ্গে ডুবিয়ে মরি,

আমায় উঠাও হে কেশে ধরি,

আশ্রয় বিষয়-গাছের তলা, কিছু আমার নাই,

যা কর হে নিজ গুণে তোমারি দোহাই

তুমি দীনবন্ধু নাম ধরেছ,

একবার দীনের প্রতি চাও ফিরে ॥৭৪০॥

পড়িয়ে ভব-সাগরে, ভাসি অকূল পাথারে ;

একবার দেখ হে ভব-কাণ্ডারী,

আমরা যে দিকে চাই না দেখি কূল,

তাইতে ভাবিয়ে হতেছি আকূল,

হে দয়াময়, অকূলে কূল দেও কাতরে ।

তোমার দয়াময় নাম শুনে,

আমরা এসেছি সব পাপিগণে,

নিজ গুণে, পার কর অধম নরে ।

একে ভব নদীর তুফান ভারি,
 তাহে তরঙ্গ দেখিয়ে ডরি,
 চরণ-তরী দিয়ে পার কর অধম পামরে ॥৭৪১॥

প্রকাশ যদি, হৃদি-কন্দরে ।
 আমি তবে জানিলাম চিন্তামণি,
 কৃপাময় কৃপানিধি ।
 এবার পাপীকে তরাতে হবে,
 তাই ডাকি হে নিরবধি ।
 তুমি পঙ্কুরে লজ্জাও আকাশ,
 তুমি বামন জনে চাঁদ ধরাও নাথ,
 তুমি গোম্পদের গ্রায় পার কর হে ।
 অকুল ভব-জলধি ॥৭৪২॥

বড় আশা করে, প্রভু তব ঘরে,
 এসেছে অধম জন ।
 মুখ নিরখিবে, নয়ন জুড়াবে,
 গলিবে পাষণ মন । (তোমার রূপ হেরে)

যাইবে যাতনা, পুরিবে বাসনা,
 নিবিবে পাপ-দহন । (তোমার পুণ্যনীরে)
 প্রেমেতে ডুরিবে, আনন্দে মাতিবে,
 পাইবে পরম ধন । (আজি হৃদয়ভরে)
 তুমি প্রেমমণি, তুমি রত্নখনি,
 তুমি হে হৃদি-ভূষণ । (হৃদয়-রতন তুমি)
 নেত্রের কজ্জল, আত্মার সম্বল,
 তুমি হে প্রাণ-রমণ । (ওহে হৃদয়-সখা)
 হৃদয়ের স্বামী, তোমারি হে আমি,
 তুমি হে জীবন-ধন । (আমি তোমারি নাথ)
 এ দাসে কিনিয়ে, নিজের করিয়ে
 রাখ হে দীন-শরণ (ঐ চরণতলে) ॥৭৪৩॥

লোফা) মা বই কিছু জানি না, বুদ্ধি না আর ।

আমি মায়ের ছেলে, হেসে খেলে,

মনের আনন্দে করি বিহার ।

জননীর হাতে সুধা খাই,

আর তাঁর নাম গুণ গাই ।

আমার সাধন সিদ্ধি মায়ের নাম,
 তাঁর শ্রীচরণ কৈবল্য ধাম ।
 আমায় যদি কেহ মন্দ বলে,
 সব মায়ের কাছে দিব বলে ।

(খয়রা) আহা মা আমায় বড় ভালবাসে,
 (প্রেমে যেন পাগলিনী)
 দেখা হলে মুখপানে চেয়ে হাসে,
 আনন্দ-হিল্লোলে সদাকাল ভাসে ।
 কত কথা কয় সুমধুর ভাষে ।

(লোফা) মায়ের কোলে শুয়ে শুয়ে,
 মুখপানে চেয়ে চেয়ে,
 ডাকব মা, মা, মা, মা, আমার ;
 সাধু ভক্ত সঙ্গে, প্রেমরস রঙ্গে,
 প্রেমসাগরে দিব সাঁতার ॥৭৪৪॥

এই প্রার্থনা দীনজনের হে দীননাথ ।

বিষয়-বিষ-হৃদে যেন ডুবি না হে ।

আমায় কখন ত্যাগ কর নাই তুমি ।

(সাধু পাপী আমি যা হই হে)

যেন তোমায় ত্যাগ না করি আমি হে ।

আমায় সম্পদে বিপদে রেখো ;

(তুমি যা কর সেই ভাল হে)

ও নাথ তুমি আমার হৃদয়ে থেকো হে ।

যে সুখ তোমাকে ভুলায়ে রাখে,

(নানা প্রলোভনে হে)

আমার কি কাজ আছে এমন সুখে হে ।

যে দুখ আমায় নেয় তোমার নিকটে ;

আমার সুখ হতে সে দুঃখ বন্ধু বটে হে ॥৭৪৫॥

ওহে দয়াময়,

নামে মুক্তি হয়,

তাই ডাকি তোমায় ।

আমি করি এই প্রার্থনা, পূরাও হে মনের বাসনা,

নামের ভিখারী কর হে হয়ে সদয় ।

তোমার নামের গুণ নাথ, কে বর্ণিতে পারে,

রসনা অবাক হয়, মন বুদ্ধি হারে ।

তোমার দয়াল নামের এমনই গুণ হে । ধূয়া ।

অন্ধ চক্ষু পায়, খঞ্জ হেঁটে যায়,

বোবা গীত গায় বধীর শুনে হে ।

শুক তরুচয়, মুঞ্জরিত হয়,

ফলফুলে কিবা শোভা পায় হে ।

হৃদয় কানন, হয় তপোবন,

অমানিশায় হয় চন্দ্রোদয় হে ।

মরুভূমিচয়, হয় জলাশয়,

প্রেমের তরঙ্গ তায় উঠে হে ।

কলকে আচ্ছন্ন, হৃদয় দর্পণ,

স্বচ্ছ পরিচ্ছন্ন হইয়ে যায় হে !

ষড়রিপু আদি, হৃদয় মনের ব্যাধি,

ভজনের বাদী পরাস্ত হয় হে ।

পাষণ মন গলে, নয়ন ভাসে জলে,

হৃদি সরোবরে কমল ফুটে হে ।

পাপ-তাপানল, হয়ে যায় শীতল,

প্রেম-সমীরণ হৃদে বহে হে ।

অসম্ভব সম্ভবে, স্বর্গ হয় ভবে,

মনুষ্য দেবতা হইয়ে যায় হে ।

নাম-রস পানে, কত ভক্ত জনে,

ক্ষুধা তৃষ্ণা সব ভুলিয়ে যায় হে ।

দিয়ে দয়াল নাম, উদ্ধার কর হে আমায় ॥৭৪৬॥

কিরূপে বলিব সেইরূপ, সে ত বলিবার নয় রে ।

অপরূপ অরূপ কথায় বলিবার নয় রে ।

(কেবল প্রেম-নয়নে দেখিবার)

সেরূপ অনুপম, অতুল ভক্তিতে হৃদয়ঙ্গম ।

জন্ম অন্ধে কি বুঝিতে পারে,

কি অপূর্ব শোভা শশধরে ?

কেবল প্রেমিক ভক্ত জনে,

দেখে সে শোভা আনন্দ মনে ।

(দেখিলে প্রাণ শীতল হয়)

যদি করিবে হে দরশন, কর চিত্ত সংযম,

শান্তমনে কর যোগ সাধন । (ত্যজিয়ে বিষয়-বাসনা)

বৈরাগ্য সাধন কর, অসার সংসার ছাড়,

একদৃষ্টে চাহ তাঁর পানে ; (হৃদি মন্দিরে হে)

(তৃষিত ব্যাকুলান্তরে)

সেই সুন্দর রূপ-নিধান, হেরিলে জুড়ায় প্রাণ!
কথায় বলিবায় নয় রে (চক্ষে দেখিবায় নয়) ॥৭৪৭॥

দয়াল নামের যদি করেছ ভাই সুধাপান,
তবে থেকে না মোহে আর অচেতন ।
নামে পাতকী তরে যায়, অনন্ত জীবন পায়,
বল বল হে বদনভরে সর্বক্ষণ ।
পাপতাপে পুড়ে মরি, দেখ সব নরনারী
হাহাকার করিতেছে না দেখে উপায় ;
“তুমি পাইয়ে দয়াল নাম, রবে রবে কি হয়ে বাম,”
পিতার করুণা বলিতে কি লজ্জা হয় ।
এস সব ভাই মিলে, মহানন্দে প্রেমে গলে,
দ্বারে দ্বারে গিয়ে করি দয়াল নাম কীর্তন ;
পাপ যন্ত্রণা দূরে যাবে; তাপিত হৃদয় শীতল হবে,
এ নাম শ্রবণে কীর্তনে হয় পরিত্রাণ ॥৭৪৮॥

আর কত দিন তোমায় ছেড়ে থাকিব বল নাথ ।
দিয়ে দরশন, রাখ এ জীবন, হে কালালের ধন ।

আর কত দিন দয়াময়, করুব হে হাহাকার,
যাতনায় হে ; (এই বিষম রোগের যাতনায় হে)

জ্বলিতেছি দিবারাত ।

কবে বল্ব হে ঘরে ঘরে, কান্দাল দেখে প্রভু মোরে,
দিয়েছেন পরিত্রাণ ॥৭৪৯॥

প্রাণ আকুল হল ।

না হেরিয়ে প্রভু তোমাতে ;

মন যে কেমন করে, প্রকাশিব কেমনে বল ?
আমি সহিয়ে অনেক দুখ, চেয়ে আছি তব মুখ,

আশা মনে পাব পরিত্রাণ ;

(দুখ পাসরিব হে) (তোমায় হেরে)

(হায় সে দিন কবে হবে নাথ ?)

করি দয়াল নাম সংকীৰ্ত্তন, আনন্দে হব মগন,

প্রেমধারা নয়নে বহিবে ।

(তাপিত হৃদয় শীতল হবে হে)

সদা বিরলে তোমার সনে, রহিব মগন ধ্যানে,

রূপ হেরি জুড়াব নয়ন ; (অপরূপ রূপ মাধুরী হে)

(অনিমেষ নয়নে)

নামামৃত পান করি, আনন্দে দিবা-শরীরী,
ভক্তিভাবে সেবিব চরণ ;

(মনের আশা পূর্ণ করি হে) (সকল পরিহরি হে)

দয়াময়, সেই বিচিত্র মূর্তি,

যাহা প্রাণ ভরে কভু দেখি নাই নাথ,

বড় সাধ মনে হে ; (প্রাণ ভরে হেরি)

আমি অপরাধী পাপেতে মলিন,

পাপান্ন-নয়নে হেরিব কেমনে হে ?

তুমি বাঞ্ছা-কল্পতরু আশা পূর্ণ কর হে,

দেখা দিতে যে হবে ;

(পাপী উদ্ধারিতে দেখা দিতে যে হবে)

তোমার অদর্শনে,

বাঁচিব কেমনে,

(পিতা পাপীর দিন কি এমনি যাবে হে)

আর নাহি সুখ এই পাপ-জীবনে,

নাথ তোমা বিনে সকলি আঁধার হে ;

ওহে জীবনে মরণ-সম, আছি নাথ চিরদিন হে,

কোথায় গিয়ে জুড়াব হৃদয় হে ;

আর সহে না কাতর প্রাণে, দয়া কর দীনজনে,

দেখা দিয়ে পূরাও বাসনা ; (আর কিছু চাহি না নাথ)
এই পাপ জীবনে কবে দেখা দিবে হে বল ॥৭৫০॥

পাপে তাপে জলে আজ জুড়াতে জীবন,
নাথ, এলাম তোমার দ্বারে ।

তুমি অন্তর্যামী, জান অন্তরের দুঃখ,
কি আর বলিব তোমারে ।

নাথ, নিজ পাপ মনে হলে আশা নাহি রয়,
নিরুপায়ের উপায় তুমি ওহে দয়াময় ।
(তাই তোমার দ্বারে এসে কাঁদি হে)

(তুমি নাকি মরম জান)

আমি দীনহীন অধম তনয় ;
নিলাম তোমার ও চরণে আশ্রয় !

নাথ, মম মন মকরের তুমি সুধাসিক্ত,
মম মন চকোরের তুমি পূর্ণ ইন্দু ।

(তাই প্রাণ তোমায় ছেড়ে রইতে নারে হে)

তুমি যদি উপেক্ষিবে, তবে কেমনে জীবন রবে ॥৭৫১॥

প্রাণ-সখা হে, এস হে, এস ও দয়াময় ।

তোমায় দীন হীন কাঙ্ক্ষালে ডাকে হে ।

(এস হে ও দয়াল প্রভু)

তোমায় না দেখিলে রহিতে নারি হে ।

একবার হৃদয় মাঝে উদয় হও হে ;

(এস হে কাঙ্ক্ষালের নিধি হে)

হয়ে দীনহীনের পূজা লও হে ।

এসে পাপীরে পবিত্র কর হে ।

(ওহে পতিতপাবন হে)

তোমায় দেখে হৃদয় শীতল করি হে ॥৭৫২॥

প্রভু দয়াল, সাধু মুখে আমি শুনেছি,

অকূল পাথারে পড়ে ডাকতেছি ।

আমায় দিয়ে চরণ-তরী, উঠাও উঠাও হে কেশে ধরি

আমি আশা করিয়ে চেয়ে রয়েছি ।

অম্পৃশ্য পামর আমি, দয়ার ঠাকুর তুমি

অগতির গতি প্রভু মনে জেনেছি ;

তুমি করিয়ে অধম তারণ, নাম ধর পতিতপাবন

তা ত অধম জনা হতে জেনেছি !

করিতে পাপী-উদ্ধার, হয়েছ প্রকাশ এবার,
মোর সমান পাপী প্রভু কোথা পাবে আর ;
প্রভু যে তোমার স্মরণ লয়, তার দশা কি এমন হয়,
আমি পাপার্ণবেতে ডুবে রয়েছি ॥৭৫৩॥

হৃদে হের্ব আর অভয় চরণ পূজ্ব হে ।

তোমার দরশনে দীনবন্ধু জীবনুক্ত হব ॥

তোমার প্রেমামৃত পানে ক্ষুধা তৃষ্ণা নিবারিব ।

(ক্ষুধা দূরে যাবে হে)

তোমায় ভ্রাতা ভগ্নী মিলে প্রীতি-পুষ্পাঞ্জলি দিব ।

(তোমার অভয় পদে হে)

তোমার প্রেমসিন্ধু নীরে তাপিত হৃদয় জুড়াইব ।

(জ্বালা দূরে যাবে হে)

তোমার দয়াময় নাম সংকীর্ণনে আনন্দে মাতিব ।

(মাতিব আর মাতাইব হে)

তোমার আনন্দময় রূপ হেরি আনন্দে মাতিব ।

তোমায় দেখে শুনে চক্ষু কর্ণের বিবাদ ভাঙ্গিব ।

তোমার পুত্র কন্যাগণে প্রেম-নয়নে হেরিব ॥৭৫৪॥

হৃদয় পরশমণি আমার ।

নয়নেব ভূষণ আমার বিভূ দরশন;

বদনেব ভূষণ আমার নাম সংকীৰ্ত্তন ;

(ভূষণ বাকি কি আছে রে, জগচ্ছন্দ হার পরেছি)

হস্তের ভূষণ আমার সে চরণ সেবন

কর্ণের ভূষণ আমার সে নাম শ্রবণ,

(ভূষণ বাকি কি আছে রে, প্রেমমণি হার পরেছি)

॥৭৫৫॥

বড় আশা করে, তোমার দ্বারে, এসেছি ওহে দয়াময়,

প্রভু তুমি পতিতপাবন, নিলাম চরণে শরণ,

যেন এ দীনের মনোবাঞ্ছা পূর্ণ হয় ।

এই সংসার-প্রলোভনে. কাঁপে প্রাণ নিশিদিনে,

তাইতে এসেছি এখানে ; (হে)

অভয় চরণ দানে এ দীনে কর অভয় ।

আমি চাই না হে ধন মান, চাই না যশ অভিমান,

কর-যোড়ে করি নিবেদন , (হে)

যেন এ দীনে শ্রীচরণে পায় আশ্রয় ॥৭৫৬॥

আর বল্ব কি যেমন তোমার ইচ্ছা হয়,
দীনবন্ধু হে ।

হয় রাখ সুখে, না হয় রাখ দুখে,
তোমার সম্পদ বিপদ আমার দুই সমান ;
তুমি যে বিধি কর বিধি, সেই হয় মঙ্গল বিধি,
গুণনিধি হে ;

ঘোর বিপদেও বল্ব তোমায় দয়াময় ।
আমি না জানি স্তব স্তুতি, তথাপি পাব মুক্তি,
তোমার উক্তি হে ;

তোমার দয়া বিহনে পাপী কোথায় যায় ॥৭৫৭॥

(আর বল্ব কি যেমন—সুর)

নাথ, আমার এই ভাবে যায় হে যদি এ জীবন,
আমার গতি কি হবে হে অধমতারণ ?

হয়ে অনিত্য সুখের অধীন,
ইন্দ্রিয় বশে গেল চিরদিন,
আমার কুভাবই স্বভাব হয়েছে এখন !

স্মৃতি, বুদ্ধি, মন, শ্রবণ, লোচন,
সব দিয়েছিলে হে যত প্রয়োজন ;

আমি তোমারি দত্ত-ধনে, বাদ সাধিলাম তোমার সনে,
এখন ধনে প্রাণে বুঝি হলাম নিধন ॥৭৫৮॥

(আব বলব কি যেমন—স্বব)

একটী ভিক্ষা আজ দিতে হবে হে আমায়,
দীনবন্ধু হে ।

ঐ অভয় চরণ, পেতে আকিঞ্চন,
নিয়ে করব হে হৃদয়ের ভূষণ ;

নিত্য ভক্তি-জলেতে ধোব, নয়ন ভরে দেখিব,
বাসনা হে ;

বলব কৃতার্থ করেছেন আমায় দয়াময় ।

কি স্বদেশে, কি বিদেশে,

নিয়ে রাখব হে, হৃদয়ে গেঁথে ;

পাপ যন্ত্রণা দূরে যাবে, বিপদ সম্পদ হবে,

তুমি কৃপা করিয়া একবার হও সদয় ॥৭৫৯॥

(আর বলব কি—স্বর)

পাপী জনে কেন এত দয়া হয়, দয়াময় হে ।
 আমি ছেড়ে, তোমায়, থাকি ঘোর মায়ায়,
 আন কেশে ধরে পূজিতে তোমায় ;
 আমি জেনেছি দয়াময়, ঐ নামে তরে যায়,
 পাপী তাপী হে,
 তুমি কৃপা করিয়ে মোরে দাও অভয় ।
 কি সম্পদে, কি বিপদে,
 রেখো অধমের ভক্তি ও পদে ;
 নিত্য ভৃত্য করিয়ে রেখ, চিরদিন কাছে থেকো,
 ছেড়না হে ;
 যেন ডাকিলে পাপী তোমার দেখা পায় ॥৭৬০ ॥

(আর বলব কি —স্বর)

নাথ আমার করুণা করিবে না কি বলে ?
 কারে বঞ্চিত করেছ হে কোন্ কালে ?
 পাপে তাপে তাপিত হয়ে,
 একবার যে ডাকে আকুল হৃদয়ে,
 তারে শীতল কর কৃপা-সিন্ধু-জলে ।

কত কুপুল তোমার দেখতে পাই,
তোমার ত্যজ্যপুল কভু শুনি নাই ;
হয়ে সহস্র অপবাদী, কাতরে একবার কাঁদে যদি,
তারে তখনি তনয় বলে লও কোলে ॥৭৬১॥

হে দীনবন্ধু, অপার প্রেমের সিন্ধু, জগদ্বন্ধু,
আমাদের মনোবাঞ্ছা করছে পূরণ ।
আমরা জানি না কেমন করে, পূজিব হে তোমারে,
একবার দয়া করে, দেও তোমার ঐ চরণ ।
আমরা পাপ-ভার স্কন্ধে লয়ে,
আছি তোমার দ্বাবে দাঁড়ায়ে,
একবার দেখা দিয়ে, (পাপী বলে,) করছে
হৃৎখ মোচন ॥৭৬২॥

এস দয়াল দীনবন্ধু প্রেমসিন্ধু হে ।
প্রভু, বলেছ বলেছ তুমি (পাপীর দশা দেখে হে)
কান্দাল ডাকিলে আসিব আমি ।
আমি এই মনে আশা করি হে,
তোমার ঐ চরণ হৃদয়ে ধরি ।

আমি তোমা ছাড়া রইতে নারি হে,

(ওহে দয়াল প্রভু হে)

আমায় দেখা দেও হে কৃপা করি ॥৭৬৩॥

এস হে এস ওহে প্রভু কাকাল-শরণ ;

একবার হৃদয় মাঝে দেও হে দরশন ।

তোমার দীন হীন সম্বন্ধে ডাকে, এস হে,

ডাকে পড়িয়ে ঘোর বিপাকে ।

এদের নাইকো পিতা নাইকো মাতা, এস হে,

কেবল তুমি মাত্র সহায় হেথা ।

পাপী যাবে না আর তোমায় ছেড়ে, এস হে,

একবার এস প্রভু কৃপা করে ।

তুমি হুঃখী তাপীর পিতা মাতা, এস হে,

এরা তোমায় ছেড়ে যাবে কোথা ।

তুমি নিরুপায়ের একই আশা, এস হে,

ও নাথ দেখে যাও পাপীর দশা ।

এরা পাপার্ণবে ডুবে মরে, এস হে,

নাথ থেকে না তাদের ভুলে ॥৭৬৪॥

পিতাগো দেখা দাও ;
 আমায় দেখা দিয়ে প্রাণে বাঁচাও ।
 আমি তোমারি নাথ, তোমারি চিরদিন,
 তোমার দীনহীন অধম তনয় ।
 আমি একাকী অরণ্য মাঝে,
 আমার ভয়ে অঙ্গ অবশ হ'ল ।
 ওহে কোথায় রইলে হৃদয়ের ধন,
 কোথা রইলে প্রাণসখা, দেখা দাও ।
 আমি আর যাব না পিতা তোমায় ছেড়ে,
 আমায় ক্ষম এবার দয়া করে ॥৭৬৫॥

দেখা দেও পাপীজনে, গৃহে পতিতপাবন ।
 হয়ে অচেতন, আছি হে নাথ জীবনু ত প্রায় ।
 তোমায় ছেড়ে এ জীবন অন্ধকারময়,
 উদ্ধার করহে পিতা দিয়ে পদাশ্রয় ।
 কেমনে দেখিব তোমায় এ পাপ-নয়নে,
 হয়ে অন্ধ প্রায় ভ্রমিতেছি সংসার-কাননে ।

কত দিন আর থাকিব বল না দেখে তোমার,
একবার আসি হৃদয়মাঝে হও হে উদয় ॥৭৬৬॥

সত্যং শিব সুন্দর রূপ ভাতি হৃদি-মন্দিরে ।
নিরখি নিরখি অমুদিন মোরা ডুবিব রূপ-সাগরে,
(সে দিন কবে বা হবে) (দীন জনের ভাগ্যে নাথ)
জ্ঞান অনন্ত রূপে পশিবে নাথ মম হৃদে,
অবাক হইয়ে অধীর মন শরণ লইবে শ্রীপদে ।
আনন্দ অমৃত রূপে উদিবে হৃদয়-আকাশে,
চন্দ্র উদিলে চকোর যেমন ক্রীড়য়ে মন হরষে ;
আমরাও নাথ তেমনি করে মাতিব তব প্রকাশে ।
শান্তং শিব অদ্বিতীয় রাজরাজ-চরণে,
বিকাইব ওহে প্রাণসখা, সফল, করিব জীবনে ;
এমন অধিকার, কোথা পাব আর,
স্বর্গ ভোগ জীবনে। (সশরীরে)
শুদ্ধমপাপবিদ্ধং রূপ হেরিয়ে নাথ তোমার,
আলোক দেখিলে আঁধার যেমন যায় পলাইয়ে সত্বর ;
তেমনি নাথ তোমার প্রকাশে পলাইবে পাপআঁধার ।

ওহে ঋষতারা সম হৃদে জলন্ত বিশ্বাস হে,
জ্বালি দিয়ে দীনবন্ধু পূরাও মনের আশ ;
আমি নিশিদিন প্রেমানন্দে মগন হইয়ে হে ;
আপনারে ভুলে যাব তোমারে পাইয়ে হে ।

(সে দিন কবে হবে হে) ॥৭৬৭॥

এই বাসনা মনে যেন মায়ায় ভুলে তোমায় ভুলিনে,
নিরন্তর রাখ্বে তোমায় নয়নে নয়নে ।

ঘোর বিপদকালে দিও দরশন,
করো অভয় দান এ দুর্বল সন্তানে ।

মৃত্যু-সঙ্কটে থেকে নিকটে,
যেন ভয় পেয়ে হারাইনে তোমায় ;
ওহে অনাথ-নাথ অনন্ত জীবনের সহায়,
সেই অন্তিমকালে, যখন সবে যাবে ফেলে,
তখন স্থান দিও দাসে অভয় চরণে ॥৭৬৮॥

আর কিছু নাহি চাই, যেন এই ভিক্ষা পাই,
হৃদয় মন ঐক্য করে, যেন এ জনমের ভয়ে,
আমি সর্বস্ব সঁপিতে পারি হে তোমায় ।

মায়ের কোলে শিশু যেমন, থাকে চিন্তাভয়হীন ;

হিতাহিত যত তার সকলই মায়ের ভার,

সেই ভাবে রাখ যদি হে আমরা ।

রূপ গুণ অভিমান, সুখ স্বাস্থ্য ধন মান,

এ সব বিষয় বাসনা, এই অনিত্য কামনা,

যেন মনেতে স্থান আর নাহি পায় ॥৭৬৯॥

তুমি দয়াময় দয়াময় হে তুমি দয়াময় !

আমি জেনেছি হে (ওহে দয়ার ঠাকুর) এই পাপজীবনে;

পাপী ডাকলে তোমায় দেখা পায় ।

নিরাশ-কুপে পড়েছিলাম, সকল আঁধার দেখতেছিলাম

তুমি এসে বললে নাই ভয় তনয় ।

পাপী সম্ভান বলে তোমার এত দয়া,

আমি দেখি নাই এমন পিতা কোথায় ।

দীনে দয়া যদি করেছ, চরণতলে যদি এনেছ,

তবে ঐ চরণে বাঁধ আমরা ।

আজ হতে আমি বলব সুবাস,

পিতা বিপদে দিয়াছেন অভয় ॥৭৭০॥

কোথায় দয়াময়, ডাকি কাতর-হৃদয়ে তোমায়,
দীনের প্রতি কর একবার করুণা ।

পিতা আমি তোমার দ্বারের ভিখারী ;

বড় আশা করি,

পড়ে আছি চরণতলে দিবা শর্করী ;

একবার চেয়ে দেখ কাঙ্গাল ব'লে,

যন্ত্রণার মরি জলে,

আমি এ পাপ-জীবন আর যে নাথ বহিতে পারি না

ও নাথ, সাধু মুখে শুনেছি বচন,

লয়ে ওপদে শরণ,

কত মহাপাপী পাইয়াছে অনন্ত জীবন ;

তোমার কৃপাময় নামের গুণে,

বীজ অঙ্কুরিত হয় পাষণে,

আমি তাই শুনে এসেছি নাথ, আর ত কিছুই

জানি না ॥৭৭১॥

পাপে চিরদিন মজে, পাষণ সমান কঠিন,

হয়েছে মন, ফিরালে আর ফিরে না ।

এখন হল দিন অবসান, ভয়ে কাঁপে প্রাণ,
কি করিলাম কি হইল, কি হবে বিধান ।
নিদ্রা ভঙ্গ হয়ে এখন, দেখি চৌদিকে বেড়া হতাশন,
আমার আর উপায় নাই, ডাকি হে তাই,
কর নাথ কর করুণা ॥৭৭২॥

আমি পাপ তাপে জরজর, তুমি করুণার সাগর,
তাই তোমারে ডাকি দয়াময় ।
(ওহে অনাথ-শরণ) (তোমা বিনা গতি নাই আর)
আমি পাপবিষ করেছি পান,
আমায় কর কর কর ত্রাণ,
চরণে শরণাপন্ন হে (পাপীর গতি নাই আর)
(একবার চেয়ে দেখ নাথ) ॥৭৭৩॥

এ প্রাণ ধরি, আমি বলতে নারি,
ওহে যে ছুঁতে তোমা বিনা, নাথ !
প্রাণ মন, তুমি আমার সর্বস্ব ধন,
কেমনে তোমা বিনা ধরি জীবন, নাথ !

বল্ব কি আর, আমি বলতে নারি,
যদি ঘুচাও হুঃখ দয়া করি, নাথ ।
(পাপী অধম বলে) ॥৭৭৪॥

প্রাণ কাঁদে মোর বিভূ বলে, কোথা তাঁরে পাই ।
পাপ মন কি সে ধন পাবে, পাপ তাপ দূরে যাবে,
জয় জগদীশ বলে ডাক্ব উভরায় ।
আমি পাপী দীন হীন, কেমনে পাব সে ধন রে ;
কবে প্রেমধামে যাব, আনন্দিত হব,
পিতাকে দেখিব নয়ন ভরিয়ে ।

পিতা দয়াময় হে ;
সে দিন আমার কবে হবে, হুঃখের দিন যাইবে,
একে ত দয়াল পিতা, তাহে পাপিগণ-ত্রাতা রে,
কত মহাপাপী জন, উদ্ধার হইল ।
তাই ভেবে ডাকিতেছি কোথায় দয়াময় ॥৭৭৫॥

এই লও আমার প্রাণ মন ।
এই লও আমার প্রাণ মন,

এই লও আমার জীবন ধন ;

এই লও আমার জীবন ধন,

এই লও আমার সর্বস্ব ধন

আমি, আর কিছু ধন চাই না পিতা

কেবল তোমার শ্রীচরণ ।

ভিক্ষা এই তব স্থানে, দেও হে স্থান ঐ চরণে,

পাপী অধম সন্তানে, করে কৃপা বিতরণ ।

ইচ্ছা এই হৃদয় মাঝে রাখব যতনে,

শ্রীতি ভক্তি উপহার দিব চরণে ;

প্রেমনয়নে হেরিব, সুখে সন্তোগ করিব,

সর্বদা সঙ্গে থাকিব, এই মম আকিঞ্চন ।

তোমার ধন তোমায় দিয়ে নিশ্চিন্ত হব,

সরল অন্তরে তব ইচ্ছা পালিব ;

বাসনা-নিবৃত্ত হবে, অভিমান দূরে যাবে,

পবিত্র প্রেমপ্রভাবে, বিচ্ছেদে হবে মিলন ॥৭৭৬॥

আজ হতে, তোমার হাতে, আমি সঁপিলাম আমার,

ওহে দেখো যেন দীন দুঃখী, প্রাণে রক্ষা পায় ।

আমার নিশিদিন, বিষাদে হে, সমভাবে যায় ;
 বল এ আশ্রুনে, তোমা বিনে, কে আর নিভায় ?
 ওহে অন্তর্যামি, কি আর আমি, জানাব তোমায় ;
 তুমি দেখিতেছ, কৃপানিধি, আছি যে দশায় ।
 আমার এই মিনতি; অন্তে রেখো চরণ-ছায়ায় ;
 তোমায় দেখিতে দেখিতে যেন প্রাণ বাহিরায় ॥৭৭৭॥

কার কাছে যাব বল, ওহে অনাথ-শরণ ।
 আমার আর কেহ নাই, এ সংসারে, ওহে জীবনের জীবন।
 কোথায় নাথ তোমায় ছেড়ে, করিব গমন ;
 ওহে মর্শ্বব্যথা কে বুঝিবে কে আছে এমন ?
 দুঃখীর সম্বল নাথ, তোমার ঐ চরণ ;
 আমি জন্মদুঃখী, তাই হে ডাকি, দাও হে দরশন ।
 কৃপার নিধান তুমি, করি হে শ্রবণ ;
 একবার কৃপাকরে, চাও হে ফিরে, (অহে) অধমতারণ
 ॥৭৭৮॥

এসো এসো প্রাণ-সখা, প্রাণমাঝে দাও হে দেখা,
 তোমা হেরে জুড়াই জীবন ।

তোমার বিহনে, কি সুখ জীবনে,
 ধন মানে নাহি প্রয়োজন । (ও হে প্রভো)
 প্রভু, তোমার রূপমাধুরী, যোগীজন-মনোহারী,
 নয়নে হেরিব অনুক্ষণ ; (ওহে প্রভো)
 হেরে মন গলে যাবে, প্রাণ মন উথলিবে,
 প্রেমনীরে হইব মগন । (তোমার প্রেমসাগরে)
 প্রভু, তব পদ শতদল, হৃদয়ে করে সম্বল,
 অনুদিন করিব সেবন ; (ওহে প্রভো)
 দেহ মন প্রাণ দিয়ে, অনুগত দাস হয়ে,
 তোমারি রহিব অনুক্ষণ ।

(চির জীবনের তরে হে) ॥৭৭৯॥

দয়াল বলে ডাক ;

ব্রহ্ম সনাতনে আনন্দ-অস্তুরে ডাক ।
 সবে মিলে খুলে দাও, হৃদয়-দুয়ার ;
 মানব জনম সফল কর স্বরণে পিতার ।
 নৃত্য কর প্রেমানন্দে, হইয়ে মগন ;
 দয়াল বল দেহে প্রাণ আছে যতক্ষণ ।

ছিন্ন হবে হৃদয়-গ্রন্থি, স্মরণে তাঁহার ;
 নব জীবন পাবে ভবে হইবে উদ্ধার ।
 ব্রহ্মানন্দে মগ্ন হয়ে, কর তাঁর ধ্যান ;
 নাম গানে নামানন্দ-রস কর পান ।
 ব্রহ্মযোগে যোগী হয়ে, জাগ দিবারাতি ;
 জেগে, অনিমেষে দেখ প্রভুর মোহনমূর্তি ।
 প্রাণনাথের শ্রীচরণে, পড় সবে ভাই ;
 ঐ চরণ বিনা এ সংসারে গতি যে আর নাই ।
 প্রণমিয়ে প্রাণেশ্বরে, ধন্য হও রে মন ;
 সচেতনে হৃদে রেখো করিয়ে যতন !
 (দেখ যেন ভুল নারে, জেগে যেন ঘুমায়েনারে)

॥৭৮০॥

দয়াময় বলে আমরা তাই ডাকি ।
 তুমি অধমতারণ পতিত-পাবন ।
 নামে মহাপাপী তরে যায় হে ।
 তুমি কান্দাল বলে দয়া কর ।

তুমি হুঃখী বলে ভালবাস ।

তুমি পাপী তাপীর মুক্তিদাতা ।

তোমা বই আর কেহ নাই নাথ । (এ সংসার মাঝে)

তোমায় ছেড়ে রইতে নারি । (একাকী সংসারে)

তোমায় ডাকলে হৃদয় শীতল হয় হে ।

(দয়াল পিতা বলে)

পাপী ডাকলে দয়াল পিতা বলে,

(পাপে তাপে কাতর হয়ে হে)

তুমি স্থান দাও চরণ-তলে ।

তোমার সর্বজীবে সমান দয়া ।

তোমার হুঃখী ধনী সবাই সমান ।

তোমার কাছে জাতির বিচার কিছু নাই হে ।

(তোমারি কাছে যেতে)

তুমি দুর্বলের বল কাঙ্গালের ধন ।

যে জন কাতরপ্রাণে তোমাতে ডাকে,

(ভবসিকুর-মাঝে পড়ে হে)

তুমি চরণতরী দেও তাকে,

(ওহে ভবের নাবিক)

তুমি রাজার রাজা গুরুর গুরু,

(তোমার তুল্য কেহ নাই হে) .

তুমি ভক্ত-বাঞ্ছা-কল্পতরু ।

তোমায় ডাকলে পাণী দেখা পায় হে ।

তোমায় না দেখে প্রাণ কেমন করে ।

তোমার তরে প্রাণ কাঁদে ॥৭৮১॥

শুন শুন প্রেমময়, কি কহিব আর,

পরশমণি সমান প্রীতি তোমার হে ।

তুলনা আছে কি প্রভো, ধরনী-মাঝারে,

অতুলন প্রেম তব এ ভব সংসারে ।

ক্ষিতিতলে যদি কভু হয় চন্দ্রোদয়,

শূন্যে শোভে তরুরাজি লতা কিসলয় ।

অনলে শৈত্য সম্ভবে উষ্ণত্ব তুষারে ;

তুলনা নহে সম্ভব (তব প্রেমের) এমহী-মাঝারে ।

যে প্রেমে মোহিত কর ভকত সন্তানে ;

নাহি যায় শোধ তার ছার প্রাণ দানে ।

দেখিব শ্রীমুখ-শশী ;

হয়ে পূর্ণকাম, গাব তব নাম,

শুনিবে জগতবাসী ।

তব যোগ ধ্যানে, নাম গুণগানে,

নিয়োজিব পাপ মন ;

হাসিব কাঁদিব, নাচিব গাইব,

ক্ষেপা পাগল মতন ।

(সে দিন কবে বা হবে)

লভিয়ে তোমায়, ওহে দয়াময়,

পূর্ণ হবে মনস্কাম ;

সফল হইবে, মানব-জীবন,

যাইব তোমার ধাম ।

প্রভো, আশীষ কর মোরে, যাইতে তোমার পারে,

প্রেম সম্বল যেন পাই ;

(আমায়) দাও নব জীবন, দাও নব চেতন,

মাগই ঘর তব ঠাই ॥৭৮২॥

এমন দয়াল নাম সুধা-রসে,
আমার মন, কেন না মজিল রে ।
আমার মন, মন কেন না মজিল রে ।
সেই দেবতার বাঞ্ছিত ধনে, না মজিল রে ।
আমি না জানি, কোন্ অপরাধে না মজিল রে ।
(গতি কি হবে রে)
এমন জনম বিফলে গেল, না মজিল রে ।
(কখন কি হবে রে) ॥৭৮৩॥

ধন্য প্রভু হে প্রণমি তোমারে ।
দেখা দিলে কৃপা করে হে ।
(পাপীর হৃদয়-মাঝে)
প্রেমচন্দ্র কত সুধা বরষিলে প্রাণে,
চিত্ত-চকোর বিভোর হন সুধাপানে ।
(তোমার কত দয়া হে) (তোমার প্রেমের সীমা কি
আছে হে)
হেরিয়ে তোমার মুখ, ভুলিলাম সব দুখ,
উঠিল তরঙ্গ সুখ-পারাবারে ।

(পাপ পুঞ্জ ভেসে গেল হে, সে তরঙ্গে)
 রজনী আসিছে প্রভু, কেমনে যাইব বিভু,
 তোমা ছাড়ি সংসার-কাননে ;
 দাও জ্ঞান, দাও বল, দাও হে পুণ্য-সম্বল,
 চলে যাই নির্ভয় মনে ।

তব-কানন-মাঝারে, তব নাম গান করে,
 যেন প্রভু সতত বেড়াই ;
 তব দ্বারে আসি পুন, পূজি এই ভাবে যেন,
 এই ভিক্ষা মাগি তব ঠাই। (প্রভু হে)
 (মোরা করযোড়ে হে) ॥৭৮৪॥

(নাথ আমায় করুণা করিবে না কি বলে—স্বর)
 নাথ, তোমার করুণায় সকল আশা হয় পূরণ,
 তবু বিগলিত হয় না কেন পাষণ মন ?
 যখন যা করি বাসনা, কিছুতেই বঞ্চিত কভু করনা,
 বিনা প্রার্থনায় কত সুখ কর বিতরণ ।
 এ পাপ জীবনে, কত দয়া দেখতে পাই,
 যাহার মতন কার্য্য কিছু করি নাই ;

আমি ছিলাম ঘোর অন্ধকারে, আনিলে উদ্ধার করে,

কেশেতে ধরে,

দিলে পিতা বলে করিতে সন্মোদন !

কত অসাধ্য হ'ল সাধন,

দেখে অবাক হলেম না সরে বচন ;

(কত অসম্ভব, দেখি হয় সম্ভব,

তোমার প্রেমের রাজ্যে কিছুব নাই অভাব)

তুমি দীনকে কর ধনী, মূর্খকে কর জ্ঞানী,

তা ত জানি হে,

কর পাপীকে পুণ্যবান্ দিয়ে শ্রীচরণ ।

হায় হুঃখেতে প্রাণ ফেটে যায়,

তবু ভালবাস্তে পারিনে তোমায় ;

কেন আমার এমন হল, হৃদয় শুকায়ে গেল,

কি করি বল,

এ ছার জীবন ধারণ কেবল বিড়ম্বন ॥৭৮৫ ॥

১-গরে আনন্দ-ভরে মধুর ব্রহ্ম নাম ।

দেব-দুর্লভ নাম স্মৃধা কর সবে পান ॥

(এমন দিন আর হবে না,)—

(মানব জীবন সফল কর রে)

যে নাম কীর্তনে হয় মোহ অবসান ।

(প্রেমানন্দ উদয় হয় রে—প্রেমসিন্ধু উথলয় রে)

(হৃদয়-গ্রন্থি ছিন্ন হয় রে—মানব দেবতা হয় রে)

ইহকালের সুখ দয়াল অন্তের আরাম ।

(দয়াল বিনা কি ধন আছে রে—জীবের জীবন ধন রে)

ঐ দেখে ভাসিছে আনন্দে ধরা,

শুনে আনন্দ-ময়ের জয়ধ্বনি রে ।

আবার বল রে ভাই ভক্তিভরে জয় ব্রহ্ম রে ।

(জয় জয় দয়াময়) (বিশ্ববিজয়ী নাম)

(নব অনুরাগে মাতি—আবার বল রে ভাই)

দয়াল নামে সুধা, গানে সুধা, প্রেমে সুধা রে ।

ঐ বরষিছে সুধা আজ সুধাকরে রে ।

ঐ সুধাকরে গিরি নদী সরিৎ সিন্ধু রে ।

ঐ বহিতেছে সুধা আজ সমীরণ রে ।

ঐ ঢালিতেছে সুধাধারা তারাদল রে ।

ঐ উৎসারিছে সুধা তরু লতা রাজি রে ।

ঐ চারিদিকে হলো ধরা সুধাময় রে ।

(সুধামাথা ব্রহ্মনামে রে) ॥৭৮৬॥

সদা আনন্দে সদানন্দে হৃদয় প্রাণ ভরে ডাক,
ও আমার মন ।

ও মন থেকে না বিষন্নভাবে বিষয়ে মগন ।

ডাক দীননাথ দীনবন্ধু ও দীন শরণ,

(আর আমাদের কেউ নাই হে) ।

ডাক জগন্নাথ জগবন্ধু জগত-তারণ,

(আজ আমাদের দয়া কর হে) ।

ডাক প্রাণনাথ প্রাণনাথ ও প্রাণরমণ,

(তোমা বই আর গতি নাই হে) ।

সফল কর দয়াল ব্রহ্মনামে মানব-জীবন ।

(এমন নাম আর পাবে নারে) ॥৭৮৭॥

বাউলের সুর—একতারা ।

মোহময় সংসারে থেকে, আমি কেমন করে পাইব

তোমার ? (প্রাণবন্ধু হে)

আমি যতনে বাঁধিয়া প্রাণ, দিতে চাই তোমায়,

পথমাঝে প্রলোভন ঘেরে যে আমায় ;

আমার চরণ চলিতে মারে, তবু (তোমায়)

নয়ন দেখতে চায় ।

(আমার) ভয়েতে কাঁপিছে প্রাণ জানি না সঁতার

কৃপাতরী দিয়ে নাথ কর মোরে পার ;

সাগর ভীষণ তরঙ্গ দেখে প্রাণ কাঁদে অনিবার ॥৭৮৮॥

বাউলের সুর—একতালা ।

একবার ডাকু দেখি মন ডাকের মতন দয়াময় বলে,

এখনি পাবি দরশন, ডাকের মত ডাকা হলে ।

বল আর কত দিন ভবে,পাপের বোঝা মাথায় ব'বে

অনুতাপে দগ্ধ হবে জীবন যাবে বিফলে ।

তিনি অন্তরের ধন,

অন্তরে কর সাধন,

সঁপিয়ে জীবন মন তাঁর শ্রীচরণতলে ॥৭৮৯॥

আলাইয়া কীর্তন—খয়রা ।

কি সুখ জীবনে মম, ওহে নাথ দয়াময় হে ।

যদি চরণ সরোজে, পরাণ মধুপ, চির মগন না রয় হে

অগণন ধন রাশি তার, কিবা ফলোদয় হে ;

যদি লভিয়ে সে ধনে, পরম রতনে,

যতন না করয় হে ।

সুকুমার কুমার মুখ দেখিতে না চাই হে,

যদি সে চাঁদ-বয়ানে তব প্রেম-মুখ

দেখিতে না পাই হে ।

কি ছার শশাঙ্ক-জ্যোতি, দেখি আঁধারময় হে,

যদি সে চাঁদ-প্রকাশে তব প্রেম-চাঁদ

নাহি হয় উদয় হে ।

সতীর পবিত্র-প্রেম, তাও মলিনতাময় হে,

যদি সে প্রেম-কনকে, তব প্রেমমণি

নাহি জড়িত রয় হে ।

তীক্ষ্ণ বিষা ব্যালী সম সতত দংশয় হে ;

যদি মোহ পরমাদে, নাথ তোমাতে,

ঘটায় সংশয় হে

কি আর বলিব নাথ বলিব তোমায় হে ;

তুমি আমার হৃদয়-রতনমণি আনন্দ-নিলয় হে ॥৭৯০॥

(লোফা)—এই তো হৃদয়ে রে, এই তো হৃদয়ে,

আমার প্রাণ-সখা সদা বিরাজিত রে ।

আমি যখন ডাকি, (ডাকি) প্রেমভরে,

(তোমায় দেখ্ব বলে হে—হৃদয়-সখা হে)

দেখি আছেন হৃদয় আলো করে রে ।

(প্রাণের মাঝে প্রাণ-সখা,—ভুবন-মোহনরূপে)

(থয়রা) (দেখি) এক শাখী'পরে,

ছ'বিহগবরে, সুখে বসবাস করে রে ,

উভে উভয়ের সখা, প্রেমে মাখামাখা,

দোঁহে দোঁহায় নিরখে রে । (তৃষিত ভাবে)

(অনিমেষে সদা) ।

(এক জন) সুরস রসাল লইয়ে যতনে দিতেছে

আর সখারে ; (আর জন) লভিয়ে সে ফল,

প্রেমেতে বিহ্বল, সুখেতে ভোজন করে ।

(সখা দেখেন কেবল,—ফলদাতা ফল দিয়ে সুখী ;

নিরশন থেকে)

(লোফা) নরাধম আমি, তাই দেখি না রে,

(শোকে মোহে মুহমান)

কত শোভা (সখার আগমনে) হৃদয়কুটারে ।

(দশকুশী) তুমি আছ নাথ মম হৃদয়ে,

আমি দেখি না বারেক চেয়ে,

মোহে মগন নিশি দিন ;

(চেয়ে দেখি না দেখি না)

(সখা তোমার অতুল শোভা)

আমি চাহি দারাসুত পানে, চাহি ধন উপার্জনে,

তাহে নহে তিরপিত মন ।

(শান্তি তাহে যে নাই হে,—শান্তি-নিলয় ছাড়িঃ)

যদি মধুর পিয়াসা নাথ, জলে নিবারণ হত,

(তবে) ধাইত না অলি মধুপানে ।

(এত ব্যাকুলিত হয়ে হে,—প্রাণপণ করে)

আমার প্রাণের পিয়াসা নাথ,

কিছুতেই ঘুচিবে না ত, তব প্রেম-মকরন্দ বিনে ।

(পিয়াস কিছুতেই যাবে না—তোমায় না দেখিলে)

(থয়রা) তাই বলি হে প্রভো !

হৃদয়-কানন-মাঝে, বিহর নাথ নিশি দিন হে ।

(আমার হিয়া-বন আলো করি) প্রেমতটিনী-তটে,

ও পদপল্লব নিকটে (আমি) বৈঠিব আনন্দে নাথ,

হবে কি হেন সুদিন হে,

তুলি সুললিত তান, ডাকিব তোমারে হে ।

অমনি প্রাণ-সখা, দিবে দেখা, হৃদয়-মাঝারে হে ।

(আমার হিয়াবন আলো করি)

(লোফা) (আমি) যখন ডাকিব (ডাকিব)

প্রেম ভরে, দেখি যেন আছ হৃদয়

আলো করে (ভুবনমোহন রূপে) ॥৭৯১॥

(লোফা) কেমনে দেখিব সেই হৃদয় রতনে ;

পরাণ ব্যাকুল সদা যার অদর্শনে ।

(প্রাণ সদাই বুঝে রে—দেখা না পেয়ে)

কে আছে হেন ত্রিভুবনে,

আমায় দেখাবে সেই হৃদয়-ধনে রে ।

(হেন সখা আমার কে আছে)

(খয়রা) যে জন সদা হৃদে রয়, তারে দেখাতে কি হয়,

ডাকলে দেখা যায়, এই তো জানি ।

বলে এই বাণী (ধূয়া) । (অন্তর হতে কে)

(যথা) নীরদ-কোলে, দামিনী দোলে,
চমকি লয় হয় অমনি ।

(তা কি দেখেছ কভু, ও মূঢ় মন)
(জ্যোতি দেখাইয়ে—আর দেখা দেয় না দেয় না
সে সুন্দর ছবি)

দেখ সব ভূত-মাঝে ; বিজলী বিরাজে,
কার বল আছে ধরে অমনি । (বিজ্ঞান বল বিনে)
কিন্তু বিজ্ঞানবলী, ধরিয়ে বিজলী,
আপন কাজ সাধে আপনি ।

(বিজ্ঞান বলে,—মনের মত করে)

(তখন) অধীরা চপলা, ধরি আলো-মালা,
হয়ে রয় স্থির সোদামিনী । (বিজ্ঞান বলে)

(দশকুশী) তেমনি জানিবে মন, অরূপ হৃদিরঞ্জন,
বারেক চমকি হৃদাকাশে ;

(প্রাণ পাগল করে রে—মনোহর রূপে)

দেখিতে দেখিতে যেন, কোথা হয় অন্তর্দান,
আর রূপ নাহি পরকাশে ।

(কোথা চলে যায় রে,—হৃদয় আঁধার করে) ।

সব পরমাণু-মাঝে, ব্রহ্ম-জ্যোতি বিরাজে,
কে বা হেন রসায়ন জানে ;

(কেউ তো জানে না জানে না—সে পরম তত্ত্ব)
পরমাণু ভেদ করি, বিজ্ঞান-বল-প্রচারি,
ব্রহ্মবিজলী ধরে আনে ।

(কেউ তো পারে না পারে না—হার মানে সবে)
এ হেন দুর্লভ ধনে, প্রেমিক ভকত জনে,
লভে প্রেম-বিজ্ঞানের বলে ; (ব্রহ্মরূপা-বলে রে)
ভকত হৃদি-আকাশে, সে সুন্দর স্ব প্রকাশে,
স্থির সৌদামিনী হেন জলে ।

(হিয়া আলো করে রে,—জ্যোতির্ময় হরি) ।
(লোফা) ওরে প্রেম বিনা সেই প্রেমচ্ছবি,
প্রকাশে কি পাপ-মনে রে ।
(প্রকাশ হয় না, হয় না,—প্রেমযোগ বিনা) ॥৭৯২॥

(“বড় সাধ মনে”—সুর ও ভাল)

ওহে প্রেমের জলধি, এ হৃদয়ের নদী,
তোমাতে মিলিতে চায় ।

পথে, মোহের পাষাণে, সদা সংঘর্ষণে,

তরঙ্গ তুলিয়ে ধায় ।

(এ হৃদয়ের নদী) (প্রেম-সিঁকু-পানে)

(চেয়ে দেখ প্রভু)

সেই তরঙ্গ-গর্জনে, জীবন-পুলিনে,

আতঙ্কে প্রাণ যে যায় ।

(ওহে বিপদ-ভঞ্জন) (ওহে ভয়-বারণ) ॥৭৯৩॥

যদি দয়া করে, এনেছ হে ধরে ।

আমায় ছেড়না হে পতিতপাবন ।

আমায় ছেড়না ছেড়না পিতা ।

(এই নিবেদন)

বেঁধে রাখ তব চরণ-তলে,

বেঁধে রাখ রাখ প্রেম-ডোরে ।

(এজনমের মত) (ক্রীতদাস করে)

আমার বড় সাধ (সাধ) আছে চিতে,

ঐ চরণ পূজিব, চরণ হেরিব, চরণ রাখিব মাথে ।

প্রভু তোমায় ছেড়ে পাপীর যে যাতনা,

তা ত জান সব, আর বলিব কি মনোবেদনা ।
 আমার কতবার তুমি ডেকেছিলে,
 আমি শুনি নাই ডাক, পাপের কুমন্ত্রণায় ভুলে ।
 আমার এনেছ হে ধরে যতবার,
 করি কৃতঘ্নতা, আমি পলায়েছি বারম্বার ।
 আমার পালান রোগ আছে ভারি,
 (তা ত জান নাথ)

এখন এই কর পিতা, চরণ ছাড়িয়ে,
 যেন না পালাতে পারি ॥৭৯৪॥

শ্রেষ্ঠ হৃদিরঞ্জন মনোমোহনকারী ।
 ভগবজ্জন প্রাণ-প্রাণ হৃদয় বিহারী ।
 (তুমি) প্রাণ-রমণ হৃদি-ভূষণ পাপহরণ হরি ।
 (আমার) সাধ সতত হয় যে মনে, ও রূপ নেহারি ।
 দরশন করি মোহ-আঁধার নিবারি ।
 (সেদিন কবে বা হবে) ॥৭৯৫॥

লভিয়ে কুপা তাঁহার, চঞ্চল মতি আমার,
তাজিবে পাপের প্রলোভন ।

প্রেমামৃত পানে রুচি, হইবে পাপে অরুচি,
রুচি ব্রহ্মনামে অনুক্ষণ ।

পবিত্র তপস্যা-বলে, কুপ্রবৃত্তি যাবে চলে,
ব্রতী হব সত্যের সাধনে ;

ধৃতি ক্ষমা দম আদি, সাধনেতে নিরবধি,
নিয়োজিব এ পাপ জীবনে ।

তপ জপ নাম গানে, জীবিত রাখিব প্রাণে ;
না গণিব ভব দুঃখ আর ।

আনন্দে ভাসিবে প্রাণ, নীরসতা অন্তর্দ্বান,
জন্মের মত হইবে আমার ।

হয়ে প্রেমিক বৈরাগী, ব্রহ্মধনে অনুরাগী,
তাজিব বিষয়-প্রলোভন ;

কুবাসনা দূরে যাবে, ব্রহ্মে রতি মতি হবে,
ব্রহ্মগত হবে প্রাণ মন ।

কর্মশীল যোগী হ'য়ে, অলস ভাব ত্যজিয়ে,
ধর্ম কর্ম সাধিব জীবনে ;

ইষ্ট-সেবা ইষ্ট-ভক্তি, ইষ্ট-জ্ঞান ইষ্টাসক্তি,
ইষ্টে মন মগ্ন সর্বক্ষণে ।

মোহাঁধার দূরে যাবে, জ্ঞান-চন্দ্রোদয় হবে,
হৃদাকাশ হইবে বিমল ;

তায় প্রেমাসন পাতিয়ে, প্রাণনাথে বসাইয়ে,
করিব এ জীবন সফল ।

কত কথা তার সনে, কহিয়ে বসি গোপনে,
মিটাইব সব মনোসাধ ;

অনিমেষ নয়নে, দেখিব সে শোভনে,
বিরহে গণিব পরমাদ ।

প্রীতি -কুম্ব-হারে, সাজাব যতন করে,
প্রাণেশ চরণ-কমল ;

তাহে ভক্তি চন্দন চূয়া, অনুরাগে মাখাইয়া,
দেখিব সে রূপ নিরমল ;

নাথে দরশন করি, প্রেমে অঙ্গ হবে ভারি,
নয়ন ঝরিবে অবিরল ;

হাসিব কাঁদিব কত, ক্ষেপা পাগলের মত,
লোকে মোরে বলিবে পাগল ।

হৃদয়েশ শ্রীচরণ, করি এবে আলিঙ্গন,
সার্থক করিব এ জীবন ;

স্পন্দ-হীন হয়ে রব, ভবদুঃখ পাসরিব,
পরশিয়ে নাথ শ্রীচরণ ।

আবার শুনিব তাঁর, সুবচন সুধাধার,
জুড়াইব এ পাপ শ্রবণ ;

তায় ফলিবে সুফল, আঁধি শ্রবণ যুগল,
করম্বিবে বিবাদ-ভঞ্জন ।

শুনেছি যোগী-বচন, হলে ব্রহ্ম-দর্শন,
পরম সুখেতে ভাসে প্রাণ ।

কেমন সে সুখরাশি ছুঞ্জিব বিরলে বসি,
ছাড়ম্বিবে নীচ সুখ আন ।

ঐ ব্রহ্ম-স্পর্শ-পুণ্যফলে, পাপ রিপু সকলে,
জন্মের মত হইবে বিদায় ;

যাইব মঙ্গল-ধাম, গাইব মঙ্গল-নাম,
লভিব মুক্তি আনন্দে তার ॥৭৯৬ ॥

তোমায় ছেড়ে কোথায় যাব,

এমন আর কেবা আছে ।

তুমি যেমন পাণ্ডীর বন্ধু

এমন স্নহদ কেবা আছে ।

যখন পাণ-সাগরে, পড়ে থাকি অন্ধকারে,

তখন আমায় করে ধরে, উদ্ধারে আর

কেবা আছে ।

(বল এমন সহায় কেবা আছে)

যখন শূন্য-হৃদয়ে, কাঁদি বসে নিরাশ হয়ে,

তখন প্রেমভরে আশ্বাসিয়ে, চক্ষের জল

দেও গো মুছে ।

(এমন ব্যথার ব্যথী কেবা আছে)

এত ভাল বাস তুমি, (তবু) তোমাকে না

চিনলাম আমি,

ছেড় না ছেড় না তুমি, থেক আমার কাছে

কাছে । ॥৭৯৭॥

ধন্য সেই জন, তোমার হাতে প্রাণ,
করিয়াছে যেই দান ;

তুমি চির দিন তরে, প্রভু হে তাহারে,
করেছ অভয় দান ।

পাপে কলঙ্কিত, মোহে অভিভূত,
মৃত প্রায় যে জীবন ;

ওহে প্রাণাধার, পরশে তোমার,
পায় সে নবজীবন ।

লৌহময় প্রাণ, করিলে অর্পণ,
সোণার প্রাণ কর দান ;

আমি সব জেনে শুনে, তোমার চরণে,
সঁপি না এ ছার প্রাণ ।

ঐহিকের সুখ, হবে না বলে,
দিলাম না প্রাণ তোমায় ;

আমার এ সংসারের সুখ, তাও ত হল না,
ছকুল হারালেম হার ।

ঘুচাও এ দুর্ন্যতি, দাও শুভ মতি,
দাও অলস্ত বিশ্বাস ;

আঁ দহ মন প্রাণ, তোমায় ক'রে দান,
হেঁব হে তব দাস ॥৭৯৮॥

হয়্যার মাঝারে, বসায়ৈ তোমারে,
হেরিব হে প্রেম-মুখ ।

(বড় সাধ আছে নাথ ;)

(অনেক দিনাবধি, মনে বড় সাধ আছে নাথ,)

(ঐ রূপ নিরখিব হে, বড় সাধ আছে নাথ,)

(সাধ পূরাও পূরাও পূরাও প্রভু ;)

হেরি অপরূপ রূপ, আনন্দে মাতিব,

পাসরিব সব দুখ । (তোমার রূপ হেরে)

(আনন্দ অন্তরে)

যে রূপ-সাগরে, আনন্দ অন্তরে, ভকত মকরগণ ;

(তাঁরা ডুবে আছেন হে ;)

(এ জনমের মত রূপসাগরে ডুবে আছেন হে)

(সংসার-বন্ধন কেটে, জন্মের মতন ডুবে আছেন হে)

(আমায় সেই সাগরে ডুবাও প্রভু, এ জনমের মত ;)

তারা বাসনা-বন্ধন, করিয়ে ছেদন, হয়েছেন চির-
মগন (তোমার রূপ সাগরে)

বড় আশা মনে, প্রেম-নয়নে, নিরখিব ঐ রূপ ;
(ঐ রূপ নিরখিব হে)

(অতি সংগোপনে, হৃদয়-মাবে নিরখিব হে)
(সেখা তুমি রবে আর আমি রব)

(নির্জনে পেয়ে আমার মনের কথা খুলে কব হে)
আবার ক্ষুধা তৃষ্ণা ভুলে, ও পদ কমলে, হয়ে রব
হে মধুপ । (তোমার পাদপদ্মে)

নয়নাশ্রুজলে, ও পদ পাখালি, বসাইব হৃদাসনে ;
(সে দিন কবে হবে হে)

(চক্ষের জল দিয়ে ঐ অভয় পদ ধোয়াইব) আর কি
ধন আছে হে) (কাকালের আর কি ধন আছে হে)
আবার প্রেম-চন্দনে, করিব চর্চিত, পূজিব আনন্দ
মনে । (ভক্তি কুসুম দিয়ে) ॥৭৯৯॥

বলরে বলরে বলরে ব্রহ্মকুপাহি কেবলং ।
 পাইলে ব্রহ্ম-কুপার বিন্দু হইবে শীতলং ।
 হৃদয়-কাননে ফুটিবে ফুল, চারিদিক হবে সৌরভে
 আকুল ;
 ব্রহ্মকুপাশুণে অবশ হৃদয় হইবে সবলং ।
 জীবনের যত পাপ তাপ ভার, ব্রহ্ম কুপাশুণে হবে
 ছার খার ;
 মরণ ঘুটিবে জীবন পাইবে হইবে নিশ্চলং ।
 হইবে হৃদয়ে আনন্দ অপার, উথলিবে প্রেমসিন্ধু
 পারাবার ;
 দেখেছ না যাহা দেখিবে এবার হইবে বিহ্বলং ।
 কি ভয় ভাবনা ব্রহ্ম কুপাশুণে, কি করিবে শোক
 তাপের আশুনে ।
 ব্রহ্মবলে বল কর, সেই শুণে হবে না বিকলং ॥৮০০॥

হরি বল বলরে হরি, হরি হরি বল
 ঐ হরি নাম কণ্ঠ-হার কর রে সখল ।
 মধুর হরি নাম, অনন্ত সুখ ধাম,

জীবনুক্ৰম ভক্তজনে গায় অবিরাম ;
হরি নাম বিনা, আর এসংসারে,
কিবা আছে বল ।

ভক্তিভাবে যেই জন ; করে হরি নাম-কীর্তন,
অতুল আনন্দ পায় দেব দুর্লভ ধন ;
হয় প্রেমানন্দে বিকশিত, তার
হৃদয় কমল ॥৮০১॥

ডুবির অতল সলিলে, প্রেমসিন্দুরীতে আজ ।
(চির দিনের মত ডুবির হে) (ঐ সুখ-তরঙ্গে ডুবিয়ে রব)
(আমি সঁতার ভুলে ডুবে রব ।)
(আমার চেউ লেগে প্রাণ কেমন করে ।)
(আমি আর যাতনা সহিতে নারি ।)
(গভীর জলের মীনের মত ।)
(এই মরু মাঝে থাকিব নাহে ।) ॥৮০২॥

ভব পারাবারে যেতে ভয় কি আছে রে ।
ঐ দেখ সুধামাথা দয়াল নাম তরণী এসেছে রে ।

(মহাপাপী উদ্ধারিতে রে)

ঐ দেখ পতিতপাবন দয়াল কাণ্ডারী সেজেছে রে ।

(আর পারের ভয় নাই রে)

ঐ দেখ নাম-তরী লয়ে হরি সবে ডাকিছে রে ।

(কে যাবি আয় আয় রে)

(ভব-সিন্ধু পারে) ॥৮০৩॥

কি আর বলিব আমি হে ;

(তুমি সকলই জান, অন্তরের কথা)

(প্রাণের অন্তরালে বসে)

আমার শয়নে স্বপনে জীবনে মরণে এ হৃদয়ে

থেক তুমি ।

(আমার আর কেহ নাই, এ সংসারের মাঝে)

(ওহে প্রাণ-সখা তুমি বিনে)

প্রভু তোমার চরণে, আমার পরাণে বাঁধিব হে

প্রেম-ফাঁস ;

(অতি কঠিন করে) (অতি যতন করে)

(আমার পালানো রোগ আছে ভারি)

তোমায় সব সমর্পিয়ে এক মন হয়ে হইব হে তব দাস ।

(সে দিন কবে বা হবে) (দীন জন ভাগ্যে)

(আমি শ্রীচরণে বিকাইব) ॥৮০৪॥

বিশ্বরাজ হে আমায় কেন ডাক সখা বলে আর,
(আর ডেক না ডেক না) (অমন করে সখা বলে)

তোমার মধুমাখা ডাকে হরি, আমি
নিদারুণ লাজে মরি ; (আর ডেক না ডেক না)
কলুষ-সাধনে যাহার হৃদয় সতত মগন রয় হে ;
তার কি গুণে ভুলিয়ে পুণ্যময় হরি,
সখা বলে ডাক তার হে । (একি ভালবাসা)
যেজন মোহমদে মত্ত, সদাই উন্মত্ত,
গরবে গর্বিত রয় হে, তার কি গুণ স্মরি,
দেব ছল্লভ হরি, সেধে ভালবাস তার হে ।

(অবাক হই হে হরি) ।

আমি বুঝি এখন, পতিতপাবন,
তোমার প্রেমের রীত ; যেজন চাহে না তোমারে,
চাও তুমি তারে সাধিয়ে বল সুহৃদ ।

(তোমার প্রেমের সীমা কোথায় প্রভু)

আমি থাকি সদা ঘূমের ঘোরে, কেন ডেকে

পাগল কর মোরে । (আর ডেক না ডেক না)

(এমন নরাধমে)

যদি ছাড়িবে না দীনবন্ধু, দেখাতে ঐ প্রেমসিদ্ধু,
তবে প্রেমে বন্দী কর মোরে, (আর ছেড় না
ছেড় না) (দীন হীন পাপী বলে) (নৈলে আর
ডেক না ডেক না) (অমন করে বারে বারে) ॥৮০৫॥

হরি রস মদিরা পিয়ে মম মানস মাত রে ।

লুঠয় অবনীতল হরি হরি ব'লে কাঁদ রে ।

গভীর নিনাদে হরি নামে গগন ছাও রে,

নাচ হরি বলে ছুবাছ তুলে হরি নাম বিলাও রে,

হরি নামানন্দ রসে অনুদিন ভাস রে ;

গাও হরি নাম, হও পূর্ণ কাম নীচ বাসনা

নাশ রে ॥৮০৬॥

দীন হীন জনে দয়া কর দীননাথ হরি ;
আমার কেহ নাই সংসারে প্রভো চরণেতে ধরি ।
(দীন দয়াল বট তুমি প্রভো, অধমতারণ বট
প্রভো তোমার)

ঘোর পাপানলে, সদা চিত জলে,
কিসে সে অনল নিবারি ;
(তব রূপা-বারি বিনে, কৃপা-সিদ্ধ-বারি বিনে)
পুড়ে দিবানিশি ভস্মরাশি অন্তর আমারি ।

প্রাণে মরি।
(বিষম পাপ-অনলে, অনল জ্বালা সহে না হে,)
(পাপের জ্বালা সহে না হে, দীনবন্ধু চেয়ে দেখ ।)

তাই হে দীনবন্ধু, হরি দয়াসিদ্ধু,
আমি এই ভিক্ষা করি,
(চরণ কল্পতরু মূলে, তব অভয় চরণতলে !)
তব প্রেমজলে কুতুহলে-ডুবে রহিতে পারি জন্মের মত ;
(গভীর জলে মীন যেমন, সাগর জলে পাষণ যেমন)
(চিরশান্তি লাভের তরে, হৃদয় জ্বালা নিবারিতে)
(জন্মের মত ডুবে রব)

অনল নাহি রবে, প্রাণ শীতল হবে,

 প্রেমনীরে স্নান করি ।

(বারিধারায় অনল যেমন, পাপী-হৃদয় শীতলকারী,)

ভব ক্ষুধা নাহি রবে পান করি, প্রেমবারি, প্রাণ ভরি ।

(তব প্রেমামৃত পানে, প্রেম-সুধা পান করি) ॥৮০৭॥



পরিশিষ্ট ।

নগর-সংকীৰ্ত্তন ।

১৮১০ শক ।

দেখ দিন যায় তোরা আয় ভাই,

নিরাশ হয়ে বিষয় কূপে থেক না ডুবে,

(দিশা হারা হয়ে)

যে প্রেম ভিন্ন শান্তি পাবে না ;

ঘোর পাপানলে মরবে জলে,

মনের আগুন নিববে না ;

সাধু ভক্তগণ তাঁরা আনন্দে,

যে প্রেমনীরে করেন সস্তুরণ,

একবার পিও রে সেই প্রেমের সুখা ভাই ।

(জ্বালা দূরে যাবে)

তোদের তাপিত প্রাণ শীতল হবে ।

মোরা ক্ষুদ্র প্রাণী ; অনন্ত যে তিনি,

কিবা জানি অপার প্রেমের লীলা কিরূপে বাখানি ।

(তিনি যারে জানান সেই জানে) (তিনি দয়া করে)

(মোদের) এ মলিন মনে প্রেম-গানে,

ভয়ে সরমে লুকায় বাণী ।

(তিনি) নিজ কৃপাগুণে পাপীজনে,

ভবে তরাবেন এই শুধু জানি ।

(আমরা আর কিছু জানি না হে)

অপার প্রেমের সিন্ধু তিনি,

পাপীর কাতর ধ্বনি শুনি,

লবেন নিজ কোলে টানি,

লয়ে জুড়াবেন তারে আপনি ।

(নিজ কৃপাগুণে হে)

সংসার অলসে মোহ-নিদ্রাবশে,

থেক না ভাই দেখ দেখ রে,

মেলি নয়নে । (দিন যায় যায় ভাই)

দেখ রে শোভা অপরূপ অমুরূপ নাহি রে ভুবনে ;

ওই নর নারী সবে যায় তরি ।

দেথরে ভাই ! বিধির মঙ্গল-বিধানে ;

(জয় ব্রহ্ম জয় বলে হে)

পাপ যাবেই যাবে, ও তাঁর প্রভাবে স্থান পাবে চরণে ।

(নিরাশ হ'ওনা হ'ওনা)

বল জগতে আনন্দ-সমাচার ।

হবে হবে রে পাপীর উদ্ধার ।

(আর ভয় নাই নাই রে)

পাপীর পাতকের ভার, পিতা লয়েছেন এবার,

ভয় নাইক আর, পাপী যাবে ভব সিদ্ধ পার ।

(অপার কৃপা-গুণে রে)

একবার নিজে পাসরে, ডোবো সে প্রেম-সাগরে,

ও ভাই বাঁচিবে মরে, হবে হবে প্রেমে একাকার ।

(সব হৃদয় এক হবে রে)

বাধ আশাতে হৃদয়, বল জয় ব্রহ্ম জয়,

আর কি ভয় কি ভয়,

জে'ন জে'ন ব্রহ্ম কৃপাই সার

(আর সকল অসার জে'ন রে)

(ব্রহ্ম কৃপায় তরে যাব হে)

মিল—করি নিবেদন, তোরা থাকিসনে আর বিষয়

বিষে হইয়ে মগন ।

সবে এস রে আজ ব্যাকুল হয়ে ভাই !

প্রভুর মধুময় গান গাই রে সবে ॥৮০৮॥

১৮১১ শক ।

(তিওট) ভুলে কত দিন ভবে রবে বল না ।

(নগর-বাসি রে)

আর কত কাল পাবে এ ঘোর যাতনা ।

বিষয়-বিষের নেশায়, জনম বয়ে যায়,

ঘোর মোহে পড়ে দেখেও দেখ না ;

আগুন জ্বালিয়ে নিজের হাতে, (মরি হায় রে)

রাত্রি দিন পোড় তাতে

কর হাহাকার কেন (বিষয় মরীচিকায় পড়িয়ে

রে) না হয় চেতনা ।

(যৎ) ও ভাই জে'ন মনে, প্রেম বিহনে,

(আর গতি নাই রে) এ জীবনে পাবে না পাবে

না শান্তি পাপের দহনে ।

ডুবে বিষয়-বিষে (একবার ভেবে দেখ রে)

বল কিসে ; তোদের জুড়াবে তাপিত প্রাণে ?

সেই প্রেমদাতার শ্রীচরণে (অকিঞ্চন হয়ে রে)

সঁপরে ভাই দেহ মনে, (চিরদিনের মত রে)

তাঁর অপার করুণাশুণে, পাবে পাবে রে সেই

প্রেমধনে । (আর ভয় নাই রে)

(খয়রা) ভ্রাণ যদি পাবে, (শুধু কথায় কিছু হবে না রে) প্রাণ দিতে হবে, নতুবা এ জালা যাবে না ।

ও ভাই প্রেমের অনলে, (আহুতি না দিলে রে) নিজে না দহিলে সে দ্বারে পশিতে পাবে না !

(জে'ন জে'ন মনে)

ও সেই শান্তিধামে (সবে মিলে চল রে) একা যায় না যাওয়া, একা ডাকিলে দেখা হবে না ।

(জে'ন জে'ন মনে)

তাই প্রেম-ডোরে (এক হৃদয় হয়ে রে) বাঁধ পরম্পরে, বেধে কর রে সত্য-সাধনা ।

(যদি ভ্রাণ পাইবে)

তোদের প্রাণে প্রাণে (ব্রহ্ম নামের গুণে রে) শক্তি জেগে উঠুক, দূরে যাক্ সব পাপ-বাসনা ।

(পতিতপাবন নামে)

(খেমটা) ব্রহ্ম-প্রেম-সুধারস কর সবে পান, মধুর সে সুধারস, অমিয় সমান ।

(নবজীবন পাবে সবে রে)

যে প্রেম পরশে জীব পায় দিব্য জ্ঞান ;

(মানব দেবতা হয় রে)

যে প্রেমে পাপের অগ্নি হয় রে নির্বাণ ।

(জালা দূরে যাবে রে)

যে প্রেমে জগত মিষ্ট, তুষ্ট মন প্রাণ ;

(প্রেমানন্দের উদয় হয় রে)

যে প্রেমে সকল ছুঃখ হয় অবসান ;

(ত্রিতাপ জালা দূরে যায় রে)

যে প্রেমে ভকতবৃন্দ পিপাসিত প্রাণ ;

(সুধাপানে মত্ত সদা রে)

সুর-নরে সদাই করে য়ার গুণ গান ।

(জয় জয় ব্রহ্ম বল রে)

প্রেমের জয় বল সবে হয়ে একতান ।

(প্রেমের জয় হবেই হবে রে)

(গগন কাঁপায়ে বল রে) (ভেদাভেদ চলে যাবে রে)

মিল । দেখ দেখ নাথ দীন জনে, (কোরা)

যাচি হে শ্রীচরণে, (কাতর হয়ে হে) দেও প্রেম-ধন,

প্রেমময় করি প্রার্থনা ॥৮০৯॥

১৮১৩ শক ।

(রূপক) শোন্ ভাই সমাচার, পাপীদের উদ্ধার,
সাধিতে প্রেমের ধারা নামিল ।

(ঐ দেখ্) বহে যায় গুণ্যনদী, আয় তোরা তরবি
যদি, কত ছরস্ত জগাই মাধাই তরিল

(লোভা) আমরা চল যাই—চল যাই সবে মিলে
প্রেমধামে, (আমরা চল যাই, চল যাই) জগত
মাতিল দেখ মধুর ব্রহ্ম নামে ।

স্বর্গের বিভব এই মধুর ব্রহ্মনাম, জুড়াইতে
জীবের জালা, এল ধরাধাম । (এ প্রাণ জুড়াইতে
আর কি ধন আছে—ব্রহ্ম নামামৃত বিনে)

কেন আর ভুলিয়ে থাক, মোহের মায়ায়,
ব্রহ্মনাম সুধারসে ডুবিব সবাই (আমরা জন্মের
মত, সবে ডুবে রব ব্রহ্ম নামামৃত রসে)

(যৎ) উঠ নরনারী, বলি পায়ে ধরি, পরিহরি
বিষাদ, নিরাশা ছুঃখ এস ছরা করি । (তোরা আয়
আয় রে)

তরি সাজাইয়ে দেখ কৃপা দিয়ে, প্রভু আপনি
হলেন কাণ্ডারী ।

পূর্ব পাপের কথা স্মরি, ফে'ল না আর অশ্রু-
বারি, পেয়ে সেই চরণ তরি (এস) ভবের জালা
যাই পাসরি ॥৮১০॥

বিভাস—একতালা ।

(একবার) জাগো জাগো,
জেগে জয় সচ্চিদানন্দ বল ।

(সচেতনে) (প্রেমভরে) জয় সচ্চিদানন্দ বল ।

তরুণ অরুণ উদয় হলো,

পশুপক্ষী সব জাগিয়া উঠিল,

এখন কি তোমার ঘুমেরি সময়, (মোহ শয্যা-
ছাড়ি) ঘুমের ঘোর ভাস্কিয়া ফেল ।

অচেতন সবে চেতনা পাইয়া,

বিভু গুণ গানে উঠিল মাতিয়া,

সচেতন হয়ে জেগে ঘুমাইলে,

কি করিতে কি করিলে ;

অনিত্য সুখেতে হইয়া মত্ত,

হারাইলে নিত্য সুখ পরমার্থ,

মোহেতে ডুবিলে, (পাপেতে ডুবিলে)
 (সংসারে মজিলে) একবার না ভাবিলে,
 (দুর্লভ) মানব জনম বিফলে গেল ।

যা হবার তাহা হইয়া গিয়াছে,
 এখনও যে সময় রয়েছে,

লও রে শরণ পতিত-পাবন,

নব জীবন পাইবে ;

ঐ শুন শুন ডাকিছেন সবে,

(জাগো জাগো জাগো বলে)

(উঠ উঠ উঠ বলে) বধির হয়ে আর কত কাল রবে,

ডাক শুনে চল, (সে আনন্দ ধামে)

দিন যে ফুরাল,

(প্রাণ মন সঁপে) (এখন)

দীন নাথের শরণ লই গে চল ॥৮১১॥

লক্ষ্মী ঠুংরি ।

তুমি ব্রহ্ম সনাতন বিশ্বপতি,

তুমি আদি অনাদি অশেষ গতি ।

তুমি সত্য সদায়ক চিন্ময় হে,
 তুমি বিশ্ব চরাচর আশ্রয় হে ।
 তুমি পূর্ণ পরাৎপর কারণ হে,
 তুমি দীন জনাশ্রয় তারণ হে ।
 তুমি মঙ্গল চিত্তবিনোদন হে,
 মনোমোহন শোভন লোভন হে ।
 তুমি পাবন বিঘ্ন বিনাশন হে,
 তুমি পাতক রাশি হতাশন হে ।
 করুণা কর হে গুণ-সাগর হে,
 কত যে করুণা অধমে কর হে ।
 প্রভু পাপশতে মৃত যে জন হে
 পরশে লভয়ে পুন জীবন হে ।
 ভব সিদ্ধ জলে অকূলে ডুবি হে,
 প্রভু দেহ সবে করুণা তরি হে ॥৮১২॥

প্রভাতী—একতারা ।

যাও রে অনন্ত ধামে মোহ মায়া পাসরি, হুঃখ
 আঁধার যেথা কিছুই নাহি ।

জরা নাহি মরণ নাহি, শোক নাহি যে লোকে,
কেবলি আনন্দ স্রোত চলিছে প্রবাহি ।

যাওরে অনন্ত ধামে, অমৃত-নিকেতনে,
অমরগণ লইবে তোমা উদার প্রাণে ।

দেব ঋষি রাজ ঋষি ব্রহ্ম ঋষি যে লোকে, ধ্যান
ভরে গান করে একতানে ।

যাও রে অনন্ত ধামে, জ্যোতির্শ্বর আলয়ে, শুভ্র
সেই চির বিমল পুণ্য-কিরণে ।

যায় যথা দানব্রত, সত্যব্রত পুণ্যবান,
যাও বৎস, যাও সেই দেব-সদনে ॥৮১৩॥

—
স্মরণ—তেওট ।

দরশন দাও হে প্রভু এই মিনতি ।
তব পদ-আশে হৃদয় সদাই আকুল অতি ।
তুমি মম জীবন, প্রাণের প্রাণ,
তোমা বিনা প্রভু নাহি কোন গতি ॥৮২৪॥

সাহানা—কাওয়ালি ।

দশ দিশি কিবা আজি মধুময়

হৃদয়-নাথেরে হৃদয়ে হেরিয়া ।

সুবিমল পরশে হরষে মাতি,

প্রাণ-বিহঙ্গ ওঠেরে গাহি,

মন-অলি পিয়ে অমিয়া,

প্রেম-উৎস ছুটিল উচ্ছ্বাসিয়া ॥৮১৫॥

মাল্লাঙ্গি ভজন ।

প্রণামামি অনাদি, অনন্ত, সনাতন, পুরুষ ;
নিখিল জগত-গতি, পরম-গতি, মহান্, ভকত-
জীবন-ধন ;

ভূমা, প্রভু, পরম-ব্রহ্ম, পরমায়ণ; কারণ, শরণা-
গত বৎসল, পূর্ণসত্য, সকল দুখবারণ ।

ভব জলধি-তারণ, শরণ, অতি পবিত্র, শুভ-
নিধান, অজর, অভয়, অবিনাশী ।

সুর-নর-বন্দন, জগ-চিত-রঞ্জন, ভব-ভয়-ভঞ্জন,
বিতর কৃপা ।

দীন-নাথ করুণাময়, সুন্দর, প্রেমসিদ্ধ, মধুময়,
নাহি উপমা, নাম-রূপ-গুণ-অতীত, চিন্ময়, অস্তুরে
তোমার আসন ॥৮১৬॥

ইমন কল্যাণ—স্বর কাঁকতাল ।

নমঃ শঙ্করায়, মহেশ, ভবনায়ক, অনাদি ধাতা,
আনন্দরূপ সর্বব্যাপী ।

মহাব্যোমে অগণন গ্রহ তারা ধায়,
তোমার ভয়ে, তুমি পিতা নিখিল-কারণ,
তব অস্ত কোথা ?

সস্তাপ নিবারণ, ভব-সমুদ্র-তারণ, মন-পাবন,
বিভু, ত্রিলোক-শুভদাতা ।

ত্রিভুবন-চরাচর-প্রাণ তুমি, হে প্রভো ;
ভক্তবৎসল, দয়াল, দীনবন্ধু, সেবকে বিতর
তোমার প্রসাদ ॥৮১৭॥

বিভাস—একতাল ।

বড় সাধ মনে কোটি হৃদয় মনে
সবে মিলে গ'লে জল হয়ে যাই ।

কভু সিক্কুরাপে, কভু থাকি কূপে,

নদী সরোবরে পিপাসা মিটাই ।

প্রেম সূর্য্য যবে উদিকে আকাশে,

বাষ্প হয়ে সবে উড়িব আবেশে,

কূপ সিক্কু-বারি একই মেঘে মিশে,

বিশ্বাস-বাতাসে দেশে দেশে যাই ।

পাষণ হয়ে আছে যে দেশের জমী,

তথায় হৃদয়-রেণু বৃষ্টি হয়ে নামি,

গলাব সে দেশ হলে মরুভূমি,

ভাসিব ভাসাব বাসনা যে তাই ।

চন্দ্রমা গগনে উদয় হবে যবে,

শিশির হয়ে পড়ি পরাণ-পল্লবে,

ফুটাইয়ে ফুল ভরিয়ে সৌরভে,

মায়ের গৌরব বাড়াইতে চাই ।

হৃদয়ের মাগো তুমি পরশমণি,

ছুঁয়ে দেও সবায় গলুক এখনি,

যুচুক দেশের দুঃখের রজনী,

নাচুক জগৎ বলি ভাই ভাই ॥১৮॥

জয়জয়ন্তী মিশ্র — লক্ষ্মী ঠুংরি ।

ব্রহ্মনাম ভাই কি মধুর নাম,
বল রে ভাই প্রাণভরে ।
ধন্য হবে মানব জনম,
পরব্রহ্মের নাম করে (দয়াল)
(এস,) আমরা যত পাপীতাপী,
সবে মিলে তাঁরে ডাকি,
ঐ ব্রহ্ম নামে পড়ে থাকি,
ব্রহ্মপদ সার করে । (থাকি)
(মধুর) ব্রহ্ম-নামটি গান করিব,
ব্রহ্মরসে ডুবে রব,
আপনারে পাশরিব
নামের মধু পান করে (ব্রহ্ম) ॥৮১৯॥

মিশ্র—একতাল।

চিনি না জানি না বুঝি না তথাপি তাহারে চাই ।

কিবা তাহার নাম, কোথা তাহার
ধাম, কে জানে কাহারে সুধাই ।

দিগন্ত প্রান্তর অনন্ত আঁধার, কোথাও কেহ যে নাই।

আমি তাহারি ভিতরে মৃদু মধুর স্বরে,

কি যেন শুনিতে পাই ।

আমি না জানি সন্ধান,

যোগ ধ্যান জ্ঞান ভ্রাণে মুগ্ধ হয়ে যাই ।

আমার আছেন জননী এই মাত্র জানি,

অন্য কোন জ্ঞান নাই ।

এবার ডুবিব অকূলে মহা সিন্ধুজলে,

যা থাকে কপালে ভাই ॥৮২০॥

মিশ্র—আড়াঠেকা ।

দিন ফুরায়ে এল । (আমার গোণা দিন)

(আমার মরণের দিন নিকটে হৈল)

যা ছিল আশা-ভরসা সকলি গেল ।

দীন হীন বেশে আমি পড়ে আছি তব দ্বারে ;

দীনে কি চাবে না নাথ ! অকিঞ্চন বলে ।

তুমি নাথ দয়াময় রাষ্ট্র ইহা জগৎময় ;

তাই ডাকি বারেবার—দয়াময় বলে ।

সাধন ভজন জানি না যে, তা কি তুমি জান না নাথ !

(বল্বে) তবে বসে আছ কি ভরসায় ?

আশা—তব্ব তব কুপার বলে ।

তবে মোরে কুপা কর, দীন হীন দাস বলে ;

নতুবা যে যায় হে জীবন বিফলে চলে ॥৮২১॥

কাফি—কাওয়ালি ।

জানি তুমি মঙ্গলময়, জানি তুমি মঙ্গলময় হে—

জানি তুমি মঙ্গলময়, প্রতিপলকে পাই পরিচয় ।

সুখে রাখ দুখে রাখ যে বিধান হয়, কিছুতেই
নাহি ভয় ।

আর যাই কর প্রভু, মোরে ত্যজিবেনা কভু,
এই মম ভরসা, এস প্রভু এস প্রভু হৃদয়-মাঝে,
হবে শুভ নিশ্চয় ॥৮২২॥

কর্ণাটী ভিলক কামোদ—তেওরা ।

বিশ্বহরণ, প্রভু, শান্তিদাতা, পাতা, ককণাসিন্ধু,
প্রেমাধার, হৃদয়সখা, জগজনগুরু, মহান্ ।

অখিলধারণ, পরমধারণ, পতিতপাবন, সনা-
তন, বিভূ, সফল কর মম প্রাণ হৃদিমন, কর হে
আনন্দ-সুধা দান ।

সকল শুভদাতা, অনন্ত-মঙ্গল-আকর যাচি তব
দ্বারে, দাও হে বিভূপ্রসাদ, প্রেম বিমল ।

শুভকর বিদ্যা দাও চরণ-প্রাপ্তে স্থান ॥৮২৩॥

নিসাসাগ—ঝাপতাল ।

দেহি হৃদয়ে সদা শান্তিরস প্রভু হে,

তব অমৃত কর-পবশে দুঃখ-যাতনা কর দূর,

সুখ বিমলতব বিতর প্রভু হে ।

দেহি প্রভু প্রেম-ধন, দাবিদ্র্য কর হরণ,

তব চরণে দেহি শরণ, এই ভিক্ষা করি হে ॥৮২৪॥

মাদ্রাজি—ভজন ।

অস্তরের ধন, প্রাণ-রজন, স্বামি ।

এসেছি হেথা আজি তোমারি আশে ।

প্রেমচন্দ্র ! তোমা হেরি দুঃখ-ঘন দূরে যায়

বিমল জ্যোছনা ভার, আনন্দ বিকাশে ।

সুন্দর মুরতি হেরিয়ে বিস্মিত মোহিত আমি ;
সঙ্গীত শুনি অন্তরে, সুধাময় তব বাণী ॥৮২৫॥

সিন্ধু—একতালা ।

শূণ্য প্রাণ কাঁদে সদা প্রাণেশ্বর,
দীনবন্ধু, দয়াসিন্ধু,
প্রেমবিন্দু কাতরে কর দান ।
কোরো না সখা করো না,
চির-নিষ্ফল এই জীবন,
প্রভু জনমে মরণে তুমি গতি,
চরণে দাও স্থান ॥৮২৬॥

জয়জয়ন্তী কোকব—ঝাঁপতাল ।

নিকটে নিকটে থাক, হে নাথ তারণ,
পতিত-পাবন, অধম-উদ্ধারণ,
তুমিই মম জ্ঞান, তুমিই মম ধ্যান,
তুমি মম সাধন ॥৮২৭॥

কালেংড়া মিশ্র—মধ্যমান ।

সারাংসার নিত্য সত্য ধ্রুব-জ্যোতি তুমি ।
 অগম্য অপার ব্রহ্ম, অন্তশ্চক্ষু অন্তর্যামী ।
 মহান্ অনন্ত তুমি, ক্ষুদ্রাদপি ক্ষুদ্র আমি,
 তুমি মুক্ত, শুদ্ধ, বুদ্ধ, বদ্ধ জীব আমি,
 তুমি প্রাণ আমি প্রাণী, হৃদয়ের স্বামী ;
 পরম চৈতন্য রূপে, জাগিছ, দিবস যামী ॥৮২৮॥

জয় জয়ন্তী—চৌতাল ।

সত্যং জ্ঞানমনন্তং ব্রহ্ম আনন্দরূপমমৃতং,
 শান্তং শিবমবৈতং শুদ্ধমপাপবিদ্ধম্ ।
 নিত্য সত্য পরম কারণ, জগদাশ্রয় জগত-জীবন,
 পরম জ্ঞান চৈতন্য-ঘন, অগম্য, অসীম, অপার ।
 প্রাণারাম প্রাণরমণ, প্রাণেশ্বর হৃদি-ভূষণ,
 পূর্ণানন্দ পূর্ণ-প্রেম, পরিপূর্ণং পরিপূর্ণং ।
 শুদ্ধ শান্ত চির-গন্তীর, রাজেশ্বর দয়াসাগর,
 পতিত-পাবন ভকত-প্রাণ, পুণ্যজ্যোতি পুণ্যাধার ॥৮২৯॥

সাক্ষ্য—আরতি ।

জয় জগদীশ, জগত-পালক,
 জয় জয় ভুবন-মোহন ।
 পরম শোভাময়, জগত চরাচর,
 করিছে তব আরাধন ।
 সাক্ষ্য-সমীরণ, বহিয়ে মৃৎ মধুরে,
 করে তব চামর ব্যজন ।
 স্নিগ্ধ সুধাকর, উজল তারকাবলী,
 শোভে যেন দীপ অগণন ।
 তব পাদ পরশে, কাননে কাননে,
 ফুটিল কুসুম অগণন ।
 ভক্ত-সমাজ, জুড়ি করয়ুগ,
 করে তব নাম-কীর্তন ।
 হেরি তব সুন্দর, ভুবন-মোহন রূপ,
 প্রেমধারা বরষে নয়ন ॥৮৩০॥

ধুন—একতালা ।

ভিখারী ডাকে, দ্বারে হে শোন, দয়ার ঠাকুর ।
 তৃষিত আত্মা জুড়াতে চাহে, থেক না থেক না দূর ;

পিয়াসু প্রাণে আসিয়ে সিঞ্চ হে অমিয় সুমধুর ।
 আঁথির আলো, প্রাণ তুমি, রূপানিধান হে,
 নিরাশ কর না, আঁধারে রেখ না, মাগি এ কাতরে ।
 কোথা যাব আর,কে আছে আমার,কে দুখ নিবারে ।
 আশার কথা কে আর কহিবে, তুমি ডেকে লও

ঘরে ॥৮৩১॥

অগ্নি মা মনোরমা, ভুবন মোহিনী,
 বুঝিতে নারি মা তোরে ও প্রেমরূপিনী ।
 সংসার বাগানে মা, নিত্য নব নব প্রসূনে,
 ফুটাও বিজনে বসি, বিজনবাসিনী ।
 শ্রীমুখ-মাধুরী মাঝে কি প্রেম প্রচার, জননী,
 নিরখি পাইল প্রাণ কত পাপী পাপিনী ।
 ক্ষুদ্র প্রচারকদল তবপ্রেম অনীকিনী ;
 পাঠালে মা ফুলদলে করিতে জয় অবনী ।
 কি আর বলিব মা গো মুখে নাহি সরে বাণী ;
 বুঝে আঁখি মনে হলে ও প্রেমকাহিনী ॥৮৩২॥

মিশ্র বেলাওল—ঝাপতাল ।

(“শুনেছে তোমার নাম অনাথ আতুর জন”—স্বর)

বালক । সকলে আনন্দভরে এ গৃহে উৎসব করে,

আমরা এসেছি আজি, ছোট

ভাই বোনে মিলে ।

বালিকা । সবে ষাঁর নাম গায়, এস

মোরা ডাকি তাঁয়,

এ কণ্ঠ বিফলে যায় তাঁর গুণ না গাহিলে ।

বালক । তিনি জগতের পতি আমরা যে শিশু অতি,

হইবে তাঁহার প্রীতি নাহি জানি

কি বলিলে ।

বালিকা । জানিছেন প্রেমময় মোরা ক্ষুদ্র অতিশয়,

সদয় হবেন শুধু ভক্তি-ভরে ডাকিলে ।

সকলে । এস সবে সমস্বরে ডাকি তাঁরে ভক্তিভরে,

সকলের বন্ধু তিনি এক দেব এ নিখিলে,

মোদের যা কিছু আছে, পেয়েছি

তাঁহারি কাছে,

কাহারে বাসিব ভাল তাঁরে না

ভাল বাসিলে ॥৮৩৩॥

ধাম্বাজ—একতালা ।

সুখে থেক আর সুখী করো সবে,
 তোমাদের প্রেম ধন্য হোক ভবে ।
 মঙ্গলের পথে থেকো নিরন্তর,
 মহত্বের পরে রাখিও নির্ভর,
 ধ্রুব-জ্যোতি তাঁরে ধ্রুব-তারা কর,
 সংশয়-তিমিরে, সংসার-অর্ণবে ।
 চির শোভাময় প্রেমের মিলন,
 মধুর করিয়া রাখুক জীবন,
 দুজনার বলে সবল দুজন,
 জীবনের কাজ সাধিও নীরবে ।
 কত দুঃখ আছে কত অশ্রুজল,
 প্রেমবলে তবু রহিও অটল,
 তাঁহারি ইচ্ছা হউক সফল,
 সম্পদে বিপদে শোকে উৎসবে ॥৮৩৪॥

আলাইয়া—আড়াঠেকা ।

সংসারেতে চারি ধার করিয়াছে অন্ধকার,
 নয়নে তোমার জ্যোতি অধিক কুটেছে তাই ।

চৌদিকে বিষাদ-ঘোরে ঘেরিয়া ফেলেছে মোরে,
 তোমার আনন্দ মুখ হৃদয়ে দেখিতে পাই ।
 ফেলিয়া শোকের ছায়া মৃত্যু ফিরে পায় পায়,
 যতনের ধন যত কেড়ে কেড়ে নিয়ে যায় ।
 তবু সে মৃত্যুর মাঝে, অমৃত মুরতি রাজে,
 মৃত্যু শোক পরিহরি ওই মুখ পানে চাই ।
 তোমার আশ্বাসবাণী শুনিতে পেয়েছি প্রভু,
 মিছে ভয় মিছে শোক আর করিব না কভু ।
 হৃদয়ের ব্যথা কব, অমৃত যাচিয়া লব,
 তোমার অভয় কোলে পেয়েছি পেয়েছি ঠাই ॥৮৩৫॥

যোশ্বীয়া—কাণ্ডয়ালী ।

নিশি দিন চাহরে তাঁর পানে ।
 বিকশিবে প্রাণ তাঁর গুণ-গানে ।
 হের রে অন্তরে সে মুখ সুন্দর,
 ভোল হুথ তাঁর প্রেম মধু-পানে ॥৮৩৬॥

মিশ্র ললিত—একতাল।

ডাকিছ শুনি জাগিনু প্রভু আসিনু তব পাশে ।
 আঁখি ফুটিল চাহি উঠিল চরণ দরশ আশে ।
 খুলিল দ্বার, তিমির-ভার দূর হইল আসে !
 হেরিল পথ বিশ্বজগত ধাইল নিজ বাসে ।
 বিমল কিরণ প্রেম-আঁখি সুন্দর পরকাশে ।
 নিখিল তায় অভয় পায় সকল জগত হাসে ।
 কানন সব ফুল আজি সৌরভ তব ভাসে ।
 মুগ্ধ হৃদয় মত্ত মধুপ প্রেম কুসুম-বাসে ।
 উজ্জ্বল যত ভকত-হৃদয় মোহ তিমিরনাশে ।
 দাঁও নাথ প্রেম, অমৃত, বঞ্চিত তব দাসে ॥৮৩৭॥

ভৈরবী—ঝাঁপতাল ।

হেরি তব বিমল মুখ-ভাতি
 দূর হল গহন দুখ-রাতি ।
 ফুটিল মন প্রাণ মম, তব চরণ-লালসে ।
 দিগু হৃদয় কমলদল পাতি ।
 তব নয়ন জ্যোতিকণ লাগি,
 তরুণ রবি কিরণ উঠে জাগি ।

নয়ন খুলি বিশ্বজন বদন তুলি চাহিল,
 তব দরশ পরশ সুখ মাগি ।
 গগনতল মগন হল শুভ্র তব হাসিতে,
 উঠিল ফুটি কত কুমুম-পাঁতি,
 হেরি তব বিমল মুখ-ভাতি ।
 ধ্বনিত বন বিহগ কল তানে,
 গীত সব ধায় তব পানে ।
 পূর্ব গগনে জগত জাগি উঠি গাহিল,
 পূর্ণ সব তব রচিত গানে ।
 প্রেমরস পান করি গান করি কাননে,
 উঠিল মনপ্রাণ মম মাতি—
 হেরি তব বিমল মুখ-ভাতি ॥৮৩৮॥

রামকেলি—ঝাঁপতাল ।

আমি দীন অতি দীন—

কেমনে শুধিব নাথ হে তব করুণা-ধন ।
 তব স্নেহ শত ধারে ডুবাইছে সংসারে,
 তাপিত হৃদিমাঝে ঝুঁকিছে নিশি দিন ।

হৃদয়ে যা আছে, দিব তব কাছে,
তোমারি এ প্রেম, দিব তোমারে ।
চিরদিন তব কাজে, রহিব জগত-মাঝে,
জীবন করেছি তোমার চরণতলে লীন ॥৮৩৯॥

পরজ রামকেলি—ঝাঁপতাল ।

মা মা বলে ডাকি গো তোমারে,
চাহ গো জননী অকৃতী তনয়ে ফিরে ।
মোহ কোলাহলে থাকি যে মা ভুলে,
সতত বিরত আপন মঙ্গলে,
মোহ নিদ্রায় অচেতন ।
দাঁও দাঁও মাগো শুভ দরশন,
সফল করি গো এ পাপ-নয়ন,
হও গো সদয় পাই মা অভয় ;
জননী গো ! একবার হেরি ওরূপ হৃদিমাঝারে ॥৮৪০॥

খট—ঝাঁপতাল ।

পেয়েছি অভয় পদ আর ভয় করে ।
আনন্দে চলেছি ভব পারাবার পারে ।

মধুর শীতল ছায়, শোক তাপ দূরে যায়,
করুণা-কিরণ তাঁর অরুণ বিকাশে ।

জীবনে মরণে আর কভু না ছাড়িব তাঁরে ॥৮৪১॥

হেম খেম—চৌতাল ।

সবে মিলি গাও রে, মিলি মঙ্গলাচরো ।
ডাকি লহ হৃদয়ে প্রিয়ভমে ।
মঙ্গল গাও আনন্দ মনে,
মঙ্গল প্রচারো বিশ্বমাঝে ॥৮৪২॥

পুরবি—চৌতাল ।

আনন্দে আনন্দময় ব্রহ্মনাম গাও রে,
ছেদিয়ে পাপ-বন্ধন তাঁর পানে ধাও রে ।
মিলে ভাই ভগ্নিগণে, প্রীতি-কুসুম-চন্দনে,
প্রেমমায়ের শ্রীচরণে প্রেমাঞ্জলি দাও রে ॥৮৪৩॥

মনোহর সাই—লোকা ।

তুমি ত অন্তরে বাহিরে, (আছ মা মা গো)
তবু দেখি না দেখি না তোমারে ।

বুকে কোরে আছই মা, পালিছ কতই আদরে,
মোহে অচেতন হয় আমার মন,
না দেখিয়ে ভাসে নয়ন-নীরে ।

প্রাণের প্রাণ প্রাণারাম হয়েই মা আছ অবিরাম,
আমার ঘুমানো মন দে'থে স্বপন শান্তি শান্তি
কোরে ছুটে যায় দূরে ।

ভঙ্গে দেও, দেও গো বিকৃত এ মোহের স্বপন,
জেগে উঠুক প্রাণ গেয়ে তবনাম, প্রকাশ দেখি,
মা অন্তরে বাহিরে ॥৮৪৪॥

মনোহর সাই

অনাথের নাথ হে দীন দয়াল প্রভু তুমি ।

(যার কেহ নাই তার তুমি আছ)

সকল মঙ্গলের মূলে তুমি, তুমি শিবং প্রেমপূর্ণং ।

(এমন কে আর আছে হে)

ওহে সকলের মূলে, তুমি আছ বলে, মধুময়
এ সংসার ।

তোমার প্রেমের তুলনা, মিলে না মিলে না,

তুমিই তুলনা তার ॥৮৪৫॥

আসাবরি—কাওয়ালি ।

(আমায়) অনেক দিয়েছ নাথ,
আমার বাসনা তবু পূরিল না,
দীন দশা ঘুচিল না, অশ্রুবারি মুছিল না,
গভীর প্রাণের তৃষা মিটিল না মিটিল না ।
দিয়েছ জীবন মন প্রাণপ্রিয় পরিজন,
সুধান্নিগ্ন সমীরণ, নীলকান্ত অম্বর,
শ্রামশোভা ধরনী ।

এত যদি দিলে সখা আরো দিতে হবে হে,
তোমারে না পেলে আমি ফিরিব না ফিরিব না ॥৮৪৬॥

গোড়সারং—চৌতাল ।

পেয়েছি সন্ধান তব অন্তর্যামী,
অন্তরে দেখেছি তোমারে ।
চকিতে চপল আলোকে হৃদয়-শতদল মাঝে,
হেরিছু একি অপরূপ রূপ ।
কোথা ফিরিতেছিলাম, পথে পথে দ্বারে দ্বারে,
মাতিয়া কলরবে ।

সহসা কোলাহল মাঝে শুনেছি, তব আস্থান,
নিভৃত হৃদয় মাঝে মধুর গভীর শান্তবাণী ॥৮৪৭॥

ভৈরবী—ঝাঁপতাল ।

তোমারে জানিনে হে তবু মন তোমাতে ধায় ।
তোমারে না জেনে বিশ্ব তবু তোমাতে বিরাম পায়
অসীম সৌন্দর্য্য তব কে করিছে অনুভব হে,
সে মাধুরী চির নব,
আমি না জেনে প্রাণ সঁপেছি তোমায় ।
তুমি জ্যোতির জ্যোতি আমি অন্ধ অঁধারে,
তুমি মুক্ত মহীয়ান্ আমি মগ্ন পাথারে,
তুমি অন্ত-হীন আমি ক্ষুদ্র দীন,
কি অপূৰ্ণ মিলন তোমায় আমায় ॥৮৪৮॥

ভৈরবী—ঝাঁপতাল ।

কেন বাণী তব নাহি শুনি নাথ হে ।
অন্ধ জনে নয়ন দিয়ে অন্ধকারে ফেলিলে,
বিরহে তব কাটে দিন রাত হে ।

স্বপন সম মিলাবে যদি কেন গো দিলে চেতনা,
চকিতে শুধু দেখা দিয়ে চির মরম বেদনা,
আপনা-পানে চাহি শুধু নয়ন জল পাত হে
পরশে তব, জীবন নব সহসা যদি জাগিল,
কেন জীবন বিকল কর মরণ-শরঘাত হে ।
অহঙ্কার চূর্ণ কর প্রেমে মন পূর্ণ কর ।
হৃদয় মন হরণ করি রাখ তব সাথ হে ॥৮৪৯॥

দেওগিরি—সুরফাঁকতাল ।

দেবাধিদেব মহাদেব ।

অসীম সম্পদ অসীম মহিমা ।

মহাসভা তব অনন্ত আকাশে,

কোটা কণ্ঠ গাহে জয় জয় জয় হে ॥৮৫০॥

ভৈরোঁ—ঝাঁপতাল ।

আমারেও কর মার্জনা ।

আমারেও দেহ নাথ অমৃতের কণা ।

গৃহ ছেড়ে পথে এসে, বসে আছি স্নান বেশে,

আমারো হৃদয়ে কর আসন রচনা ।

জানি আমি, আমি তব মলিন সন্তান,
 আমারেও দিতে হবে পদতলে স্থান ।
 আপনি ডুবেছি পাপে কাঁদিতেছি মনস্তাপে
 শুন গো আমারো এই মরম বেদনা ॥৮৫১॥

ললিত — আড়াঠেকা ।

বর্ষ গেল, বৃথা গেল, কিছুই করিনি হায়,
 আপন শূন্যতা লয়ে, জীবন বহিয়া যায় ।
 তবু ত আমার কাছে, নব রবি উদিয়াছে,
 তবু ত জীবন ঢালি বহিছে নবীন বায় ।
 বহিছে বিমল উষা তোমার আশীষবাণী,
 তোমার করুণা সুধা হৃদয়ে দিতেছে আনি ।
 রেখেছ জগত-পুরে, মোরে ত ফেলনি দূরে,
 অসীম আশ্বাসে তাই পুলকে শিহরে কায় ॥৮৫২॥

ইমন কল্যাণ — চৌতাল ।

শোন তাঁর সুধাবাণী শুভ মুহূর্ত্তে শান্ত প্রাণে,
 ছাড় ছাড় কোলাহল, ছাড় রে আপন কথা ।

আকাশে দিবানিশি উথলে সঙ্গীত ধ্বনি
ঠাঁহার, কে শুনে সে মধুর বীণারব,
অধীর বিশ্ব শূন্য পথে হলো বাহির ॥৮৫৩॥

বাহার—ধামাল ।

এত আনন্দ ধ্বনি উঠিল কোথায় !
জগত পুরবাসী সবে কোথায় ধায় !
কোন্ অমৃত ধনের পেয়েছে সন্ধান !
কোন সুধা করে পান !
কোন্ আলোকে আঁধার দূরে যায় ॥৮৫৪॥

ভিলক কামোদ—চৌতাল ।

নয়ন বাহিয়ে ঝরে, ঝরণা শত,
পেয়ে তব করুণামৃত তপত এ হৃদিকমলে ।
দীন জনের প্রাণবন্ধু, তোমাতে পাইলে,
কি ধন না পাই, আনন্দ সিদ্ধ হৃদি-উথলে ॥৮৫৫॥

কানেড়া—কাওয়ালি ।

ঘোরা রজনী এ, মোহ ঘন ঘটা,
কোথা গৃহ হয়, পথে বসে ।
সারাদিন করি খেলা, খেলা যে ফুরাইল,
গৃহ চাহিয়া প্রাণ কাঁদে ॥৮৫৬॥

কানেড়া—একতালা ।

কি গাব আমি কি শুনাব আজি আনন্দ-ধামে ।
পুরবাসী জনে এনেছি ডেকে, তোমার অমৃত-নামে ।
কেমনে বর্ণিব তোমার রচনা,
কেমনে রটিব তোমার করুণা,
কেমনে গলাব হৃদয় প্রাণ
তোমার মধুর প্রেমে ।
তব নাম লয়ে চন্দ্র তারা অসীম শূণ্ঠে ধাইছে ।
রবি হতে গ্রহে ঝরিছে প্রেম গ্রহ হতে গ্রহে ছাইছে ।
অসীম আকাশ নীল শতদল,
তোমার কিরণে সদা চল চল,
তোমার অমৃত সাগর মাঝারে
ভাসিছে অবিরামে ॥৮৫৭॥

হাধীর—সুরফাঁকতাল ।

ঘোর গহন ভব-সঙ্কটে আর কে জীবন সম্বল ।
থাক হে বন্ধু তুমি সঙ্গে অবিচল ভূধর আশ্রয় ।
ভীষণ সিন্ধু তরঙ্গ নাদ নামে তব নীরব;
শরণ যাচি হে করুণাসিন্ধু আনন্দ-সাগর !

প্রাণেশ্বর প্রাণ বিতরো,
হৃদিমাঝে আসি বন্ধন ঘুচাও ।
আছি নাথ দিবানিশি ঐ চরণতলে,
প্রসাদে বঞ্চিত করো না ॥৮৫৮॥

কেদারা—সুরফাঁকতাল ।

স্বরূপ তাঁর কে জানে, তিনি অনন্ত মঙ্গল,
অযুত জগত মগন সেই মহা সমুদ্রে ।
তিনি নিজ অনুপম মহিমা-মাঝে নিলীন,
সন্ধান তাঁর কে করে, নিষ্ফল বেদ বেদান্ত ।
পরব্রহ্ম পরিপূর্ণ অতি মহান্,
তিনি আদি কারণ, তিনি বর্ণন অতীত ॥৮৫৯॥

হাস্মীর—চৌতাল ।

আনন্দ রয়েছে জাগি ভুবনে তোমার,

তুমি সদা নিকটে আছ বলে ।

স্তব্ধ অবাক নীলাশ্বরে রবি শশী তারা ।

গাঁথিছে হে শুভ্র কিরণ-মালা ।

বিশ্ব-পরিবার তোমার ফেরে স্মৃথে আকাশে,

তোমার ক্রোড় প্রসারিত ব্যোমে ব্যোমে,

আমি দীন সন্তান আছি সেই তব আশ্রয়ে,

তব স্নেহ-মুখ পানে চাহি চিরদিন ॥৮৬০॥

মনোহর সাই—লোফা ।

এত দয়া কে করে, দয়াময়ী মা বিনে ।

আমি না চাহিতে আপন হ'তে,

আমার সাধনের সাধ পূরান্ তিনি ।

ভুলে থাকি মাকে ঘুমের ঘোরে,

তিনি জাগান এসে আমায় বারেবারে ।

(এমন কে আর আছে রে)

একতালা । ওরে কি আছে মায়ের দয়ার তুলনা,
 তুলনা মিলেনা ভবে ;
 আমি ছেড়ে যেতে চাই ছাড়াই আমায়,
 কি যেন সন্ধানে টানে । (আমার প্রাণে প্রাণে)
 লোফা । যখন শোকে তাপে, প্রাণ ভেঙ্গে পড়ে,
 তাঁর কৃপা এসে আমায় কোলে করে ;
 (এমন কে আর আছে রে) ॥৮৬১॥

পূরবী—চৌতাল ।

তোমা লাগি নাথ জাগি জাগি হে
 সুখ নাই জীবনে তোমা বিনা ।
 সকলে চলে যায় ফেলে চির-শরণ হে,
 তুমি কাছে থাক সুখে দুখে নাথ,
 পাপে তাপে আর কেহ নাহি ॥৮৬২॥

মিশ্র ঝিঁ ঝিঁট—কাওয়ালী ।

চাহিনা সুখে থাকিতে হে ।
 হের কত দীন জন কাঁদিছে ।

কত শোকের ক্রন্দন গগনে উঠিছে ;

জীবন-বন্ধন নিমেষে টুটিছে ;

কত ধূলিশায়ী জন মলিন জীবন

সরমে চাহে ঢাকিতে হে ।

শোকে হাহাকারে বধির শ্রবণ

শুনিতে না পাই তোমার বচন,

হৃদয়-বেদন করিতে মোচন

কারে ডাকি, কারে ডাকিতে হে ।

আশার অমৃত ঢালি দাও প্রাণে,

আশীর্বাদ কর আতুর সন্তানে,

পথহারা জনে ডাকি গৃহ পানে ;

চরণে হবে রাখিতে হে ।

প্রেম দাও শোকে করিতে সাধনা,

ব্যথিত জনের ঘুচাতে যন্ত্রণা,

তোমার কিরণ কর হে প্রেরণ,

অশ্রু আকুল আঁখিতে হে ॥৮৬৩॥

সাহানা—কাওয়ালি ।

আজ বুঝি আইল প্রিয়তম,
চরণে সকলে আকুল ধাইল ।
কত দিন পরে মন মাতিল গানে,
পূর্ণ আনন্দ জাগিল প্রাণে,
ভাই বলে ডাকি সবারে,
ভুবন সুমধুর প্রেমে ছাইল ॥৮৬৪॥

টোড়ি—কাওয়ালি ।

নব আনন্দে জাগো আজি ;
নব রবি কিরণে, শুভ্র সুন্দর,
স্রীতি-উজ্জ্বল নিশ্চল জীবনে ।
উৎসারিত নব-জীবন নির্ঝর,
উচ্ছ্বাসিত আশাগীতি ।
অমৃত পুষ্প গন্ধ বহে আজি,
এই শাস্তি পবনে ॥৮৬৫॥

আলাইয়া—কাওয়ালি ।

ঐ পোহাইল তিমির রাতি, পূর্ব গগনে দেখা দিল,
নব প্রভাত ছটা, জীবনে, যৌবনে, হৃদয়ে বাহিরে,
প্রকাশিল অতি অপরূপ মধুর ভাতি ।
কে পাঠালে এ শুভ দিন নিদ্রামাঝে, মহামহোল্লাসে
জাগাইলে চরাচর,
সুমঙ্গল আশীর্বাদ বরষিলে করি প্রচার সুখবারতা,
তুমি চির সাথের সাথী ॥৮৬৬॥

ভৈরবী—কাওয়ালী ।

মজ রে মন আমার বিভু পদে ।
কে মিটাবে এ পিয়াসা না ডুবলে সেই সুখা-হৃদে ।
জলে মিটে জল-পিয়াসা, ধনে পূরে ধনের আশা,
(ওরে) অনন্ত প্রাণের তৃষা, মিটে কিরে এ সম্পদে ।
পথ চিনে মন পথ ধর, অসার অনিত্যে ছাড়,
মরুভূমে জলের আশে, যেওনা প'ড়বে বিপদে ॥৮৬৭॥

উষা কীর্তন—কাওয়ালি ।

জাগ রে জাগ রে ও ভাই আর ঘুমে থেক না ।

বিষয়-ঘুমের ঘোরে হারালে কি চেতনা ।

অমৃতের পুত্র হয়ে অমিয় ফেলিয়ে,

বিষয়-গরল পানে আপনা ভুলিয়ে,

(কেন র'লে ওভাই র'লে রে) (বিষয় ঘুমের ঘোরে)

আপনা ভুলিয়ে র'লে নাহি রে সে চেতনা ।

(ভাই রে) পোহাল হুঃখ রজনী, সমুদিত দিনমণি,

ব্রহ্ম-নাম-ধ্বনি আজি উঠিছে গগনে রে ;

হাতে ল'য়ে নাম-সুধা দাঁড়ায়ে ছুয়ারে,

জগতের পিতা ঐ ডাকিছেন সবারে ।

(একবার জাগ ভাই জাগ রে) (জেগে ব্রহ্ম-
নাম-ধ্বনি-শোন)

সুধা-মাথা ব্রহ্ম নাম জেগে কেন বল না ॥৮৬৮॥

ইমন ভূপালী—কাওয়ালী ।

অনন্ত অপার তোমায় কে জানে,

তুমি দেখা না দিলে প্রাণে, ধ্যানে, জ্ঞানে ।

বাক্য মনাতীত তুমি অনাদি,
 সম্ভব-প্রলয়-পালন-বিধি,
 প্রাণরূপী ব্রহ্ম আছ প্রাণে ।
 অজর অমর চিন্ময় সুন্দর,
 নিত্য-নিরঞ্জন পাবন হে ;
 অরূপ অব্যয় এক অদ্বিতীয়,
 দিব্য জ্যোতি-ধর অমৃত আকর,
 তোমার তুলনা প্রভু তুমি হে ॥৮৬৯॥

জয়জয়ন্তী মিশ্র—ঝাপতাল ।

প্রেম-সুখা চলে দেও প্রাণে (প্রেমময়)
 সঞ্জীবিত মৃত-প্রাণ যেই সুখা পানে ।
 তাপিত তৃষিত-প্রাণ, নিরাশায় ত্রিয়মাণ,
 তুমি মৃত-সঞ্জীবন বাঁচাও সুখা দানে ।
 গভীর পাপ-বিকারে, নিরাশার আঁধারে,
 কত জীবনের ভাতি হ'তে ছিল নির্বাণ,
 তুমি সে প্রাণ পরশিয়ে, প্রীতি-ফুল ফুটাইয়ে,
 কুসুম-কানন-শোভা রচিলে শ্মশানে ॥৮৭০॥

কীভন ।

(কি নিবেদিব আমি—স্বর ।)

দেও খুলে জ্ঞান অঁথি ।

একবার অনিমেষে তোমায় দেখি ।

(বড় সাধ মনে) (ওহে জ্ঞানময়)

অজ্ঞান অঁধারে, পাপনিকরে,

বিপথে নিয়ে যায় ডাকি,

পথ পাই না দেখিতে, তাই তাদের হাতে,

চলিতেছি থাকি থাকি ।

(অন্ধের দশা দেখ) (আমার দশা দেখ)

দিলে অশন বসন, প্রিয় পরিজন,

কিছু না রাখিলে বাকী,

আমার রোগে কি বিপদে, ঘোর বিষাদে,

মার্ত্তেঃ বল প্রাণে থাকি ।

(এত দয়া তোমার) (ওহে দয়াল প্রভু)

(আবার) কাছে কাছে থাকি, আয় বলে ডাকি,

দেখা না দিয়ে কেন দেও ফাঁকি,

প্রভু এষে ব্যবহার, বুঝি না তোমার,

অন্ধজনে সাজে একি !

বল আর কত দিন, ক'রে দৃষ্টিহীন,
 ঘুরাবে অঁধারে রাখি,
 প্রভু আজ এ অন্ধের, কর চক্ষু দান,
 কাতরে তোমায় ডাকি ॥৮৭১॥

ঝিঁঝিট—কাওয়ালি ।

(দয়াল) নামের তরী তোদের লেগেছে তীরে,
 সকাতরে ডাকলে পরে নিবে রে পারে ।
 যায়গার কমি নাই নায়েতে,
 জেতের বিচার নাই বসিতে,
 চলে নাও দ্রুত গতিতে এক হালের জোরে ।
 যদি নেয়ে মনে করে ব্রহ্মাণ্ড নায়ে নিতে পারে,
 প্রেমিক ভিন্ন নিবে না রে; যেতে হয় ফিরে ॥৮৭২॥

কীর্তন ।

(এ নাম) বল বদনভরে রে, বল দয়াল ব্রহ্ম নাম,
 এ নাম বলতে ভাল শুনতে ভাল ।
 এ নাম যত বল মিষ্ট লাগে ।

এ নাম তোমরা বল আমরা শুনি ।

এ নাম পাপী সাধু সবে বল ।

এ নাম কোথায় ছিল কে আনিল

(বুঝি) স্বর্গেতে গোপনে ছিল ।

এ নাম জীব তরাতে এসেছে রে ।

পাপীর দুঃখ দেখে এসেছে রে ।

নামে তাপিত প্রাণ শীতল হয়,

নামে শুষ্ক হৃদয় সরস হয় ।

নামে মহা পাপী তরে যায় ॥৮৭৩॥

মূলতান—একতারা ।

আর চলে না, চলে না, চলে না জননী, তোমা
বিনা দিন চলে না ।

তোমা বিনা যত আপনার জন কেহ হিত
কথা বলে না ।

এ জীবন তরু শুষ্ক হয় মাগো, তোমা বিনা ফল
ফলে না, আমার পাষণ সমান কঠিন হৃদয় তব
স্পর্শ বিনা গলে না ।

তব কৃপা বিনে হৃদয় অরণ্যে প্রেমের আগুন
জ্বলে না, (আমার) অসুর সমান রিপু বলবান,
আমার কথা সে যে শোনে না ।

তুমি না হলে প্রসন্ন এক মুষ্টি অন্ন, এ সংসার মাঝে
মিলে না, আমার জীবন সম্বল, তব কৃপা-বল বিনা
গতি মুক্তি হবে না ॥৮৭৪॥

সাহানা—একতানা ।

পূরিবে কামনা, ঘুচিবে ভাবনা,
ব্রহ্মনাম কীর্তনে,
সবে মিলে বল, জয় ব্রহ্ম জয়,
হরষে সঘনে বদনে ।

অতীতে ভাবিয়ে, রহিলে পড়িয়ে,
শক্তি কি জাগিবে প্রাণে,
সমুখে চাহিয়ে, ব্রহ্ম নাম নিয়ে,
ছুটে চল তাঁরি পানে ।

নামেতে তাঁহাতে, অভেদ সম্বন্ধ,
পাপী জনেই তা ত জানে ।

নাম গুণ গানে, শ্রবণে মননে,
কত সুখা চালে প্রাণে ।

(নামে) ফুটিবে সত্যের বিমল আলো,
আঁধার পাপ জীবনে ।

কি ভয় কি ভয়, গেয়ে ব্রহ্মজয়,
জীবন পাইব মরণে ॥৮৭৫॥

—
পুরবী—একতাল ।

আনন্দে আনন্দময়ে ভজ মন নিশিদিন ।
বিষয়-বিবাদ-বিষে পুড়ে হল রে মলিন ।
অসারের ধ্যানে জ্ঞানে, চিনিলে না সার ধনে ।
কারে দিতে কারে দিলে, দুর্লভ জীবন ধন ।
আনন্দ আনয়ে থাকি, আনন্দময়ে না দেখি ।
সুখা ফেলে বিষপানে, হলে কেন অচেতন ॥৮৭৬॥

—
জয় জয়ন্তী—একতাল ।

এসেছে ব্রহ্ম নামের তরণী কে যাবি রে তোরা
আয় রে আয় ।
জীবন আঁধারে দাঁড়ায়ে কেন রে, বৃথা কাজে অই
বেলা যে যায় ।

ভুবন ভরিল মধুর রবে, আনন্দ লহরী ছুটেছে ভবে ।
ব্রহ্ম-কৃপা আজি ডাকিছে সবে পাপী তাপী তোরা

আয় রে আয়,

ধনী কি নির্ধন, জ্ঞানী কি অজ্ঞান, নাহি দেখে

কার জাতি কুল মান ।

সেই যেতে পারে ভব নদী পারে, ব্যাকুলহৃদয়ে

যে যেতে চায় ॥৮৭৭॥

সংকীৰ্ত্তন—একতাল।

ব্রহ্মনাম সুধারসে ডুব দিয়ে মন থাক্ রে ।

তোর দুখেতে সুখ উপজিবে যুচিবে বিপাক্ রে ।

(নামে) শুষ্ক তরু মুঞ্জরিবে, মরা ভ্রমর গুঞ্জরিবে,

প্রেমের খেলা দেখে শুনে হইবি অবাক্ রে ।

(নামে) প্রেম উথলে যখন মনে, বুড় নাচে

ছেলের সনে,

(তখন) সমান ভাবে গুণে আনে এক পয়সা

আর লাখ্ রে ।

ব্রহ্মনাম-রসে মজিলে মন যুচে যাবে সকল বেদন,

(ও ভাই) যেই রসে হয় সকল সরস, এমন মধুব
চাক রে ।

হৃদে পরশ নইলে হাজার কইলে, ত্যক্ত হবে ব'লে ব'লে,
এই রসে না রসিক হ'লে, মানব-জনম ফাঁক রে ॥৮৭৮॥

ব্রহ্মনাম বল রে বল । ধূয়া

(এ নাম বল রে, মধুর ব্রহ্মনাম বল রে)

রসনা থাক্তে বশে বল রে বল ।

এমন মধুর নাম আর পাবে না রে ।

এ নাম পাপীর ভাগ্যে এসেছে রে ।

নামে আমরা সবাই যাব তরে ।

(এ নাম বল রে, দিন যায় যায় রে)

দিন থাকিতে বদনভরে বল রে বল ।

ওভাই আজ কাল ব'লে দিন ফুরাল ।

যোগী ঋষির সাধনের ধন এ নাম বল রে ।

সাধু ভক্তের হৃদয়ের ধন এ নাম বল রে ।

পাপী তাপীর চির সম্বল এ নাম বল রে ।

নামে নিরাশ মনে আশা হয় ।

সবে জয় ব্রহ্ম জয় ব্রহ্ম বল ।

দেখ ব্রহ্ম কৃপার জয় হল ।

সবে ব্রহ্মকৃপাহিকেবলম্ বলরে বল ॥৮৭২॥

ললিত—আড়া ।

কেন দেব মোহ-মুগ্ধ অন্ধ ছনয়ন,

মরণে বিচ্ছেদ ভাবি কাঁদি অকারণ ।

মরণ নহে ত পর, জীবনের রূপান্তর,

সলিলের রূপান্তর জলদ যেমন ।

অবস্থার ভেদাভেদে, জন্ম মৃত্যু অবিচ্ছেদে,

মানব শিশু রে লয়ে খেলিছে নিয়ত,

আঁধার হইতে এসে, তাই সে যেতেছে ভেসে,

আলোকে লভিতে চির আনন্দ-ভবন ।

সিন্ধু-ক্রোড়ে ফুটি ধীরে, ডুবে যায় সিন্ধু-নীরে,

নিহার কণিকা যথা, তেমতি সবাই,

তোমাতে উদ্ভূত হয়, তোমাতেই পায় লয়,

মৃত্যু যে গো চিরশান্তি নূতন জীবন ॥৮৮০॥

বাউলের সুর—১৭ ।

(আজি) নিমন্ত্রিত সবে সখার প্রেম-ভবনে ।

(তাই) আনন্দ ধরে না আজি, এ মলিন মনে ।

মধু মাথা ডাকে হরি, (এনে) সবে নিমন্ত্রণ করি,
বিলাইবেন প্রেমামৃত এ পাপী জনে ।

ক্ষুধিত তৃষিত সবে, (সখার) মহাযজ্ঞ মহোৎসবে,
লভিব প্রেমার আজি যত সাধ মনে ।

সখার সনে সখার নাম, (আজি) আনন্দে করিব গান
পাইব জীবন আজি মৃত জীবনে ।

(আজি আনন্দ যে ধরে না মনে) ॥৮৮১॥

ভৈরবী—আড়াখেমুটা ।

একবার পাই যদি দেখিতে,

তাঁরে নয়নে নয়নে রাখিব, থাকিব একমনে একটিতে ।

শীতল চরণ কর্ব ধারণ, জীবন জুড়াইতে ;

পেলে গাঁথিয়ে রাখিব রতন হৃদয়ের সহিতে ।

প্রয়োজন যায়, তাই দিবে যায়, নাহি তার চাহিতে,

দিতে কখন আসে, কখন যায় গো না পারি জানিতে ।

কর চিহ্ন, চরণ চিহ্ন পাইবে নিরখিতে ;
আমার তাই দেখে প্রাণ সদাই ব্যাকুল ; না পারি
ভুলিতে ।

কাতর-প্রাণে যখন ডাকি, কাঁদিতে কাঁদিতে ;
সাড়া পাই যেন কার ও গো আমার অন্তর নিভতে ।
না দেখে যে রইতে নারি, না পারি সহিতে ;
ওগো আমাতে কি আমি আছি, মজেছি প্রীতিতে ।
দেখা দাও জীবনের জীবন, জীবন থাকিতে ?
আমার হৃদয় মাঝে বিরাজ কর দিবা যামিনীতে ॥৮৮২॥

কীর্তন ।

কি মোহে মন, ভুলিয়ে এমন সুধার আধারে রও রে,
রাখ রাখ মিনতি, ছাড় কুমতি, (নিজ হিত যদি চাও
রে তবে) শ্রীপদে শরণ লও রে ।

নাম গানে যার মোহ অঁধার নিমেষে বিনাশ হয় রে,
পাষও তু ভাই জগাই মাধাই (একদিন নামের
বিরোধী ছিল) ভব-সিন্ধু পারে যায় রে ।

(সেই) প্রেম-সদম ব্রহ্ম রতন যার তুলনা নাই! রে ।

(হায়) কেমনে পাসরি সে প্রাণের হরি, মরি মরি
কি বালাই রে । (আছ ভুলে) ॥৮৮৩॥

বিভাস—চোতাল ।

ওঠ ওঠ রে বিফলে প্রভাত বহে যায় রে ।
মেল আঁখি জাগো জাগো, থেক নারে অচেতন ।
সকলেই তাঁর কাজে ধাইল জগত-মাঝে,
জাগিল প্রভাত বায়ু, ভানু ধাইল আকাশ-পথে ।
একে একে নাম ধরে ডাকিছেন বুঝি,
প্রভু—একে একে ফুল গুলি ফুটিয়া উঠিছে বনে ।
শুন সে আহ্বান বাণী—চাহ সেই মুখ পানে—
তাঁহার আশীষ লয়ে চল রে যাই সবে তাঁর কাজে ।

॥৮৮৪॥

কীর্তন ।

নাম তোমার দয়াল প্রভু, আমি শুনেছি হে,
আমি তাই শুনে এসেছি হে নিতে পদাশ্রয় ।
একজন ভিক্ষুক ঘারে, তৃষ্ণায় মরে, দেখ দয়াময়,
এবার শান্তি-বারি দিতে হবে, ছাড়ব না তোমায় ।

আমি কত যে পাপ করিতেছি, চাকুবকি তোমায়,
ওহে অন্তর্যামী পিতা তুমি দেখুছ সমুদয় ॥৮৮৫॥

বিভাস—কাওয়ালি ঠেকা ।

ও ভাই শুন রে শ্রবণ পেতে ব্রহ্ম নাম শুন ।

কি ধন লইয়ে বল ভব পারে যাবে, ধন জন
বৈভব সকলি পড়িয়ে যবে, ব্রহ্মনামেব কেবলম্,
সদা শ্রবণ মঙ্গলম্, পথের সম্বল নাম (জীবনের
সম্বল নাম) (মরণের সম্বল নাম) অক্ষয় অমূল্য
রতন ।

সারা নিশি যিনি জেগে, বৃকে বৃকে রেখে,
নিদ্রাগত প্রাণিগণে পালিলেন পরম সুখে,
সুপ্রভাতে তিনি এসে ফিরিছেন ডেকে ডেকে ;
ডাক শুনে পাখিগণে আনন্দে গান ধরিল,
তরুণ অরুণ আসি হাসিয়া উদয় হ'ল,
(আর) থেকে না বধির হয়ে, ডাক শুনে জাগ সবে,
(এস) সবে মিলে করি আজি দয়াল নাম সঙ্কীর্্তন ।
স্বর্গেতে যে নাম দেবগণের মুখে ছিল,

পাপী তরাইতে সে নাম ধরাতে আইল,
 বাখানিতে নামের গুণ সাধ্য কার আছে বল ;
 নামের গুণে অক্ষুজনে দিব্য চক্ষু পাইল,
 নামের গুণে মহাপাপী (জগাই মাধাই)

উদ্ধার হইয়ে গেল,

(নামে) পক্ষুতে গিরি লজ্বর, মরা মানুষ
 বেঁচে যায়, অসম্ভব সম্ভব হয়, অসাধ্য হয় রে
 সাধন ।

জীবনুক্ক হয় ভক্ক ব্রহ্ম নাম-সাধনে,
 যতনের ধন এ নাম রাখ হৃদে যতনে,
 মগন হও রে সদা ব্রহ্মনাম ধয়ানে ;
 ভক্তিভরে গলায় পর দয়াল নামের কণ্ঠহার,
 নামাঞ্জন চক্ষে দিলে দেখ নামময় ত্রিসংসার ;
 ঘুচিবে হৃদয়-ভার, আনন্দ পাবে অপার,
 নামানন্দ-রসে মাতি সফল কর জীবন ॥৮৮৬॥

মূলতান—একতাল।

যখন ভেবে চিন্তে দেখি, (দেখি) আমার বলতে
 আমার তোমা বিনা আর কেউ নাই ।

যত মহামূল্য ধন, প্রাণ প্রিয়জন,
তোমাতে হারালে সব হারাই ।
তৃষিত হৃদয় কাতর হইয়ে,
দাঁড়ায় কোথায় তোমাতে ছাড়িয়ে,
আপনার ব'লে তুলে নিতে কোলে,
তোমা বিনে আর কারেও না পাই ।

(প্রভু) ইহলোক তুমি, পরলোক তুমি,
চির বাসস্থান, চির জন্মভূমি

(যত) আত্মীয় স্বজন, হারান রতন,
একাধারে প্রভু তোমাতে পাই ;
তুমি সুখ শান্তি শোকাক্তের সাধনা,
তুমি চিন্তামণি, ভবের ভাবনা,
নিরাশের আশা, তুমি ভালবাসা,
তোমাতেই মোরা প্রাণ জুড়াই ॥৮৮৭॥

বিভাস টোড়ী—৪৭ ।

মন আমার চল রে যেখানে প্রাণ-সখা রয় ।
প্রাণ-সখা বিনে আমার প্রাণ কি শীতল হয় ।

কি ছার সুখের জন্মে, অমিতেছ ভবারণো,
 নিত্য সুখ পাবে সেখানে, যাবে হুঃখ সমুদয় ।
 এ মায়া মমতা ছাড়ো, প্রেমপথে আগে বাড়ো,
 পাইবে তত্ত্ব নিগূঢ়, নিরথিবে জ্যোতির্ময় ।
 চলো রে চঞ্চল চলো, চলো আর সেই নামটী বলো,
 যে নামেতে প্রাপ্ত হলো, মহাপাতকী আশ্রয় ॥৮৮৮॥

বিভাস—৪৭ ।

প্রভু তব চরণে এই প্রার্থনা জানাই ।
 সাগরে নদীর মত আমি যেন মিশে যাই ।
 হয়ে যেন মাখামাখি, চরণে মিশায়ৈ থাকি,
 তন্ময় চৈতন্য দেখি, দেখে এ হুঃখ ঘুচাই ।
 প্রেমসিকু টেনে নাও, তরঙ্গে মিশায়ৈ দাও,
 আমার আমিত্ব ঘুচাও, তোমার হরে প্রাণ জুড়াই ।
 ॥৮৮৯॥

আশা—ঠুংরি ।

পরম পিতা তুমি, জগজন মাতা ।
 পরম-সখা পরমেশ্বর প্রভু তুমি, পরম গুরু জ্ঞান-
 দাতা ।

দীন-অকিঞ্চন-শরণ সহায় তুমি, পরম শান্তি
শুভ-দাতা ;—অনাথ-নাথ প্রভু-পতিতপাবন,পাতক-
নাশন ত্রাতা ।

ভরসা তব পরসাদ প্রমাদে, হে ভবপাতা
বিধাতা ; করুণাসাগর দেহ কৃপা-জল, দক্ষ হৃদে
হৃদ-জ্ঞাতা ॥৮৯০॥

— — —

উষাকীর্তন ।

ব্রহ্ম নাম বদনেতে বল অবিরাম ।

ব্রহ্মানন্দে মেতে সবে কর নাম গান । (জয়
ব্রহ্ম জয় বল রে) জেগে দেখ বিশ্বজন ব্রহ্মা-
নন্দে মাতিল, পশু পক্ষী তরু লতা ব্রহ্মনাম গাইল ।
নরনারী সবে তবে, কোন্ প্রাণে ঘুমে রবে (জয়
ব্রহ্ম জয় বলে জাগ) হৃদয়ভরিয়ে বল জয় প্রাণা-
রাম । (জয় প্রাণারাম) (বল জয় জয় প্রাণারাম)

সারানিশি ষাঁর কোলে নিরাপদে ছিলে,

ষাঁহার কৃপায় পুনঃ নয়ন মেলিলে,

আগে তাঁরে প্রণমিয়ে, ভক্তি পুষ্পাঞ্জলি দিবে,

আনন্দে জাগিয়ে বল জয় প্রাণারাম ।

(জয় প্রাণারাম) (বল জয় জয় প্রাণারাম) ॥৮৯১॥

কীর্তন ।

(আজি প্রাণভরে গান কর—স্বর)

প্রেমভরে নামসাধন কর, জীবে কর প্রেম
দান রে । জীবনের এই মহাব্রত করহ সমাধান
রে । (এ ছাড়া আর কাজ কি আছে) প্রভুর
নামমালা ও ভাই গলে পর (নাম) সাধন কর,
ভজন কর হৃদে কর নাম ধ্যান রে । (মুক্তিধামে
যাবি যদি) (দিবানিশি)

হুঃখী পাপীজনে, ডেকে ঘরে আন (মোরা
এক মায়ের সব পুত্র কন্যা) সবাই মিলিয়ে, এক
প্রাণ হ'য়ে, কর হরি নাম গান রে ।

অপরাধী জনে, ও ভাই কমা কর, (দয়াল
প্রভুর অনুকরণ কর) যে তোমারে মারে তারে
বুকে ধ'রে প্রেমে কর আলিঙ্গন রে । (আপন
ভাইয়ের মত)

সারধর্ম্য এই, জে'নে সাধন কর, জীবে প্রেম
নামসাধন) তবে প্রভুর ইচ্ছা পূর্ণ হবে, সফল
হইবে কাম রে । (পাপ তাপ দূরে যাবে) ॥৮৯২॥

কীর্তন ।

(দয়াল বলনা ওরে রসনা—সুর ।

দিন বয়ে গেল, দয়াল বল ।

আর হেলায় জীবন হারা'ওনা (মহামোহে ভুলে)

জীবন আজ আছে রে, কাল রবে না ।

তঁারে এই বেলা কেন ডাক না ? (প্রাণ মন খুলে,

দয়াল পিতা বলে) ।

যিছে বন্ধ হয়ে মোহ-জালে ।

ভুলে থেক না সেই দীন-দয়ালে (বিষয় রসে মজে) ।

তোমার আপনার কেউ নাইকো হেথা ।

তিনিই চিরদিন পিতা মাতা (ইহ পরকালে) ।

তিনি প্রাণের প্রাণ হৃদয়-ধন ।

তঁারে হৃদে রাখ ক'রে যতন (কতু ছেড় নাক) ।

॥৮৯৩॥

গাড়া ভৈরবী—১৭ ।

তুমি যদি কাছে থাক মা, তবে কি ছুঁখেঁরে ডরি,
(তোমার) প্রেম-মুখ পানে চেয়ে, সকল ছুঁখ
সইতে পারি ।

দরিদ্রতা রোগে শোকে, ঘেরে যদি চারিদিকে ।
তোমার অভয় চরণ প্রাণে রেখে, সকল জ্বালা
শীতল করি ।

তোমার সন্মুখে থাকিলে, সকল অভাব যায় মা চলে ।
(আমি) আপন চিন্তা যাই মা ভুলে, তোমার
প্রেমে ডুবে মরি ।

তুমি রাখিবে যে ভাবে, তাতেই জীবন ভাল যাবে,
তোমার ইচ্ছায় মঙ্গল হবে, তাতে কি সন্দেহ করি ।

॥৮২৪॥

বিঁঝিট—একতারা ।

বাসনা করেছি মনে, প্রেম-মুখ নিরখিব,
দয়াময়, হও উদয়, আজি পাপীর হৃদয়-মাঝে
আমার তাপিত-হৃদয় জুড়াইব ।
সংসার মরতে যুরে, এসেছি আজ তোমার দ্বারে,

ডুবিয়ে প্রেম-সাগরে, শ্রান্ত প্রাণ শীতল করিব ।
কল্পনা-সুখ-সেবনে, চিত নাহি তৃপ্তি মানে,
(তাই) চিদানন্দ রূপ ধ্যানে মোহ আঁধার

ঘুচাইব ॥৮৯৫॥

মনোহর সাই—বাঁপড়াল ।

তব শুভ সম্মিলনে প্রাণ জুড়াব হৃদয়-স্বামী ;
কবে বসিব একান্তে প্রাণকান্ত তোমার নিয়ে আমি ।
মধুর নাম গানে ভক্ত-জনগণ সনে,

(নব জীবন পাইব হে)

নিত্য পদ পেয়ে প্রভু কৃতার্থ হইব আমি ।

হৃদয়ে ধরি শ্রীপদ বিপদ ঘুচাব হে,

(প্রাণ শীতল হবে হে, তোমায় হৃদয়ে ধরে)

(আমার) পাপ পরিতাপ যাবে জুড়াবে তাপিত প্রাণী ।

(তোমার) অখিল-লীলারসে ডুবাব মানসে হে,

(নীচ বাসনা রবেনা)

আমি সকল ভুলিব, কেবল হৃদয়ে জাগিবে তুমি ॥৮৯৬॥

কীর্তন ।

কবে আমার হবে সে দিন, দীনের এদিন রবেনা,
পাপ-প্রলোভনে চিত বিচলিত হবে না ।

কবে শুদ্ধ হবে প্রাণ মন, (তোমার জীবন্ত পরশ
পেয়ে)

বিষময় প্রলোভন পাপের কথা আর কবেনা ।

হয়ে তব প্রেমে নিমগন পাইব নবজীবন,

(গত) পাপের স্মৃতি আর রবেনা ॥৮৯৭॥

বাউলের—সুর ।

ব্রহ্ম নামটি ধ'রে থাক পড়ে, দেখুবিরে মন যাবি তরে ।

তোমার ঘরের মাঝে গুরু আছে, জেনেও কি মন

জান্‌লি না রে ;

মিছে ক্রমে ভুলে মর্ছিস্ ঘুরে, এ ভ্রান্তি কি

যাবে না রে ।

ব্রহ্ম পাবে বলে শাস্ত্র খলে কি দেখিছ ~~কোন ভিতর~~

ব্রহ্মনাম সাধন কোরে এ সংসারে কত পাপী গেল

তরে,

তাই ধৈর্য ধরে সাধন করে চলে যাওরে ভবের পারে ।

॥৮৯৮॥

ইমন কল্যাণ মিশ্র—একতাল।

সরল প্রাণে সবল তানে, সরল সঙ্গীতে গাও তাঁরে ।

গাও গাও গাও তাঁরে, প্রাণ খুলে গাও তাঁরে ।

নামরস-পানে নাম-গুণ গাও

ভুলে যাও যাও আপনাবে ।

গাও গাও গাও তাঁরে । প্রাণ খুলে গাও তাঁরে ।

সরল শোভন সুন্দর দেবে ভজ রে অর্জি তুজ রে,

পবিত্র তাঁর মধুর পরশে সফল কর জীবন রে

মোহ টুটিবে, অঁধার ঘুচিবে,

দিব্য-জ্যোতি খেলিবে প্রাণে রে ।

গাও গাও গাও তাঁরে ।

প্রাণ খুলে গাও তাঁরে ॥৮৯৯॥